







14

C

22





D. BASILII

MAGNI,

Archiepiscopi Cæsareæ Cappadociæ,

DE MORIBVS

Orationes XXXIII,

*A¹ Simone Magistro ac sacri palatii Quæstore ex
eius scriptis olim in unum congestæ:*


Nunc primùm in lucem editæ.

Stanislao Ilouio interprete.

In quibus præter eruditionem planè admirandam,
ratio normaquæ optima, qua mores Chri-
stianè componendi sint, continetur.

Cū Pri

uilegio.



Venetiis apud Io. Andream Valuasorem.

M D LXIIII.

D. BASILE

M. A. C. M.

Archiducal Court Library

DE GRADU

(with notes)

1. The first part of the book

is devoted to the history of

the Archiducal Court Library

2. The second part of the book

contains a list of the books


which are now in the library

of the Archiducal Court Library



1777

1777



Archiducal Court Library


M. A. C. M.

ILLVSTRISSIMO,

AC REVER. PRINCIPI

D. D. IACOBO VCHANSKI,

*Archiepiscopo Gnesnensi, Legato nato,
ac regni Poloniae Primati,*



Stanislaus Ilouius S. P. D.



I homines idem
tidem mente
agitarent, Pō
tifex religios
sissime, cu
ius nā rei gra
tia in hanc lucem sint editi, non
fanè tam præcipites in uitia rue
rent; nec se adeò rebus nihili
traderent; sed totos se in Dei

a ij Optimi

Optimi Maximi cultu ac ueneratione collocarent. Homo enim creatus est, non Solis aut cœli intuendi causa, ut Anaxagoras ille uoluit, uerùm ut ipsum rerum omnium opificem contēplaretur. Deum autem contēplari, nihil aliud est, quàm uenerari ac colere communem parentem generis humani. Hoc cùm antiquissimos illos philosophos præteriret, in aduersas sententias de summo bono abiēre. nam nonnulli eorum, illud in uoluptate ponebant, nonnulli in uirtute; alij in scientia, alij aliis in rebus. nec sanē mirum: quas enim tenebras ignorātia de Deo hominibus non obduceret? At
nos,

nos ; quibus se Deus omnium
rerum præpotens , totum planè
patefecit ; censemus summum
hominis bonum in cognitione
Dei , & ipsius religione uerà es-
se positum ; quandoquidem cæ-
tera , in quibus philosophi illud
collocabant , non sint solius ho-
minis propria , uerùm etiam in
cæteris animantibus reperiantur.
Summum autem bonum , & so-
lius hominis proprium esse , &
non in ullum aliud animal cade-
re debet . religionem uerò ta-
lem esse , quis est , qui inficias ire
possit ? ex tot enim generibus ,
nullum est animal præter homi-
nem , quod notitiam aliquam Dei
habeat ; ipsisque in hominibus ,

nulla gens est tã immanis, aut fers
ra, quæ non, etiam si ignoret, qua
lem Deum haberi deceat, tamen
habendum sciat. Nec tamen o
mnino religio ipsa summa illa foe
licitas hominis existimanda est,
sed ipsius ueluti effectrix quæ
dam cẽsenda. etenim eius opera,
& beneficio immortalitate ac
uita sempiterna cumulamur; qua
homini à Deo Opt. Max. nihil
præstantius, nihil iucundius, ni
hil denique augustius est datum.
nam cum eam assequuti fueri
mus, tum perpetuò illo gaudio
perfundemur; nullus nos am
plius dolor afficiet, non mor
bus exedet, non curæ & solis
citudines animum nostrum affli
gent.

gent. Proinde par est, nos omnes nostras cogitationes in id unum conferre, qua tandem ratione, uitam illam beatam consequi possimus. consequemur autem eam, si cupiditatibus humanis bellum indixerimus, totosque nos Deo dediderimus. Dare se uerò Deo, nihil aliud est, quàm mandata eius, quoad fieri potest, exhaurire, quæ ex folis literis sacris, in quibus pater cœlestis ea expressit, petenda sunt. quarum literarum meditatio & sedula euolutio sanctior & antiquior est habenda, quàm reliquæ totius philosophiæ infinita monumenta. si quidem ex his folis, ut alias inau-

merabiles utilitates præteream,
uoluntatem Dei cognoscimus,
& ad bene beatéque uiuendum
instruimur. Hæc cùm ita se ha-
bere scirem, nolui omne tempus
in legalis philosophiæ studio, ad
quod animum primùm applicui
meum, consumere; sed eius præ-
cipuam partem sacris literis mi-
hi tribuendam esse existimaui.
Indignum enim esse iudicabam,
iis studiis, ex quibus fluxa &
caduca ista bona percipiuntur,
tantum temporis & uigiliarum
impendere, religionis uerò stu-
dium, quo incomparabile illud
bonum, uita nimirum æterna cõ-
paratur, negligere. Sacros itaq;
que libros peruoluens, incidi in
has

has commentationes Basilij illius Magni ; quas , cū ex usu fore , his maximè turbulentissimis temporibus iudicarem , in apertum protuli . ex iis enim disci potest , quo cultu Deus sit ornandus , quomodo supplicandum , qua ratione corpus inedia macerandum , quid sequendum , quid'ue declinandum sit . Ex quibus orationibus , eam partem , quæ Deum respicit , tuo clarissimo nomini consecrandam duxi , utpote qui religione , & in Deum pietate plurimū ualeas . audio enim tuam sanctitatem & pietatem , non modò nostra in regione , sed ferè tota in Europa , ueluti lumen quoddam

a y eluce-

elucere. Multas sanè peragra-
ui regiones, multas lustraui ur-
bes, plurimos cognoui homines;
sed Pontificem sanctiorem, re-
ligiosiores, probiores uidi ne-
minem. Quis unquam in tan-
to dignitatis fastigio animo fuit
demissior? quis in pauperes bé-
nignior? quis in ieiunio & ora-
tione frequentior? quis denique
uigilantior, dum elaboras, ne
qua ouium fidei tuæ concredi-
tarum pessum eat? Unus me
herculè uidêris mihi præter cæ-
teros sanctè munus Pontificis
tuèri, cuius hoc officium est,
exemplum se aliis ac ducem ad
uitæ sanctimoniam præbere, nec
ullam unquam offensionis an-
sam

fam dare . Sed quid ago ? qui
tuas singulares uirtutes oratio-
ne efferre cogito , cū eas non
modo ego , qui in dicendo sum
nullus ; sed ne disertissimus qui-
dem quisquam , aut dicendo pro
dignitate extollere , aut percen-
sando numerare posset . Quam-
obrem finem faciam , unum il-
lud si dixerō : ego, Pontifex, am-
plissima tua ista pietate , & uir-
tutum splendore ita ad te colen-
dum sum inflammatus , ut ne-
mini , neque in obseruantia , ne-
que in tuarum præstantium uir-
tutum laude , & celebratione ,
primas unquam sim concessurus.
Deus Opt . Max , omnia uota
ampli-

Amplitudinis tuae secundet.

III. Nonas Septemb.

M D LXIII. Patauio.



ORATIONVM,
QVAE HIS QVATVOR
Tomis continentur,
CATALOGVS.

TOMO PRIMO.



E Amore erga Des
um, & proximum.

Oratio I.

De Precatione. Oraz

tio

II.

De Peccato. Oratio III.

De Poenitentia. Oratio IIII.

De Ieiunio . Oratio V.

De Institutione , & Admonitione . Oratio VI.

TOMO SECVNDO.

De Virtute , & Vitio . Oratio I.

De Temperantia , & Incontinentia . Oratio II.

De Ira , & Inimicitijs . Oratio III.

De Inuidia , & Odio . Oratio IIII.

De Patientia , & Tolerantia . Oratio V.

De Mœrore , & Tristitia . Oratio VI.

TOMO TERTIO.

De Misericordia , ac Benignitate .

Oratio	I.
De Diuitijs, & Paupertate, Ora tio	II.
De Auaritia. Oratio	III.
De Ingluue, & Ebrietate. Ora tio	IIII.
De Modestia, & Vanagloria. Oratio	V.
De Honore, quo afficiendi sunt parentes, & Senectute, atq; Iu uentute. Oratio	VI.

TOMO QVARTO.

De Prouidentia. Oratio	I.
De Principatu, ac Potentia. Ora tio	II.
De Felicitate, ac Infortunio, tum	

I etiam de Prouidentia. Oraz
tio III.

De Anima. Oratio IIII.

De futuro Iudicio. Oratio V.


De Morte. Oratio VI.

D. BASILII MAGNI

Orationum de moribus,

TOMVS PRIMVS,

Stanislao Ilouio interprete.



De amore erga Deum, & proximum

ORATIO PRIMA.



MNI humanarum rerum
cura abiecta, summo stu-
dio, & diligentia par est
nos, cor nostrum observa-
re, ac simul etiam atque
etiam uidere, ne quando
cogitationem de Deo abiiciat, aut dum
res stultas atq; nihili agitat, memoriam
rerum omni admiratione dignarum de-
ponat; uerum ut in contemplatione Dei
opt. max. assidue uersetur, & sinceram
eius doctrinam perpetuamq; recordatio-
nem in penetralibus suis, ueluti signum
quoddam, quod deleri non potest, impressam
habens, sanctitatem eius colat obseruetq;.
hac enim ratione amore flagrabimus Dei,

A qui

D. B A S I L I I

qui nos excitabit ac inflāmabit ad mandata eius religiosè persequenda, & ab illis ipsis rursus ad constantiam atque stabilitatem quandam. unde etiam fit plerunque, ut qui nimio desiderio sequendi Christum tenentur, ad nullam deinceps uitæ huius partem reuerti queant; non parentum, non suorum ampliùs amore ducuntur: quantumuis id cum præceptis, quæ Dominus dedit; pugnare uideatur. Hic demum illud locum habet, Si quis uenit ad me, nec præ me odio habet patrem ac matrem, & alia huiusce modi, non est me dignus. Huius rei præclarum nobis sancti Apostoli exemplum reliquere, Iacobus, inquam, & Ioannes, qui uno temporis momento, relicto patre Zebedæo, ac naue, reliquisque uitæ huius commodis, adhæsere Domino: Matthæus uerò surgens ex eo, in quo uectigal exercebat, loco, & Dominum sequutus, non modò lucra, quæ ex uectigali faciebat, posthabuit, sed & pericula neglexit; pericula dico, quæ cum ipsis, tum suis à magistratu impendebant maxima, ex eo nimirum, quòd non relatis rationibus, ipsorum contempta auctoritate, munere se abdicasset. Paulus autem,

tem, uas illud electum Dei, non solum ipse mundo, uerum & mundus ipso se abdicauit. Quando enim pietatis amor animum præoccupauerit, iam omne genus belli ac periculi homo contemnit ac pro nihilo ducit; immo si omnes eum, eius rei gratia, cuius desiderio flagrat, cæciderint; infestauerintque; delectabunt tamen magis, quam plagas inferent. nec iniuriâ: si enim propter eam beneuolentiam, qua sumus in eos, qui nos beneficiis cumularunt, ipsa natura duce, non amorem solum suscipimus, sed & omnes labores libenter subimus, ut gratiam, pro his meritis, quibus affecti sumus, referre ualeamus; quid nobis non subeundum perferendumque est, ut beneficiis respondeamus Dei in nos collatis? quæ tanta sunt, ut nulla unquam oratio ea pro dignitate complecti queat; quorūq; tantus est numerus, ut numerando percenseri non possint: deniq; talia & tanta, ut etiam uel unum eorū satis esse possit ad obstringendos nos, quo omnē, quam animo concipere possimus, gratiam habeamus referamusq; ei, qui his nos ornauit, ornatque affatim adhuc subinde. At is tanta bonitate est præditus, ut ne referri

quidem ea sibi postulet, contentus est, si solummodò amore ipsum, ob ea, quæ in nos contulit, ex animo complexi fuerimus. Quæ uniuersa cùm ipse mente; & cogitatione intueri soleo, ut animum meum uobis aperiam; dico, quòd totus horreo, ac quasi in quandam animi abalienationem deuenio; timens, ne quando mentis incuria socordia'ue, aut potius occupationibus uanis nulliusq; momenti, à dilectione Dei reuocatus, probro ac dedecori sim Christo Domino ac Seruatori nostro. Dæmon enim capitalis noster hostis, solet nostram Domino exprobrare negligentiam, & super inobedientia nostra superbè gloriari, qui cùm neque finxerit nos, nec mortem pro nobis oppetierit, habet nos tamen (proh dolor) & inobedientia suæ, & negligentia, qua in præceptis Dei tenendis sumus, imitatores sedulos. hoc equidem opprobrium est contra maiestatem Domini, & hæc iactantia pœnis gehennæ longè mihi grauior esse uidetur; quòd nimirū inimicis Christi materiẽ, & ansam præbemus iactantia, & elationis, contra eū ipsum, qui pro nobis morti se obiecit, atque etiam ab inferis sese reuocauit. Quare, quan-

tum

tum quidem in nobis est, Dominum Deū amore complecti debemus, & propter ipsum similiter proximum, ac tandem etiam inimicos nostros, imitatione in hoc exprimentes bonitatem patris cœlestis, qui solem suum oriri & splendere facit super bonos simul & malos. in alias autem res extraneas uim amoris impendere, religio est. nā si charitatis bonum, dilectionis solo nomine circūscribitur, ac terminatur, ridiculū sanè est, hunc & illū ad amandū eligere, hos solos omni beneuolentia cōplecti, alios uerò innumerabiles à cōmunionē, & societate illius boni excludere. Quòd si hominum scelerratissimorum coniunctio per aliquam charitatis causam conflatur, considerandum nobis magis certè est, cum quibus, & qua de causa nos coniungamus. nec interim nos moretur commune mundi odium. si enim dilectissimus Dei filius odio habetur, quid mirum, si & nos odio digni iudicamur, ab iis præcipuè, qui uel maximè odio abundant? sed ut nullo ædificium diu stare, & sustentari potest, uincula ubi sustuleris; sic nec Ecclesia adaugeri, & ad suum fastigium perducipotērit, nisi pacis, & charitatis uin-

culo cōstrieta fuerit. Etenim nihil naturæ nostræ tam est proprium, quàm societatis ad inuicem commercium, mutuumque in communicando auxilium, & fraterni amoris studium. Magis namque unusquisque nostrum ope, & beneficio proximi opus habet, quàm manus manu altera. cum enim uideam nullum ex membris nostris per se ad actionem aliquam peragendam satis sibiipso esse, quo modo in animum inducere potero atque mihi persuadere, meipsum mihi ad omnia huius uitæ munia obeunda suffecturum? neque enim pes tutò unquam gressum fecerit; ni ab altero, simul ac se mouerit, fulciatur; nec etiam oculus probè rem aliquam intuendo cognoscet, si participem officij alterum non habuerit, uel pari studio rei uidendæ intentum. sed & auditus acutior ille esse solet, qui per utrasque aures uocem excipit: apprehensio etiam illa fortior existit, quæ ope digitorum, & ambarum manuum utitur. In summa, nullam rem, nec ex iis, quæ natura ipsa profert, neque quæ à nostra suscipiuntur uoluntate, sine conspiratione & mutuo consensu eorum, quæ generis sunt eiusdem, perfici posse uideo. Etiam

ipsa precatio, quæ comprecatoribus caret, seipsa longè debilior esse deprehenditur. Commoneat te, quæso, mutuus amor uespertilionum, qui longa ueluti quadam catena constricti inter se cohærent, ne unquam separationem, ac uitam solitariam, societate atque communione, præstantiorem esse existimes. nihil enim est, quod nos ab inuicem seiungat, nisi nosmetipsos spontè ab aliis semoueamus. unus enim est Deus, una fides, una eademque spes. Siue igitur caput uosipsum esse arbitramini, num, obsecro, potis est caput dicere pedibus, Vobis non indigeo? siue etiam in aliquo alio uos ordine constituitis, istud minùs dicere potestis his membris, quæ in eodem corpore uobiscum sunt collocata. nam & manus tua opera egent, & pedes se inuicem sustentant, & uis comprehensua oculorum in consensu consistit. Ne itaque in illam cogitationem uel potius opinionem deueniatis, ut uobis persuadeatis, dicentes, Sumus extra omnem calamitatem, extra omnem alex iactum, nullius rei indigentes, quid societate indigemus aliorum? Deus quidem conditor insulas à continenti mari distinxit, homines au-

rem, qui in insulis degunt, cum his, qui in continenti uitam trahunt, dilectione & commercio coniunxit atque confociauit. Amicus autem ab assentatore hoc uel maximè differre uidetur; quòd hic quidem ideò conuersatur, ut uoluptatem capiat; ille uerò non deest, neque conuersari desistit, etiam cum his, qui se molestia aspergunt. Quid? non intelligis quid facias proximo, cùm te ab ipso se- iungis? an non illud ipsum, quod tu ab alio pati nolles, si quando huiusmodi malum accideret? Ego uerò quotiescun- que illud Domini nostri mihi in mentem reuoco, uel etiam audio, Ex hoc cognos- cent omnes, uos meos esse discipulos, si uos mutuò inuicem dilexeritis: item & illud, quòd discipulis suis iam iam disces- surus, carnalem suam administrationem absoluens, quasi doni loco reliquit; in- quiens; Pacem meam relinquo uobis. hæc, inquam, cùm audio, dicere profe- ctò non possum, me sine mutua charitate, & sine pacis flagranti studio, seruū IESV Christi dici meritò, & iurè haberi posse. Proinde, eam nos inter nos charitatem & affectionis æqualitatem habere conue- nit; qualem homo natura ipsa duce, erga
unum

unumquodque membrum suum gerit, æqualem uniuerso corpori sanitatem operando, eò, quòd etiam dolor uniuscuiusque membri parem corpori molestiam exhibeat. at qui in congressu unum præ aliis charum habet, is seipsum reum facit, cum perfecta charitate non sit præditus. Quapropter ab omni societate, & congressu procul arceatur singularis ista affectio, perinde ac pugna quædam indecens. nam ut hæc manifestas producit inimicitias, sic illa inuidiam ac simultates generat. æqualitatis enim priuatio ubique existere solet principium, & dispositio omnis inuidiæ & simultatis, & uel maximè apud homines minorum gentium. Quemadmodum igitur Deus, summa bonitate affectus, communem, & æqualem omnibus nobis lucis usum benignè præstat, solem suum exoriri faciens super bonos pariter, & malos; ita & imitatores Dei, communem, & parem charitatis radiū in omnes, nulla habita ratione personarum, iacere debent. nam ubicunque deficit charitas, ibi omnino eius locum odium subeat necesse est. Et si Deus, uti Ioan. inquit, charitas est, ipsa inuidia dæmon sit oportet. ut igitur ille, qui cha-

ritatem habet ; Deum ipsum in se manentem habet ; ita qui inuidiam fouet, dæmonem haud dubiè in se ipso nutrit atque alit : Quapropter æquum est, ut cuncti eadem in omnes sint charitate, honorem autem unicuique pro dignitate tribuant. Et sicuti in nobisipsis uniuscuiusque membri laborantis morbus, totum corpus conficit ; sunt tamen alia membra alijs præstantiora : (neque enim unquam tanti facimus digitum, pedis, quanti alia membra, licet dolor totum corpus æquè affligat) pari etiam ratione unusquisque nostrum æqualem affectionem, & diligendi habitum erga eos omnes, qui in societate ætatem degunt, habere debet ; honos uerò maior, id, quod ipsa etiam natura docet, præstantioribus est deferendus : at in his rebus, in quibus spiritualiter copulati atque coniuncti sumus, neque corporis affinitas plus aliquid sibi, quod ad charitatem attinet, uendicabit ; neque, si quis frater alicuius secundum carnem existat, filius filiaue, maiorem tamen eis exhibebit affectionem, quam extraneis. Qui enim in his naturam duccem sequitur, is declarat, & palàm facit, nondum se naturæ omnino uale dixisse, sed

sed adhuc à carne regi, & gubernari.
Deum opt. max. gloria, & honos in om-
ne tempus consequatur. Amen.

DEPRECATIONE

ORATIO II.



Ecessarium est nos, fratres,
precationem nostram non
syllabis explere, sed ma-
gis animi proposito, & a-
ctionibus, quæ uirtute o-
mni tempore uitæ nostræ
condiantur. neq; enim existimamus Deū
admonitione, quæ fit per uerba, egere; ue-
rū nosse, etiam nobis non petentibus,
ea, quæ nobis conferant. nam diuinæ au-
res non opus habent uoce, ut ea, quæ di-
cuntur, percipiant. cognoscit enim Deus,
sola cordis nostri motione, ea, quæ pe-
timus. An non audis Mosem, nullum uer-
bum faciendo, sed suspiriis suis tacitis
Dominum interpellando, illud à Domi-
no accepisse, Quid clamas ad me? Qui
uerò perperam uiuendo, putant se pro-
ductione orationis seruandos esse, hæc
uerba audiant, Quando manus uestras
exten-

extendetis ad me, auertam oculos meos
 à uobis: & si amplificaueritis precationem,
 non exaudiam uos. Non enim simplicia
 uerba orationis profunt, sed illud demum,
 quod ex seria animi affectione proficiscitur:
 quandoquidem & ille Pharisæus, his sibi,
 non autem Deo supplicabat. rediit enim
 precatio ad illum ipsum; siquidem in peccato
 superbiæ facta fuit. Ob id etiam Seruator inquit,
 Supplicantes ne garrite ut extranei, qui se
 putant loquacitate sua exaudiendos: at
 id, quod ex loquacitate proficiscitur, culpa
 non uacat. Hæc causa est, cur Deus
 oculos auertere soleat; quando manus
 extendimus, nimirum quòd indicia supplicationis,
 occasionem iræ præbeant. quemadmodum enim
 si quis interfecto filio alicuius, quem ille in oculis ferebat,
 adhuc cruore conspersas manus habens,
 extendat ipsas patri etiã tum stomachanti;
 petens in amicitiam ut se recipiat; nonne sanguis filij, qui in manu eius
 apparet, qui filio necem attulit, ad iram
 magis incitabit eum, cui iniuria data est?
 Eiusmodi etiam sunt Iudæorum preces,
 quando ad Deum manus tendunt, in
 memoriam reducentes Deo patri, peccatum

catum illud, quod commiserunt in unicum eius filium, atque unaquaque extensione, manus suas, sanguine Christi plenas ostendentes: nam qui in obstinatione persistunt, hi etiam paternæ cædis participes esse solent. Sanguis enim ipsius, inquit, in nos, & in filios nostros redundet. Proinde omni tempore fac memoris Dei, ò homo, & ipsum etiam atque etiam extimesce, omnesque in societatem orationis recipito. magni etenim ponderis eorum auxilium est, qui possunt precibus flectere Deum; & supplicationes mutuæ, cum in hac uita salutare sunt, tum cum ex hac uita decedemus, copiosum nobis uiaticum ad uitam futuram suppeditabunt. Quemadmodum uero sollicitudo est res bona; sic rursus tristi animo & abiecto esse, omnemque spem salutis abiicere, eorum est, qui animam iniuriis onerant. Quamobrem omnem spem tuam in Dei bonitate ponito, eiusque rei fructum expecta, illud persuasum habens, illum, si modò uerè ac ritè ad ipsum conuersi fuerimus, non solum nos in perpetuum omnibus malis liberaturum, sed adhuc orantibus nobis dicturum, Ecce præstò sum. Quis enim unquam
eorum,

eorum, qui credunt, Deum omni in lo-
 co esse, & iis rebus, quæ fiunt, interesse,
 ac adesse unicuique actioni, uoluntatesq;
 cordium perspicere, aut cogitationem
 prauam suscipiet, aut scelera patrabit?
 uerum tum demum homines ad scelera
 edenda descendunt, cum aut Deum non
 inspicere, aut illi curæ non esse, ea, quæ
 hic geruntur, autumant. Initium autem
 purgationis animæ, ac expiationis, est
 quies; cum neque lingua res humanas
 proferat, neque oculi pulchritudinem,
 symmetriamque corporis circumspectent,
 neque auditus intensionem ac firmita-
 tem animæ dissoluat, eas cantilenas au-
 diendo, quæ ad uoluptatem componun-
 tur; aut uerba facetorum hominū, quæ
 uel maximè solent animæ firmitudinem
 infringere. Mens enim, quæ rebus ex-
 ternis non est intenta, neque à sensibus
 in mundum diffusa, redit quidem ad se-
 ipsam, per seipsam uerò ad Dei intelli-
 gentiam cognitionemq; ascendit; & dum
 illa pulchritudine illustratur, ac resplen-
 descit, in ipsius naturæ obliuionem ue-
 nire solet. neque alimenti cura, neque
 uestitus, animam à contemplatione illa
 reuocant, sed omnibus terrenis curis post
 habitis,

habitis, omne suum studium & operam in adipiscendis æternis bonis ponit. Noli itaq; propter stuporem, qui fit in somno, mediam uitæ partem inutilem facere, sed tempus noctis diuide; cuius partem tribue somno, partem precationis: immo etiam & ipse somnus pietatem meditetur. Solent enim ut plurimum hæc imaginationes, quæ in somno fiunt, ueluti extremæ quædam resonantiæ esse curarum diurnarum. Quid uerò beatius illo homine esse potest, qui ad preces orto die descendit, & hymnis ac carminibus conditorem celebrat; deinde cum sol clarius illuxerit, ad opera se confert: ita ut ubique preces simul adsint, & hymnis quasi sale quodam opera condiat sua. nam hilarem, & lætum animum consolationes, quæ ex hymnis petuntur, efficiunt. Preces uerò & ante cibum fiant, pro his beneficiis, quæ Deus nunc in nos confert, tum quæ in posterum est collaturus, & post cibum etiam, quæ & grates beneficiorum acceptorum contineant, & petitionem promissorum. Bona est precatio, quæ euidentem, & apertam Dei cognitionem animæ facit: hoc est enim Dei inhabitatio, nimirum cum aliquis Deum

Deum per memoriam sibiipsi infidentem habet, sic efficitur templum Dei; quando non curis humanarum rerum memoriae continuitas dirimitur, nec mens inopinatis perturbationibus turbatur, sed omnibus relictis ad Deum semigrat, expellens eas perturbationes, quæ se ad intemperantiam uocant, atque in studiis, quæ ad uirtutem ducunt, commorans. Quod autem est aliis diluculum, hoc est illi, qui pietati operam dat, media nox. nam nocturna quies uel maximè otium animæ tribuit, cum illo tempore neque oculi, neque aures noxias auscultationes, aut spectacula in cor demittere soleant, sed mens sola per se cum Deo uersatur, & memoria repetendo delicta seipsam cor rigit, sibi que terminos declinandi mali præscribit, auxilium denique à Deo, ad perficiendas eas res, quibus studet, implorat. Hoc etiam & de Mose literarum monumentis proditum est, nempe quòd non eodem modo semper uixerit, sed interdum sanctius uiuebat, interdum uerò propter imbecillitatem dissoluebatur, atque longè imbecillius operabatur. nam cum manus Moses extolleret, Israëlitz superiores euadebāt, cum rursum demitteret

teret Amalec inualescebat . quæ tum accidebant ; signa erant humanæ constitutionis , declarantia , ualidiora tum fieri ea , quæ contra nos decertant , cum uis effectrix nostra concidit . at si erecta adducta fuerit , tum longè ualidius efficitur id , quod in nobis primas fert , ac euidēs est . extollitur enim ille , qui rebus supernis studet , at contrà distrahitur , qui omnes suas curas cogitationesq; in eas res , quæ ad corpus pertinent , cōfert . Proinde illi , qui in templo Dei sunt , nec maledicta , nec uerba uana turpibusque rebus referta proferre debent ; facessant cum iis , sed in templo eius , iuxta Dauidem , unusquisque gloriam prædicet . assunt angeli , qui uerba excipiūt , adest Dominus , qui eorum , qui templa ingrediuntur , animum considerat . nouit enim Deus uniuscuiusque precationem , tum etiam quis ex animo , quis auidè cœlestia inquirat ; deinde quis negligenter , ac remissè summis labris uerba loquitur , cor autem ipsius longè abest à Deo . Cognoscit præterea num quis bonam ualitudinem , num diuitias , num gloriam humanam petat : nihil enim horum petendum est , sicut psalmus præcipit , sed in templo

B plo

plo ipsius quisque dicit gloriam. Sed, ò
 rem admirandam, cœli enarrant gloriam
 Dei; angelorum officium est, gloria &
 prædicatione efferre Deum; tota cœlestis
 multitudo hoc unum agit atque studet,
 ut gloria conditorem afficiat; uniuerſa
 creatura tum silens, tum uerba faciens,
 tam mundana, quàm terreſtris gloriam
 tribuit effectori ſuo; homines autem mi
 ſerâdi, reliâtiſ domibus ſuis, & ad fanum
 concurrentes, quaſi ſibiipſis opem latu
 ri, non præbent aures ſermonibus Dei, non
 percipiunt ſuam naturam, non mœrent
 ſi in memoriam peccatorum inciderint,
 non pertimeſcunt iudiciũ, ſed ridêtes,
 & dextras inter ſe iungentes, domum ora
 tionis, domum loquacitatis faciunt, ne
 gligentes ac nihili pendentes pſalmum,
 qui teſtatur ac dicit, Quòd in templo
 omnes dicunt gloriam. tu uerò non ſo
 lùm ipſe non dicis, ſed etiam alteri, con
 uertendo te ad illum, impedimento es.
 Deus autem gloria non eget, uerũ uult
 ut tu dignus eſſe poſſis gloria: nam qua
 lem ſemẽtem homo fecerit, talem etiam
 percipiet. Par autem eſt nos, Deo, qui
 nos bonis cumulat, gratiam habere, nec
 dedignari, & iniquo animo ferre, quòd
 bona

bona recondat atque cōseruet : & si quidem nobis ea prābuerit, optima atque iucundissima ea iudicemus; sin uerò distulerit, æquo animo iacturam feramus. melius enim fortassis res nostræ ab ipso, quàm ipsi optare possimus, administrantur. Halcyon maritima avis est, ea cū in ipsis maris litoribus parere soleat, in arena oua deponit, nidumque facit media hyeme, nempe tum, cū multis ac uehementibus uentis, mare terram aluit : sed tamen omnes uenti tum se remittunt, & unda maris sedatur, cū Halcyon septem diebus incubat. totidem enim solū pullos excludit. cū autem cibum appetunt, alios septem dies ad pulorum incrementum, minutissimo animalium summæ liberalitatis Deus concedit. quam rem ita se habere, omnes ij, qui mare nauigant, norunt, eosque dies Halcyonios appellant. Hæc tibi loco admonitionis sint, ut ea solummodò contendas à Deo, quæ ad salutem pertinent, ob diuinam prouidentiam, quæ est in animalia rationis expertia. Quid enim tui causa etiam earum rerum, quæ opinionem hominum excedunt, non factum, & paratum est, qui ad Dei similitudinem fa-

D. BASILII

Quis es? siquidem propter auem adeo
 paruam, magnum ac terribile mare co-
 ercetur, ac iussu Dei media hyeme se-
 datur. Quod si Halcyoni tanta Deus tri-
 buit, quanto maiora dabit iis, qui se ex
 toto corde inuocauerint? Quamobrem
 persuadeamus nobis fratres, ne & in aliis
 precationibus, & tempore tentationis,
 ad humanas spes confugiamus, neq; hinc
 auxilia quæramus, sed in lacrymis, & su-
 spiriis, ac in assidua oratione, & conti-
 nua uigilia preces fundamus. hac eni-
 demum ratione feretur nobis auxilium
 in calamitate, & miseriis, si & humanam
 opem uelut stultam nihili fecerimus, &
 omnem spem nostram, in eo, qui serua-
 re potest, posuerimus, atque defixerim-
 us. Cui soli gloria, & cultus, unà cum
 æterno patre, & uiuificante Spiritu san-
 cto, in sempiternum tribuatur. Amen.

DE PECCATO

ORATIO III.



Aximum bellum, ò charissimi, ac uarium, in dies singulos nobis ueritatis hostis infert. infert enim, ut scitis, nostras cupiditates contra nos tela faciens, & à nobis ipsis ad lædendum nos, semper robur atque uires sumens. Et quemadmodum improbi ac auari homines, qui hoc unum student, & uolunt, ut ex alienis bonis ditescant; cumq; nec ualeant, nec possint apertè uim afferre hominibus, in uiis insidias struere solent. & si animaduèrterint locum aliquem propè ipsos, aut uallibus profundis diffractum, aut densitate arborum opacum, in hunc se abdentes, & uiatorum præsentem huiusmodi operimentis præcidentes, confertim ex improvisò ipsos aggrediuntur; ita, ut non possint priùs periculi laqueos prospicere, quàm ubi in eos inciderint. sic etiam ille noster iam multis à sæculis hostis diabolus, mundanarum

uoluptatem umbras subiens, quæ propter uiam uitæ existentes, ad prædones occultandos, & insidiatores tegendos, qui ex improviso laqueos salutis nobis tendunt, aptæ sunt & commodæ. At ut muri urbium, qui ciuitatē in orbem cingunt, omni ex parte hostium incursiones arcēt; ita etiam angelus, qui nos custodit, undiq; nos protegīt atque tutatur, nec utriusq; lateris partes, sine custodia relinquit, sed semper iis, qui in Dominum credunt, assidet, nec recedit, nisi ipsum prauis facinoribus abigerimus. nam ut apes fumus fugat, ut columbas fœtor arcet; sic custodem uitæ nostræ angelum, lacrymabile, ac putidum peccatum repellit. Quare optandum quidem nobis primū est, ne malum attingamus; deinde, id si fieri non possit, ut statim post tentationem ipsius plagam, uelut bestię uirus eiaculantis, effugiamus. noui enim quosdam, qui à prima pueritia, cū se libidinibus dedidissent, etiam ad extremum tempus ætatis, propter consuetudinem & usum mali, in peccatis permanserunt. perinde ac sues dum in ceno uolutantur, semper lutum sibi ipsis accumulāt; ita etiam ij, ignominia, quæ ex uoluptate manat, se

quoti-

quotidie afficiunt. Peccatum enim dum editur, aliquo pudore præditum est; at ubi editum fuerit, longè impudentiores efficit eos, qui illud patrant. Proinde quàm diu parua, & pauca peccata committimus, non aliter ac plantæ, quæ leui aura agitantur, leuiter quodãmodo commouemur: ubi uerò plura, & maiora fuerint mala, secundum proportionem augmenti peccatorum, etiam commotio augeri solet. & alij quidem magis commouentur, alij uerò eatenus, quoad radicatus euersi prosternantur: siquidem spirituales malitiæ, omni turbine uiolentius radices animæ, quibus per fidem in Deum fulcitur, abrumpunt. Nam qui inuitus ab officio discedit, ei fortassis uenia aliqua à Deo tribuetur: at ille, qui de industria deteriora sequitur, nulla profectò excusatione efficiet, quominus grauissimum supplicium ferat. Scire enim debes, peccata alia esse inuita, alia uerò uoluntaria; unde alio etiam modo, eorum, quæ contra uoluntatem nostram facimus, ueniam consequimur: alio uerò ea, quæ ex praua uoluntate profiscuntur, damnantur atq; puniuntur. Nam alius quidem eò peccauit, quòd à puero perpe-

ram educatus sit, & quòd sit ab iniustis parentibus in lucem editus, ac enutritus in prauis tum uerbis tum factis: alius uerò quanuis multa illi suppeterent, quæ eum ad uirtutem excitarent, nèpe, educatio honesta & liberalis, exhortatio parentum, perfectio ac præstantia quædam naturæ, auscultatio sermonum diuinorū, uictus moderatus, & alia, quibus animus ad uirtutem institui ac informari solet, tamen & ipse eodem peccato ac scelerare se obstrinxit. Quomodo igitur, obsecro, non longè grauiori pœna talis meritò erit dignus? ille equidè ob id solum in crimen uocatur, quòd non ritè usus esset illis salutaribus occasionibus, quæ in mentibus nostris sunt sparsæ; at hic, cum ob ea ipsa, tum præterea, quòd quasi omnem cooperationem, quæ ipsi erat concessa, prodidisset, quodque ob negligentiam, in uitam peruersam inductus esset. Quibus igitur peccatis à Deo opt. max uenia dari poterit? & quænam uitia, & quanta in se aliquis concipiens, reus iudicij inobedientiæ efficitur? certè neque ob multitudinem peccatorum, neque ob magnitudinem, sed ob solam tantummodò transgressionem, cuiusuis

cuiusvis mandati inobedientiæ aduersus Deum condemnatur : Discimus præterea ex sacris literis, eandem esse condemnationem, & idem iudicium omnis inobedientiæ diuinæ : in ueteri namque Testamento, cum tremendum illum exitum Achar legimus, aut eam historiã quæ est de eo, qui in die festo ligna colligebat, quorum uterque nihil aliud unquam, nec in Deum, nec in hominem admisisse, neque omnino quicquam nec magnum, neque paruum perpetrasse reperitur, sed hic quidem ob solam lignorum collectionem dedit pœnas, nullum inueniens locum, nec excusationis, nec pœnitentiæ; nam diuino iussu, statim ab omni populo lapidibus appetitus, & obrutus est : ille uerò eò quòd paululum quiddam ex his rebus, quæ offerebantur, auertisset : quanuis nondum essent illa in synagogam illata, neque adhuc ab iis, qui huic muneri præerant, recepta, causam tamen, & ansam interitus, non solum sibi ipsi, sed etiam coniugi, liberis, toti domui, & omnibus denique suis præbuit. Ac sanè peccati illius tempestas uniuersum populum uelut ignis quidam absumpsisset, quantumuis neque id,

quod perpetratum erat, sciuiſſet, neque illius facinoris fuiſſet conſcius, niſi populus conſeſtim ex ipſo interitu eorum hominum, qui erant è medio ſublati, iram Dei præſentiens, non fuiſſet conturbatus, & ni eueſtigio Ieſus filius Naui, unà cum ſenioribus, terram ſpargere cœpiſſet; & ſic ſorte deprehenſus reus, pœnam iam dictam pependit. Quid uerò Maria ſoror Moſis? non ne cum paululum reprehenderet Moſem, & id quidem meritò, dicendo, mulierem Aethiopē ipſum duxiſſe, tantam experta eſt Dei iram, ut ei, etiam ipſo Moſe pro ea manus ad Deum tendente, non condonaretur ſceleris multa. Sed quid multis de iis diſſerimus, ipſum hunc Moſem ſeruum, ac ſummum Dei cultorem ſilentio prætereundo? illum, inquam, magnum, & qui tanto honore à Deo dignus habitus eſt, ut illud audiret, Noui te præter cæteros omnes; & inueniſti gratiam in conſpectu meo. hic, cum de aqua contentio eſſet, nec ullius alterius rei gratia, niſi quòd ſolùm populo murmuranti ob penuriam aquæ dixiſſet, Num ex hac petra educam uobis aquam? huius ſolius rei cauſa ſtatim ei Deus minitatus eſt, dicendo,

-dicendo, In terram, quam recepi me uobis daturum, non intrabis. quæ erat tunc ex his promissionibus, quæ factæ erant Iudæis, princeps ac primaria. Cùm igitur uideam hunc ueniam deprecari, nec tamen eam consequi, cùm, inquam, uideam huic nullam ueniam, ob tot ac tanta egregia facta, dari, solum propter breue illud dictum, nonne planè perspicio illam seueritatem Dei, quam describit Apostolus? nonne & illud uerum esse mihi patiar persuaderi, Si iustus uix conseruabitur, impius & peccator quo tandem in loco comparebit? Sed quid ego hæc commemoro? Eli sacerdos, etiamsi uita eius nullum in crimen esset unquam uocata, tamen quòd filios suos non asperius obiurgasset, tantum stomachum mouit patientiæ diuinæ, ut contigerit, cùm Allophili bellum in Hebræos mouerent, ut & illi ipsi illius filij è medio tollerentur, & uniuersus populus profligaretur. circa arcam autem sacri Dei Testamēti, ea acciderent, quæ ne audita quidem unquam antea fuerant. nam quam licitum non erat, neque Israëlitis, neque ipsis etiam omnibus sacerdotibus attingere, neque etiam quiuis illud, quòd erat ipsi
impo-

impositum recipiebat, eam impiæ manus hinc & hinc transferebant, & pro locis sacris in fanis idolorum reponebant, in quibus comotationes, & conuiuia celebrari erant solita. Ac sanè facilè hinc colligere licet, etiam ipsum nomen Dei risui ac ludibrio tum habitum fuisse. post hæc etiam ipsum Eli quoque miserandus finis excepit: denunciatum est ei, & posteros ipsius, & illum ipsum à sacerdotali dignitate remotum iri. quod sanè factum est, licèt suæ uitæ gratia, nunquam esset senex reus factus. nec etiam omnino ipsorum filiorum, uitia silentio præteribat, sed sapius eos commonefaciebat; ne amplius in similibus facinoribus persisterent, dicendo, Ne filij, ne, non belli rumores sunt isti, quos de uobis audio. tamen quia non eum zelum, quem par erat, contra ipsos demonstrasset, & sibi ipsi, & ipsis ac populo uniuerso, tantam iram conflauit. Quòd si reprehensio ea de causa suscipitur, ut uita eius, qui deliquit, emendetur; certè uituperationem in eius ignominiam fieri, qui peccauit, censendū est. Et quāuis multis in rebus aliquis uideatur sibi rectè agere, in paucis uerò secus faciat, nempe, quòd

quòd aut unum quoddam mandatum neglexerit, aut ob aliquod facinus silentiū tenuerit, aut non eum zelum, qualem diuina uoluntas postulat, ostenderit, tamen ob hoc solum meritò reus efficitur atque pœnas luit. & si ignorantia aliquid huiuscemodi perpetrauerit, nec hac ratione quidem inultus abibit: Tales igitur quàm plurimas, contra omnem inobedientiam sententias, in ueteri Testamento latas esse, reperimus, nec leniorem etiam iis, ex nouo Testamento, immò longè grauiorem iudicij seueritatem discō, unde illud, Seruus, qui uoluntatem heri sui cognoscit, nec ei fatiscit, multis flagris cædetur; at quem præterierit, fecerit autem ea, quæ pœna digna sunt, leuius sanè uapulabit. ac prorsus Christus eum, qui ex ignorantia peccat, non omnino iudicat liberum esse à pœna, sed grauiorem multò comminationem extendit in eum, qui cognoscendo uoluntatem Dei, delinquit. & rursum inquit, Cœlum & terra funditus delebuntur, dicta uerò mea non interibunt unquam. & beatus etiam Apostolus ait, Cogitationes uestras puras efficite, & omnem sublimitatem, quæ sese cōtra Dei cognitionem,

tionem effert, omnemq; mentem, ut morem gerat Christo, cogite. omnē sublimitatem, inquit, & omnem mentem, non hanc aut illam: & sitis prompti ac parati ad uindicandam omnem contumaciam. Et alio in loco rursus, Si talia patrantes, digni sunt morte. & iterum, Qui in lege gloriaris, non obseruando legem, Deo ignominiam inuris. adeò nihil relinquitur; quod Deus non persequatur ac puniat. Quòd si putas hæc uerba esse, nec ita se rem habere, en tibi illum in Corintho, qui uxorem patris cum habuisset, omni alio crimine uacans, ob hoc solum, non tantum ipse traditus est Satanæ in perniciem carnis, eousque, quoad uitium emendaret suum, digno nimirum fructu pœnitentiæ, sed & omnis simul Ecclesia, eò quòd non reprehendisset illud peccatum, in illa eadem crimina uenit. Quid uerò aliud mali fecit ille Ananias, cuius fit mentio in illo libro, quo res gestæ Apostolorum memoriæ proditæ sunt, quàm illud ipsum, quod nescio, num tanta ira fuerit dignum? bona sua cum uenundedisset, pecuniam ad Apostolorum pedes detulit, nonnil de precio detrahens, atque ob
hoc

hoc solum illa ipsa hora una cum coniunge morte affectus est; neque dignus est habitus, cui facultas concederetur cognoscendi, quānam ratione pœnitentiā ob delictum agere potuisset; neque spacium dolendi, neque terminum pœnitendi miser habere potuit. Administer autem talis ac tantæ sententiæ beatus Petrus, qui aliis omnibus discipulis antepositus fuit, & qui testimonium maius, ac beatitudinem longè ampliorem cæteris omnibus adeptus erat, cui denique claves regni cœlorum erant concredita, ille, inquam, cū audiat à Domino, Nisi te lauero, non poteris meus esse particeps, quid de nobis miseris futurū est? quale sanè cor, etiamsi esset lapideū, metu non perfringerent Dei opt. max. rectè facta? & uel maximè cū nullam significationem peccati, aut alicuius contemtionis dedisset, sed potius honore, qui herū decebat, usus esset, ac eum cultum, & reuerentiam exhibuisset, quam exhibere seruum, & discipulum par erat. cū enim suum, & omnium rerum dominū, ac Deum, & regem, & conseruatorem, & ut uno uerbo omnia complectar, uniuersum, specie ac habitu serui, linteo præcinctum,

cinctum, pedes suos lauare uolentem cōspexisset, è uestigiò, suam quasi per confessionem quandam, indignitatem agnoscens, & eius, qui ueniebat, maiestate atque auctoritatē percussus, exclamauit, Domine tu'ne pedes meos lauare contendis? & rursum, Non lauabis equidem pedes meos in perpetuum. hanc ob rem eiusmodi ei iactatæ sunt minæ, ut nisi promptitudine ac uelocitate obedientiæ uoluntatem suam correxisset, nō illi mediis fidiis, illæ beatitudines, à Deo in eum profectæ, non dona, non promissiones, non etiam illa ipsa Dei & patris, talis ac tantæ erga unigenitum filium propensæ uoluntatis declaratio suffecisset, ad præsentem illam inobedientiam expiandam. Sed si hæc omnia dicendo persequi, quæ reperio in ueteri ac nouo Testamento, uelim, dies me, non exempla deficerent. Verùm tamen illud solum ad tractationem præsentem in medium proferre pernecessarium fuerit, quod in magno illo ac tremendo die iudiciij ad eos dicetur, qui à sinistris Domini nostri IESU Christi statuentur; Discedite à me maledicti in ignem æternum, qui præparatus est diabolo; & angelis ipsius. non
ideò

ideò quidem quòd alicui manus attulissetis, aut stuprum fecissetis, aut uanitatem orationis adhibuissetis, aut iniuriam aliquam intulissetis; aut aliquid aliud ex iis, quæ uetita sunt, leuissimum licèt illud esset, commisissetis, sed quòd bona opera neglexistis. Esurij enim, inquit, nec dedistis mihi ad edendum: sitij, nec mihi dedistis potum: morbo laborabam, ac in carcerem eram conditus, nec uisitastis me. Cuius animum intemperantia atque libido affœminatum ac fractum non reddidit, is facillè omne peccatum effûgit; quòd si plurima declinat, ab uno autem solùm tenetur, talis non est temperans; quemadmodum neque ille est sanus; qui una aliqua corporis affectione affligitur; neque ille liber, qui unius alicuius, quisquis ille tandem sit, imperio paret. Illis quidem, qui ea peccata patrant, quæ corrigi facillè possunt, Deus minitatur, se eorù prauitates uirga correcturum, & scelera flagellis: at illis, qui iam ad sanitatem reduci nequeunt, dicit, Quid amplius cadimini? omnia iam genera plagarum accepistis, omnia flagella, quæ correctionem adhibent, pro nihilo duxistis, ruina ac interitus uos deinceps

C

ma-

manent. Mala, quæ casu ac fortuito euenire solent, partim ob peccata accidunt, partim ut corrigantur mores eorum, qui tentantur, partim ut eos conterant atque perdant, sicuti accidit Pharaoni: quorû salus in perditis ac desperatis rebus habetur: his enim non amplius plagæ, nec uerbera, sed euersio denunciatur. Quid enim amplius cædat eos, quorum iam & corpora & animæ flagris concisa sunt, nec tamen emendari, & ad frugem reuocari possunt? Fit etiam sæpenumero morbus utilis, nimirum, quando erudit ac instituit delinquentem: & sanitas interdum nocumento esse solet, nempe, cum uiaticum existit ad peccatum ei, qui ipsa utitur. sic etiam & pecunia ministrâ se quibusdam ad libidinem & profusionem præbuit: contrâ, paupertas plurimos, qui ad malum propensi erant, ad modestiam reuocauit. neque igitur fugias, ea, quæ non oportet, neque confugas ad quem non conuenit: sed unum tantum fac uti uites, scilicet, peccatum, & unum tibi sit perfugium, nimirum Deus, ad quem te, uelut ad arcem quandam, & præsidium ex omnibus malis tuis recipito. Multi equidem priorum peccato-

rum

rum in obliuionem ueniunt, negligentes ipsa, ac flocci facientes, tanquam nullas pœnas sint ob ea daturi. at ille, qui iudicium Dei sibi ob oculos omni tempore proponit, quiq̃ue persuasum habet, omnes nos ad tribunal Christi constituros, ut unusquisque mercedem eorum referat, quæ in uita gessit, siue boni aliquid, siue mali perpetravit, hic inquam semper anxius est, & dolori animæ suæ medicinam adhibere studens, seipsum reum facit, peccata sua agnoscendo, eaq̃; Deo subinde confitendo, iuxta illud, Dolor meus in conspectu meo est semper. Plurimi uerò etiamsi bellum indixerint prauis actionibus; tamen quia eorum memoriam retinent, sæpenumero peccatum iam sopitum ac quietum, ut repuerascat atque reuiuiscat, efficiunt. Nam uitium consopitum, est morbus in animo saniei plenus. Peccatorum desertio ac neglectus fit secundum circumscriptionem. nā quibus consulitur, iis dicitur; Nequaquam te relinquam, nec te in discrimine deseram. at quos Deus prorsus negligit, hos desertos, permittit desideria carnis suæ facere, cogitationesque omnes explere, utpote, quibus institutio ac disci-

plina nihil emolumenti amplius sic allatura. Etenim peccatum longè gravior est, quàm sit uulnus, aut cicatrix, aut plaga intumescens ac inflàmata. non licet malagma imponere peccato, sicuti plagæ: neque oleum, ut uulneribus, neque hæc illi usui aut adiumento ullo esse possunt. Maior enim est, inquit, uis morbi, quàm ut iis rebus remoueri possit. Et quanuis non uniuersa Iudæorum gēs peccatum admisisset, nec omnis populus iniquus extitisset; tamen ob hoc sæpius pœna in omnes redundauit, omneq; contristitia conficiebatur, cum uideret uniuersum populum ob unius peccatum in seruitutem abduci. Quemadmodum autem sectionis aut cauterij, non medicus causa est, sed morbus; sic etiam & urbium euersio, ex intemperantia delinquentium initium sumens, Deum omni culpa liberat. accidunt enim sæpe, ac in omnem mundū redundant, propter paucos quosdam mala, & sceleris unius uniuersus populus particeps est factus. Solus Achar rei sacræ furtum fecit, tota tamen acies flagris cæsa est. Zambri cum Madianitis rem habuit, Israël tamen pœnas pependit. Et sicuti pestis, quæ ubi

ubi unum hominem, aut pecus inuaserit, etiam in omnes appropinquantibus per successionem quandam dispergi solet, ita etiam hi, qui scelera patrant, proprium malum ad omnes deducere contendunt, ac summopere desiderant, quamplurimos sibi similes fieri, quò cum malis conuersando, opprobria effugere possint: & dum aliis alteri morbum impertitur, omnes simul laborant atque simul etiam concidunt. Neque enim fieri potest, ut ignis, si materiem ad comburendum aptam attigerit, sistatur ac cohibeatur, ne totam peruadat penetretque, & uel maximè si uentum secundum nactus fuerit, qui flammam hinc & hinc transuehat: eodem modo neque peccatum, quod unum attigit, facile est sistere, ac continere, ne ad omnes appropinquantibus progrediatur; præsertim si uenti maliciæ illud incitent inflammentque. Nam actiones corporis tempore, occasione, labore, adiutore, & aliis denique rebus indigent; at animi commotiones sine temporis mora fiunt, sine lassitudine perficiuntur, & sine negotio consistunt: omnia tempus aptum, omnia idoneum habent. Ac sanè aliquando quispiam ex hominibus illis austeris,

& ob grauitatem quādam arrogantibus ,
 temperantia se præditum esse fingens , ac
 medium locū sapenūmerò inter illos te-
 nens , qui ipsum uirtutis ergò beatū præ-
 dicant , mente ac cogitatione peccatum
 in se concipit . per obscurum enim cordis
 motum , imaginatione ea cernit , quorū
 desiderio tenetur ; conuersationem de-
 nique quādam minimè decoram expref-
 sit , atque in occulto cordis domicilio cui
 dentem in seipso uoluptatem fingens , ma-
 nifestè peccatum intra se patrat . plurima
 siquidem peccata , eo appetitu , quī susci-
 pitur de industria , perficiuntur : proinde
 corporis actiones à multis præcīduntur .
 qui uerò sua sponte , & uoluntate uitiis
 se contaminant , ij sola mentis agitatione
 peccatum perficiūt : uti enim umbræ cor-
 pus , sic etiam animam peccata consequi
 solent ; efficaces nimirum actiones effin-
 gendo . Perfectū itaq; ac omnibus nume-
 ris absolutum uitiū est , cū quis mēte &
 cogitatione & opere peccat ; mediū uerò
 cū in ea appetitione , quæ cogitatione
 suscipitur , sistitur peccatum . quare non
 omni ex parte pœnæ expers est ille , qui co-
 gitatione delinquit , sed quatenus abest à
 malo , eatenus etiam ipsi de molestiis de-
 metur .

metur. Illum quidem, qui receptus cum sit in collegium fratrum, deinde professionem aspernatur, sic oportet statuere, se in Deum deliquisse, coram quo, & per quem receperat, se pacta professionis seruaturum. Si uerò in Deum aliquis peccauerit; quis, quæso, pro eo preces fundet? Qui enim se Deo totum dicat, deinde aliud genus uitæ ingreditur, sacrilegus efficitur, dum seipsum à diuino cultu abducit, & donum Deo iam dictum aufert: cui generi hominum æquum est ne ullus unquam aditus ad fratres pateat, etiam si solius testi gratia accesserint. nam lex Apostolica aperte nos iubet, omnem inordinatum uitare, nec cum eo coniungi, ut pudore coram omnibus suffundatur. Sic & rosa à principio sine spinis prodierat, sed post ad pulchritudinem floris uesperes accessere, ut haberemus oblectationem summo cum dolore coniunctam, memores peccati, ob quod spinas & tribulos nobis terra producere iussa est. uerum prauitas perturbationum, quæ ex ignorantia Dei fit, reprobam nobis affert humius cognitionem. Magnus ille athleta Iob cum uarias atque diuersas tentationes sustinuisset, non erat nescius, unde hæ ma-

narent, proinde dicebat, Sagittæ Domini corpori meo infixæ sunt; quarum uirus penitus exhaurit sanguinem meum. Daud autem cum ex anima laboraret, ipse seipsum plectebat, sese omni genere suppliciorum, per modum cuiusdam confessionis afficiendo. Quoniam sagittæ tuæ infixæ sunt mihi, inquit, & firmasti super me manum tuam, ideò non est sanitas in carne mea à facie iræ tuæ, non est pax ossibus meis, à facie peccatorum meorum. Ac mihi quidem uidentur illæ sagittæ, de quibus hîc sermo est, spirituales esse, uel potius ipsa uerba Dei, quæ animam ipsius pungunt, atque uulneribus conficiunt, quæque ipsam conscientiam extruciant, cum ille tantus uir ad tam turpe facinus descēdisset. cum enim non esset bene munitus, non resistit ignitis telis inimici, sed meritò clauo concupiscentiæ uulnus in anima accepit. Quæadmodum autem diaboli sagittas, quæ ulcera & plagas, corpori Iob iniecerant, quoniam Deo permittente ac uolente id effecere, sagittas Domini nuncupauit, inquit, Sagittæ Domini corpori meo infixæ sunt, quarum uirus sanguinem meum consumit. sic etiam & Dauidem

Dauidem uerisimile est; hoc loco sagittas Domini appellasse, cum eum aduersarius, Deo opt. max. permittente, affligeret, ne in posterum illud diceret, Nō commouebor in æternum. Nam cum aliquando, benignitate Dei potens ac rerum omnium affluens effectus, ita se extulisset, ut non dubitaret gloriari ac dicere, Ego dixi, cum mihi res essent secundæ, non commouebor in æternum. ea de causa meritò sanè traditus est tentatori, qui animam illius attingens, longè maius illi damnum, quàm ipsi lob dedit. Ego autem tres has differentias nostræ affectionis esse perspicio, quæ nos cogunt, ut Christi dicto audientes simus; seruitutem, inquam, mercedem, & adoptionem. Aut enim metu pœnæ uitia declinamus, & tum similitudinem speciemq; gerimus seruorum: aut lucrum, quod ex mercede proficiscitur, captantes, compendij nostri causa, ea, quæ sancta sunt, seruamus; in qua parte mercenariis similes efficimur: aut ob ipsum amorem, quod sumus in eum, qui nobis legem sciuit, gaudio exultantes, quod digni iudicati sumus, qui tam illustri, & bono Deo seruitutem seruiremus; qua ex ratione filis

ritè comparamur. Neque igitur ille, qui timore perculsus mandata persequitur, nec qui semper desidiæ, ac inertiae poenâ timet, nonnulla ex his, quæ statuta sunt, faciet, nonnulla uerò negliget; sed uindictanti cuiusvis contumaciæ gratia æquè formidandam iudicabit. Atq; sanè hanc ob causam beatus erit, utpote qui nihil eorum, quæ eum facere par erat, despiciatui duxerit. Beatus enim, inquit, uir qui timet Dominum. quid ita? nimirum, quia in præceptis eius etiam atque etiam permanere studet. Verùm neque operarius quidquàm ex iis, quæ sibi in mandatis data sunt, negliget. quomodo enim mercedem accipiet laboris sui, cùm parctis non steterit? & si aliquid eorum, quæ necessaria sunt, præterierit, inutile reddit opus patroni. Quis uerò est ille, qui, damno adhuc existente, mercedem persoluet ei, qui sibi damnum dedit? Tertio in numero posueramus eam seruitutē, quæ ex charitate manat. Quis igitur filius, qui hoc unum studet propositumque habet, ut complaceat patri, ac dum rebus in maioribus ipsum gaudio cumulare studeat, ob res paruas ipsi necessitiam inferre uolet? Qui igitur magnam

gnam partem præceptorum non tenent, in quo nam numero haberi uolunt, cum Deo neque ut patri præstò sint, neque pareant uti ei, qui grandia pollicetur; nec tanquam domino seruiant? quomodo uerò nobis, cum pluris faciamus uitam uoluptuariam, quam eam, quæ fit ex præscripto, uitæ illam beatitudinem, & consortium sanctorum, ac lætitiâ, qua unâ cum angelis in conspectu Christi exultabimus; proponere atque polliceri possumus? Eiuscemodi cogitationes non sunt profectò sanæ mentis. Quomodo una cum Iob ero, qui ne minimam quidem afflictionem grato animo toleraui? Quomodo cum Dauide, qui patienter inimicum non pertuli? Quomodo cum Daniele, qui Deo perpetua continentia, & oratione laboris plena non supplicaui? Quomodo cum angelis, cum uestigia eorum non sim secutus? Quis est ex his, qui præmia certaminû proponunt, adeò nullius iudicij, ut eum, qui ne certauit quidem, æquali corona dignum iudicet, cum eo, qui palmam maxima cum laude tulit? Quis imperator eos, qui in præliõne comparuerunt quidem, ex æquo cum eis ad spolia uocabit, qui hostes fuderunt?

Bonus Deus inquires? at & iustus. iustus autem est, unicuique pro eo, ac meritis est, tribuere. mandatum enim est literis, Beneficentia ac benignitate complectere eos domine, qui probitatem colunt; eos uerò, qui declinant in obligationes, abducet dominus unà cum operantibus iniquitatem. Misericors est, fateor; uerum etiam & iustus. cordi siquidem illi est misericordia; sed tamē ne iustitiam negligit. Scis ne quibus misericordia tribuitur? Beati, inquit, misericordes, quoniam & ipsis misericordia impartietur. Non uides quàm magno cum iudicio utatur misericordia? neque sine delectu eam alicui tribuens, neque sine commiseratione iudicans. misericors enim Dominus simul & iustus. Ne igitur eum unà saltim ex parte cognoscamus, ne ue ipsius humanitas, occasionem nobis delicti pariat. nam tonitrua & fulmina ideò iaciuntur, ne contemptui habeatur bonitas diuina. Ille, qui solē exoriri facit, etiam delictum punit: qui ignē dat, etiam imbrem inmittit: illa sunt signa bonitatis, hæc rigoris. Ob ista igitur eū in oculis feramus, ne & nobis illud dicatur; num nihili pendis illius suauitatem
boni-

bonitatem, & patientiam, nescius quòd bonitas diuina te ad pœnitentiam uocet? tu uerò duro, ac pœnitere nescio corde tuo; cumulas tibiipsi iram in die iræ. At dices; Quid mihi profunt illa recta facta, si ad gehennam condemnabor, fratrem meum stultum nominando? Quam mihi utilitatē affert illud, quòd multis à rebus liber ero, si una res me in seruitutem redigit? Qui enim peccatum patrat, inquit, seruius est peccati: quem fructum feret uacuitas doloris ei, cuius corpus uno aliquo morbo affligitur? Qui enim uoluntatem Dei facit, sed nō ita ut eius uoluntas fert, nec ex amore, quò in Deum est, hoc facit; huius studiū & operam Deus inutilem ducit, nihilque facit. hinc illud, Amen dico uobis, quòd mercedem suam accipient. Proinde si tui primi ortus memor non es, ex eo precio, quod pro te pepensum est, aliquam dignitatis tuæ capito notionem. Respice, amabò, ad precium, quo redemptus es, & tuam agnoscito dignitatem. Præcioso Christi sanguine emptus es, ne fias igitur seruus peccati. Cognosce, quæso, tuam dignitatem, ne similis efficiaris brutis animantibus. Quo
modo

modo enim seruis uestris imperabitis, cum ipsi libidinibus nociuis atque belluinis, uelutì mancipia quædam seruiatis? quomodo filios uestros corripietis, cum ipsi uitam inordinatam atque admonitionem non ferentem, degatis? Perinde enim ac ego necessitate adstringor, & miserum me, si Euangelium non prædicauero, & si dies noctesque non annuncianero iustificationes Dei, iuxta Apostolum; ita & uos idem periculum manet, si desides eritis, aut si remisè; & negligenter ea, quæ tradita nobis sunt, obseruaueritis: & nisi ea omnia factis ipsis præstiteritis. Sermo enim, quem retuli, inquit Dominus, ille iudicabit mundum in die illo extremo. Semper quidem desiderio honesti flagrans, & semper de spe eius potiùdi decidens, nullam aliam causam habeo de rebus futuris cogitandi, quàm mihi certò persuadere, me pœnas ob peccata ante perpetrata persolaturum. Quare sicut nos non præterit, quòd nobis elogia sacrae scripturæ, ob oculos proponentur: ita etiam modestè ac castè adhæreamus dictis Christi, atque summo studio contendamus, sacra dogmata factis ipsis exprimere. quoniam ne-

scij

scij sumus, quo die, aut qua nocte Dominus noster ueniet. Cui honos, & potentia in perpetuum tribuatur. Amen.

DE POENITENTIA

ORATIO IIII.



Vplicitimore, tui causa afficior; aut enim mores quidam affectus expertes antegressi, in me crimen inhumanitatis coniiciunt; aut rursus condolare; & ad affectus emolliri uolentem, male afficiunt: quapropter cum mihi hac epistola exaranda esset, manum quidem torpentem argumentis roborau; at faciem, quæ eo mœrore laborabat atque affligebatur, quem propter te susceperat, mutare non poteram. tanto enim pudore afficiebar, ut etiam ipsum os complicare non essem potis, dum labia mea identidem ad fletum conuerterentur. Hei mihi quid dicam? aut cui cogitationi, in triuo præpeditus, me dedam? Cum enim ad memoriam reuoco, priorem tuam uanam ac stultam conuersationem exhorresco:

refco : nempe , cùm diuitiis & gloria uana circumflueres , cùm & te adulatorum magnus numerus sequeretur , atque deliciarum uoluptas temporalis tibi affatim suppeteret , quam manifesto ex periculo , & iniuftis cenfibus tibi paraueras : & illo quidem tempore , partim regij timores fufpicionem tibi de falute mouebant ; partim uerò publici tumultus lares tuos conquaffabant . deinde cùm tēpus illud mecum reputo , quando ingens aceruus malorum mentem tuam ad eum conuertebat , qui tibi auxilium ferret , quando nimirum meditabundus feruatorem quærebas , qui timorem tuum in utilitatem conuerteret , & liberaret te , ac protegeret ; quem tu , cùm fecurus ac omni periculo uacuis effes , ludibrio habueras . quando in eo totus eras , ut mutares mores tuos , ftercoribus comparando periculofiffimam opulentiam , & quando domesticò obfequio ac uxoris confuetudine prorfus abnegata , totus fublimis uelut peregrinus , & erro quidam agros & urbes peragrandò , ad Hierofolyma decurrebas ; ubi & ipfe tecum cū effem , beatum te prædicabam ob athleticos labores . quando feptimo quoque die inedia
 : 00171 te con-

te conficiens cum domino philosophabar;
 ris; simul etiam & hominum congressus
 pro ratione mutationis fugiendo, quieti
 uel maximè studens, tumultus ciuiles ui-
 tabas. Sacco autem aspero corpus tuum
 compūgens, & cingulo duro lumbos ad-
 stringens, toleranter ossa tua conterebas;
 latera uerò fame caua reddens, usque ad
 spinæ partes sublaxa fecisti. Et fasciæ qui-
 dem mollis usum prorsus abnegasti. ab-
 domen uerò intus cucurbitæ instar sub-
 trahens, renalibus locis illud agglutinari
 cogebas. uniuersam autem carnis pingue-
 dinem euacuans, canales ac meatus sub
 uentre sitos, strenuè exsiccasti. uentre au-
 tem per inediam contracto, partes co-
 stales quasi quandā tecti eminētiam, um-
 bilici partibus adumbrasti, ac toto or-
 gano contracto, totis noctibus Deo con-
 fitendo lachrymarum riuus barbæ pilos
 madefaciebas. Sed quid opus est omnia
 hæc numerando persequi? repete memo-
 ria quàm multis sanctis osculum dederis;
 quàm multa sacra corpora amplexus sis;
 præterea, quot pij homines manus tuas
 ueluti immaculatas contrectauère, quot
 serui Dei tanquàm cultum tribuentes, ad
 genua tua sese & proiecerunt; & comple-

xi sunt. At horum omnium quis finis? Rumor, qui sparsus est de adulterio tuo, sagitta uelocius peruolans, aures nostras fauciat, acutoque stimulo uiscera nostra perpungit. quæ, obsecro, tam artificiosa præstigiatoris uersutia, ad tam nefandū facinus te perduxit? hei mihi quàm te perplexa diaboli retia constrictum, & ad uirtutis actiones exercendas immobilem reddidere? ubi nam, quæso, est illa prædicationis nostra de tuis laboribus? at fortassis dicet aliquis, rumori non est fides habenda? uerum quomodo? nonne ex manifestis argumentis iis rebus fidem adhibuimus? siquidem confugientes ad Deū animas, horrendis iuramentis astrinxeris, cum meritò illud, quod est supra negationem nō, diabolo sit attributum: itaq; simul etiam periurij perniciosi sponsor fuisti; corrupta exercitationis forma, & Apostolos, & ipsum Dominum turpitudine fœdasti; dedecore affecisti castitatis gloriationem; uituperasti temperantiæ professionem; facti sumus captiuorum tragœdia, à Iudæis, & Græcis in cœna res nostræ representantur; discidisti studia monachorum; sincerioribus tantum timorem incussisti, ut adhuc suspiciant

ciant diaboli potentiam . Eos, qui nullarum erāt partium, ad proteruitatis æmulationem transtulisti, dissoluisti, quātum in te fuit, Christi gloriationem, qui dixit; Confidite, ego uici mundū, ac eius principem . miscuisti patriæ craterem infamiæ, reuera illud prouerbium in actū protulisti, Instar cerui sagitta ictus sum in epar . Sed quid tum postea, non'ne cecidit fortitudinis turris? non'ne in uituperationem uenerunt conuersionis medicamenta? non'ne interclusus est aditus ad ciuitatem refugij? ne, quæso, in profundo demersus, in malis persistas, ne tibi ipsi manus afferas . nouit Dominus erigere labentes ac in pristinum statum uindicare . ne procul fugias, sed ad nos te recipito; suscipe rursus iuueniles labores, secundariis rectè factis uoluptatem ridiculam ac nihili dissoluēs . referto animum ad illius summi diei finem, qui tam proximè ad uitam nostram accessit . uideto quomodo Iudæorum & Græcorum filij ad pietatem, ac diuinum cultum cōpellantur, & ita non omnino abnegabis mundi Seruatorem, ne horrendissimam illam sentētiā excipias; Non noui uos, quī nam sitis . Vnius uiri Ioannis prædi-

catio erat, omnes tamen ad agendam
 pœnitentiam pertraxit; tu uerò & per
 prophetas doceris, qui iubent nos lauari,
 ac mundos esse: & psalmis admoneris, in
 quibus scriptum est, Accedite ad ipsum,
 & illuminabimini: & ab Apostolis illud
 prædicari audis, Pœnitentiam agite, &
 sacra lotionem abluatur unusquisque ue-
 strum, in nomine Domini nostri IESU
 Christi, in remissionem peccatorum, &
 accipietis Spiritum sanctum, qui uobis
 est promissus: & ab ipso Domino reci-
 pieris dicente; Venite ad me omnes, qui
 defessi estis, ac onere pressi, & ego re-
 ficiam uos. cunctaris tamen, deliberas;
 atque moram trahis? à puero catechesi
 imbutus, nondum ueritati acquiescis?
 semper discendo, nondum ad cognitio-
 nem peruenisti? omni tempore uitæ tuæ
 periculum facis, ad senectutem usque in-
 dagas, quando fies, obsecro, Christia-
 nus? quando te agnosceamus ut nostrum?
 Superiore anno, præsens tempus expecta-
 bas, nunc rursus futurum præstolaris; ui-
 de amabò ne tibi longiorē uitam promit-
 tas: nescis enim quid sequens dies pa-
 riet. noli tibi ea promittere, quæ in tua
 manu non sunt. ad uitam te uocamus, ò
 homo,

homo, cur igitur fugis uocationē? ad bonorum participationē te accersimus, cur negligis donum? regnum cælorum patet, qui accersit mendax non est, uia etiam facilis & expedita, non tempore, non sumptu, non labore opus est. quid cunctaris? quid tergiuersaris? quid iugum times, ueluti iuuenula quædam, quæ iugum nondum experta sit? non atterit, crede mihi, ceruicem iugum illius, sed gloria afficit. non enim collo alligatur, lignum à iugo propendens, spontaneum eam, qui trahat, requirit. Vides in crimē uocari Ephraim, quòd perinde, ac iuuenca quædam æstro percita, sine ordine oberrans, legis iugum detrectasset. subiice indomitam ceruicem tuam, sis iumentum Christi, ne dimissio iugo, uitamque liberam degens, feris diripendus exponaris. si aurum in pauperes erogarem, non sanè diceres mihi, cras ueniam, & cras dabis, sed iamiam exposceres, largitionemque urgeres, atque iniquo animo ferres procrastinationem. cum uerò nō materiæ illustrem colorem, uerum animæ puritatem, magnorum ille donorum largitor tibi offerat, excusationes prætendis, causasque enumeras. si

seruus hominis esses , & proposita esset
 seruis libertas , nonne ad statum diem
 accurreres , patronos conduceres , & iu-
 dicum auxilium implorares , omni deni-
 que conatu , ac omnibus uiribus id unum
 enitens , ut in libertatem uindiceris ? &
 ad extremum etiam ipsam alapam sum-
 mam seruorum plagam pro libertate per-
 ferres . Cùm autem te , qui es mancipiũ
 non hominum , sed peccati , præco ad li-
 bertatem uocat , quo te in libertatem as-
 ferat , & ciuem æqualem angelis faciat ,
 filiumque te Dei per gratiam adoptatum
 atque hæredem bonorum Christi decla-
 ret , nondum tamen tempus esse dicis , ut
 ea , quæ dantur , suscipias . ò praua impe-
 dimenta , ò turpem & prophanam occu-
 pationem , quousque tandem uoluptates
 istæ tuæ , quousque deliciæ durabũt ? mul-
 tum iam tempus uiximus mundo , uiua-
 mus reliquum nobis etiam ipsis . Quid
 quæso , cum anima conferri , quid regno
 cœlorum comparari potest ? quis magis
 fidelis consiliarius tibi , Deo ? quis pru-
 dentior , sapiente ? quis utilior , bono ?
 quis creatore , coniunctior ? neque è re
 Euæ fuit , quòd consilio serpentis parère
 maluerit , quàm diuino ? ò ingētem uer-
 borum

borum absurditatem, non est mihi, inquit, ocium, ut sanus fiam: nondum ostendito mihi lucem, nondum me in gratiam regis ponito. nonne hæc palam dicis? immo etiam his longè absurdiora. Tu quidem si mulctatus esses, & reipub. eo nomine aliquid deberes, æris autem alieni solutio in aliquod tempus novis tabulis reis prorogaretur; deinde esset quispiam, qui calumnia exortem te huius concessionis ac beneficij facere uellet, ægrè sanè ferres, ac ingentem clamorem ederes, tãquàm, qui pertinente ad te cõmunis beneficij parte spoliareris. Quum autem nō solùm remissio præteritorum, sed etiam munera futurorum prædicentur, temetipsum tali iniuria afficiens, qualemne inimicus quidem tibi attulisset, putas longè melius tibi prospectum esse, qui non suscipis remissionem, uerùm ære alieno obrutus, mortem optetis. Quauis multa sint tua peccata, ne tamen eam ob causam animo cadas, atque desperes. nam ubi abundauit peccatum, ibi etiam gratia superabundauit, si modò eam suscipere paratus sis. Sin uerò pauca, & uilia, nec morte digna sunt tua peccata, cur sollicitus es de futuro;

qui præterita satis forti animo pertulisti ?
 nunc quasi in trutina animam tuam stare
 puta , quæ hinc ab Angelis , illinc à dæ-
 monibus distrahatur . quibus itaque te
 dabis ? quid apud te palmam feret , uo-
 luptas'ne carnis , an animæ sanctificatio ?
 usus'ne præsentium , an futurorum deside-
 rium ? num Angeli te assumunt , aut de-
 tinebunt , qui detinent ? In exercitu Im-
 peratores , tesseram ac signum iis , qui
 sub eis stipendia merent , dare solent ,
 quo & amici facilè se inuicem reuocent ,
 & hostium , si illis in conflictu permixti
 fuerint , facilis ad cognoscendum discre-
 tio esse possit . nemo cognoscet , noster'ne
 sis an hostium , nisi abditis signis coniu-
 ctionem ostenderis , nisi signatum fuerit
 super te lumen uultus Domini . quomo-
 do uendicabit te Angelus ? quomodo eri-
 piet ex hostibus , si non agnouerit signū ?
 quomodo uerò tu dices Dei te esse , si no-
 tas & argumenta eius rei non protuleris ?
 thesaurus non obsignatus , expositus est
 furum prædæ , ouiculæ , cui nulla nota est
 sine periculo insidiæ tenduntur . Cedò , si
 quis medicus tibi reciperet , se arte qua-
 dam ac industria iuuenem te ex sene esse
 facturum , non'ne desiderares illam illu-
 cescere

cescere diē, in qua te pristino uigori restitutum conspicerere posses? at nunc cū pœnitentia promittat animæ tuæ uelut noui germinis renouationem, quam tu ueterem effecisti, & prauitate rugosam ac maculatam reddidisti, contemnis benefactorem, & promissionem non excipis, nec desideras uidere magnum illud promissionis miraculum: nimirum quomodo sine matre renasci soleat homo, quomodoque senio confectus & fraude cupiditatis deprauatus, rursus iuuenescat, ac repuerascat, ad uerumque iuuentutis florem redeat. Tot ac tantis bonis, ò miser, antiquiorem uoluptatem iudicas? intelligo enim procrastinationem tuam, etiam si uerbis eam occultes; ipsa res clamat, quanuis uerbum nullum facias. Sine me, quæso, inquis, utar carne ad perfruendas res turpes, uoluter in cæno uoluptatum, sanguine imbuam manus, diripiam aliena, circumscribam, perierabo, mentiar, & tunc pœnitentiam, ubi abstinuero à malis, agam. at si bona res est peccatum, tuere ac tene hoc usque in finem; sin uerò ei, qui illud perpetrat, noxium est, quid rebus perniciosus adhærescis? num putas Deum non ui-

dere, quæ aguntur? num non percipit
 tuas cogitationes? num opem fert tuis
 iniquitatibus? ingenti te scelere astringi-
 xisti (inquit ille) eo quòd existimares,
 me tui similem fore. Tu cum mortalis ui-
 ri amicitiam ambis, beneficiis illum ad-
 te, dicendo, & faciendo, quibus intel-
 lexeris hominẽ gaudere, allicis: at quan-
 do cum Deo coniungi, ac in numerum
 filiorum te recipi uis, ea, quæ inimica
 sunt Deo, perpetrans, & legem transcen-
 dendo ignominia ipsum afficiens, ex his,
 quibus ipsum, uel maximè offendis, cõ-
 iunctionem, ac consortium speras? uide
 ne redemptioni studendo, malorum mul-
 titudinem tibi coacerues, ac peccatum
 aggreges, nec tamen ueniam impetres.
 Deus naso non suspenditur; ne quasi mer-
 cem aliquam gratiam æstimes, ne ue di-
 cas, Bona est quidem lex, sed longè iu-
 cundius peccatum. Voluptas, est ueluti
 quidam hamus diaboli, ad perniciẽ nos
 trahens; uoluptas, mater est peccati, pec-
 catum autem stimulus mortis; uoluptas
 nutrix est æterni uermis, quæ ad tem-
 pus quidem demulcet fruentem, at post-
 ea felle amariores retributiones facit.
 Quid facis ò homo? cum multum ua-
 leas

leas in agendo, iuventutem tuam in peccatis traducis: ubi uerò labore fracta fuerint instrumenta, tunc ipsa ad Deum adducis, cum iam illorum nullus sit usus, sed necessario labant ac torpent, ob longi temporis tabem, firmitate ac robore eorum dissoluto. Temperantia in senectate, non est temperantia, sed potius incontinentiæ quædam impotentia. mortuus coronis non ornatur, nec ob malæ impotentiam quisque iustus habetur. dum uires ac robur suppetit, ratione dominare peccato; nam uirtus est, declinare à malo, & facere bonum. at uerò ocium agere à prauitate, neque laude, neque pœna dignum iudicatur; si uitio ætatis cessas à peccatis, imbecillitati hoc est acceptum ferendum. nos enim eos in cœlum ferimus, qui ex industria boni sunt, non qui ab aliqua necessitate, ne mala perpetrēt, prohibentur. Quis uerò tibi uitæ finem præscripsit? quis terminum senectutis constituit? quis adeò fide dignus apud te futurorum uas ac sponsor est? non uides pueros, ac ætate florentes abripi? Nullum tempus, me hercule, præstitutum uita habet. quid expectas ut te tum febris ad pœnitentiam uocet, cum neque

neque salutaria uerba amplius proloqui ,
neque quidquam auribus accipere poteris ,
cum in ipso capite morbus inhabitet ,
non manus ad cœlum amplius tollere , nō
in pedes erigi , non genu flectere , cū
precatio erit habenda , non commodè
doceri , non certò confiteri , non redire
in gratiam cum Deo , non renunciare inimicitiiis , & fortassis neque intelligentia ,
& animo comprehendere mysteria diuina poteris ; si quidem præsentēs ambigant , an acceperis beneficium , an aliquem sensum eorum , quæ fiunt habeas .
Quòd si certò & apertè gratiam susceperis , tunc talentum quidē habes , quæstum uerò non affers . Criminator ille ,
ò fratres , sapiens est ad mala perpetranda , uidet nos homines in diem uiuere ,
uidet omnem actionem nostram iuxta id , quod instat , peragi : ideò hodiernū diem per fraudem nobis abripiens , spem nobis crastini relinquit . Quòd si quidem peccatum hodie nos committere non cogit , iustitiam tamen in crastinum ut referuemus persuadet : deinde ubi crastinus dies illuxerit , rursus accedit iniquus ille partium diuisor , & hodiernum diem sibi ipsi cedere expetit , crastinum uerò

uerò domino ut tribuamus concedit, atque hac ratione sanè nos, præfens nimirum tempus per uoluptatem subtrahendo, futurum uerò spei nostræ relinquendo, ne sentientes quidem è uita expellit. Eiuscemodi ego aliquando uidi astum uo lucris ualdè uafra, quæ seipsam uenatoribus cùm eius pulli facilè ob teneritudinem capi possent, quasi prædam quandam paratam obiiciebat, & ante manus eorum assiduè uersando, neque se capi permittebat, neque tamen prædæ spem uenatoribus adimebat, sed ipsos uana spe uariè lactans, dum circa ipsam occupantur, pullis fugæ copiam, ac securitatem præstitit, deinde ad extremum etiã ipsa simul auolauit. caue, obsecro, ne etiam & tu similia perpetraris, qui spe incertorum, ea, quæ certa sunt, dimittis. uide ne ex anno in annum, ex mense in mensem, ex die in diem pœnitentiam producendo, incurras aliquando in diem, quam non expectabas; nimirum, quando te deficiet uita, & consilij inopia omni ex parte te circundabit, tribulatioque nullam consolationem admittens existet; cùm medici & domestici de salute tua iam desperabunt, & quando

denso

denso ac sicco anhelitu detentus febreq;
 interna uehementi laborans ingemiscēs
 quidem ex medio corde, at qui unā te-
 cum mœrore affligatur, reperies nemi-
 nem. proferes quidem uerba mollia, ac
 effœminata, uerū non erit qui aures
 det, sed quidquid tū proferes, quasi res
 stulta, pro nihilo ducetur. Quis tum te
 pœnitentiæ, ex perturbatione mente ca-
 ptum, ac stupidum commonefaciet? tui
 mœrore conficiuntur, alieni spernunt at-
 que nihili pendunt; amicus etiam ad cō-
 monefaciendum tardus est, timens ne te
 magis perturbet. Quòd si te medicus sa-
 nitatem tibi promittendo decipiat, tu
 de sanitate non desperas, eò quòd natu-
 rà uitæ sis cupidus. mors impendet, &
 qui abducunt urgent, quis te, amabò,
 eximet, ac ex tātis malis eripiet? Deus ne
 ille, quem contempsisti? at hic minimè
 preces tuas audiet, cum & tu ipsum non
 exaudieris. promissā ne exoluet? quasi ue-
 rò prius datis probè usus sis. Nemo te
 inanibus uerbis circunueniat. immine-
 bit enim tibi subita perniciēs, & mors
 procellæ instar aderit: ueniet Angelus
 mœstus & horridus, uiolenter abducens
 ac trahens animam tuam, peccatorum
 uinculis

uinculis constrictam , ac frequenter se
conuertentem ad ea , quæ hîc sunt : de-
nique lugentem sine uoce , cum iam la-
mentationis instrumentum sit sublatum ,
ò quàm te ipsum excruciabis , ò quan-
tum ingemisces , frustra iam pœnitetiam
ob mala consilia agens , quando conspe-
xeris hilaritatem iustorum , ob splendi-
dam donorum distributionem , & tristi-
tiam peccatorum , qui in tenebras pro-
fundissimas coniecti sunt . quæ proferes
tum in dolore cordis tui ? hei mihi in-
quies , quòd non abiecerim hoc graue
peccati onus , tum cùm se mihi facilis
deponendi occasio daret , sed ingentem
hunc malorum aceruum attraxerim . hei
mihi , quòd maculas non deleuerim , sed
peccatis insignitus sim . nunc sanè essem
cum Angelis , nunc in cœlestibus bonis
delicias agerem , ò perditum meum con-
siliū , propter breuem ac menstruā pec-
cati uoluptatem , in perpetuum omni ge-
nere cruciatus atque supplicij torquebor ,
propter carnis illecebras , in ignem æter-
num trador . Iustum iudiciū Dei est ,
uocabar , nec parui ; docebar , nec perci-
pere uolui ; testimonium afferebant mihi ,
ego uerò flocci pendebam . Hæc & alia
huiusce-

huiusmodi dices, ò homo, uicem tuam
 deflens, si antequam pœnitentiam ege-
 ris, abreptus hinc fueris. tum aut ge-
 henna tibi erit extimescenda, aut regnũ
 uendicandum. Ego quidem lachrymas
 profundere soleo, cùm te uideo facinora
 turpitudinis, amplæ gloriæ Dei antepo-
 nere, & ob incontinentiæ suauitatē pec-
 cato ita inhærere, ut summa cum diffi-
 cultate ab eo diuelli possis. deniq; cùm
 uideo, quòd te ipsum illis bonis, quæ
 promissa nobis sunt, ita orbes, ut uidere
 minimè queas bonã illius cœlestis Hie-
 rusalem. ne, obsecro, spem salutis abii-
 cias. uult enim tui misereri iudex ac suã
 misericordiam tibi impertiri, iuxta illũ,
 qui dixit, Cordi est domino misericor-
 dia & iudicium. sed ita demum tui mi-
 sererebitur, si te reperierit post peccatum
 humilem, contritum, ualdeq; deplorantē
 praua facinora, quæ clam perpetrasti; &
 si sine ullo pudore publicaueris ea, ita ut
 roges fratrem, quo unã tecum recupe-
 randæ sanitati studeat. Quòd si te om-
 nino miserabilem factum esse uiderit, exi-
 miam suam misericordiam tibi tribuet;
 sin uerò cor, quod nulla pœnitentia du-
 citur, inuenerit, & spiritum superbum,
 ac nullam

ac nullam te fidem habere futuræ uitæ , nihilque iudicium timere, tunc multam irrogabit . Quemadmodum enim diligens, & humanus medicus, fomentis prius ac lenimentis mollibus tumorem sedare conatur , postquam uerò uiderit molem nihil remittere , sed acriter reniti , abiecta misericordia ac molli curatione, ferri usum assumit . nam illis Deus, quos à multis lapsibus, pro sua summa humanitate cum sustulisset ac erexisset, deinde illi post longè imbecillioribus se uincendos atque frangendos dederunt , minatur, prorsus se eis non condonaturum, inquit, Non amplius ueniam concedam peccatis uestris. quibus uerbis significationem nobis præbet, se iam sapius similia nobis remisisse . nam sine remissione diuina, difficile est illud genus uitæ ingredi, quod est secundum uirtutem . eum enim, qui cum quibusdam peccatis uitam contaminasset suam, deinde uelit ad frugem redire, uult Dominus termino ueluti quodam, ea, quæ præterierunt circumscribere, ac remediū aliquod post commissa scelera adhibere, quasi opera pœnitentiæ reuiuiscientem . at illum, qui hac frequenter promittit, &

frequenter iterum cadit, ut prorsus hominem desperatū ab humanitate sua excludit. non enim ille, qui dicit, Peccavi, deinde in peccato persistit, confiteatur, sed qui secundum Psal. & peccatum suum agnoscit, & illud odio habet. Ut enim nihil prodest ei, qui aliquo morbo laborat, medici studium ac cura, si ipse rebus, quæ uitam corrumpunt, operam det; sic nullam utilitatem afferunt peccata remissa ei, cui condonata sunt, si in eis adhuc uoluetur. Desine itaque proximi mala curiosè inquirere; ne des ociū cogitationibus tuis, aliena uitia inquirendi, sed ad tuam propriam explorationem conuerte oculos tuos. multi enim sunt, qui uident festucam in oculo fratris, trabem uerò in oculo proprio non conspiciunt. noli res alienas considerare, ne fortè incurras in reprehensionem alicuius, perinde ac ille Phariseus, qui se ipsum iustum faciebat, Publicanum uerò extenuabat; uerū nunquam cesses te ipsum examinare, nunquid cogitādo deliqueris, nunquid lingua mentem ac rationem præcurrente, aberraueris, nunquid perperam admiseris. Quemadmodum enim fieri non potest, ut quis san-

tatem

tatem recuperet, morbo non immutato, aut calidus fiat, si non penitus quienerit à refrigeratione; nam hæc se uicissim recipere nequeunt; sic & eum, qui sanctam uitam acturus est, oportet ab omni malo prorsus abhorreere. non enim temporis quantitate, sed animi proposito pœnitentia iudicatur. Qui uerò repudium improbæ uitæ remittunt, ac diuiniore student, seque in ea exercent, caueant ne seorsum, ac soli se exerceant. nam talem uitam oportet habere testes, quòd extra omnem suspicionem prauā fuerit. Si uerò quis olim inescatus, aut diuitiarum puluerem ex iniquitate sibi cumulauit, ac mentem harum curis implicauit, aut scelus petulantia, quod difficile deleri possit, naturæ affixit, aut reliquis criminibus seipsum addixit; is dum adhuc est tempus, prius quàm ad perfectum interitum deueniat, grauiora onera deponat, & antequàm nauis immergatur, merces eiiciat, quas iniuste quassauerit. Pecuniæ rectè eiectæ, non pereunt iis, qui eas abiecerunt, sed quasi in alias naues onerarias magis tutas translatae, hoc est, in uentres pauperum seruantur, ad portumque appellant atque in hac uita ad-

huc permanent. Nam illæ perturbationes, quæ tempore domantur, atque uincuntur, primum quidem tempore opus habent ad sui emendationem, deinde fortiore, ac magis perfecto uitæ instituto; si modò quis uolet ipsarû molem ac auctoritatem opprimere, atque ea radicitus euellere, quæ iam longo à tempore in anima radices egerunt. Talis erat diligens illa Niniuitarum pœnitentia, & sapiens ac coaceruata illa tribulatio, quæ ne bruta quidem animantia supplicij expertia esse uoluit, sed ut etiam, ipsa necessitate adaçta clamorem ederent, excogitauit. separatus est enim uitulus, à uacca, abductus est à materno ubere agnus, puer lactâs non fouebatur in matris ulnis, uoces tollebantur de omnibus miserabiles, mutuò reclamantes ac resonantes. partus fame pressi, fontes lactis quærebant, matres naturali quadam affectione percussæ, lugubri uoce fœtus reuocabant: infantes etiam fame dominante, ex ingenti eiulatu disrumpebantur. matrum uiscera naturali dolore tabescebant, senex inter illos, lachrymis sedabat, & canos uellebat ac dilaniabat suos. adolescens & in flore ætatis constitutus,

tutus, uehementer lamentabatur. pauper suspiria ducebat. diues deliciarum oblitus, afflictioni, ut quæ hominem temperatum efficeret, sese totum tradebat. rex ipse splendorem & gloriam in pudorem transmutabat. deponebat enim coronam, & puluere caput conspergebat suum, purpuraque abiecta, saccum induebat, throno alto ac sublimi dimisso, miserabiliter ad terram se abiiciebat; propriis & regiis relictis deliciis, cum populo lachrymas profundeat: tanquam unus è multis erat, dum communem omnium dominum ira incensum esse cerneret. Hæc est seruorum sensu præditorum prudentia; talis eorum, qui se fœdis libidinibus immerferunt, pœnitentia, nempe ut omni tempore ætatis austeritas & tristitia dominatum habeat in rem sensibilem ac sensus expertem, tum in eam, quæ ex proposito ac uoluntate suscipitur, tum etiam quæ ex necessitate existit. Ob hoc cum uidisset ipsos Deus sic demissos & humiles factos, quasi eos nimis ingenti miseria afflixisset, & cladem eorum misertus est, & uindictam remisit, lætitiā deniq; præbuit, quòd uerè pœnitentiam egissent. Proprium enim hoc

est benignitatis diuinæ, nimirum non tacite ac clam pœnas inferre, sed antè eas per comminationes prædicere, ad pœnitentiam uocando eos, qui se sceleribus contaminarunt: sic enim, & his per Iohannam fecit, & Israël peccanti non clam euerſionem induxit; sed eam, seruum suum, ut pro populo uota faceret commouendo, prædixit; dicens, Missum me fac, & delebo populum hunc. Simile quiddam etiam in euangelio, ex illa similitudine, quæ est de ficu, discimus, cùm eius dominus ad agricolam dicat, Ecce tres continuos annos accedo ad ficum, quærens fructum ex ipsa, nec tamen reperio, excinde ipsam, cur enim frustra terram occupat? Ad quod igitur tempus pœnitentiam differimus? non resipiscemus? non ne reuocabimus nos aliquando, à cõsueta hac uita ad sinceritatem euangelij? non ante oculos proponemus nobis diem illum domini horrendum ac illustrem, in quo quidem eos, qui ad dextram Domini, iper actiones appropinquatur suas, regnum cœlorum excipiet; at eos, qui à sinistris statuentur, propter similitudinem bonorum operum, gehennæ ignis, & tenebræ perpetuæ occultabunt: ubi

ubi erit fletus, & stridor dentium. Sed nos peccatum quidem celeriter perficimus, tardè uerò ac segniter ad pœnitentiam descendimus. Et cœlestis quidem regni dicimus nos cupidos esse; uerùm eorum, quorum opera paratur, nullam curam habemus, nec ullum laborem pro mandato domini subeuntes, æquales honores ac præmia cum his, qui ad mortem usque peccato restiterunt, prauitate mentis nostræ, nobis pollicemur. Suscipiamus tandem aliquando, suscipiamus curam animarum nostrarum, ò fratres, mœreamus ob stultitiã uitæ antegressæ, decertemus pro futuris, nec amplius in hac socordia perstemus; ne præsens semper per negligentiam amittendo, in crastinum uerò & consequens initium actionis differendo, reuocati ab eo, qui repositit animas nostras, nec bonis operibus præparati, à gaudio sponsi excludamur. frustra tum pessum actam uitam lugeamus, cùm nihil amplius hoc pœnitentibus proderit. hoc est sæculum pœnitentiæ, illud uerò retributionis; hoc operationis, illud mercedis; hoc patientiæ, illud consolationis. Nunc auxilium Deus fert iis, qui à uita mala recedunt, tunc

horrendum in modum humanas actiones
ac cogitationes examinabit, atque pon-
derabit. nunc longanimitate fruimur,
tunc iustum iudicium experiemur, quan-
do ab inferis reuocabimur, alij ad sup-
plicium æternum, alij ad uitam sempi-
ternam, & accipiet unusquisque eam mer-
cedem, quam meruit. Vobis uerò, qui
ob scelera hominum condemnatorum lu-
xistis, illud præcipimus, si conspexeritis
pœnitentes, propter perpetratorum ab-
surditatem, condolete eis quasi propriis
membris morbo affectis; si uerò eos per-
tinaces esse, ac uestram pro ipsis tristi-
tiam, nihili pendere animaduuerteritis,
exite è medio ipsorum, & secedite, nec
immundum attingatis; ut hoc modo illi
pudore suffusi, propriæ prauitatis cogni-
tionem capiant, uos uerò æmulationis
Phinees, mercedem à Seruatore nostro
IESV Christo accipiat, cui gloria per
omnia sæcula tribuatur. Amen.

DE IEIUNIO

ORATIO V.



Imperatores quidem cū exercitum in aciem educunt, adhortatione ante conflictum utuntur; tanta enim vis est exhortationis, ut sæpe multos etiā in ipsam contemptionem mortis adducat. Magistri etiam palestræ, & hi, qui pueros instituunt, cū suos athletas ad ea certamina, quæ in stadiis feruntur, educunt, multa in eam sententiam differunt, quod coronarum gratia strenuè laborandum sit: & profectò ita eos persuadendo afficiunt, ut multi non dubitent sanguinem suum ob uictoriæ studium profundere. Proinde & mihi, qui Christi milites ad bellum, contra eos hostes, qui aciè oculorum fugiunt, instruere, & athletas pietatis ad iustitiæ coronas per abstinentiam præparare cogito, necesse est exhortatoriam orationem instituere. Nonnulli ex angelis ad eam rem ordinati sunt, ut eos per singulas ecclesias, qui inedia

corpus suum affligunt, describant. quapropter da operam, ne propter exiguam eduliorum voluptatem, damnum tam ingens accipias, ut ab angelo in numerum eorum, qui à nimio cibo abstinent, non referaris; & teipsum apud Imperatorem, qui exercitum lustrat, desertæ aciei reum statuas. minus enim equidem is periculum adit, qui in acie abiecto scuto in fugam se coniicit, quàm ille, qui magnum scutum, ieiunium scilicet, abiicit. Diues es? ne tamen afficias contumelia ieiunium, à conuictu tuo illud arcens; ne uel à domo tua, uelut ignominiosum, à uoluptate superatum, ableges, nè aliquando te illud, eam ob causam, apud ieiunij auctorem reum faciat, multiplicemque tibi ex condemnatione indigentiam ac egestatem inducat; nimirum aut ex corporis infirmitate, aut ex aliqua alia tristi calamitate. Pauper ne dicta dicat in ieiunium, ut pote qui iam illud multo à tempore familiare ac contubernale habet. Mulieribus autem cibo pauco uti, ita proprium, & secundum naturam est, ut spiritum ducere. Pueri etiam quasi plantæ uirides, ieiunij aqua irrigantur. Senibus familiaritas ac consuetudo, quæ illis cum

cum ipso multo à tempore est , leuem laborem facit . labores enim , qui ex longa consuetudine exantlantur , minore molestia , qui eos subeunt , afficiunt . Viatoribus uerò succinctum & expeditum comitem se præbet ieiunium : uti enim delitiæ onus ipsos ferre cogunt , fruitiones uoluptatum ipsis circumferendo ; sic illos leues & expeditos inedia efficit . Ac mundi quidem militibus , pro laborum proportionem , frumenti , & cibi copia augeatur ; uerùm inter milites spirituales aliter se res habet : nam ei , qui minus alimenti habet , maior dignitas tribuitur . Stultum sanè est , ob animæ sanitatem lætitiis non exultare , sed mœrore potius ob ciborum mutationem confici . est præterea hominis nullius cōsiliij , magis studere uelle uoluptati uentris , quàm animæ curationi . expletio enim , apud uentrem gratiam consequitur ; at inedia magnum fructum animæ affert . Noli imitari , quæso , Euz contumaciam ; noli rursus consilio serpentis uti , qui escam suauem carni suggerit ; noli , cùm non ieiunas , debilitatem corporis prætere : non enim mihi excusationes affers , sed ei , quem nihil clam esse potest . Ieiunare te non

posse

posse inquis? at explere se cibo, & corpus onere esculentorum contere potes: at- qui medici iis, qui aliquo morbo laborant, non eduliorum uarietatem, uerum inediam ac famem præcipiunt. quomodo igitur iis, qui hæc potest, illa se non posse prætendit? longè facilius est, mediis fidius, uentri tenui uictu grauato non ætem perferre, quàm redundantia ciborum aggrauatum iacere. nisi fortassis dixeris, gubernatoribus facilius esse nauem oneribus grauata seruare, quàm leuem ac nullo onere pressam. illam enim, quæ multis oneribus onusta est, modicæ undæ impetus demergit; at illa, quæ mediocri rerum pondore grauata est, facilè fluctus superat. Nec mihi profectò ea contentione ac tanto studio opus esse puto, ut homines ad ieiunij obseruantiam cohorter, quanto, nè hodie quispiam in ebrietatis mala incurrat. plerique enim ieiunium cum ob consuetudinem, tum ob mutuam quandam reuerentiam amplectuntur; at ebrietatē extimesco, quam homines uino dediti, ueluti paternam quandam hæreditatem tuentur. Nam perinde ac hi, qui ad longas peregrinationes proficiscuntur; sic stolidi quidam hodie

hodie ad quinque ieiuniorum dies sese ui-
 no explent. Hæm quid facis ò homo? ne-
 mo, qui uxorem castam in matrimonium
 ducturus est, pellices ac meretrices præ-
 sumit, secumque habitare facit: nam mu-
 lier honesta ferre non poterit, ut scorta
 unà secum habitent. noli igitur & tu,
 cùm inedia corpus tuum macerare uis,
 ebrietatem prius introducere, ebrieta-
 tem inquam, quæ nihil aliud est, quàm
 publicum scortum, quàm mater impu-
 dentia, quàm Mænas quædam, ad omne
 genus turpitudinis prompta ac parata.
 Ieiunantem inter sacra septa dominus su-
 scepit; at eum, qui crapulæ indulget suæ,
 tanquàm prophanum ac impurum abi-
 git. Si cras ueneris, uinum adhuc olens
 idque putrefactum, quomodo, quæso,
 crapulam tuam ieiunium æstimare pote-
 ro? non id cogites, quòd in præsentia
 non infundas merum, sed quòd à uino
 non omnino sis purus. equidem nescio in
 quorum te numerum referam, in temu-
 lentorumne, an in eorum, qui inedia
 corpus macerant suum? præterita enim
 ebrietas te ad se trahit, præsens uerò fa-
 mes ieiunium testimonio tribuit. con-
 tendit de te ebrietas, quasi de mancipio
 quodam,

quodam, nec te liberum facere uult. & meritò quidem; nam euidentes seruitutis notas exhibet, odorem, inquam, uini, ueluti in uase permanentem. Cuius, obsecro, præceptoris præsentia puorum tumultum adeò bellè sedat, sicuti ieiunij conspectus ciuitatis turbas comprimit? quis unquam procus in ieiunio apparuit? quod tripudium lasciuum à ieiunio profectum est? cātilenæ meretriciæ, me hercule, saltationesque furibundæ repentè ex urbe discedunt, à ieiunio tanquàm à iudice quodam austero fugatæ ac pulsæ. Quòd si illud omnes in rebus agendis in consilium adhiberent, nulla res profectò prohibere posset, quominus optimam pacem per omnem terrarum orbem traheremus: & neq; gentes, ita me Deus amet, contra se arma mouerent; neque exercitus manus conferrent, signaque conferrent; neque loca deserta homines, qui scelere, & maleficio pascuntur alerent; neque ciuitates calumniatores; neque mare piratas; denique nec uita nostra tot æumnis esset referta; si ieiunium uitam nostram regeret atque gubernaret. Quis est, qui non intelligit, quòd nos non solùm ciborum abstinentiam edoce-

ret,

ret, sed etiam auaritiæ omnisque uitij contemptum? hoc magnum illum Sampsonem ueluti nutrix quædam educauit. quâdo is inedia corpus macerabat suum, millenos sternebat hostes, portas ciuitatum effringebat, leones denique ipsi robur manuum ipsius ferre non poterant; at cum se ebrietati, amorique meretricio dedidisset, robur omne penitus amiserat, oculisque captus ludibrio erat pueris. Helias ieiunando tribus annis & mensibus sex, ne plueret, effecit. cum enim uideret ingentem iniuriam ex satietate nasci, inuitum ipsis ex fame ieiunium adduxit, quo peccatum eorum, quod iam extra fines modestiæ processerat, compescuit; per ieiunium inquam, ueluti per cauterij cuiusdam ustionem, aut sectionem quandam; malum ne longius serperet, effecit. ut enim indomitum cor, hominum duræ ceruicis molliret, etiam ipse non dubitauit, eandem cum aliis afflictionem subire. unde, inquit, Propter hoc uiuit dominus, non erit in terra aqua nisi per os meum. Sic etiam restituit uiduæ filiū cum ieiunio fultus, contra mortem fortiter se gessisset. Sed, quemadmodum nulla utilitas ex illa beneficentia proficisci-

ficiscitur, quæ ostentandi causa fit; ita
 etiã nullus fructus capitur, ex eo ieiunio,
 quod fit omnibus coram. nam ea, quæ
 ostentandi gratia fiunt, non quærunt fru-
 ctum in futuro sæculo, sed laudem ho-
 minum in hoc ueniantur. Helisæus autem
 qualem, obsecro, duxit uitam? quomo-
 do à muliere Sunamitide hospicio acce-
 ptus est? quomodo ipse uates alios acci-
 piebat? nonne olera syluestria, & modi-
 ca farina, omnem hospitalitatem exple-
 bant? Illi uerò uiri, qui colocyntidem at-
 tigerant, uitæ periculum adiissent, ni pre-
 cibus ipsius uenenum dissipatum fuisset:
 atque omnino uidere licet, ieiunium om-
 nes sanctos ad diuinam politiam, manu
 ueluti quadam, adduxisse. Est quædam
 corporis natura, quam amianton nomi-
 nant, ex eo quòd igne consumi nequeat;
 quæ quidem in flammam iniecta, uide-
 tur in prunas redigi, at cum ex igne exem-
 pta fuerit, ac si aqua esset illustrata, luci-
 dior multò euadit. Talia erant illorum
 trium puerorum corpora, quæ ieiunio na-
 turâ amianti induerant: in magna enim
 fornacis flamma uidebantur ueluti aurei
 esse, sic omnem ignis noxam superabant,
 immo auro ipso ualidiores apparebant.

non

non enim consumpsit ipsos ignis, sed integros seruauit. ac sanè nihil aliud ingen-
 tem illam flammam sustinebat, quàm
 naphtha, & pix, ac sarmenta, quæ ita
 eam alebant; ut ad quadraginta cubitos
 diffunderetur, & circumcirca omnia de-
 pascendo, multos etiam ex ipsis Chal-
 dæis consumeret. illā uehementem flam-
 mam facilè pueri inedia deleuerunt, te-
 nuem instar roris aërem in tam ardenti
 igne spirantes. ignis enim ne pilos quidē
 eorum cōtingere ausus fuit, eò quòd ip-
 si ieiunio corpus macerassent suum. Da-
 niel autem uir ille desideriorū, cū tres
 hebdomadas panem non comedisset,
 nec aquam bibisset, etiam leones ipsos,
 in puteum immissus, ieiunare docuit.
 nam quasi ex lapide, aut ære, aut aliqua
 re solidiore cōflatus fuisset, leones ei den-
 tes infigere non poterant; ita ieiunium
 corpus illius ueluti tinctura quadam ferri
 firmarat, ac leonibus inuictum reddide-
 rat. Neque sanè Moses, uertice fumante,
 montem accedere, neque in caliginem
 ingredi ausus fuisset, si corpus suum prius
 ieiunio non armasset. per ieiunium etiā
 præcepta digito Dei opt. max. in tabellis
 scripta, suscepit: & superius quidem ie-
 iunium

iunium legum ferendarum causa extitit ; inferius uerò ingluuies idolorum cultui studebat. quadraginta dierum , pro dolor , continuam ieiunantis ac orantis serui perseuerantiâ , unica ebrietas inutilen reddidit . nam quas tabulas digito Dei scriptas per ieiunium Moses acceperat , eas ebrietas contriuit : cùm indignum iudicaret uates , populo temulento leges à Deo condi . Quid , quæso , ipsum Esauum fœdum , quid seruum fratris fecit ? nonne unicus esus , ob quem , miser , primogeniti prærogatiua excidit ? Quadraginta dies Helias cùm animam inedia afflisset suam , in specu , qui erat in Choreb , uidit Deum : ac sanè ita uidit , quatenus homini dominum uidere fas est . Quorum artus , cedo , ceciderunt in solitudine ? nonne eorum , qui carnes flagitabant ? quibus , quàm diu satis erat māna , & illa aqua , quæ ex petra manabat , Aegyptios fundebant , per mare iter faciebant , neque ullus eorum in castris aliqua inualetudine conflictabatur . cùm uerò in mentem illis uenisset carniū , ac uoluptatū Aegyptiacarum desiderium eos cepisset , terram , quæ illis promissa erat ; non conspexerunt . Verum neque sapiens ille

ille Daniel uisiones uidisset, si ieiunio per-
spicaciorem animam suam non reddidisset.
ex crasso enim alimento exhalationes
quædam fuliginosæ, nubis densæ in-
star exhalant; quæ eas illustrationes, quibus
Spiritus sanctus mentem illuminat nostram,
incidunt. Somni etiam leues, & è
quibus facile te excitare possis, tenuem
uictum consequi solent. ac sanè sua sponte
tales somni dirimuntur; cum cogitationes
magnis de rebus habentur. nam
qui tam graui sopore detentus est, ut,
dissolutis ipsius membris, locus sit absurdis
imaginationibus, hunc somnus in
quotidiano mortis periculo uersari facit.
Moses secundas tabulas, in quibus leges
erant scriptæ, accipere cum uellet, secundario
ieiunio corpus macerauit suum.
& nisi cum Niniuitis etiam animantia rationis
expertia simul ieiunassent, profecto
minas euerfionis non effugissent. Magnas,
me hercule, utilitates ieiunium humano
generi affert. hoc enim decretum illud
diuinum de excindenda Niniue reuocauit.
tribus totis diebus in illa ciuitate
prædicatum fuit, fore, ut funditus
deleretur: uicit tamen euerfionem, ad
Deum immortalem conuersio. nam illæ

euerſionis minæ, ubi ad Deum ſeſe con-
 uerterunt, conquieuere: & quanuis Io-
 nas animo candido, & uero, interitum
 ac ruinam ciuitatis prædiçaſſet, ieiunio
 tamen illi minas ſiſterunt, medicamen-
 toque confefſionis atque ſupplicationis
 ſalutem ſibi pepererunt. Quis, obſecro,
 facultates ſuas ieiunando imminuit? nu-
 merando percenſere hodie, ea omnia,
 quæ intus ſunt, & paulò poſt idem ſi fe-
 ceris, cognosces profectò rerum tuarum
 inedia nullam diminutionem factã eſſe.
 neque enim ullum animal mortem deſle-
 bit ſuam, neque ſententia atrox aduer-
 ſus animantia ab implacabili uentre ulla
 feretur. quieſcet præterea coquiorũ gla-
 dius, menſa etiam iis, quæ ſua ſponte
 terra producit, contenta erit. Ad il-
 lud autem graue, ac uenuſtum pro-
 blema Encratitarum, qui quærunt, cur
 non omnia comedam? illud respondeat-
 tur, Quoniam etiam excrementa no-
 ſtra execramur, nam ex dignitate ſui,
 olera herbarum nobis ſunt loco carnis.
 quemadmodum enim in oleribus peſtife-
 rum à ſalutari ſecernimus: ſic etiam in
 carnibus ab utili noxium ſeparamus, ſi-
 quidem ut cicuta eſt olus, ita uultur ca-
 ro.

ro . sed tamen nemo unquam sanæ mentis carnem canis attinget , nisi ingenti aliqua necessitate astrictus ; siquidem fieri non potest , ut eam comedendo legem non transgrediatur . Quietum aliquando redde , quæso , coquum tuum , concede ocium mensæ structori , siste manum eius , qui tibi est à poculis , quiescat etiã is , qui uarias placentas ac bellaria parat ; conquiescat denique aliquando domus ab infinitis tumultibus , & à fumo ac nidore , tum etiam ab iis , qui sursum ac deorsum cursitāt , & uentri ueluti implacabili cuidam domino ministrant , det uenter uacationē ori , tribuat nobis quinque dierum inducias ille , qui semper expetit , nec unquam cessat ; hodie accipit , cras eius in obliuionem uenit . cūm repletus est , de abstinentia disputat : at ubi alimentum ex ipso efflauit , dogmata ex animo effluunt suo . sed iam dicendi finem faciam , si me prius apud regem illum , qui nobis res incurabiles imperat , excusauero . amabò , mi Tranquille , parce nobis , cūm tantas res possideamus , quantæ hodie nobis , si comedere eas uellemus , non sufficerent . Sufficit enim nobis , ut par est , ars coquorum ; at gladius

eorum nullum habet cum sanguine commercium. Præstantissima apud nos edulia habentur, herbarum cohors, cum modico pane, & uino flaccescente, ita ut neque ob ingluuiem sensus nostri stupeſcât, neque præ delitiis, munia sua negligant. Quemadmodum enim in indumentis, usum ac utilitatem eorum spectamus, sic in alimento panis, necessitatem famis explebit, & aqua sitim hominis sani restinguet: ex leguminibus uerò obsonia, robur corporis ad necessarios usus conferuare poterunt. In comedendo autem rabiosa ingluuias non est detegenda, sed omni in loco constantia ac mansuetudo; & à uoluptatibus continentia, conferuetur. Sed quid ago? cùm enim magnitudinem eorum, quæ dicta sunt, considero; me longius prouehi animaduerto: cùm autem rursus sapientiæ, quæ in operibus elucet, uarietatem contemplor, initium narrandi uix fecisse me existimo; simulq; illud etiam mihi persuadeo, non esse inutile hîc nos diutius cômorari: qua enim in re id, quod reliquum est ad uesperum temporis, melius conteretis? non uos urgent ij, qui ad cœnam uocant, non conuiuia expectant. proinde si placet, ieiunio

nio corporis ad animorum lætitiā utamur ; sæpe corpori ministraſti ad voluptatem , hodie animo indulge , ac oblecta te in domino , qui tibi id , cuius deſiderio animus tuus tenetur , concedet . quis enim fructus eſt corpus inedia affligere , ſi animum infinitis uitiis refercias ? qui autem malum non parat , at in ocio eſt , qua , obſecro , non utitur futili & uana oratione ? quæ tandē aliena & abſurda non audit ? ocium nāq; ſine Dei metu , improbitatis magiſter eſt his , qui rationem nullam habent temporis . Atque ex iis quidem , quæ à me commemorantur , aliquid fructus fortasſe percipietis ; ſi minus , at certè ex hoc noſtro ſermone uobis à peccando licet deſiſtere . Itaque diutius uos hīc remorari , aliud eſt nihil , niſi uos diutius à malis abducere , & ad cœleſte illud regnum , quaſi manu ducere , cuius utinam omnes participes ſimus , benignitate & gratia I E S U Chriſti , cui ſoli gloria , & cultus , in ſempiterna ſæcula . Amen .

DE INSTITVTIONE
& admonitione

ORATIO VI.



I post tot exhortationes,
quibus & praterito tem-
pore apud uos uisi sumus,
& per has septem ieiunij
hebdomadas euāgelium,
hoc est illustre testimo-
nium gratiæ diuinæ, noctes diesque re-
statum uobis facere non destitimus, ni-
hil nos profecisse constat, qua spe freti;
obsecro, hodie apud uos uerba faciemus?
cū & agricola, si priora semina, quæ
sparsit, non prodierint, tardior esse so-
leat, ut rursus iisdem aruis alia mandet.
Quare & ipse, quod uos celatum esse no-
lim, in silentio permansissem, si exem-
plum Hieremiæ non extimuissem: qui cū
ad populum dicto non audientem, uerba
facere nollet, ea perpeffus est, quæ ipse
recenset, uidelicet, quòd in uisceribus
eius, ignis quidam exortus erat, quo o-
mni ex parte dissoluebatur, nec uim il-
lius

lius ferre potuit. Cum autem uirtus sermonis, natura ipsa ea sit, ut neque eas res, quæ in lucem proferri debent, obscuritate inuoluat, neque sit superflua ac uana temerè rebus circumfluens, non est satis, semel multis de rebus dixisse, ne aliquando sermonis breuitate, inutilia ea appareant, quæ magno studio conquistæ sunt. mens enim omnia simul comprehendendo debilitata, idē patitur, quod & uenter solet, qui propter exuperantiā cibi, ea, quæ in ipsum transmissa sunt, concoquere nequit. Nam ea disciplina, quæ uiolenta est, diuturna esse non solet: at ea, quæ cum delectatione quadam & iucunditate percipitur, nescio quomodo firmitus animis nostris inhæret. ob eam etiam causam Spiritus sanctus, delectationem, quæ ex concentu proficiscitur, ipsis doctrinis immiscuit; ut lenitate ac dulcedine soni, fructum, qui ex sermonibus manat, sensim reciperemus, idque more sapientissimorum medicorum, qui cum iis, qui cibum fastidiunt, austeriora medicamenta bibenda præbent, melle pharmaca obliniunt. propterea etiā concinni cantus psalmodi inuenti sunt, quò pueri ætate, aut etiam moribus, canere

quidem sibi uideantur, reuera autem animos instituant ac erudiant. nam ut ne equorum domitores, statim effrenes pullos frenis constringūt (sic enim eos retrocedere ac infessores excutere discerent) sed primò nonnihil remittunt, habenasq; laxant: ubi uerò uiderint sua sponte impetum illum animi resedisse, tunc eos domant, & arte, obedientiores ut sint, efficiunt. Qui enim diligenter ex unaquaque re fructum decerpunt, iis perinde ac magnis fluminibus, multæ omni ex parte accessiones fieri consueuere. nam modicum modico apponere, non magis in argenti, quàm in cuiusque alterius scientiæ, additione ad amplitudinem ualere existimandum est. illæ uerò res, quæ magno cum labore partæ sunt, lato animo & excipiuntur, & diligenter custodiuntur: at quæ nullo labore acquiruntur, earum possessio pro nihilo habetur. Quæadmodum igitur non ex inuidia, rerum opifex, nobis eas uitæ commoditates, quæ sunt cæteris animantibus tributæ, esse noluit, sed indigentiam rerum necessariarum, ueluti exercitationem quādam ingenij fabricatus est; sic etiam obscuritatem in sacris literis instituit, ob
mentis

mentis nimirum utilitatem, actionem eius excitans. primum quidem, ut his rebus animus detentus, à rebus pessimis seuocetur: deinde, quoniam ea, quæ labore parta sunt, magis amantur, tum quòd ea, quæ longo interuallo temporis acquirimus, firmitus permanere soleant. At quorum facilis est possessio, eorum usus non magni æstimatur. præsentia siquidem earum rerum, quæ in promptu sunt, despicitur, nec eam ulla custodia hi, qui eas res tenent, dignam esse iudicant. Turpe uerò est noxios cibos auersari, earum autem disciplinarum, quæ animum alunt nostrum, nullam rationem habere, sed se quasi in torrentem quendam immergere, qui quidquid occurrit, secum trahit. Sicuti enim natura mellis non potest adeò bene ex sermone ab imperitis, ut ipso sensu gustus, percipi; ita etiam neque cœlestis sermonis utilitas, tam efficaciter disciplinis tradi potest, si noluerimus ipsi, studia ueritatis magis ac magis perpendendo, propria experientia, ac usu benignitatem domini comprehendere. cum enim dicat benignissimus Deus & conseruator noster IESVS Christus, Venite ad me omnes, qui labores

res exantlatis, & oneribus opprimimini, & ego reficiam uos. periculosum est repellere eos, qui nostra opera ad Christū contendunt, quiq̃ue iugum illius salutare subire nolunt. Antea acta autem uita, eorum, qui accedunt, penitus cognoscenda est, ac iis quidem, qui aliquid iam antea boni gessere, disciplinæ magis perfectæ tradendæ sunt: eos uerò, qui ex aliquo improbo genere uitæ egressi, ad magis exactam, nempe cognitionis Dei uitam descendunt, discernere oportet, quibus moribus sint, ac etiam atque etiā uidere, ne sint inconstantes, ac in commutando genere uitæ faciles. nam taliū commutatio facilè in suspicionem uenit, quiq̃ue præter hoc, quòd nihil sibiipsis utilitatis afferunt, insuper auctores sunt aliis noxæ. cū autem omnia cura & diligentia facilè corrigantur, & timor Dei cunctas prauitates longè exuperet, nec de iis statim desperandum est, sed deducendi sunt ad ea gymnasia, quæ illis respondeant, & ex tempore, ac laboriosis certaminibus, periculum faciendum est, eorum iudicij, ut si quam constantiam in ipsis inesse inuenerimus, sine periculo ipsos recipere possimus. sin mi-

nus,

nus, cùm sint adhuc extra monasteria, reiicere, ita, ut nullo nocumento, eorum uitæ periculùm, societati fiat. Qui uerò ab illustri aliquo genere uitæ, exemplo domini ad humilitatem contendit, huic præcipere oportet, ut sit ueluti aliquis è numero eorum, qui ab hominibus externis ignominia afficiuntur: & diligenter obseruandum est, an eum omnino non pudeat, operã nauare Christo. at eos, qui, cum iugo seruitutis sint obstricti, ad collegia confugiunt, prius bene commonitos propriis dominis par est remittere, exemplo beati Pauli; qui ubi genuisset per euangelium Onesimum, Philemoni ipsum remisit, illi quidem persuadens, iugum seruitutis, si quis domino suo omnino complacere studeat, hominem regno cœlorum dignum efficere; hunc uerò admonens, ne solùm ei eas minas remitteret, quas iactarat, sed ut etiam meliori esset in eum animo, quod si contigerit prauus dominus, iniqua, & illegitima in mandatis dans, & seruum cogens, ne præcepta Dei ueri Domini nostri IESV Christi teneat, pro uiribus enitendum est, ne Dei nomen per seruum illum malè audiat, si quid perpetraret

traret quod Deo non probaretur. certamen autem illud perficitur & rectè se habet, aut quia seruus ille præparatur ad tolerandas eas afflictiones, quibus affligitur; eo quòd magis parère Deo, quàm hominibus oporteat; aut quia illi, qui ipsum suscipiunt, eas tentationes, quæ ipsis propter illum inducuntur, sustineant. illos uerò, qui matrimonio cum sint deuincti, ad hoc genus uitæ se recipiunt, percunctari oportet, an mutuo consensu id faciant, iuxta Apostoli præscriptum, & sic multis testibus præsentibus, recipiendus est ille, qui se confert. quòd si altera pars dissenserit, & contrà iuerit, minoris ducens reconciliationem cum Deo, tum in mentem ueniat Pauli, qui ait, In pace uocauit nos Deus. Qui igitur rebus propriis, eo animo ut Christum sequeretur, uale dixit, is eas res, quæ ad se pertinent, ne despiciat ac pro nihilo putet; sed elaboret, ut ea, omnibus diligentissimè collectis, quæ ià Deo quasi consecrata sunt, omni cum reuerentia administret: uel ipse, si potest, & scit, uel per eos, qui sunt electi, non sine multa inquisitione. scire enim debet periculosum esse, eas res, aut suis relinquere,

aut

aut earum procuracionem cuius homini
committere : nam si is , qui regiarū pos-
sersionum curam sibi concreditam ha-
bet , quanuis nihil ex partis iam rebus se-
moueat , sed negligētia quadam ea , quæ
acquiri potuerant , non acquirat , crimi-
ne non uacat : quàm , quæso , eum con-
demnationem expectare par est , qui ne-
gligenter ac remisè , eas res , quæ domi-
no dicatæ sunt , administrat ? Nam mun-
do repudium remittere , non est res cor-
poris negligere , sed animam à pestifero
consensu cum corpore abducere , & esse
extorrem , sine domo , sine re familiari ,
sine amicis , inopem , uitæ non studiosum ,
à negotiis abhorrentem , ab omnibus cō-
merciis alienum , humanarum doctrina-
rum rudem , paratum denique eas for-
mas in corde suscipere , quæ ex diuina
doctrina imprimuntur . Preparatio au-
tem cordis nihil aliud est , quàm obli-
uione perpetua delere eas doctrinas , quæ
ex praua consuetudine ipsi præoccu-
parant . Primum igitur omnium danda
est opera illi uiro , cui Deus cordi est , ne
ignoret , quomodo sermone uti debeat ;
sed & sine contentione interroget , & sine
ambitione respondeat , ne uel eum inter-
pellet ,

pellet, qui cum sermonem confert, & uel
 maximè si quid præclari in medium pro-
 ferat: neque studeat ad ostentationem lo-
 qui, uerùm certum modum tum dicen-
 di, tum audiendi sibi definiat. Discen-
 dum est autem absque ullo pudore, & do-
 cendum sine inuidia. & si quid ab altero
 hauserimus, id ipsum non est celandum,
 sicuti improbæ mulieres solent, dum spu-
 rios partus supponunt, sed grato animo
 auctor dicti prædicandus atque aperien-
 dus est. Vocis uerò tonus medius est ser-
 uandus; ut neque lenitate sua auditum
 diffugiat, neq; intensiōis magnitudine
 sit molestus. id uerò, quod eloquendum
 est, prius secum reputet, atque ita de-
 mum sermonem proferat. Cæterum in
 congressionibus facilem, in colloquiis
 uerò dulcem se præbeat; ne urbanitate
 suauitatem captet, sed cohortatio sua-
 uitate, ac benignitate condidatur, repul-
 sa omni in loco asperitate. nā si te prius
 ipse humanum exhibueris, facile te ferre
 poterit is, qui curatione opus habet.
 Vtilis omnino est nobis illius castigatio-
 nis norma, qua usus est uates, qui Da-
 uidem uitiiis se inquinantem, non ipse
 condemnauit, sed personam aliam in-
 ducens,

ducēs, ipsum sui ipsius peccati iudicē constituit, quò ipse, sententia contra se lata, non amplius haberet ansam increpanti se irascendi. nam ut aquæductus ostendit proprium fontem; ita sermonis natura cor, quod illum edit, declarat. & quemadmodum in præceptionibus medicorū, quæ scitè, & cū ratione fiunt, utilitas, quæ ex ipsis manat, uel maximè post factam experientiam inclarescit; sic etiam & in spiritualibus exhortationibus, ubi exitum acceperint, qui denotet præcepta, tum demum prudentia, & fructus ipsorum, quæ ad emendationem uitæ spectant, ac perfectio ipsa demonstratur. Nam qui labentem erigere uult, debet omnino longè altior esse illo, qui cecidit; at qui ex equo prolapsus est, opus habet altero, qui eum extollat. nonne qui se cæcis magistris, duces ut sibi sint, committunt, seipsos usu lucis orbant? Nam qui fratrem suum delinquentem cum indignatione & ira reprehendit, is non liberat eum à peccato, uerū se ipsum peccatis obstringit. Summa profectò cum mansuetudine erudiendi sunt ij, qui aduersantur; neque debemus ob ea, propter quæ ipsi sprete fuimus, in

G alios

alios uehementes esse, neque eorum cau-
 sa, ob quæ alium contemni uidemus,
 benignitatem delinquenti non ostende-
 re; immo, etiam tunc magis ipsum com-
 plectemur: sic enim & proprij amoris
 suspicionem effugiemus, & demonstra-
 bimus, odio nos non habere delinquen-
 tem, sed peccatum ipsius auersari: siqui-
 dem alterius causa, & cogitare, & la-
 borare, encomium est animi amantis
 Christum, & fratrem. Omni igitur ra-
 tione oportet eum, qui laborat, sanare;
 & opera danda est, ut id membrum,
 quod suo loco est motum, in proprium
 locum restituatur. Quòd si in aliquo
 peccato permanserit, quasi alienum re-
 linquendum est. nam scriptum est, Om-
 nis planta, quam non plantauit pater cœ-
 lestis, radicitus euellatur. Si enim diffi-
 culter reuocantur à suis propriis ac con-
 suetis moribus, & si uoluptati corporis
 magis seruire student, quàm domino,
 nec eam uitam, quæ est è religione reci-
 piunt, nihil nobis rei cum eis esse debet:
 nos enim inter populum inobedientem,
 & contradicentem, illud audire didici-
 mus: Seruans serua tuam ipsius animam,
 nec participato cum alienis peccatis.

Quòd

Quòd si quis auido animo ad cantandum non uenit, nec est ita affectus, ut ille, qui dixit, Quàm dulces sunt gulæ meæ sermones tui, supra mel equidem ori meo dulciores sunt. & , si non magnam iacturam ducit otium, talis aut se corrigat, aut penitus pellatur; ne paruum fermentum totam massam inficiat. nam eos, quos communes reprehensiones modestos non efficiunt, & quos ad pœnitentiam non adducit illud, quòd repulsi sunt à precationibus: cum his necesse est nos, ea norma, quam nobis dominus præscripsit, uti. Scriptum enim est, Si frater tuus peccauerit, reprehende eum, ita ut tecum ipse solus adsit: quòd si te non audierit, adhibe unà tecum insuper unum, aut alterum: quòd si ne sic quidem audierit, dicito ecclesiæ: sin ne ecclesiæ quidem paruerit, esto tibi perinde ac extraneus, & publicanus. nam quod fieri iubetur in illo, etiam in hoc quadrabit: Semel appellatus fuit, coram uno & altero reprehensus est, tertio ab ecclesia: quoniam igitur testibus usi sumus contra ipsum, nec tamen paruit, in posterum pellatur, & per totam ciuitatem publicetur, eum recipiendum non


esse, ad omnem conuersationem uitæ humanæ. ita ut ex eo, quod nos non commisceamus illi, fiat omnino pabulum diaboli. ut enim pueri, qui discere nolunt, cum ipsis magistri, aut pædagogi plagas uolunt inferre, longè diligentius discunt; etenim ipse sermo ante flagella non auditur, ac post dolores, qui flagellis incussi sunt, uix non aures ipsæ aperiuntur; tum enim & auribus accipitur, & memoriæ faciliè mandatur: sic se etiam res habet in iis, qui diuinam institutionem negligunt, & præcepta domini despiciunt, qui postquam à Deo castigati sunt, tum uix tandem ea, quæ semper proferebantur, & semper despiciatui habebantur, quasi primum in ipsas aures peruenissent, recipiunt, iuxta eum, qui dicit, Castigatio Domini aperit aures meas. Quemadmodum autem absque ulla perturbatione eis, qui morbo animæ conficiuntur, medelas adhibere necesse est; sic rursus oportet eos, qui curantur, non in malam partem accipere pœnas, neque tyrannidem ducere, eam curam, quæ ex misericordia, conseruandæ animæ causa adhibetur: turpe etenim est, eos, qui corpore laborant, tantum medicis

medicis fidere, ut siue secent, siue adu-
rant, siue amaris pharmacis molestant,
tamen in benefactoribus eos numerent :
nos autem non eodem esse animo in eos,
qui animabus nostris medentur, cum æ-
rumnosam uitam agendo, salutem nobis
afferant. Quoniam autem horrendum
supplicium, eum, qui præst, manet, si
non reprehenderit delinquentes: ideo sic
debet esse affectus, ut qui rationem red-
diturus sit, uniuscuiusq; qui sibi est con-
creditus. nam si inciderit in peccatum
frater, cum non prædixerit ipsi uolunta-
tem Dei, aut prolapsus, in peccato persti-
terit, non edoctus ab eo, quomodo ui-
tam suam emendare deberet: tunc san-
guis illius è manibus ipsius exquiratur,
ut à literis mandatum est, & uel maximè si
non ignorantia aliquid eorum, quæ Deo
probantur, neglexerit, sed ob assentatio-
nem implicans se peccatis uniuscuiusque,
sinceritatem administrationis non ser-
uet. Sicuti autem præpositus debet se du-
tem in omnibus societati prebere; ita
uicissim eos, qui ceteros & ætate, & pru-
dentia antecunt, deest commonescere
prefectum, si in suspicionem alicuius pec-
cari uenerit. nam si fuit aliquid corre-

etione dignum, sanè & fratri, & nobis
 ipsis per illum opem tulimus; dum eum,
 qui quasi quædam norma vitæ nostræ est,
 & qui sua probitate prauitatem nostram
 corrigere debebat, ad frugem reuocau-
 rimus. sin uerò frustra aliqui perturbati
 fuerint, certiores facti, per manifestatio-
 nem eorum, quæ falsò illi suspicati sunt,
 ab omni periculo, quod eis ex eo impen-
 debat, liberantur. non enim nescij estis,
 omnes illos, qui aliis præsumt, ueluti sco-
 pulos quosdam in mari præeminètes esse,
 qui impetum contrariorum fluctuum re-
 cipiunt, & circa ipsos rupti, eos, qui post
 sequuntur, non inundant. Ego quidem
 quæ optima esse iudicaui, & nunc expo-
 sui, & in posterum exponā: & quantūuis
 me corporis infirmitas impedire uidea-
 tur; quæ quanta mihi à prima pueritia
 ad hanc usque ætatem insit, non ignora-
 tis; certè uidetur unà necum esse enu-
 trita, & erudit me iuxta iustum iudicium
 Dei, qui omnia summa cum sapientia re-
 git, atque gubernat. ueruntamen quoad
 nobis uita suppetit, tenemur nihil eorum
 in præteritis relinquere, quæ ædificationi
 proborum seruiunt. Vos autem uelint,
 cum tria sint genera ægritudinum, miri-
 nē

mè similes esse illi, quæ agrè curatur; neque supparem uos morbum prodere ei, quali infeliciū quorūdam corpora sunt obnoxia: etenim qui leui morbo laborāt, ipsi medicos accedunt; qui uerò maioribus ægritudinibus affliguntur, hī medicos ad se accersunt. at qui ad incurabilem penitus atræ bilis morbū peruenēre, hi neq; accedētes admittunt. hoc ipsum uos per Deum immortalem ne faciatis, sed erudimini, ac sitis instructi timore Domini Dei nostri; ut possitis etiam cōsequi uitam æternam ex benignitate Domini nostri IESV Christi, quem gloria, & potentia unà cum patre simul imperante, & sancto ac uiuificante Spiritu, in omne tempus consequatur. Amen.

Tomi primi finis.



D. BASILII


MAGNI,

Archiepiscopi Cæsareæ Cappas-
docia, Orationes de moribus

*à Simone magistro et sacri palatii quæstore,
ex eius scriptis in unum congestæ.*

Stanislao Ilouio interprete.

TOMVS SECVNDVS.



Venetiis apud Io. Andream Valuassorem.

M D L X I I I .

D. RASILI

M. A. G. N. I.

Archiepiscopi Carissimi
domini, salutem in domino sempiternam.

etiam quod de vestris litteris
etiam quod de vestris litteris

Stimulus huius temporis

etiam quod de vestris litteris



etiam quod de vestris litteris
M. A. G. N. I.

REVERENDISSIMO
IN CHRISTO PATRI
D. D. NICOLAO VOLSKI,

Pontifici Vladislaniensi,



Stanislaus Ilouius S. P. D.



*Iraberis for-
tasse, Ponti-
fex amplissi-
me, quid mihi
in mentem ve-
nerit, homini*

*uix tibi de facie noto, ut non solum
ad te scribere, sed etiam lucubras-
tiunculas meas clarissimo tuo nomini
dedicare sim ausus. id si tu facies,
nihil aliud profecto, quam tuas sin-
gulares ac excellentes uirtutes su-
spicies.*

spicies . hæ enim me ita tibi astringere, ut si me inter eos omnes, qui te observant, & colunt, primas partes ferre dixerò, non profectò mentiar. Quem enim, per Deum immortalem, tuæ amplissimæ istæ uirtutes ad se non alliciant? quem in tui cultum & obseruantiam non inducant? nam qui huc ex Polonia ad nos uenit, singularem tuam in dicendis sententiis prudentiam, eximiam in omnes humanitatem & liberalitatem prædicant, atque summis laudibus in cælum ferunt. Nec tamen te existimare uelim, solas istas, quas modo commemorauì, uirtutes tuas, etsi sunt singulares, me ad omne meum studium tibi dicendum impulsisse. est aliud quiddam, quod me ad te colendum inflammauit atque excita-

tauit.

tauit. Quid tandem? amor patriæ;
cuius ea est uis, eaq; natura, ut
Ithacam illam in asperrimis saxulis
tanquàm nidulum affixam, sapien-
tissimus uir ille immortalitati ante-
poneret. & ut Homerus refert,

ἰὲ μένος καὶ κατὰ πρὸν ἀφ' ἑωσκόνοιο νοῦ (Ge) τοῦ
ἴσ' ἰαίνο, θαλίην ἱμεῖρετο.

nec iniuria; nihil enim à diis immor-
talibus humano generi dulcius, nihil
iucundius, nihil charius, omnium sa-
pientissimorum sententia, est datum.
Hic meus incredibilis in patriam
amor, me tibi usque adeò deuinxit,
ut arctiori uinculo astringi nullo mo-
do possim. cum enim te uideam adeò
studiosè patriæ nostræ operam da-
re, omnesq; tuas curas & cogita-
tiones ad eam ornandam conferre,
non fauere tuis laudibus, teq; ab-
sentem

sentem omni animo complecti non
possum. Declarasti enim cum aliis
sæpe, tum proximis comitiis, nihil
apud te salute ipsius esse antiquius.
qua in re, cui, quæso, sumptui pe-
percisti? quem non laborem liben-
ter exantlasti? quas curas, ut laban-
tem & ægram confirmares, non sus-
cepisti? Cum igitur in salute pa-
triæ, qua etiam meam contineri sen-
tio, euigilent omnes curæ & cogi-
tationes tuæ, ego ne tam sim impius,
ut te non obseruem, non colam, non
in coelum usq; tollam? Pereat quis-
quis uiros tales non simili & maiori
dignetur honore. nam si flagitium
ducimus, cum summo amore non
prosequi, qui patri nostro opem tu-
lit; certe tu, qui patriæ, quæ com-
munis omnium nostrum est parens,
subuenis,

subuenis, ab omnibus in oculis es
ferendus. Veteres quidem illos ac-
cepimus, qui sese totos patriæ tra-
didissent, eos in numerum deorum
immortalium retulisse. hinc tam mul-
ti dii, hinc deæ, hinc dæmones. Ho-
rum nos exemplo commoniti atq; in-
ducti, non quidem similes honores
uiris de patria bene meritis tribuere
possumus, (religione enim prohibe-
mur) sed hos certè tribuemus, qui
& ipsis iure conueniant, & nostrā
in illos pietatem, gratumq; animum
uel maximè declarent. Proinde sic
tibi de me persuadeas uelim, Præsul
amplissime, me ob istam tuam egre-
giam in repub. nostram uoluntatē,
ita te obseruare & colere, ut qui
id sanctius & ardētius faciat, quā
ego, reperias profectō mortalium
neminem.


neminem . cuius meæ erga te obser-
uantia , ut significationem aliquam
darem , has orationes tibi mittendas
esse duxi ; tum etiam ut in iis , ueluti
in speculo quodam , istas tuas exi-
mias laudes contempleris , etsi non-
dum eas ad amussim expresseris ,
has ad illam ueram & perfectam
gloriam , duces sequare . Vale .
Præsul amplissime , nosq; benigni-
tate tua complectere . III. Non.
Septemb. M D L X I I I .
Patauio .

D. BASILII MAGNI

Orationum de moribus,

TOMVS SECVNDVS,

Stanislao Ilouio interprete.



DE VIRTUTE

ET VITIO

ORATIO PRIMA.



OMINVS noster IESVS
Christus discipulis suis ait,
Euntes docete omnes gen-
tes, docentes ipsas, nō hęc
quidem seruare, illa uerò
negligere, sed seruare ea
omnia, quæ in mandatis dedi uobis; hoc
est ne minimum quidem mandatum trā-
scendere. si enim non omnia nobis ad sa-
lutem necessaria essent, non etiam pro-
fectò omnia literis prodita fuissent, nec
omnia tenere, nobis fuisset præscriptum.

Tom. 2.

A Nos

Nos uerò unum fortassis præceptum nos fecisse autumantes, (non enim dicere aulim facientes: omnia enim inter se ita constricta, & colligata sunt, ut exoluto uno, etiam reliqua necessario solui necesse sit) non propter ea, quæ omisimus, irā expectamus, sed ob rectè facta quasi præmia quædā præstolamur, ignari quòd ille, qui ex decem talentorum deposito unum fortè, aut duo detinuit, reliqua uerò rependit, non probus, quòd plura persoluisset, decernitur; sed iniustus & auarus, quòd pauca detraxisset, iudicatur.

Quid dico de ablatione? cùm is, cui unū talentum concreditum fuit, quanuis illud ipsum integrum restituisset, quod acceperat, tamen eò quòd dando, nihil lucrifecerit, condemnatur. Qui toto decennio patrem coluit & obseruauit, & unam plagam ei post iniecit, non ut benefactor colitur, uerum ut parricida dānatur. Proinde ille, qui cùm in rectè factis magnos progressus fecisset, dein ad ueterem consuetudinem redit, non solum mercede, quam ob res antea gestas expectabat, priuabitur, sed etiam longè grauiores pœnas pendet, quòd gustato pulchro Dei uerbo, & cognitione mysteriorum

riorum dignus habitus, omnia prodiderit, uoluptate breui delinitus. Quapropter oportet nos, si modò uelimus tutò hanc propositam uiam uitæ conficere, coronasque ob uictoriam accipere, exhibere Christo animam simul cum corpore ea infamia, quam ex uulneribus conceperunt liberam. oportet, inquam, nos uigilantes semper undiquaque animæ oculos circumagere, omniaque iucunda suspecta habere, nec ulli eorum animum applicare: neque etiam si aurum sparsim appareat propositum, ac in manus eorū, qui illud desiderant, uenire paratum. Diuitiæ enim, inquit, si affluerint, ne cor applicemini, neque si terra uictum producat, sumptuosaque tabernacula ostendet. nostra enim respub. ac uita in cælo est, ex quo seruatorem Christum suscepimus. neque si choreæ, si commessationes, si conuiuia, si mensæ tiliarum modulis ornatae tibi appareāt. Vanitas enim, inquit, uanitatum, & omnia uanitas. neque si corpora formosa offerantur, quæ prauī animi inhabitent. A facie enim mulieris, inquit Sapiens, tanquàm à facie serpentis fuge. neque si principatus ac tyrannides, & satellitum aut adulatorum

rum greges tibi deferantur, neq; si thronus altus ac splendidus, cui gentes ac ciuitates sponte seruitutē seruiant. Omnis enim caro fœnum, & omnis gloria hominis quasi flos fœni: exaruit fœnum & flos cecidit. in his enim omnibus tam iucundis, communis ille hostis delitescit, expectans quando ipsorum aspectu inescati, à recta uia recedamus, & ad illius insidias deflectamus. ac sanè uerendum est, ne aliquando incautè in ipsas incidentes, & usus iucunditatem nihil noxium habere rati, abditum doli hamum primo gustu deglutiamus, deinde ab ipso, partim sponte, partim inuiti his rebus alligemur, & ad horrendum latronis hospitium, nempe ipsam mortem, sensim à uoluptatibus pertrahamur. Virtutes quidem ubi ex industria naturæ cohæserint, nostra bona efficiuntur, neque nos in terra laborantes deferere uolunt, nisi ipsi sponte eas repulerimus, alias magis prauas inducendo, sed ad Deum accelerantes nos præcurrunt, & penès Angelos conditoris se collocant, atque ante oculos creatoris perpetuò fulgēt splendescūtq; . Diuitiæ uerò, dominatio, splendor, delitiæ, ac omnis denique eiusmodi turba,

quæ

quæ in dies nostra dementia increfcit ,
 neque unâ nobifcum ingreffa eft in hanc
 uitam , neque etiam fimul difcedit , fed
 illud , quod quondam iuftus protulit , in
 omnes homines ualet , Nudus egreffus
 fum ex utero matris meæ , nudus etiam
 difcedam . Quid igitur tibi amabò uti-
 lius eft , hanc'ne uitam temporariam eli-
 gere , ob eamque æternam subire mor-
 tem , an electa moleftia , quæ ex uirtutis
 exercitatione proficifcitur , hac fequeftâ
 uti ad uitam æternam confequendam ?
 Corporis quidem pondus lancis propen-
 fione difcernimus ; at ea , quæ in hac ui-
 ta primas ferunt , fpontaneo animi iudi-
 cio diiudicamus : quod quidem fcriptu-
 ra iugum nominauit , eò quòd poffit ac-
 cipere momentum in utranque partem .
 Velutî , fcortatio & temperantia tibi iu-
 dicanda proponitur , mensque tua in alto
 throno præfidet , iudicium tibi concredi-
 tum habens , & uoluptas quidem patro-
 cinatur fcortationi , timor autem Dei ,
 partes temperantiæ tuetur : fi igitur con-
 demnaueris peccatum , & uictoriam de-
 deris temperantiæ , rectè iudicafli ; fin ad
 uoluptatem inclinatus , pro peccato pro-
 nunciaueris , iniquam fententiam tulifti ;

atque obnoxius es factus illius execrationis, qui dicit, Væ vobis, qui dicitis amarum dulce esse, & quod dulce est, amarum, & qui lucem nominatis tenebras, & tenebras lucem. Quando igitur uirtus ex contrario uitio diiudicabitur, tum ostendito iudiciorum rectitudinem in occulto animæ tuæ iudicio, & præceptum quasi assessorem quendam tibi faciens demonstrato, te malum odio habere, uirtutes uerò amplecti. si enim in singulis actionibus, melioribus palmam dederis, beatus eris in illa die, quando iudicabit Deus abdita hominum, iuxta euangelium nostrum. & interim dum cogitationes se mutuò uel accusabunt, uel etiam defendent, non damnaberis propter propensionem ad mala, sed iustitiæ coronis honoraberis: quibus omni tempore uitæ tuæ uirtutem coronasti. Quemadmodum enim sagittarius telum ad scopum dirigens, neque exuperantia, neque defectu, neque etiam in utranque partem digressionem à iaculatione aberrat; sic etiam iudici ad iustitiam omnia sunt referenda, nec personarum rationem eum habere conuenit: personam enim in iudicio cognoscere, honestum non

non est, neque aliquid pretij causa facere debet, sed recta & imperuersa iudicia ei sunt proferenda. quod si ei duo iudicandi erunt, quorum unus plus habeat altero, debet ipsos adæquare, & tantum auferre à præeminente, quantum inferiorem factum esse eum uiderit, cui iniuria facta est. Alia quidem bona non magis eorum sunt, qui ea tenent, quam cuiusuis alterius, qui ea consequitur; ut pote quæ perinde ac in ludo cuborum huc & illuc transferuntur; at sola uirtus ex omnibus bonis auferri nō potest, semperque & apud uiuentem & mortuum permanet. Vnde etiam Solon illud nostri ad diuites dicere uidetur, At nos uirtutem non ita diuitiis permutabimus. est enim possessio firma uirtutis, sed opes iam alter & alter habet. Proinde uirtuti studete ò mortales, quæ una & cum naufrago enatat, & in terra nudum existentem fœlicibus honoratiorem reddit, atque sic uitam agamus, ut nunquam nobis res præteritæ meliores uideantur futuris, neque dicamus, dies priores longè meliores iis fuisse. nam si dies præcedentes meliores fuerint subsequenter, illud dicetur nobis, Tanta in cassum per-

pessi estis, res honestas obscurando, ea
 negligentia; qua usi estis in res postero-
 res. Vt enim homo omnibus numeris ab-
 solutus, rebus, quæ ante nos sitæ sunt, stu-
 det; ita peccator ad ea, quæ à tergo sunt,
 respicit. quod uerò maius mali argumen-
 tum esse potest, quàm à bonis secessio?
 & quæ prauitatis maior exuperantia,
 quàm irritare ac laceßere hominem fru-
 gi atque mansuetum? nam summa praui-
 tas etiam à seipsa discrepat, & malum
 non solum bono contrarium esse uidetur,
 sed etiam sibiipsi. Quapropter sicut te-
 nebræ lucis præsentia superantur, & mor-
 bus sanitatis accessione, & ad uirtutem
 progressio, à rebus minimis augmētum
 sumit; ita etiam prauitatis scaturigo, ab
 iis, quæ initiò imbecilla atque exilia e-
 rant, ad rem, quæ sanari ac restitui am-
 plius non potest, fertur. Principium uerò
 recuperandorum bonorum, est recessio à
 malis. Declina, inquit, à malo, & fac
 bonum. si enim statim proposuisset tibi
 perfecta, pigrius ea aggressus fuisses:
 nunc uerò iis, quæ facilius comprehen-
 duntur, te assuefacit, quò maiore animo
 sequentia aggrediaris. ut enim in scala
 primus ascensus, est à terra discessio: ita
 in diuina

in diuina politia, principium progressus, secessio est à malis. Quādiu igitur unusquisque nostrūm puer est, iucunditati huius uitæ studens, nullam futuri curam habet, sed cū in uirum euaserit, ac intelligentiam assequutus fuerit, uidet uias sibi duas propositas esse, unam, quæ ad uirtutem ducit, alteram, quæ ad uitium. in utranque itaque partem frequenter animæ oculum coniiciens, confert ea inter sese, quæ utriq; adsunt. ac peccatorū quidem uita, omnia ostendit in præsentī sæculo iucunda; iustorum uerò demonstrat futuri sæculi bona. & uia quidē eorum, qui seruantur, quanto pulchriora pollicetur futura, tantò magis laboriosa exhibet præsentia; at uia uoluptaria, & incontinens, non quæ in posterum expectanda sit, sed iam præsentem efficit uoluptatem. Beatus igitur ille est, qui uoluptatis inescatione, ad interitum non est conuersus, & qui in utriusque uia electione ad eam, quæ ad deteriora ducit, non deflexit. Beatus qui omni spe rerum huius mundi seipsum orbauit, ac in solo Deo omnem spem fixit atque locauit suam: sicut enim detestabilis & execrandus est ille homo, qui spem suam po-

fitam habet in homine; ita omni laude dignus, qui ex Deo totus pendet. Spes enim, quæ in Deo collocatur, non finit se in alio constituere, neque ei auxilium ferre uult, qui interdum spem ponit in pecunia, & gloria humana, ac in uiribus huius mundi: interdum uerò, Deū quasi spem sui ipsius proponit, sed oportet uerè in Dei auxilio acquiescere. Nullius uerò mentis, ac mundi amantes homines, cū eos prætereant ipsius boni natura, sæpenumero beatas prædicant res nullius momenti; nimirum diuitias, sanitatem, splendorem uitæ: quorum nihil ex sua natura bonū est, non solum ob id, quod faciliè ad contraria commutantur, sed quod neque bonos eos, qui eis præditi sunt, efficere queant. Qui igitur adhuc hanc uitam colit, nondum beatus censendus est, ob euentus incertitudinem; at, qui ea, quæ ad se pertinebant, absoluit, & uitæ manifesto fine clausit, hic iam securè beatus potest prædicari. Nam qui bona agunt, in ipso opere laudem adipiscuntur, qui uerò malum fugiunt, non si semel atque iterum peccatum declinarint, ideò laudibus ornantur, sed si penitus mali tētationem effugerint. Si itaque

que necesse est unumquemque nostrum ,
 uitam optimam eligere , & eam iucun-
 dam usu & consuetudine efficere , quàm
 optima nobis aggredienda sunt . turpe
 etenim est , præsens tempus negligere ,
 dein ubi elapsum fuerit , illud rursus reuo-
 care ; cùm nihil sit , quod nos maiori tri-
 stitia afficere soleat . Diuina autem gra-
 tia uix digni esse possumus , si prius eas
 perturbationes , quæ prauitate sua ani-
 mos nostros infecerunt , non exegerimus .
 uidi ego medicos , non prius præbentes
 salutaria medicamenta , quàm antè uo-
 mitionibus eam materiem , quæ morbum
 gignebat , uacuã fecissent ; quam sibiipsis
 ex praua uictus ratione , homines intem-
 perantes aggregarant . uerùm & uas , si
 quadam re liquida malè olente unctum
 fuerit , nec post elutum , recipit unguenti
 influxionem . proinde necessarium est ,
 ut ea , quæ prius insunt , effundantur , ut
 post possint ea recipi , quæ inducenda at-
 que inferenda sunt . Omnibus quidem
 adest Spiritus sanctus , sed solummodò
 illis , qui à perturbationibus sunt uacui ,
 propriam uirtutem imprimit suam ; at
 illis , qui rationem à peccati labe , & in-
 quinamentis confusam habent , nequa-
 quam

quam id efficere potest . Fieri enim non potest, ut id rectè, cui studemus, perficiatur, si animus in diuersas curas distractus fuerit : quemadmodum ipse dominus declarauit dicens, Nemo potest duobus dominis seruire . & rursum, Non potestis Deo & mammonæ operam dare . Neque enim aliquod mandatum Dei tenere, neque Deum diligere, neque proximum possumus, si animus uariis curis distentus sit . neque fieri potest, ut ille artem, aut scientiam aliquam exactè comprehendat, qui aliàs ad aliam rem se confert, immo neque ullam artem consequi poterit, si non antè ea, quæ propria finis sunt, cognouerit . necesse enim est, ut actiones fini respondeant : siquidem nihil eorum, quæ secundum rationem existunt, per inconuenientiam rectè peragi possit . nam neque ars ferraria finem suum opera figulinæ consequitur ; neque coronæ athleticæ ex studio tibia canendi acquiruntur, sed ad unumquemque finem consequendum proprius ac congruus labor requiritur . Quare etiam illius uirtutis exercitatio, quæ efficit ut placeamus Deo, posita est, secundum euangelium Christi, in recessione à curis huius mûdi ;
atque

atque tum planè perficitur, cùm penitus
iis rebus, quæ animum distrahunt no-
strum, uale dixerimus. Quamobrem o-
portet eum, qui reuera Deum sequi ue-
lit, uincula eius consensionis, quam ha-
bemus cum hac uita, reuellere. hoc au-
tem non aliter perficitur, nisi si omnino
uitiis bellum indixerimus, & si obliuio-
ne delebimus pristinos mores. quapro-
pter nisi abalienauerimus nosipsum à co-
gnatione carnali, & nisi à societate hu-
ius uitæ, quasi ad alium mundum per a-
ctiones probas transgressi fuerimus, fieri
non potest, ut possimus placere Deo. ille
itaque, qui ad angelicam dignitatem trā-
siens, humanis adhuc perturbationibus
inquinatur, similis est pelli pardalis, cu-
ius pili neque omnino albi sunt, neque
nigri, sed mixto colore affecti, neque in
albis numerantur, neque rursus in ni-
gris. Quemadmodum igitur pictores,
cùm imaginem de imagine pingunt, fre-
quenter ad exemplar respiciendo, linea-
mentum inde ad suum opus transferre
student; sic etiam oportet eum, qui cu-
pit omni uirtute perfectus esse, ad san-
ctorum uitas, quasi ad statuas quasdam
mobiles ac uiuas respicere, illorumque
bona

bona imitando, sua facere. Si enim bos, qui nobis socius ad agriculturam datus est, uocem sui altoris percipit, & eum; qui ei solet cibum præbere, agnoscit; si asinus sua sponte ad ea loca, ubi onere leuari solet; magno cum gaudio salit; si consuetudo est brutis cum iis, quibus curæ sunt, quantum nani, obsecro, amoris, natura rationis particeps erga Deum exposcet? Neque etiam una actio uirum probum efficit, sed necesse est; uir frugi qui cupit esse, ut omni tempore uitæ suæ uirtutem colat. Et sicuti illi, qui balnea ingrediuntur, omni uestitu denudari solent; ita etiā par est, eos, qui uitæ exercitatrici operā dant, omni materia mundana abiecta, in eo genere uitæ, quod est ex philosophia, consistere. Sitis enim, inquit, prudentes ut serpentes: qui, cū eos senium deponere necesse sit, loco angusto & optimè septo corpus suum committunt; & ita prudenter atque sapienter senectutem exuunt suam. quod etiam & nos facere uult sacra scriptura, cū per arduam & angustam uiam iter faciamus, exuere, inquam, ueterem hominem, induere uerò nouum, ita ut etiam nostra sic repuerascant iuuentus, ut aqui-

læ solet. Cùm lux apparet, tenebræ fugantur; sanitate præsente, molestiæ, quæ ex morbis manant, cessant; & ueritate demonstrata, mendacium conuincitur. Sed plurimi mortalium, persimiles mihi esse uidentur nubibus, quæ secundum uentorû mutationes, ad uarias aëris partes feruntur. Ac sanè absurdum & ab re non est, si eorum uita, qui facilè mutantur, nō sit bene ordinata ac stabilis; quorum autem stabilis est & semper constās, ac eadem uita, consentaneum est, ut ij respondentem proposito uitam agant. Multi uerò cùm prauas actiones amplexi fuerint, hominem dicacem, scitum ac lepdatum nominant; eum, qui turpia profert, ciuilem; amarulentum ac iracundum, minimè contemnendum appellant; parcum ac sordidum, quasi rei familiari studentem, laudibus efferūt; prodigum, tanquam liberalem, in cælum tollunt; scortis deditum & petulantem, ut hominem uoluptati studentem, atque animi remissi, eximia laude ornant; ac in summa tales omni uitio, per speciem uirtutis, adblandiuntur: ore quidem benedicunt, ut dicit Dauid, corde uerò execrantur: at uerbis bene dicendo, omnem

execra-

execrationem suæ uitæ inducunt , reos
 æterni iudicii seipsos, per ea , quæ ample
 ctuntur , constituentes . Quæadmodum
 igitur nō est iusti iudicis æqualia inæqua
 libus retribuere ac rependere , sed necesse
 est eum , qui malum attigit , cum fœnore
 quodam persolvere ea , quæ debet ; si &
 ipse pœnis melior euadere , & reliquos
 modestiores suo exemplo efficere uolet :
 sic ille , qui malum per causam boni facit ,
 duplici pœna dignus est , propterea quòd
 & ipsum bonum non facit , & utitur ad
 perpetrandum peccatum ipso bono , ue
 lut , ut ita dicam , socio ac auxiliatore .
 Quamobrem homini prudenti danda est
 opera , ne ad gloriam & ostentationem
 uiuat , ne ue iis rebus , quæ uulgo ac mul
 titudini probantur , studeat ; ne denique
 prauam rationem uitæ suæ ducem faciat .
 Quare etiam si omnibus hominibus con
 tradicere , & ignominiam , ac periculum
 honesti causa subire oporteat : nihil ta
 men ex iis , quæ rectè constituta sunt , tol
 lendum est , atque immutandum . qui e
 nim aliter sentit , quid , quæso , abesse ui
 detur ab illo Aegyptio Sophista , qui plā
 ta fiebat & bestia , cum uoluntas eius fer
 ret , & ignis , & aqua , ac deniq; in omnes

res cōmutabatur, quandoquidem etiam ipse nunc quidem iustitiam laudibus efferet apud eos, qui hanc colunt: nunc contrarios edet sermones, ubi iniustitiā probari ac in honore esse senserit: quod facere adūlatoris est proprium, ac eius, qui uulpeculæ Archilochi astutiā & fraudes imitatione exprimit. Verus enim sermo, & è sana mente proficiscens, simplex est & uniformis, eadem dicens, ac sentiens, de iisdem rebus omni tempore; at uarius & artificiosus, multam implicationem ac apparatus habens; innumerales formas assumit; summisque fallaciis utitur, ad eorum se uoluntatem, quibuscum ei consuetudo est, totum transformans. Cum enim natura ipsa aliter se res habeat, & aliter sermones de ipsis persuadere cōnantur, conuersio quædam ac fallacia fit: immo magis ueritas per sermonem peruertitur, & qui alius apparet, alius uerò re uera est, strophis is sermonum utitur, circumueniens eos, cum quibus ei familiaritas est, uti lepores & uulpes consueuere, aliam eis uiam monstrantes, & alia ipsi digressi. Nam usus, & consuetudo prauorum sermonum, uia quædā est ad res ipsas. Proinde omni stu-

dio ac diligentia anima custodienda est,
 ne ob eam uoluptatē, quæ ex uerbis pro-
 ficiscitur, aliquid prauī imprudentes su-
 scipiamus, uti hi facere solent, qui ue-
 nena melle oblita recipiunt. Nam qui phi-
 losophiam, quam alij uerbis solummodò
 iactant, re ipsa confirmarit ac ostende-
 rit, is solus sapit, reliqui uolitant ut um-
 bræ; siquidem publicè summis laudibus
 uirtutem extollere, & prolixas de ipsa
 orationes habere, priuatim uerò uolu-
 ptatem temperantiæ anteferre, & lucrum
 iustitiæ præponere; simile esse dixerim
 iis, qui in scenā personas repræsentant.
 illi enim sæpenumerò, quasi reges & op-
 timates ingrediuntur, cum neque reges
 sint, nec optimates, & fortassis neque
 omnino sui iuris. præterea neque musi-
 cus ferre poterit, ut dissona ipsius lyra sit;
 neque chori præfectus, ut inconcinnum
 chorum habeat: at eorum unusquisque
 seditionem aduersus seipsum concitabit,
 nec efficiet, ut uita eius uerbis respon-
 deat. Neque enim equum uelocem facit
 patris in cursu præstantia, neque canis
 laus ex eo pendet, quòd ex uelocissimis
 prognatus sit. Sed quemadmodum reli-
 quorum animantium uirtus in ipsis sin-
 gulis

gulis spectatur; sic etiā uiri propria laus est illa, cui egregia ipsius facinora testimonium tribuunt. Virtutis exercitatio, pretiosa est possessio ei, qui eam tenet; iucundissimū uerò spectaculum iis, cum quibus consuetudinem habet. Qui enim uirtuti student, persimiles uidentur esse stellis, quæ nocturno tempore, secundum diuersas cœli partes resplēdescunt: quorum iucundus quidem est splendor, at multò iucundius profectò existit illud, quod præter expectationē accidit. eiusmodi sunt & isti omnino pauci, qui quæcūque facile dinumerari possunt, qui in obscuro hoc huius uitæ statu, non secus ac in nocte luna carente, ad suauitatem, quæ ex uirtute manat, perlucētes, ad hæc etiam cum inuestigationis infrequentia id, quod desideratur, coniunctum habentes. Turpe etenim est, eum alieno ornatu ornari, qui sua uirtute clarus esse potest. Ac ne illud quidem dicito, malum à Deo habere originem. impium enim hoc est, propterea quòd nullum contrarium, contrario ut sit causa, est. neque enim uita mortis causa est, nec tenebræ lucis, nec morbus ualitudinis, sed in affectionum permutationibus, ex contrario in con-

traria permutationes fiunt. in origine autem, & causis rerum, non à contrariis; sed à rebus eiusdem naturæ ea omnia; quæ sunt, proficiscuntur. Malum itaque non est substantia uiuā; & anima prædicta, sed affectio quædam in animo sita; uirtuti contraria, quæ in malis, & inerbis inest, eò quòd à boni natura deflexerint. Noli itaque malum extrinsecus intueri, neque mali naturam principij expertem fingito, sed omnes eius mali; quòd in ipsis inest, se auctores agnoscant. neque enim si uoluntaria mala non essent, & si non essent in nostra potestate, tantus malis terror impendèret; nec supplicia, quæ nulla excusatione uitantur, uicissim malis pro dignitate rependerentur. Si enim earum actionum; quæ secundum uitium, & uirtutē sunt, non in nobis sunt principia, sed ex ipsa natura omnia necessariò proueniunt, superflui profectò sunt legumlatores, qui nobis, quæ faciēda, & quæ fugienda sint, præscribunt; cassi etiam iudices, qui uirtutem honore afficiunt, prauitatem uerò puniunt. non enim prædonis culpa, neque interfectoris, cum manum, etiam si adnixus fuisset, continere non potuerit, propter inuitabilem

evitabilem necessitatem, quæ nos ad a-
 ctiones impellit. Imprudentes etiã omni-
 no essent illi, qui in artibus elaborant. nã
 agricola bonis affluet, quanvis semina
 terris non mandauerit, neque si falcem
 non acuerit; mercator ditescet, cum vo-
 let, quanvis in cumulandis opibus ope-
 ram non posuerit suam. Summæ etiam
 spes Christianorum inanes euadent, cum
 neque iustitiæ honos tribuetur, neq; pec-
 catum damnabitur: siquidem nihil volun-
 tate hominum perficiatur. ubi enim na-
 tura & necessitas imperat, ibi nullum lo-
 cum habet decorum, quod in recto, &
 iusto iudicio primas fert. Etenim de fi-
 cubus aiunt, quòd alij agrestes ficos do-
 mesticis inserunt, alij grossos fructuo-
 sis ac domesticis ficis alligantes, infirmi-
 tati eorum remedium afferunt, fluitan-
 tiaque poma grossis continent. Quid
 hoc tibi ænigma à natura sumptum de-
 notat? nimirum, oportere etiam nos,
 ab iis, qui à fide, & religione nostra di-
 screpant, aliquid fructus percipere, ut bo-
 narum actionum aliis specimen edamus.
 Si quem enim extraneum, aut ab Eccle-
 sia hæresis alicuius crimine distractum,
 temperatè uiuere cernas, & reliquarum

uirtutum officia excolere, tum maiori
 animi contentione fac uirtuti des ope-
 ram, & frugiferam ficum imitare, quæ
 agrestis præsentia uim colligit, poma-
 que sua cum ne decidunt, impedit, tum
 diligentius asseruat & fouet. Nos uerò
 quædam plantarum uitia, quæ natura
 dederat, agricolarum diligentia correctæ
 nouimus, ut mala punica acida, aut a-
 mygdala amara; quæ, cum ita perfora-
 tur earum cortex ad radicem, ut cuneum
 ex picea per intimam medullam perti-
 nentem excipiant, tum succum ingra-
 tum in bonum suauemque mutant. Ne-
 mo itaque iniustam uitam degens, de-
 speret. si enim agricola qualitates plan-
 tarum mutat, multò magis studium ani-
 mi erga uirtutem, poterit omnis gene-
 ris uitia superare, ac eis præualere, per
 Christum IESVM Dominum nostrum,
 quem gloria, & potentia, in omne tem-
 pus consequatur. Amen.

DE TEMPERANTIA

& incontinentia

ORATIO II.



Alexander ille rex Macedonum, cum filias Darij in potestatem rede-gisset suam, quæ egregia formâ, ac admiranda fuisse feruntur, ne aspicere quidem eas uoluit; turpe esse inquiens, eum, qui uiros uicisset, à mulieribus superari. Hoc equidem haud dissimile est illi mandato Christi, Quisquis foeminâ sic aspicit, ut eam concupiscat, iam adulterio se inquinauit. nam etiamsi, re ipsa adulterium non perficiat, tamen quia libidinem in animum induxit suum, culpa non uacat. Si igitur fortuiti congressus, iis, qui mulieres aliud agentes intuentur, tantum afferant periculi, quantum facessere putas, congressiones illas, quæ ex industria suscipiuntur? nam intueri eas mulieres, quæ formam suam adulterant, quo adolescentes ad libidinem prouo-

B iiij cent;

cent; quæque adeò dulces & suaves can-
filenæ edunt, ut possint, etiam solo au-
ditu, omne æstrum uoluptatis in ani-
mos libidinosorum figere, atque impri-
mere. quid igitur dicent, aut quam ex-
cusationem afferent illi, qui ex eiusmodi
spectaculis ingentem cumulum ui-
tiorum congefferunt? Licet enim & ser-
mone, & oculis, & auditu adulterari;
licet etiam uitia corde concipere; cibo
denique, ac potu immoderato fines tem-
perantiæ transire, integrum est. Ille au-
tem, qui in his omnibus secundum nor-
mam castitatis, sese intra cancellos tem-
perantiæ continet, is re uera ostendit;
perfectum, ac omnibus rebus instructum
sibi esse castitatis donum. Quod si ali-
quis uerbis castitatem præ se tulerit, re
ipsa autem ea fecerit, quæ isti, qui cum
mulieribus degunt, facere consueuerunt;
is manifestè uenerandæ castitati operam
dat, non recedendo ab inhonestâ uolu-
ptate. non enim ille, qui in conseruanda
castitate inconstantia laborat, est purus;
sed is denique, qui eam partem corpo-
ris, quæ rationis expers est, rationi sub-
iecerit. Qui uerò castitati ac temperan-
tiæ studet, is diligenter historiam de Io-
sepho

sepho percurrat. ex eo enim discet res temperatè gestas, animaduertens, ipsum; non modò se à uoluptate continuisse, sed etiam erga uirtutem bene fuisse affectû. uita enim Iosephi, est ueluti quædam exhortatio ad castimoniam; historia uerò de Sampsonè, inuitatio ad fortitudinem. Castum autem dicimus, non eum, cuius iam libidinis pleni appetitus, à senectute, aut morbo, aut aliò quouis casu exaruerunt, languidique facti sunt: nam talis prauitate non caret, sed operationes eius præpediuntur imbecillitate instrumentorum. At temperantia est uera quædam scientifica potentia, per profundè in anima impressa, & quæ uestigia inhærentia turpium appetituum penitus extinguit, ac delet. neque enim eos ob castitatem in cælû ferre debemus, quorum membra execta sunt: nam neque equos ideò extollimus, quòd cornu non petant, sed quòd calce non feriant; boves uerò, si cornibus non petierint, mansuetudinis ergò charos habemus. non enim quisquam ob id, quòd efficere non ualet, sed cùm possit, nec abutitur tamen potentia ad iniustitiam perpetrandam, suspicitur, atque admirationi est.

Nam tēperantia, quæ est in senectâ, non est temperantia, uerùm libidinis cuiusdā ac incontinentiæ quædam imbecillitas. Mortuus nō coronatur; nemo iustus ideò quòd malum perpetrare nequeat. Proinde par est nos, totum corpus castigare, & quasi cuiusdam bestiæ impetus coercere, ac tumultus eos, qui ab ipso in animo excitantur, ratione, ueluti flagro quodam sedare: nec totis laxatis habenis uoluptati, mens negligenda est; ne tanquam auriga quidam, ab effrenatis equis summa cum uiolentia agitatis, distracta feratur, sed Pythagoram imitemur, qui cū didicisset, quendam ex suis sese & exercitatione, & omni genere cibi sagine ac carnosum reddere, sic inquit, Non desinis grauiorem tibi carcerem parare? unde etiam Platonem ferunt, cū antè animo percepisset nocumentum, quod ex corpore proficisci solet, de industria Academiam elegisse; locum Atticæ uel maximè pestilentem, ut ita præcideret nimis bonam corporis dispositionem, ueluti superfluam quandam uitis fertilitatem. Ego uerò nimis bonam corporis habitudinem, etiam periculosam esse, de quodam medico accepi.

cepi . Itaq; istud nimium studium, quod in curando corpore ponitur, & ipsi corpori incommodo est, & animis impedimento, unde profectò manifesta insania est, illi operam dare ac morem gerere . in summa totum corpus contemnendum est ei, qui nolit in uoluptatibus ipsius, ac in sterquilinio quodam uolutari; aut usque eò solummodò ei seruiendum, quatenus, ut inquit Plato, ministrum se nobis ad philosophiã præbet: haud dissimile dicens Paulo, qui monet nos, ne aliquã curam corporis habeamus ad concupiscentiarum occasionem . atq; nostra quidem talia sunt . Mulieres autẽ impudicæ libidiniq; deditæ, in obliuionem uenientes timoris Dei, & nihili facientes ignem æternum, in ea die, quando ipsas par erat ob recordationem resurrectionis Domini, pedem domo non efferre, & animo suo reuoluere illum diem, quo aperientur cœli, & apparebit iudex, & tubæ diuinæ, & illa mortuorum ab inferis reuocatio : quo sanè die iudicium erit æquum, & tribuetur unicuiq; prout erit meritis; loco eorum, quæ ipsas cogitare oportebat, & cùm corda sua à prauis cogitationibus expurgare deberent, ac dele-

lere lacrymis ea peccata, quæ prius per-
 petrant, atque se præparare, ut ob-
 uiam procederet domino in die illo, quo
 ut iustus iudex apparebit; loco eorum, in-
 quam, illæ iugo seruitutis excusso, & ab-
 iectis à capitibus suis uelamentis pudici-
 tiæ, Deum & angelos eius pro nihilo du-
 cētes, omni pudore abiecto, capillos suos
 nimium ornantes, uestes stringentes, &
 pedibus suis tripudiantes; omnium iue-
 num incontinentiam ad se attrahunt, ac
 in fanis, ubi corpora sanctorum sunt hu-
 mata, choros ducentes, illa sacra & san-
 cta loca ergastulum suæ impudiciæ fe-
 cerunt, aërem cantilenis libidinosis cor-
 ruperunt, terram pedibus impuris fœda-
 runt, eamque turpiter saltando procul-
 carunt, seque ipsas hoc modo adolescen-
 tibus spectandas præbuerunt; insanæ ac
 omnino uecordes, nullam stultitiæ exu-
 perantiam prætermittentes. Rides, dic
 mihi, & gaudio exultas? cum te opor-
 teret flere potius & ingemiscere ob ea,
 quæ patrata præterire. cantilenas ob-
 scenas edis; psalmos uerò & hymnos;
 quos quidem didiceras, negligis? pedes
 moues, & furibundè saltas, chorosque
 ducis, cum te par esset genua in precan-
 do

dō flectere? Quas defleam, puellās ne;
quæ nondum nupserunt; an eas, quæ ma-
trimonij iugum subierunt? illæ quidem
uirginitatem non habentes, reuersæ sunt;
hæ uerò debitam uiris castitatem nō ex-
hibuerunt. quod si nonnullæ peccatum
corpore effugerunt, omnes tamen animo
deprauatæ atque inquinatæ sunt. Quæ
propter omnis mulier, quæ ueste abuti-
tur, expectet eius ablationem: cū enim
incedant, uestes post se trahendo, tan-
quā quæ non utantur, sed abutantur
uestitu, meritō honore illius uestitus de-
nudari iubentur: & dominus haud dubiè
gloriam uestimenti à nobis auferet, si ui-
debimur eo non rectè uti, despectui ni-
mirum ipsum habentes, ac omnibus in-
quinamētis corporis replētes. Sed quod-
nam istud est uestimentum? Quicumque,
inquit, in Christi lauacro sacro abluti
estis, Christum induistis. hunc, hunc ue-
stitum auferet dominus ab his, qui cor-
pus quotidie peccatis coinquināt, & qui
sanguinem testamenti noui uulgarem es-
se iudicant. Quæ igitur mulieres ob cor-
poris pulchritudinem magnos gerunt spi-
ritus, seque ipsas, stulto fastu usæ, præ
cæteris efferunt, nonne extollunt sese iis
potissi-

potissimum rebus, quæ citò deflorescunt, ac defluunt? unde collum etiam altum ferunt, ut esset illarum facies cæteris aliis omnibus magis conspicua. Honesta quidem mulier, ac decora, ob pudorem demittit uultum, & faciem ad inferiora trahit; at inhonesta, & quæ multos studet pulchritudine sua, ueluti hamo quodam capere, incedit collo erecto, & nutu oculorum, ac ipso aspectu declarat animi sui lasciuiam, ac uenenum quoddam lethiferum ex oculis suis emittit, quale basiliscū spargere fama est; quem, aiunt, solo aspectu eos, quos intuetur, perdere. Sunt etiam colores quidam parati, ad ornandam faciem mulierum, albus nimirum, & rubeus ac denigrans. albus quidem corporis albedinem mentitur, rubeus genas efflorescere facit, niger uerò supercilia lunæ instar describit. hæc dominus ablaturum se minitatur, ne castitas uirorum tollatur, ne uel iis picturis oculi incautorum adolescentum capiantur. fit enim plerumque, ut hæc prauæ mulierum affectiones, infirmos ac imbecillos eorum animos, qui secum agunt, penitus demergant. Audiant idcirco uiri, audiant mulieres, castimoniam uiduitatis,

tis, etiam apud ea animalia, quæ ratione non utuntur, in maiore esse pretio & honore, quàm sit multarum nuptiarum deformitas. inimici cum iis, qui animam agunt, in gratiam redeunt; at non ueracæ post mortem demum incipiunt odio habere. Turturem aiunt, si quando à coniuge disiunctus fuerit, nunquam in posterum cum alio inire societatem, sed cœlibem sine coniugio manere, alterius coniunctionem respuendo, coniugis superioris nimirum recordatione. Quid igitur nobis miserius esse potest? qui non solum non eundem coniugibus nostris ostendimus amorem, quem animantia rationis penitus expertia, sed etiam contra quàm est præceptum Domini, incedimus collo erecto, oculis micantibus, coloreq; adulterato; qui uulgo castitatem prodere, atque eripere solet. hæc omnia & singula tum auferentur cum animæ nudæ coram iudice constituentur; quando, inquam, palpebræ decident, genæ tristes, & color plumbeus præ timore efficietur; ac tum unusquisque nostrum talem mercedem recipiet, qualem quisque factis suis meruit. Quæ omnia, charissimi, animo nostro accuratè reputantes festinemus,

DI D. BASILII
nemus, quæso, dum tempus habemus,
ita uitam nostram instituere, ac perage-
re, prout sancta Dei requirit uoluntas;
ut futurorum bonorū participes in Chri-
sto IESU Domino nostro esse possimus,
cui honor, & gloria, sempiterna tribua-
tur. Amen.

DE IRA,
ET INIMICITIIS

ORATIO III.



Axina reprehensione di-
gnus est homo Christia-
nus, quod sit procliuis ac
propensus ad uindicatio-
nem, quodque omnibus
modis cogitet, quaenam
ratione eos ulcisci queat, qui se iniuria
affecerunt. Quomodo enim ille alium
docebit, ne malum pro malo rependat,
qui omnia facit uindictæ causa, & qui
omnibus uiribus studet, ut uicissim ei,
qui sibi iniuriam imposuit, mœstitiā
inferat? Talis equidem imitatione non
exprimit lenitatem Dauidis, qui dicit,
Si retulero iis, qui mihi malum dederūt,
mala,

mala, cadam ab inimicis meis uanus.
Proinde necesse est nos, stolidas & furio-
sas animi commotiones, sanctorum exē-
plorum memoria comprimere; cogitan-
do quàm æquo animo Dauid uinolentiā
Semei pertulerit. nō enim ille tantum tē-
poris dabat iræ, ut accendi potuerit, sed
omnem causam in Deum conferebat, di-
cendo, Dominus in mandatis dedit Se-
meo, ut execraretur Dauidem. ideo cū
se appellari audiret, uirum sanguinum,
& uirum iniquum, non succensebat illi,
sed animo abiectō, & demisso fuit, quasi
merito contumeliis oneraretur. Omnis
enim reprehensio, quæ euidenter attingit
eum, qui in crimen uocatur, miran-
dum in modum eum torquet atque affli-
git, ob oculos illi ponens probrum ac
fœditatem peccati. Vnde maximis bene-
ficiis cumulat eum, qui proprium erro-
rem agnoscit, reuocans eum ad eius
agnitionem, & pœnitentiam doloris ple-
nam. Quale enim uulnus corporis tam
uehementem affert dolorem, qualem
inurit animæ obiurgatio? pudore affi-
ciens eum, qui sibi est uitiorum conscius.
Non tam corporis alicuius character pro-
prius existimatur, ut animæ eius, qui

amat dominum, propria est pax, & mansuetudo. decet enim talem uirum alios ad seipsum trahere, & præbere se accedentibus, quasi unguentum quoddam boni odoris, ac flagrantiae: morum dextérité atque probitate alios implere, ducemque seipsum aliis præbere ad res honestas, & optimas debet; nec alios in iis rebus sequi, quæ decoræ non sunt. contentionis uerò studium, aliis ne concedat, immo potius illud ex illorum animis, si id fieri possit, penitus euellat. omnes denique molestias, patienter mala tolerando, superare eum par est. nam iniuriam persequi, cuiusuis irati est; at iracundiam cohibere, solius cuiusdam est, & si quis ei sit uirtute par, & similis. Quale enim spectaculum, quàm graue & admirandum, ac sanè nonnihil etiam naturam ipsam humanam exuperans, hominem multis conuiciis iactatum, & qui etiam fortassis uulnus in facie accepit, quique alia sexcenta perpeffus est, quæ & uerbis, & re ipsa, ad extremam infamiam tendunt, non ira incendi, neque ultionem parare, sed mansuetum ac sine ira, pro eo, qui sibi iniuriam intulit, preces adhibere, ita ut ex eo, quod preces

ces accelerasset, & uenia delicto data sit,
& ipse post decenti à Deo cura dignus sit
habitus. Nunc uerò nos cùm in aliis ma-
lis, tum uel maximè in hoc delinquimus,
quòd uindicationi adeò studemus, ne-
que æqualem mensuram retribuimus,
uerùm cuni exuperantia quadam iniu-
rias nostras persequimur: nec solum si
iniuria affecti fuerimus, sed etiam si ho-
nor nobis non tribuatur, excandescimus.
Eos enim, qui nos minùs honorant, qui-
bus, obsecro, rebus dignos iudicamus?
certè eos inimicorum loco habemus.
Contumeliam tibi imposuit iratus? siste
silentio malum; & ne, ueluti fluxum quē
dam, illius iram in cor tuum suscipiens,
uentos imitèris, qui per reflatum id,
quod appulsum est, repellunt. Probris te
perfudit? at tu illi benedicas. Verbera-
bus affecit? tu uerò æquo animo ferto.
Conspuit ac nihili te fecit? tu uerò illud
tecum meditare, quòd ex terra factus &
creatus es, quodque rursus in terram
resoluèris. Ignobilem te, & obscuro lo-
co natum esse dixit, nulliusque precij ho-
minem? at tu terram teipsum esse dicito,
atque cinerem. Non es præstantior patre
nostro Abraham, qui iis nominibus se

appellauit . Indoctum ac nullis diuitiis
 præditum ? tu uerò Dauidis uerbis utēs,
 uermem te esse dicito ; & ex sterquiliniō
 ortum habere . His etiam adde Moſis
 probitatem . ille enim cū eſſet ab Ara-
 one , & Maria conuiciis oneratus , non
 eos Deo detulit ; ſed pro ipſis uota fecit .
 Quare & tu ; ſi quis te ſumma egeſtate
 laborare dixerit , & uerum ſi protulerit ;
 ueritatem perferto : ſin mentitur , quid
 tua intereſt illud ; quod protulit , tua , in-
 quam , qui neque iis laudibus , quæ ueri-
 tatem excedunt , gaudes , neque eam con-
 tumeliam , quæ te non attingit , ægrè fers .
 Non'ne uides iacula ; quomodo à corpo-
 ribus ſolidis ac renitentibus reſiliunt ? at
 mollia , & ea , quæ cedere conſueuerunt ;
 penitus penetrant . Quid te pauperis ap-
 pellatio perturbat ? memoria repete or-
 tum tuum , & reperiēs nudum te in hunc
 mundum ingreſſum eſſe : proinde nudus
 etiam hinc abibis . homine uerò nudo ;
 quid , quæſo , pauperius eſſe poteſt ? nihil
 profectò acerbi audiuiſti . Quis unquam
 ob egeſtatem in carcerem conditus eſt ?
 non pauperem eſſe in probris eſt , ſed pau-
 pertatem animo magno , & forti ferre
 non poſſe . Quid , amabò , ira poteſt eſſe
 amen-

amentius? Si permanferis fine ira, pudore afficies eum, qui tibi iniuriam dedit, re ipsam modestiam ostendens. Quem admodum enim qui uerberat nihil sentientem, seipsum excruciat; nam & inimicum non ulciscitur; & iram non sedat: sic etiam qui conuicia iacit in eum, qui ea pro nihilo ducit, solatium perturbationis suæ reperire nequit. Qui uerò conuiciatorem ulciscitur, & ei par pari reppendit, quidnam excusationis afferet? Lacesiuit me, inquiet? at hoc quānam uenia dignum est? Neque enim ille, cui cum scorto res est, in meretricem culpam conferens, tanquā in eam, quæ se ad peccandum prouocauit, minori pœna dignus iudicatur. Malum est contumelia: noli igitur ipsam imitari. nam illud, Alter initium dedit, ad excusationem satis non est: immo longè maiori, mea quidem sententia, reprehensione talis est dignus; eo quòd ille quidem non habuit exemplum, quod se ad modestiam inuitaret: tu uerò cū uideres iratum turpiter se gerere, operam non dedisti, ne illi similis esses, sed indignaris, & ægrefers, ac uicissim iracundia inflammaris: atque hac ratione perturbatio

C iij tua,

tua excusationem præbet ei, qui auctor
iniuriæ fuit. Si enim malum est ira, cur
non uitas id, quod malum est? Sin uerò
uenia dignum, cur irascenti succenses?
Similis enim esse quodammodo uidetur
ille, qui contradicit, uana ac stulta lo-
quenti. Proinde, ut ego quidem arbi-
tror, sapiens Solomon iubet, ne respon-
deamus amenti; secundum illius amen-
tiam. Quemadmodum enim ille, qui
regiam effugiem contumelia affecit, ac si
in ipsum regem deliquisset, ita iudica-
tur; sic etiam reus est peccati, qui eum,
qui ad similitudinem Dei factus est, con-
tumelia afficit. Cum uiro iracundo ne ha-
bites, inquit, mala enim res est cum ca-
ne colligari; perpetuoque eius latratu
frui. Fuge igitur consuetudinem ipsius:
nam nisi hoc feceris, necesse erit te ali-
quid de moribus eius haurire. Dixit ali-
quid contumeliosè, & commouit ani-
mum tuum; perinde ac canis latratus,
prouocare solet alterius canis tumultum;
ita etiam animo tuo iam sopito ac quie-
scenti, uox illius iram conciuat, & uter-
que uestrum sibi inuicem oblatrat, ac sibi
uicissim contradicentes, ueluti fundas
emittitis, uerba turpia atque inhonesta.

Dixit

Dixit ille aliquid contumeliæ plenum ,
 retulisti tu magno cum fœnore , eum ,
 qui te anteuertit , imitando . ille ea con-
 tumelia accepta , quam in se iecisti , non
 cohibuit iram , sed conuersus est , & pec-
 catum suum longè maius effecit : maior
 fieri uoluit molestius aliquid dicendo , tu
 uerò rursus eo accepto illud dilatasti , &
 ita facta est ingens malorum contentio .
 at ille , qui in malorum concertatione su-
 perior existit , longè miserior est . Cum au-
 tem iracundia rationem depulerit , & do-
 minatum anima occupauerit , hominem
 penitus efferat , nec amplius hominem ef-
 se finit . Quod enim bestiis , quæ uenenū
 emittunt , est uenenum ; hoc hominibus
 exacerbatis , est ira . Insaniunt tanquàm
 canes , impetum faciunt ut scorpiones ,
 mordent ueluti serpentes . Primùm enim
 se ipsos non norunt ira incensi ; deinde
 omnes suos familiares . Ob iram ensis
 acuitur , & mors hominis humana ma-
 nu intentatur . Propter hanc fratres in
 obliuionem ueniunt mutui amoris : pa-
 rentes uerò & liberos , natura sua latet
 atque præterit . Et quemadmodum tor-
 rentes ad loca caua confluentes , quid-
 quid obuiam eis fit , secum trahunt ; sic

etiam & hominum iratorum impetus
 uiolenti ac effrenes, omnes æque attingunt. Veluti enim cæstro aliquo, memoria eorum, qui molestiam ipsis asperferunt, punguntur, ira in ipsis palpitante, & exiliente, nec prius finem faciunt, quàm malum aliquod dederint ei, qui se lacefsiuit. Cùm enim ira, sicuti flamma quædam, ubertate materiæ, in hominibus animo exacerbatæ, accensa fuerit, tunc sanè, tunc uidere licet ea spectacula, quæ neque uerbis explicare, neque re ipsa ferri ac tolerari possunt; uidelicet manus contra affines eleuari, pedes nullo habito respectu insilire, omne, quod occurrit, telum insanix fieri. Quod si ex aduersò æquale malum resistens reperierint, nempe iram aliam, & insaniam parem, tum sanè inter se commissi mutuò conflagunt, ac ea mala perpetiuntur, quæ par est eos perpeti, qui sub tali dæmone stipendia merent. Nam illæ molestiæ, quæ ab inuicem proficiuntur, & contentiones, à principio quidem exiles esse solent, & facilè curantur; at procedēte tempore, à contentione auctæ, insanabiles omnino euadunt. nam quousque hæ calumniæ, quæ ex dissensione

sione manant, locum habent, necesse est
semper suspiciones in peius augeri. Pro-
inde si uideris ira percitum dentes acue-
re, cogita talem aprò similem esse, qui
internam iracundiam suam dentium col-
lisione ostendit. In certaminibus animi,
malorum longè ille miserior euadit, qui
palmam fert: quoniam abit plus pecca-
ti habens. Irascere solùm serpenti. quid
enim illum Phinees iustum fecit? nonne
iusta ira aduersus eos, qui cum scortis
uolutabantur? qui & si multis aliis in
rebus esset mitis, & mansuetus, tamen
cùm uideret Zambri, & Madianicidem
in propatulo & sine ullo pudore libidines
suas explere, nec tegere spectaculum il-
lud nefandum, æquo animo ferre non po-
tuit, sed opportuna ira usus, hasta utrun-
que transuerberauit. Helias autem æmu-
lator ille, quadringentos, & quinqu-
aginta uiros turpitudinis cultores, come-
dentes mensam Iesabel, rationabili ac sa-
pienti ira, quæ totius Israël utilitatem
respiciebat, deleuit. Sic ira sæpenum-
rò administra esse solet bonarum actio-
num. Libentius præterea aliquis aspexe-
rit iratum amantem, quàm adulantem
aduersarium. Quare & nos tales uiros

imitari studeamus, & ne nobis inuicem,
sed solum dæmoni succenseamus; si mo-
dò uolumus regnum cœleste consequi,
benignitate IESU Christi domini nostri,
quem gloria, & imperium cum Patre æ-
terno, & sancto ac uiuifico Spiritu in sem-
piterna sæcula consequatur. Amen.

DE INUIDIA;

ET O D I O

ORATIO IIII.



ULTAM nobis molestiam
affert istius præsentis tem-
poris iniuria, in quo & o-
mnes ecclesiæ conquassatæ
sunt, & uniuersæ animæ
affliguntur. Aperuerunt
enim aliqui immodestè ora sua in confer-
uos, narratur mendacium intrepidè, ue-
ritas supprimitur: qui in crimen uocan-
tur, sine iudicio condemnantur; qui ue-
rò uocant, eis fides habetur absque ulla
examinatione. ac sanè multum iam tem-
poris præterit, ex quo calumniis affe-
ctus,

Etus, accusationis flagella fero, eo contentus quòd dominum habeam abditorum cognitorem atque calumniæ testem. Sed cùm multi silentio nostro ad maledictorum corroborationem abutantur, nec existimant ob tolerantiam nos silere: sed quòd potis non sim os diducere ad ueritatem, eam ob causam adhortor uestram in Christo dilectionem, ne ea probra, quæ ex una parte manât, ac si uera essent, suscipiatis. Nam, sicuti literis memoriæ proditum est, neminem iudicat lex nisi primùm acceperit & cognouerit quid fecerit. Eorum autem criminum, quæ in nos coniciuntur, rationem à nobis exigite, & si quidem apud nos ueritatem inueneritis, ne locum detis, obsecro, mendacio; sin parum ualentes nos in defendendo esse perceperitis, tunc aduersariis nostris, quasi uera proferentibus, fidem habete. Verisimilius autem est, & irritari ipsos nostris defensionibus, & maiora ac longè difficiliora contra nos moliari, scribere, atque agitare. at æquo iudici satis sunt ipsæ res ad ueritatem indagandam; & etiam si nos taceamus, licet nobis res ipsas, quæ fiunt, intueri. Oro autem ante omnia uos, tùm qui me
 nunc

nunc audituri estis, tum qui in posterum familiaritatem nobiscum sitis habituri, ne multitudine mendacium à ueritate diiudicare uelitis, cū maiori parte rem præstantiorem copulantes; neque auctoritati adhærentes, mentem uestram obscuretis, aut plus iis tribuendo, qui dignitate & ordine alios antecedunt, infirmis aures non detis. Neceffe est enim iudicem alteram aurem ei, qui abest, reseruare, sicuti Alexander fecit. etenim illū ferunt, cū quidam obtreætaret familiari suo, alteram quidem aurem præbuisse calumniatori, alterā uerò manu diligenter obturasse; quòd nimirum declararet, oportere eum, qui iustè iudicaturus est, non totum se euestigiò uni parti tradere, sed partem auditus integram atque sanctam ei, qui non adest, seruare. Solent enim quodammodo amplo magistratui illiberales ipsi cultus adhærescere, qui ideò quòd illis desit proprium bonū, cuius opera in cognitionem uenire possint, alienis malis seipfos commendant. Ac fanè quemadmodum uultures ad ea, quæ malè olent, maiori cum impetu feruntur, multa prata, multosque iucundos, & odoratos locos præteruolantes; & ut my

scæ

scæ sanis corporis partibus neglectis, ad
 ulcera contendunt: sic etiam inuidi, ui-
 tæ splendorem, recteque factorum ma-
 gnitudinē ne aspiciunt quidem; ad mar-
 cida uerò mirandum in modum ferun-
 tur. Proinde homines prudentes illud
 Alexandri tenere par est, qui accepta ea
 epistola, quæ contra medicum ipsius scri-
 pta erat, quasi insidias ipsi struere uellet,
 cum accidisset, ut eo tempore medica-
 mentum sibi accipiendum esset, usque
 adeò fidem non adhibuit calumniatori,
 ut simul & epistolam legeret, & medica-
 mentum biberet. Qui igitur proximum
 probris perfundunt, non comprobantes
 ea, quæ in eum dixerunt; tales omnino
 uidentur sibiipsis malum nomen, ex hoc
 inani uerborum usu, imponere uelle. nā
 calumniatorem quo, obsecro, nomine
 appellare conuenit, quàm eo, quod sibi
 ille ipse, ex re, cuius studio tenetur, im-
 ponit. Neque igitur ille, qui nos incre-
 pat, calumniator sit, sed potius ueluti
 frater quidam, cum dilectione commo-
 nefaciat, & correctionis causa admo-
 neat; neque uos conuiciorum sitis audi-
 tores, sed redargutionum examinato-
 res: ne illi, quibus crimina ascribuntur,

in-

insanabiles relinquantur, dum peccatum
 ipsorum non patefit: conuicti enim &
 ipsi peccatum suum agnoscent; & uobis
 uenia, ubi redargueritis, à domino con-
 cedetur, quòd uos à societate hominum
 peccatorum seiunxeritis. præterea illi,
 qui conuicerunt, mercedem accipient;
 utpote qui abditam malitiam in aper-
 tum protulerint. Quòd si uerò aliquem,
 antè quàm conuictus fuerit, condemna-
 ueritis, ipse quidem nulla alia iniuria
 afficietur, nisi quòd preciosissimæ posses-
 sionis, hoc est dilectionis, erga uos iactu-
 ram faciet; uos uerò illud ipsum patie-
 mini illo iam priuati: sicuti enim ærugo
 proprius est frumèti morbus; ita inuidia
 amicitia. & ut boni est, nemini inuide-
 re; sic dæmonis peculiaris est inuiden-
 tia: & proinde ac rubigo ferrum, sic in-
 uidia animam, quæ ex ea laborat, con-
 sumit, immo uerò magis. nam ut uipe-
 ras, aiunt, exeso materno utero, in lu-
 cem èdi; ita quoque maleuolentia ani-
 mam, quæ ipsam parturit, conficere so-
 let. Inuidus unicam mali expectat re-
 creationem; nempe sicubi conspexerit ali-
 quem ex his, quorum bonis mæret, ruen-
 tem, hic est odij scopus, infœlicem ex fœ-
 lici,

lici, miserabilem ex beato aliquem conspicere. tunc socius & amicus est, cum lacrymantem uiderit, cum lugentem conspexerit, nec cum hilari quidem lætitia exultat: at cum eo, qui in luctu est, lacrymas profundit, uitæque eius commutationem miseretur, ostendendo ex quibus ad qualia deuenerit; non humanitate id quidem, nec quòd uicem eius doleat, sed ut grauiori calamitate miserum affligat. Talis sanè erat Saul, qui summa beneficia, quibus eum affecerat Dauid, causam belli aduersus eundem esse uoluit, conabaturque benefactorem suum hasta transuerberare. nam cum eius opera unà cum suo exercitu ab hostibus seruatus esset, & ea infamia, qua illum asperferat Goliath, leuatus, manu sua illum interimere, atq; per insidias è medio tollere studebat. deinde, quanuis in exilium ipsum eiecisset, neque tamen sic inimicitiae finem imposuit, sed ad extremum, tribus millibus electorum contra ipsum eductis, solitudines perscrutatus est. qui sanè dum Dauidem persequebatur, deprehensus cum esset, & neci expositus, à iusto tamen rursus, qui ei manus inferre noluit, seruatus est, neque tamen
hac

hac beneficentia flecti potuit, sed iterum
 exercitum conscribebat, atque denuò ho-
 minem persequabatur, donec ab eodem
 in spelunca captus, illius quidem uirtu-
 tem illustriorem, suam uerò ipsius prau-
 ratem manifestiorem reddidisset. Sic &
 in Iosephum fratres erant animati, cum
 quid facerent, nescirent. nam, si uera
 erant Iosephi infomnia, qua ratione po-
 tuit effici, ut non omnino ea euenirent,
 quæ prædixit? sin falsa, cur inuidebant
 erranti & decepto? sed reuera propria
 diaboli est affectio, ipsa inuidia, quæ
 nullam medelam recipit. Qui ex capi-
 te laborat, aperit medico capitis dolo-
 rem; at qui inuidia flagrat, quid refe-
 ret? Mœrore me conficiunt, inquiet, res
 secundæ fratris? equidem ita sese res ha-
 bet; at uerba ea proferre unumquemque
 pudet, quid te excruciat? proprium ne
 malum; an alienum bonum? reuera ge-
 minum est malum, Diaboli inuidia.
 Quemadmodum autem tela, quæ ma-
 gno cum impetu feruntur, ubi ad rem
 quandam fortem ac renitentem appulsa
 fuerint, uicissim ad ipsum, qui ea emisit,
 reuertuntur; ita etiam inuidiæ impetus,
 nulla noxa allata illi, cui inuidetur, ipsi
 inuido

inuido plagas incutit. Multa quidem inuidiæ insunt mala, unicum tamen etiam inest bonum, nempe, quòd nocumento sit illi ipsi, qui ea æstuat, quodque cor eius magis exedat, quàm rubigo ferrum. Maleuolus enim parum ei, cui inuidet, damni affert, at seipsum mœrore ob id conficit, quòd amicus suus secunda utatur fortuna. ac ille quidem diuitias uicini non imminuit, seipsum uerò inuidia conterit. Sicuti enim eam materiem, quæ facilè ignem concipit, quàm longissimè ab igne seponere solemus; sic par est nos, quantum in nobis situm est, amicitias ab hominum inuidorum consuetudine abducere, ut extra inuidiæ tela esse possimus. Canes quidem alendo mansuefacimus; at inuidum, benignè ei faciendo, multo peiorem reddimus. non enim gaudet beneficiis, quibus cumulatur, sed mœrore affligitur ob aliorum opulentiam; eò quòd materiem habeant, unde suæ egestati succurrere possint. Pantheræ naturalem quandam habent aduersus hominem iram, & solent uel maxime in oculos insilire. hinc qui insanæ illi bestiæ illudunt, ex charta imaginem quasi hominem ipsi ostentant: illa uerò nimio

impetu ac nulla consideratione facta, esse
 hominem autumans, chartam ueluti ho-
 minem concerpit, atque hinc, quanto sit
 in hominem odio, ostendit. sic & dæmon
 in imagine, quo sit in Deum odio, osten-
 dit, cum ipsum Deū attingere nequeat.
 Proinde noli tibi ueteranorum fraudes
 ad imitandum proponere, sed ex imbe-
 cilli bestiola magnam astutiam dolumq;
 discito. Cancer quidem Ostreum appe-
 tit, sed eius carnem propter testam, qua
 tegitur, perdifficulus capere & inuadere
 potest: eius enim carnis mollitudinē ua-
 lido operculo & quasi uallo natura cir-
 cumsepsit, ex quo *ὀστρακόδερμον*, id est, testa-
 ceo operculo animal dicitur: & cum duæ
 illæ concauitates inter se aptæ & copula-
 tæ ostreum concluserint, nihil omninò
 efficere Cancris brachia, nihil contrà mo-
 liri possunt. Quid ergo facit? cum ip-
 sum in locis tranquillis cupidè calefieri
 animaduertit, & ad radios Solis conchas
 suas aperire, tum demum clàm calculo
 iniecto eas, quò minùs occludat, impedit,
 & ita quod uì non poterat, astu perficit.
 Atque hic est dolus eorū, quæ muta sunt,
 & rationis expertia. eiusmodi est, qui
 cum fraude fratrem adit, & in proximos,
 rebus

rebus eorum aduersis, impetum facit, alienisque incommodis latatur. Sed neque Polypi dolus ac fraus silentio prætereunda est. is quodcunque in saxum adhæserit, eius colorem imitatur, & obtinet, ac ita multi pisces nantes in Polypum tanquam in petram incidunt, eiusque ueterratoris præda fiunt. Moribus similes sunt ij, qui semper eos adeunt, qui potestate & imperio ualent, seque pro rerum & temporum ratione ita accommodant, ut in proposito, & sententia nunquam permaneant, sed alios atq; alios se gerant, & pro cuiusque arbitrato ac libidine mutant sententiam. Hos profectò homines uitare eorumque mala cauere, magni est laboris, propterea quòd in illa religionis specie & simulatione summa lateat improbitas. Nam odium in profundo detinentes, dilectionis ostendunt fucatam, atque adumbratam speciem: non aliter ac petræ sub mari latètes, quæ pauca aqua cum sint opertæ, malum, quod prouideri non potest, hominibus incautis afferunt. Ad calumnias autem conticescere non oportet: non ut contradicendo nos ipsos defendamus, sed ne mendacio progressum permittamus, circumuentosque

D ij damno

dāno affici patiamur. Calumniator enim
tribus simul personis nocumento est: nā
& eum lædit, quem calumniis onerat, &
quibuscum sermonem habet, denique
ipse seipsum. Scire enim uos uelim, quòd
contumelias imponere, & detrahare ali-
quibus petulanti lingua, ac mente mini-
mè candida, improborum, & eorum, qui
hominibus odium conciliant, opus esse:
at omni studio conari mendacium refel-
lere, uirorum est frugi, ac eorum, qui &
sibiipsis bene consulunt, & multorum se-
curitati student. Quamobrem peruersi-
tatem priorum fugiamus, talium uerò ui-
tæ statum imitatione exprimere conten-
damus, ut bona futura consequi possi-
mus in Christo I^hs, v^o domino nostro, cui
gloria, & potentia, nunc & semper ac
in perpetuum tribuatur. Amen.

DE PATIENTIA,

ET TOLERANTIA

ORATIO V.



NEMO ob eas molestias, quibus conflictatur, cogitare aut dicere audeat, nullam omnino prouidentiam res nostras gubernare; neque administrationem, ac iudicium domini in crimen uocet, sed athletam illum Iob ante oculos sibi proponat, saniorisque mentis consiliarium ipsum faciat. reputet secum uniuersa illa ex ordine certamina, in quibus ille primas tulit, & quot telis à dæmone petitus, nullum tamen mortiferum uulnus accepit. Ademerat illi quidem omnem prosperitatem domus, & consilium ceperat alternis malorum nunciis ipsum obruendi. nam dum adhuc prior aliquam cladem annunciabat, alter nuncius ueniebat, longè grauiorem cladem afferens. ac multa sanè mala inter se connectebantur, & calamitates undarum incursionem

imitabantur: nam prius quàm priores lacrymæ exarescerent, aliarum causa afferebatur. ille uerò tanquàm scopulus quidam in mari eminens stabat, tempestatis impetum suscipiens, undarumq; uim in spumam cōuertens, & acceptam illam uocem domino edebat, ac omnino nihil eorum, quæ euenerant, lacrymis dignū duxit. Cū uerò nuncius quidam uenisset & referret, filiis ac filiabus epulantibus, uentum quendam uiolentum, illud domicilium, in quo conuiuium celebrabatur, euertisse, tunc uestem tantummodo discidit, sympathiam quandam naturæ ostendens, & illo facto, quod pater liberorum amans esset, testatum faciens; atque piis illis uocibus factum exornans, dicebat, Dominus dedit, dominus abstulit, sicut domino placuit, ita factum est. tantū non talia edens, pater uocatus sum, quanto tempore uoluntas illius tulit, qui me patrem esse uoluit, auferre mihi rursus sobolis coronam statuit, non contendam cum eo de iis, quæ ipsius propria sunt: præponderet id, quod domino uisum est, ipse est effector generis, ego uerò instrumentum tantū. quid frustra seruus cū sim, agrè atque ini-
 quo

quo animo feram, & sententiæ succenscam, quam rescindere nequeo? huiusce modi uerbis dæmonem iustus ille pungebat. Cùm autem ipsum superiorē esse hostis cerneret, nec ullo horum conuelli posse, ipsam carnem aggressus est, & ex corpore eius, innumeris plagis illud conficiens, uermium fontes promanare fecit, uirumque ex regio throno abductū, in sterquilinum coniecit. Ille uerò quauis tantis calamitatibus affligeretur, constans permansit; & dum corpus eius laceraretur, pietatis thesaurum in penetralibus animæ tutum à prædone custodiebat. Cùm uerò hosti nihil iam relinqueretur, quod deinde faceret, ad ueterēs illas suas insidias descendit, uxorisque illius mentem in impiam ac nefandam sententiā adducens, illius opera athletā frangere conabatur. Ac sanè illa quidem longo dolori renunciāns, capite in terrā demisso, iusto astabat, manus ob ea, quæ intuebatur, concutiens, & pietatis fructus illi exprobrans. recensebat præterea ueterem illam omnium rerum abundantiam, præsentia uerò mala ostendebat, ac qualem ex qualibus adeptus esset uitam, & cuiusnam modi pro multis sacrificiis, ac

uictimis mercedem à domino accepisset,
 identidē ipsi inculcabat. Vsurpabat au-
 tem semper uerba animi parui, ac de-
 missi plena, atque sanè talia, quæ & ui-
 rum fortem commouere, & animū quan-
 uis generosum inflectere possent. Erra-
 bunda, & serua uagor, dicebat, regina
 seruitutem seruiō, & ad seruorum meo-
 rum manus respicere coacta sum; quæ
 quondā multos benignè nutriui, nunc ip-
 sa ex alienis nutrior. Ac sanè, inquit il-
 la, longè honestius, & conuenientius
 esset, si te ipsum è medio tolleres, gla-
 dium iræ creatoris acuendo, quàm res
 aduersas æquo animo sustinendo, mole-
 stiam, & tibi & coniugi, proferres.
 At ille ex his uerbis tantum mœrorem su-
 scipiebat, quantum nullum aliud ob ma-
 lum, & multum ira commotus ad uxo-
 rem ueluti ad hostem quendam conuer-
 sus, inquit, Cur ueluti una ex his mulie-
 ribus, quæ mente captæ sunt, locuta es?
 abiice, inquit, ò mulier, consilium scele-
 ris plenum; quousque tandem commu-
 nem nostram uitam uerbis tuis contume-
 lia onerabis? certè mentita es in effingen-
 da uita mea, asseuerando quòd non opta-
 rim rerum commutationem, & magnā ei
 dictis

dictis tuis adhibuisti calumniam. Equidem me nunc longè magis impium factum esse arbitror; si quidem nos conubium unum corpus effecerit, tu uerò maledictis dominū lacesuisti. Si enim bona suscepimus de manu domini; cur mala non perferimus? Veniant tibi in mentem illa bona, quibus prius cumulatæ eras; perpende meliora cum deterioribus, & reperies nullius hominis uitam omni ex parte beatā esse. semper enim fortunatum esse, solius Dei est. Sed tu si ex rebus præsentibus dolorem percipis, ex præteritis consolationem pete. nunc lacrymas profundis, at prius risum edebas; nunc inopem uitam agis, at prius diuitiis affluebas; clarum uitæ laticè antea bibisti, nunc turbidum bibens bono animo esto. nam neque fluminum cursus perpetuò puri apparent; uita autem nostra, uti scis, ueluti flumen quoddam est perpetuò fluens, & undis uicissim succedentibus refertum, cuius una pars iam præterfluxit, altera uerò in cursu est, alia iam de fontibus manauit, alia uerò post fluet, & uniuersi ad commune mortis mare festinamus. Si bona suscepimus à domino, mala num non sustinebimus?

num cogemus iudicem eiusdem generis res nobis perpetuò suppeditare? num erudimus dominum, quomodo uitam nostram gubernare debeat? ipse suarum sententiarum potestatem habet, quomodo uult, res nostras regit, sapiens autem est, & quod ex usu est, seruis suis suppeditat. ne curiosius perscruteris iudicium domini, boni consule tantum ea, quæ ab ipsius sapientia proficiscuntur, quidquid in te contulerit, id suscipe cum gaudio. ostende rebus in aduersis, dignam te prioris lætitiæ fuisse. Hæc dicendo Iob, etiam hunc dæmonis impetum retudit, & pudore ipsum affecit; eo quod uictoriam ab eo reportasset. Quid uerò tandem hinc euēnit? morbo nimirum leuatus est, perinde ac si frustra eum inuasisset, nihilq; penitus effecisset. effloruit enim ad secundam pubertatem caro; uita uerò omnibus bonis cumulata est, & diuitiæ auctæ, omni ex parte in domum confluxerunt; ita ut unam partē, quasi nihil unquam amisisset, haberet, alteram uerò ob patiētiā mercedis loco accepit. Ex eo qui libet nostrum exēplum fortitudinis capere poterit, qui nō solum rebus in aduersis, quibus conflictabatur, nimirum tum in-

nops

nops è locuplete , orbus filiis , cui pulchri
 erant liberi , uno momento temporum
 factus esset , idem permansit , qui antè
 fuit , nec unquam animum abiecit demi-
 sitque ; sed neque etiam cùm amici eum
 consolatum uenissent , & hominem in-
 cesserent ac ærumnas ipsius augerent ,
 unquam irritatus est . Nonnunquam au-
 tem homines experiundæ animæ causâ ,
 in tales uitæ difficultates incurrunt ; quò
 in his difficultatibus appareant probi , si-
 ue diuites , siue pauperes sint : utrique
 enim tolerantia probantur . & tum uel
 maximè patefit , an animo fraterno , an
 grato aliquis præditus sit , an contrà ma-
 leuolo , & ea constantia , quæ simul cum
 uitæ reuolutione repentè commutatur .
 nam ut gubernatorem nauis tempestas ,
 athletam stadium , militem acies , ma-
 gnanimum calamitas ; sic Christianum
 hominem tentatio probat . Et quemad-
 modum athletas certaminum , labores
 coronis ad se alliciunt ; ita etiam homi-
 nes Christianos probatio , quæ ex tenta-
 tionibus descendit , ad perfectionem du-
 cit ; si modò cum decenti tolerantia , ac
 omni gratiarum actione ea , quæ à domi-
 no ordinantur , susceperimus . Pauper es ?

ne animum abicias, sed omnem spem
 tuam in domino ponito. non enim ille nō
 cernit angustia est illi cibus in manibus,
 sed tamen exhibitionem producit, ut
 constantia tuā probet, & animum cogno-
 scat, num similis sit animo proteruiorum
 ac ingratorum, qui dum in ore sunt, tibi
 benedicunt, adulantur, ac mirandum in
 modum suspiciunt. at ubi paululum men-
 sa dilata fuerit, maledictis tanquam la-
 pidibus obruunt eos, quos paulò antè uo-
 luptatis causa obseruabant. Helias age-
 bat in Carmelo monte, alto & inhabita-
 bili, ac penitus deserto. at is animā loco
 omnium habebat, & uitam suam susten-
 tabat ea spe, quam in domino collocaue-
 rat. sic uerò uitam degens, fame non est
 confectus, sed ei uolucres, & illæ quidem
 maximè rapaces ac uoraces, cibos affere-
 bant, alimentumq; homini iusto hæ aues
 ministrabant, quæ alienos cibos diripere
 solent. domini enim iussu, naturam im-
 mutauerant, & factæ custodes panis, ac
 carniū erant. Agebat etiam in Baby-
 lonio lacu Israëlita quidam inuenis, ca-
 lamitate quidem captiuus, anima uerò
 & constantia liber. quid uerò est quod illi
 accidit? Leones quidem contra naturam
 suam

suam, inediani ferebant, altor uerò eius
 Abbacuc per aërem ferebatur; quem An-
 gelus unà cum obsoniis ferebat. & ne fa-
 me premeretur iustus, tantum terræ ac
 maris puncto temporis uates emensus
 est, quantum à Iudæa Babylonem usque
 protenditur. Quid uerò rursus populo
 in deserto accidit, cuius procurationem
 Moses habuit? quomodo, obsecro, uita
 ipsius per annos quadraginta gubernata
 est? non erat illhic uir, sementem qui fa-
 ceret, non bos aratrum trahens, non ar-
 ca, non torcular, non penu; tamen & ali-
 mentum ei suppetebat, sine semente,
 sine aratione, & fontes è petra mana-
 bant, qui prius non erant, sed in neces-
 sitate scaturiebant. Proinde & tu calami-
 tatem patienti animo ferto, uelut gene-
 rosus Iob, & ne te tempestas prosternat,
 neque quidquam abiicias ex his mer-
 cibus, quas tecum fers; hoc est de uirtute,
 sed ueluti magni precij supellectilem ac
 mercem, in animo tuo conserua gratia-
 rum actionem, & ita etiam tu multipli-
 cem percipies ex gratiarum actione uo-
 luptatem. Non enim ille est tolerans,
 cui desunt res necessariae, sed qui in abun-
 dantia omnium rerum res aduersas æquo
 animo

animo fert . In morbo es ? latè ferto ;
 quia quem dominus in oculis fert , eum
 castigat . Pauper es ? gaudio exulta ; quo
 niam ea bona in te conferentur , quæ quō
 dam in Lazarum . Ignominia afficeris
 ob nomen Christi ? ò beatum te ; quia
 ignominia tua in angeli gloriam commu
 tabitur ? Seruus es ? gratias tamen & sic
 agito ; habes enim longè te inferiorem ;
 gratias , inquam , agito , quòd unum præ
 tereas , quodque in pistrinum coniectus
 non sis , denique quòd flagris non cæde
 ris . nemini unquam deerunt causæ gra
 tias agendi . Iniuste tibi compedes in
 ditæ sunt ? spe rerum futurarum te susten
 ta . Iuste condemnatus es ? etiam sic gra
 tias habeto . Quoniam uerò egregiæ res
 gestæ ueterum , aut memoriæ propaga
 tione nostram usque ad ætatem conser
 uantur , aut in poëtarum uel scriptorum
 monumentis extant , ne simus , obsecro ,
 eius utilitatis , quæ ex ipsis percipi pos
 sit , expertes , ueluti illius , Probris per
 fundebat homo quidam plebeius Periclès ,
 ille uerò ea negligebat : & sanè tota die
 perseuerabant , ille quidem conuicia fa
 ciendo , hic uerò nihili hominem penden
 do . deinde cùm iam aduersperasceret , &
 ille

ille præ tenebris uix discederet , cum lumine ipsum Pericles domum deduxit , ne ipsi inquinaret philosophiæ studium . Rursum cadebat quidam Sophronisci filium Socratem , in ipsam faciem impetu facto , ille uerò non obuiam ibat , sed permittebat , ut se temulentus ille ira exple-
ret , ita ut iam intumesceret & præ plagis saniosa eius facies esset . ubi autem ille cedere destitisset , Socrates quidem nihil aliud fecisse dicitur , quàm quòd eum fronti suæ , ueluti statuæ cuiusdam opificem , inscripserit , atque ita ultus est hominem . Euclidi autem Megarensi cùm esset quidam iratus , mortem illi minatus est , ac iurauit se eum è medio sublaturum : at ille contrà iurauit , se eum placaturum , ac ne animo in se hostili sit , effecturum . Illud uerò facinus Clinia , qui erat unus ex familiaribus Pythagoræ , uix nostris persuaderi potest . autumât enim casu , & non sponte illud accidisse . quid uerò est , quod ille fecit ? Cùm illi integrum esset iureiurando trium talentorum mulctâ effugere , exoluere potius , quàm iurare maluit ; quanuis id sanctè facere potuerit : non inscius , ut opinor , illius præcepti , quod nos iurare uetat . &
31 hoc

hoc quidem Clinia simile est huic præcepto ; illud uerò Euclidis illi , quod inimicis bona optare & non mala imprecari iubet . Quare qui de his ante fuerit edoctus , is non amplius illis tanquàm iis , quæ fieri non possint , fidem derogabit . Proinde fac sit tibi præceptum Dei con-
 tubernale , lucem ueluti quandam , & splendorem ad diiudicationem rerum tibi assidue præbens . quæ ex longinquo animæ tuæ curam suscipiens , & ueras ac germanas ante de unaquaque re opiniones præparans , non sinet te ab ulla re earum , quæ quotidiana accidere solent , immutari ; sed potius mente instructum , tanquàm quendam scopulum mari uicinum , fortiter , & constanter uiolentorum uentorum impetus ferre docebit , in Christo IESU domino nostro , quem sempiterna gloria consequatur . Amen .

DE MŒRORE

& tristitia

ORATIO VI.



Vm uideo malum secundos habere progressus, uestramque pietatem affligi, atque iam omnino assiduis malis renunciasse, mœrore affligor; cum uerò rursus magnam Dei manum mecum perpendo, tum quòd is nouit afflictos erigere, & amplecti iustos, proterere autem arrogantes, & sedibus potentes eiciere, rursum animo mutato spe recreor. certus enim sum, quòd & uos scire uolo, celerem fore rerum cōmutationem, nec diuturna hæc mala. nam quæ passi sumus, ob peccata nostra passi sumus: auxilium uerò nobis ob singularem suam in seruos charitatem, ac cōmiserationem hominum amator feret. siue enim peccatorū pœnas pendimus, satis sunt hæ præsentēs plagæ ad deprecandā in posterum Dei in nos irā; siue ad certamina pro pie

tate per has tentationes uocamur, iustus certaminum præses, non sinet nos tentari supra quam possimus, sed ob eam, quæ perpepsi sumus, dabit nobis tolerantia ac spei in ipsum coronam. Quis enim adeò adamantina animum præditus est? quis adeò immanis ac ferox, ut audiens gemitum omni ex parte uos impetentem, uelut à quodam choro tristi communem quandam & consonam lamentationem accinentem, non animo doleat, nec ad terram uultum demittat, nec denique immensis iis ærumnis penitus collique scat atque concidat? Hæc autem dico non consolandi uestri gratia; (quæ enim oratio talis inueniri potest, ut tantæ calamitati medicinam faciat?) sed dolorem cordis mei, quoad fieri potest, uobis hac uoce demonstro. Expendimus enim artem diaboli belli, qui cum uideret uirtutem, tum uel maximè cum nos inimici persequuntur, augeri ac florere, mutauit consilium suum, nec amplius aperto Marte bellum gerit, sed occultas insidias nobis struit, obtegendò eas eo nomine, quòd inimici nostri circumferunt, ut eadem perpetientes, quæ & patres nostri passi sunt, non tamen uideamur pati

pro Christo; eò quòd etiam illi ipsi, qui nos persequuntur, Christianorum nomen habeant. Hæc nos mirandum in modum perturbant, & parum absuit quin mente emouerent, dumque hæc animo agitaremus, uenit etiam illud in mentem, Nunquid dominus seruos suos deseruit? nunquid extremum tempus instat, & abolitio ab iis initium sumit? ut in posterum patefiat iniquus ille filius perditionis, qui aduersatur, ac sese effert supra omnem Deum ac numen. Veruntamen, siue hæc tentatio menstrua est, sufferte ipsam uos egregij Christi pugiles; siue etiam perfecto iam interitui res traduntur, ne, obsecro, negligamus præsentem rerum statum, sed expectemus reuelationem, è cœlis, aduentum magni Dei, & seruatoris nostri IESU Christi. Si enim omnis creatura dissipabitur, & figura huius mundi transmutabitur, nulli mirum profectò uideri debet, si etiam nos pars creaturæ cum firmus, mala perpetiamur, atque calamitatibus his affligamur, quas pro ratione uirium nostrarum inducit nobis iustus iudex, qui nos tentari non sit permissurus supra quàm possimus, sed cum tentatione cuiusmo-

di euentum facturus, ut ferendo uincere queamus. Ne itaque nos labor frangat, manent enim nos martyrum coronæ, præstò sunt chori confessorum, qui parati sunt nobis manus porrigere, atque in numerum suorum recipere. Veniant uobis in mentem patres illi sancti, nemo eorum deliciis aut adulatoribus sese dādo, coronas patientiæ reportauit; sed omnes illi ingentes ærumnas sustinendo, dignos se esse uita æterna probāunt. Beatus, qui dignus habitus est, ut afflictiones pro Christo sufferet: longè beatior, qui plures ac maiores ærumnas pertulit; quia non sunt condignæ passiones huius temporis, ut conferantur cum futura gloria, quæ nobis tribuetur. Qui enim in ærumnis animo non cadit, sed ob spem, quam positam habet in Deo, uim mœroris sustinet, is profectò à Deo tolerantia suæ mercedem recipiet. Quemadmodum autem uermes in tenerioribus lignis maximè nascuntur; sic etiam mœrores, ut plurimum in homines molliores cadunt, neque tamen fœminis, neque uiris concessus est nimius luctus, ac ingens uis lacrymarum, sed ut paululum tantum rebus

bus in aduersis tristitiæ se dent, & modicas quasdam lacrymas profundant, atque hoc ita quietè, ut nec dentibus infrendant, neque ululent, neque uestes discindant, aut puluerem inspergant, aut aliquo alio modo indecorè se gerant, instat eorum, qui rerum humanarum rudes; atque imperiti sunt. Nam fortis animi non est, nec eius, qui firmitudinem aliquam ea ex spe, quam in Deum posuit, habet, rebus aduersis succumbere, atque frangi. Nam lacrymæ ex improviso quodam incursum, ueluti plaga quadam animam cadente, ac contrahente, dum spiritus circa cor comprimitur, generari solent. Gaudium uerò, exultatio quadam est animæ iis rebus gaudentis, quæ ex sententia cessere. Vnde etiam ea, quæ circa corpus euenire solent, inter se discrepant. nam qui tristitia afficiuntur, subpallido, liuido, ac frigido sunt corpore; at qui lætitia exultant, florido, atque rubicundo: uix non saliente ac foras progrediente anima, præ uoluptate. Ac sanè multos nouimus, cum calamitate ingenti affligerentur, sibi ui à lacrymis temperasse, deinde in quosdam morbos in-

fanabiles cecidisse, in apoplexias, inquā,
 ac paralyfes; alios uerò penitus exani-
 natos esse; cū uires ipsorum perinde
 ac debile fulcrum quoddam, tristitiæ o-
 nere confringerentur. Id in flamma ui-
 dere licet, quæ à proprio fumo suffo-
 catur, cū foras non egrediatur, sed
 circā ipsam se uoluet: hoc ipsum etiam
 aiunt in facultate, quæ animam guber-
 nat, ac regit, fieri. contabescit enim ac
 extinguitur à doloribus; cū nulla fo-
 ris perspiratio fiat. At dices, cuius igitur
 gratia Christus Lazarum iuxit? ni-
 mirum eam ob causam, ut mœstorum
 ac lamentantium hominum condolen-
 tiam, & animi demissionem corrige-
 ret. lacrymas enim Domini commise-
 rationis plenas non fuisse, sed docendi
 nostri causa profusas esse, ex iis uerbis
 patet, quæ dixit. inquit enim, Lazarus
 amicus noster somnum capit, sed uado
 expergefatum ipsum. Quis nostrum
 dormientem amicum iuguet, quem spe-
 rat paulò post experrectum iri? Lazare
 ades dum, ait, & qui iam mortem op-
 petierat, reuixit, uinculisque constrictus
 ambulauit. Est quidem res admiratio-
 nis plena: fasciis constricti erant pedes,

nec tamen impedimento fuerant motui: maius enim erat robur impedimento. Quomodo igitur ille, qui talia editurus erat, id, quod euēnit, lacrymis dignum iudicauit? Manifestum itaque est, quod omni ex parte imbecillitatem nostram fulciendo, mēsuris quibusdam, ac terminis necessarias perturbationes cōstrinxerit, condolentiam quidem quasi ferinam declinans, tristitiæ uerò studiū, ac nimiam lamentationem, ut ingenerosam deuotans. Quid uerò Iob? num adamantino corde erat? num ex lapide uiscera eius confecta? ceciderant ipsi momento temporis decem liberi, una plaga contriti, atque hoc in domo iucunditatis, & eo tempore cū uoluptati se darent, dæmone nimirum in ipsos domum incutiente. uidit mensam sanguine cōspersam, uidit liberos diuerso quidem tempore in lucem editos, at communem uitæ finem sortitos; non tamen plorauit, non comam euulsit, non edidit uocem aliquam muliebrem, sed illam decantatam, & ab omnibus celebratam, Dominus dedit, dominus abstulit: sicut domino placuit, ita factum est: sit nomen domini benedictum. Num ferus fuit

hic homo? & quoniam id modo, cum de se ipso dicat, Ego magis ploravi, quam quivis alius, omnibus miseriis cooperatus. Num ergo mentitus est hæc, dicens? nequaquam, ipsa enim veritas testimonium ipsi præbet, asserendo, eum ad cæteras suas uirtutes etiam ueritatem adiunxisse. sic enim inquit, Homo reprehensione uacans, iustus, pius, uerax. uerum plurimi mortalium cantilenis quibusdam ad tristitiam compositis lamentantur, carminibusque lugubribus, ut animæ ipsorum diffluant, student: ac sanè quæadmodum Tragædorum proprium est figmentum ipsum, & scena, quibus theatra occupantur; sic etiam putant conuenire lugenti uestem nigram, squalidam comam, tenebras in domo, sordes, puluerem, ac cantum lugubrem; qui animæ omni tempore recens mœroris uulnus in memoriam reuocat. Nesciunt equidem, quod animæ, quæ semel desiderio creatoris ardere cœpit, quæque rebus pulchris, quæ illhic sunt, assueta est, gaudium, à uario lapsu carnalium perturbationum non immutatur, sed quæ sunt aliis tristitia, iis illa lætitiæ suam cumulat atque auget. Quemadmodum

modum enim qui debiles oculos habent, ipsos à rebus splendidis longè amouentes, floribus ac herbis recreant; sic etiam animam oportet, non semper intueri id, quod lugubre est, neque presentibus molestiis deditam esse, sed oculos suos ad uerorum bonorum speculationem conuertere. Nam res aduersæ animum sicuti ignis aurum probant: ac sanè illis, qui rectè sunt instituti, calamitates ueluti alimenta quædam athletica atque exercitationes sunt, quæ luctatorè ad paternam gloriàm deducunt. Nimia autem tristitia, auctor peccati esse solet, cum mœror mentem submergat, consilij inopia uertiginem afferat, penuria cogitationis ingratum animum generet. Turpe etenim est benedicere uos res ob secundas, filere uerò ob aduersas: immo tunc uel maximè gratiæ nobis agendæ essent, cum exploratū habeamus, quòd quem diligit dominus, castigat: flagellat autem omnem filium, quem recipit. Eripit quidem ex miseriis sanctos suos Deus, non tamen absq; probatione, sed tolerantiam ipsis tribuit. Quòd si calamitates, & miseriæ tolerantiam operantur, tolerantia uerò probationem,

qui misérias æquo animo ferre non uult, is probatione seipsum priuat. Proinde sicut nemo coronatur sine aduersario; sic neque probatus renunciari quisquam potest, nisi multas calamitates pertulerit. Ex omnibus itaque miseriis, atque calamitatibus eripiet ipsos dominus, non sinens eos nimium calamitatibus affligi, sed unâ cum tentatione dabit etiam exitum, hoc est, ut tolerare eas possimus. Qui uerò dicit non conuenire iusto afflictionem, aliud nihil dicit, nisi quod non conueniat, ut athleta sese exerceat. Quoniam uerò afflictis ingentem consolationem affert, cum participes habent aliquos sui luctus, ideò simul cum iis dolere, qui calamitate aliqua afficiantur, æquum est. hac enim ratione socium te præbebis afflictis, non autem si in calamitate alterius hilaris fueris, nec si in alienis malis indifferenter te exhibueris. non tamen simul cum afflictis adeò luctu efferrî conuenit, ut unâ exclames, aut lamenteis, aut ipsos in aliis imiteris, nec æmuleris eum, cui ærumnæ tenebras obduxerunt, hoc est, qui seipsum abdit, nigrum uestitum gerit, humi procumbit, capillos negligit.

his


his enim calamitas magis augetur, quàm
 leuatur. Angi quidem ob ea, quæ acci-
 derunt; & quietè contristari ob ærum-
 nas licet, sed tamen ita, ut in omnibus
 grauitatem serues. ubi uerò ad collo-
 quium ueniendum erit, non conuenit
 statim ad obiurgationes descendere, ue-
 lut iacentibus insultantem. acerbæ enim
 esse solent afflictis obiurgationes, nec
 eorum sermonem ferre possunt, qui do-
 lore non tanguntur in alienis malis,
 quique in persuadendo parum ualent.
 nam ut oculo inflammato, etiam mol-
 lissimum medicamentum molestiam ex-
 hibet; sic etiam & animo, qui grauita-
 te calamitatis ardet, quantum multam
 consolationem afferat sermo, molestus
 tamen quodammodo esse solet, si tum,
 cum in dolore sumus, proferatur. Cum
 uerò ob delictorum pœnitentiam fra-
 trem lugere conspexeris, unà cum eius-
 cemodi fletu. nam & tu in alienis ma-
 lis, propria corrigere poteris. qui enim
 pro peccato proximi calidam lacryma-
 rum guttam posundit, is sibi ipsi medi-
 cinam facit, eò quòd fratrem deflet.
 Ob peccatum luge; hoc enim animæ æ-
 gritudo est; hoc rei immortalis mors,
 hoc

D. BASILII ORAT.

hoc luctu, & ingenti eiulatu dignum est, ob hoc lacrymæ profundantur, & ne cesset gemitus ex medio corde profici- scens. Sic flebat Hieremias ob pereun- tem populum, cui cùm non satis essent naturales lacrymæ, fontem lacryma- rum, & abditum locum requirebat. Pro his autem omnibus gratias agamus Christo Deo nostro, quoniam illum so- lum decet omnis gloria, honos & cul- tus, unâ cum patre æterno, & sanctis- simo ac uiuificatore Spiritu, nunc & sem- per & in sempiternum. Amen.

Tomi secundi finis.





D. BASILE

M. A. V. S. I.

Consigliere di Amministrazione
della Società per Azioni

di Assicurazione sulla Vita
e sulla Rendita

di Roma

via Nazionale 100



Il Presidente della Società per Azioni
di Roma






D. BASILII MAGNI,

Archiepiscopi Cæsareæ Cappadociæ,
Orationum de moribus,

*à Simone magistro ac sacri palatii quæstore,
ex eius scriptis in unum congestorum,*

TOMVS TERTIVS.

Stanislao Ilouio interprete.



Venetiis apud Io. Andream Valuasforem.

M D L X I I I I.

D. BASILII

MAGNI

Archiepiscopi Cæsaris Capitulorum
Orationum de moribus

à Simonis magistro ac sacre palatij præceptoris
ex eius scriptis in latinam linguam

TOMUS TERTIUS

Stanislao Iulio interpretatus



Venerabilis viri Jo. Vindemii Vindemii

M D LXXIII

REVERENDISSIMO
IN CHRISTO PATRI D.

D. ANDREÆ NOSKOVSKI,

Pontifici Plocensi,



Stanislaus Ilouius S. P. D.



Vlti, & quidem
clarissimi philo-
sophi, Princeps
optime, in ea fue-
re sententia, ut
affirmare nō du-
bitarēt, nullum
in vitiis esse di-

scrimen, sed esse ea inter se paria. Nam
si uirtutes inter se sunt pares, aiebant illi;
paria etiam sint uitia, necesse est. at pares
esse uirtutes, nemo est qui ambigat: se-
quitur, ut etiam uitia sint paria. Verūm
mihi longè secus esse uidetur. ut enim
una ex uirtute maiores utilitates manant,

tot

3 ii quàm

quàm ex altera; ita etiam uno ex uitio
grauiora incommoda, quàm ex altero
nascuntur. Id si ita est, unum alio dete-
rius esse, necesse est: siquidem id semper
merito peius habetur, ex quo plura da-
mna proficiuntur. Hinc uiri summis
ingeniis præditi, cum uitia inter se con-
tendere soliti essent, nullum grauius, nul-
lum tetrius ingrata uoluntate asserabant.
nam si gratus animus pater est omnium
reliquarum uirtutum, omnium uiciorum
caput & auctor ingratus sit oportet. Hoc
uitium, me hercule, homines dissociat;
hoc concordiam, qua imbecillitas fulci-
tur nostra, dirimit; hoc simul in multos
iniuriosum est. ingratus enim multis
uno tempore iniuriam infert; lædit pri-
mo seipsum, quo nihil est miserius, cum
nomen boni uiri adimit; deinde cum,
qui ei benignè fecit, cum non restituat,
quod accepit; postremo cunctos morta-
les. nam quicumque conspexerit aliquem
immemorem eorum esse beneficiorum,
quibus est affectus, remissior ad alios be-
neficio complectendos euadet; timens
ne ipsi

ne ipse quoque alijs beneficia tribuendo,
operam perdat suam. Quod si animalia
rationis expertia, beneficia accepta grata
memoria colunt, certè turpissimis in re-
bus est ducendum, hominem, quem
Deus ratione ornauit, tam nefarium sce-
lus in se concipere. Panthera, quæ fero-
citate cætera animantia præcedit, gra-
tā se præstitit ei, à quo catuli eius è fossa
extracti erant; nam omni tempore æta-
tis suæ comitem se ei præbuit, ut Deme-
trius Physicus literarum monumentis
prodidit, taceo canes innumerabiles, ta-
ceo leonem, illum, qui cognito Andro-
do, qui in circo feris dilaniandus exposi-
tus erat, non ei dentes infixit, sed ma-
gna cum admiratione populi; manus &
crura eius lambere, caudāq; iactare cœ-
pit. Sed quid multis? quis est tam emo-
tæ mentis, qui neget hoc uirium, uel ma-
ximè flagitiosum esse? Id cum me non
prætereat, etiam atq; etiam cogitare me-
cum soleo, quānam ratione, summis
tuis erga me beneficiis, si minùs re- (quis
enim hoc dicere audeat?) at animo certè

& memoria respondere possim, id si nō
facerem, in tam detestabile crimen incur
rerem. cū autem ea tua sit auctoritas,
ea amplitudo, ea deniq; opes, ut sese nul
la alia occasio declarandæ meæ propensæ
in te uoluntatis det, præter literas, quibus
nos ab ineunte adolescētia dediti fuimus,
ex his studiis promendum mihi aliquid
esse duxi, quo & tibi, & reliquis omni
bus testatum relinquerē, esse me referēdæ
gratiæ quàm cupidissimū. unde mitto ti
bi orationes aliquot Basilii Magni nuper
à me Latinitate donatas; ut hinc cogno
scas, me tuorum meritorum memoriā
gratissima beneuolentia conseruare. Eas
autem orationes tibi potissimū dicandas
existimaui, ut quibus tu uirtutibus cæte
ros omnes anteis, earum tractationem
legendo, uoluptatem uel maximam in
de caperes. mirandum enim in modum
nos delectat, cū nos aliquid aut recte;
& cum uirtute egisse reminiscimur; aut
cū ita nos in rerum tractatione esse uer
satos uidemus, ut hi, qui summi magi
stri officiorum sunt habiti, præcepere.

nam

nam quæ Plato, quæ Aristoteles, quæ Cicero, quæ patres sancti de benignitate ac liberalitate literis mandauere, hoc tu factis ipsis expressisti. Paucos mihi uidisse uideor, (sed quid dixi paucos?) neminem, inquam, uidi, qui tam rectè ac tu diuitiis usus esset. tu scholas, tu collegia, tu fana extruxisti, & ditasti; tu pauperibus, & afflictis benignum ac liberalem te omni tempore præbuiſti; tu denique exemplum uiris Deo sacris dedisti, quas nam in res bona Ecclesiæ conferenda essent. Itaque paucos nostra in regione uideas, qui secessionem à republica Christiana fecerint. quid ita? quoniam Pontificem suum res sacras rectissime administrare animaduertant. magnam itaque animo percipies uoluptatem, cum perspicias ita te in rebus tuis gessisse, quemadmodum uiri summi rectissime præscripsere. Sed hæc hætenus. Reliquum est, ut te rogem, Pontifex humanissime, ut hanc nostram qualemcunque referendæ gratiæ uoluntatem boni consulas. Quod si se nobis in posterum

rum eius declaranda. alia liberior occa-
sio obtulerit, efficiam profecto, ut cognos-
ceas, habere te neminem, nec in referen-
da gratia, nec in prædicandis tuis benefi-
ciis me superiorem. Deus opt. max. te
nobis saluum, & florentem multos in
annos seruet. IIII. Non. Septemb.


M D L X I I I . Patavio.

D. BASILII MAGNI

Orationum de moribus,

TOMVS TERTIVS,

Stanislao Ilouio interprete.



DE MISERICORDIA

AC BENIGNITATE

ORATIO PRIMA.



In diuitias, ò homo, ob eũ
honorẽ, qui ex ipsis pro-
ficiscitur, aspicias, consi-
dera, obsecro, quantò ma-
gis ad gloriã faciat, mul-
torum filiorum patrẽ ap-
pellari, quàm ingenti pecunia affluere.

Nam pecuniam quidem relinques hoc in
mundo, etiam si nolueris: at eam glo-
riam, quam ex bonis actionibus adeptus
fueris, ad dominum deferes; quãdo uni-
uersus populus coram communi omnium

Tom. 3.

A

iudice

iudice constitutus, nutritorem, & benefactorem suum te appellabit, omniaq; humanitatis nomina tibi tribuet. Ac in nundinis quidem nemo mœrore affligitur, profundes præsentia, & uicissim recipiens ea, quibus opus habet; uerum quanto minore pretio pretiosissimas res comparauerit, tãto magis exultat, quasi qui egregiam permutationem fecerit.

Tu uerò in mœstitia es, cum aurum, argentum, & opes tradis, hoc est cum lapides, & terram largiris, quò beatam uitam consequaris. Sed quasnam ad res uteris auro? ueste pretiosa te ornabis? at tunicella ex duabus ulnis confecta tibi satis erit, & unius pallij amictus omnem indumentorum necessitatem explebit. Ad uictum comparandum diuitiis te usurum inquires? at unus panis ad explendum uentrem sufficit. Quid igitur mœres, quasi aliqua re priuatus esses? Num gloria ex diuitiis? at si non in terra gloriam quæsiueris, inuenies ueram illam & splendidam gloriam, quæ te in regnum cœlorum deducet. Dissipatæ diuitiæ, cum in modum, quem dominus præscribit, permanere solent; retentæ autem abalienari. Si eas custodieris, non habebis;

habebis; si effuderis, iacturam earum nō facies. Disperfit, erogauit in pauperes, iustitia eius manet in æternum. Nam diuitiarum usum dispensatorium, non autem uoluptarium esse, eos, qui rectè iudicare uelint, existimare par est. itaque ubi eas exposuerimus, lætitia efferri debemus, perinde ac si essemus alienis rebus priuati, non autem ægreferre, tantquam propriis excidissemus. Cur igitur tristitiæ te das? cur animo luctum percipis, illud cū audis? Vende restuas; & da pauperibus. Nā etiā si te consequerentur ad uitam sempiternā, non tamen tanto cum studio essent parandæ; ut pote quibus ea præmia, quæ illhic tribuuntur, tenebras obducent. Quod si necessariò nobis sunt hîc relinquendæ; cur amabò, non uenditis ipsis, lucrum, quod hinc capi possit, auferimus? Qui enim rebus præsentibus malè utitur, is æquè miserabilis est, ac ille, qui seipsum spontè eo gladio, quem accepit ad uindicandos hostes, uulneribus conficit. at qui bene eis utitur, quiq̃ue secundum rectam rationem præsentia administrat, ac ea bona, quæ ipsi à Deo largita sunt, in pauperes distribuit, dispensatorem se ea-

rum gerendo, non autem propriæ uoluptatis gratia ea parando, ille & laudibus ornandus, & amore prosequendus est; eò quòd amore fraterno, & moribus humanæ societati studentibus, præditus sit. Aspicite, quæso, quomodo ingens numerus peccatorum nostrorum, & tempora à propriis naturis abduxerit, & eorum species proprias in alienas temperaturas transmutauerit. omnia enim æquè creationis terminos transgressa sunt, peruersaque conspiratione in perniciem nostram facta, homines è uita cedere cogunt. Quæ est igitur huius perturbationis ac confusionis causa? nempe hæc, quòd nos ipsi cùm accipiamus, aliis non largimur: beneficentiam in cælum ferimus, nec tamen benignè facimus iis, qui penuria rerum laborant. serui ipsi cùm simus, in libertatem uindicamur, non tamen nos nostrorum conseruorum miseret. esurientes nutrimur, nos uerò egenum præterimus. liberalem suppetitorem habentes, restricti ipsi sumus, nec uolumus participes facere rerum nostrarum pauperes. fœcundæ nobis sunt oues, nudorum tamen maior est numerus, quàm sit ouium. cellæ ob multitudinem

dinem earum rerum, quæ sunt in eas cō-
dita, coarctantur, nos tamen misericor-
diam non tribuimus ei, qui in summas
angustias adductus est. Pauper es? attamen
alium habes longè te pauperiorem. tibi
enim decem dierum sunt alimenta; illi
uero unius diei tantum. proinde ueluti
homo benignus, id, quod tibi re-
dundat, cum indigente adæquato; ne
cunctis de modico largiri, ne præferas
tuam utilitatem communi periculo. Et si
in uno solum pane totus uictus con-
sisteret, & pro foribus staret qui peteret,
proferro ex penu illum unum panem, &
imponens eum manibus, ac iis in cœlum
sublatis, dicito orationem miserabilem
simul & mitem, Vnus panis tantum mihi
est, quem cernis Domine, & periculum
manifestum impedit, sed ego tuum præ-
ceptum meo periculo antepono, & ex
pauco præbeo fratri esurienti: da & tu
seruo, qui est maximis in angustis: no-
ui tuam bonitatem, confido etiam tuæ
potentiæ, non in diem tu profers ac pro-
ducis gratiam tuam, sed dispergis quan-
do uis dona tua. Quod si ita dixeris &
feceris, ille panis, quem maximo cum lu-
ctu præbuiſti, exiſtet ſemen ſegetis, at-

que multiplicem fructum gignet . Tu uerò dicis, quòd proximum tuum diligis, ut teipsum : uerum id, quod à Domino dictum est, redarguit te, & declarat quàm lōgissimè abesse à uera charitate . si enim tantum largitus es unicuique, quantum tibi ipsi, unde tibi hæc tanta pecuniarum ubertas ? Qui enim proximum ita charum habet, ut seipsum, hic nihil amplius proximo possidet : sed cùm tu possideas, uidêris apertè proprium usum pluri facere, quàm multorum commodâ, atque solatium . quantò enim maioribus circumfluis diuitiis, tantò magis charitatis expers es . nam si charum habuisses proximum tuum, iam diu cogitationem abalienandæ pecuniæ suscepisses . nunc uerò opes tibi magis quàm corporis membra creuêre, & dolori maximo tibi est ipsarum separatio, ueluti partium corporis abscissio . Si enim uestiuisses nudum, si dedisses esurienti panem tuum, si fores tuæ omni peregrino paruissent, si pupillis patrem te præbuissem, si debilis ac infirmi uicem doluisses, quarum nunc diuitiarum causa mœrore affligeris, iam olim ipsas indigentibus distribuere studuisses . O quantas te benefactori gra-

tias

tias agere oportebat, & quàm hilari ac lato animo esse, ob eum honorem, nimirum quòd ipse aliorum fores non obis, sed quòd alij tuas circumstant. Participes facias frumenti fratres. id, quod cras putrescet, hodie trade egenti. Avaritiæ equidem forma pessima est, quæ neque ea, quæ corrumpuntur, egenis impertiri vult. Quòd si ille, qui uestem homini induto detraxerit, prædator nominabitur, certè ille, qui hominem nudum non uestierit, cum id facere possit, alia quadam peiori appellatione dignus est. Esurientis est panis, quem tu detines; nudi est pallium, quod tu in uestiario conseruas; calceus, qui apud te putrescit, eius, qui eo caret; indigentis est aurum, quod terra obruisti. proinde tot hominibus iniuriam infers, quot beneficio complecti potuisti. Quomodo tibi pauperis miseras ob oculos ponam, quòd scire possis, è quibus gemitibus tibi thesaurum comparas. O quàm pretiosum tibi in die illa iudicij verbum illud uidebitur, Venite benedicti patris mei, possidete regnum iam multis à sæculis uobis paratum. Quantus rursus horror, quantus sudor, quantæ tenebræ tibi ob-

orientur, cū sententiam illam audies, Abite à me maledicti in tenebras exteriores, quæ paratæ sunt dæmoni, & angelis ipsius. Neque enim misericordia sine iudicio, neque iudicium sine misericordia est. ante iudicium cordi est illi misericordia, & post misericordiam uenit ad iudicium. hæc autem ita inter se coniuncta sunt, misericordia nimirum cum iudicio, ut neque misericordia sola securitatem parere, neque iudicium solum desperationem afferre possit. Si neminem morte affecisti, si adulterium non perpetrasti, si nec furtum fecisti, nec falsum testimonium contra quenquā dixisti; studium, & operam, quam in iis rebus ponis, perdis, cū id non addas, quod reliquum est: cuius opera solum poteris consequi regnum Dei. Quod si tibi medicus promitteret, se membra tua correcturum, quæ aut natura, aut ægritudo mutila effecit; non animo utique tristi hæc exciperes. cū uerò te magnus animorum medicus, omnibus numeris absolutum opera misericordiæ facere uult, cui maximæ ac principalissimæ partes desunt; non agnoscis beneficium, sed luges, ac tristem uultum præ-

reſers, animū tuū dōlōre conficiēſ,
& ea omnia, quæ erant tibi præparata,
inutilia ipſemet reddis. Non ſtudioſus
eris tui? non in hac uita recondes futu-
ræ quietem atque tranquillitatem for-
micæ exemplo? quæ æſtate ea, quibus
hyemē uictitet, reponit, nec quia non-
dum hyemis incommoda adſunt, tem-
pus per negligentiam, ociumque tranſ-
mittit: ſed perpetuo quodam ſtudio ſe-
ipſam ad opus compellit, quoad quan-
tum ſatis eſt ad uitam tuendam, repoſue-
rit. neque id inertia & ignauia ulla fa-
cit, ſed prudenti quadam conſideratione,
quæ res ad uictum neceſſaria, diutiſſimè
eſſe poſſit, excogitat. ſuo enim ore id,
quod in mediis fructibus eſt, uerberat &
ſecat, ne ſi germinarent, nihil ipſi ad ui-
ctum conducerent. præterea eos ſiccāt,
cū illos humidos eſſe ſenſerit, nec eos
quouis tempore profert, ſed tum deni-
que, cū cælum ſerenum præſenſerit.
nunquam imbrem ex nubibus delabi ui-
dere poteris, quādiu frumentum ex for-
micarum cauernis prolaturum eſt. Imita-
re terram, o homo, fructum ferto uelut
illa, ne iudicaris deterior eſſe re, quæ eſt
animæ expers. illa enim fructus non ad

usum suum, sed ad tuum gignit: tu uerò
 quem ostendere debebas beneficentia fru-
 ctum, hunc tibi ipsi cumulas. Benefa-
 ctorum autem gratia, ad illos, qui ea in
 alios collocarint, reuertuntur. Dedisti
 aliquid esurienti, tuum hoc, quod de-
 disti, efficitur, magno cum scenore ad te
 rediens. Quemadmodum enim semen
 terræ mandatum, lucrum ei parit, qui
 illud mandauit; sic etiam panis, qui ho-
 mini esurienti largitur, magnam utilita-
 tem in posterum affert. Si aliquis pro fo-
 ribus tuis astiterit, necessitati suæ me-
 dicinam aliquam quærens, ne, quæso, ad
 inæqualia respicias, ne ue dicas, Hic ami-
 cus est, hic cognatus, hic benefactor, il-
 le peregrinus, alienus, ignotus: nam si
 ad inæqualia respexeris, non tibi etiam
 impertietur misericordia. una est natu-
 ra, homo & hic & ille, una necessitas,
 penuria uterque eadem laborat; largire
 fratri & peregrino, & ita neque fratrem
 despicias, & peregrinum, fratrem pro-
 prium efficies. Vult te Deus omnipotens
 consolationem adhibere egentibus, non
 autem rationem habere personarum: nō
 uult ut cognatis des, peregrinum uerò
 repellas. omnes enim cognati, omnes
 fratres,

fratres, unius patris filij omnes. Dantur nonnulli, qui ex alicuius dominationis graui periculo à creatore sunt erepti, nec est illis quidquam, unde uitam sustentent suam: solo nanque animo, & corpore periculum illud declinarunt. nos itaque, qui molestiarum periculo non gustato, illæsi permansimus, communice-
 mus cum illis opes nostras; amplectamur eos fratres, qui uix seruati sunt; dicat unusquisque ad unumquemque, E' uita iam decesserat, & reuixit: perierat, & inuentus est. contegamus denique corpus nobis propinquum, opponamus iniuriæ ac impetui hostili auxilium atque consolationem nostram: quo etiam si læsit ille, nullum tamen damnum dedisse uideatur, & illato bello nullum uitæ ostendisse, & si fratrum facultates abstulerit, à nostra munificentia; & liberalitate superatus appareat. propter charitatem quidem simplicem ac liberalem erga eos, qui petunt, distributorem esse oportet, iuxta illud præceptum, Petenti dato: at ratione rursus diiudicare conuenit uniuscuiusque eorum, qui petunt, necessitatem, ut ex actis didicimus; ubi dicitur, Datum unicuique est
 tantum,

tantum, quantum opus habebat. Cum enim multi transgredientes usum rerum necessariarum, occasionem nundinationis, & materiem obsceni luxus, petitionem faciant, scitè & aptè pro necessitate atq; usu uniuscuiusque, distributio rerum necessariarum fieri debet. illis enim, qui cantilenas lugubres, ut mulieres circunueniant, componunt, & qui mutilationes corporis, & ulcera quæstus gratia sibi inferunt, non omnino utile est abundans ac liberale illud ministerium: nam illa erogatio occasionem illis dedit uitiorum perpetrandorum: pauca tamen largitione oportet talium clamorem retundere. Animus uerò fraternus, & cōmiseratio in eos conferēda est, qui æquo ac patienti animo misérias ferre didicerunt; de quibus etiam illud dicetur, Esuriui, & dedistis mihi comedere. Eam ob causam magna opus est experientia ad dignoscendum, qui nam uerè indigeat, & qui avaritia adductus petat. Atque ille quidem, qui hominī afflicto aliquid dat, domino ipsi dat, ab eoque mercedem accipiet: qui uerò erroni præbet, is proiecit cani molesto ob impudentiam, non autem hominī miserabili ob egestatem.

Audite

Audite diuites, qualia consilia, propter
uestram inhumanitatem, damus paupe-
peribus: satius esse dicimus, ea mala,
quibus urgentur, sustinere, quam eas ca-
lamitates, quæ ex usuris descendunt, su-
bire. Quod si domino obediretis, quid
esset iis sermonibus opus? Mutuum da-
te, inquit ille, his, à quibus speratis ni-
hil uos accepturos. Cum enim pauperi
dabis propter dominum, idem illud &
donum & mutuum efficietur; donum
quidem ideò, quia nihil te speras hinc re-
cepturum; mutuum uerò propter domi-
ni magnificentiam, qui pro ipso repen-
det: qui cum pauca per pauperem acce-
perit, magna pro ipsis referet. Perpen-
dat autem unusquisque diuitum proprios
fructus, ex quibus dona Deo consecra-
turus sit; ne pauperem opprimat, ne in-
firmiorem se cogat, ne eius bona, qui im-
perio illius paret, inuadat, potentia &
imperio loco iustitiæ utens. nam iusti-
tiam & æqualitatem seruare, etiam ad-
uersus seruos iubemur. ne ideò, quoniã
imperas, cogas, neque quia uales, aliena
diripias: sed quoniam facultas tibi est,
ostende opera iustitiæ. non enim ex eo,
quod potis non eras, probabis te Deo
obe-

obedientem fuisse, ac eum timuisse, uerum ex eo, quod cum transgredi posses, tamen non es transgressus. Qui uerò bona pauperum diripiunt, ut in alios benefici sint, hi melius, me hercule, ac longè honestius facerent, si nec raperent, nec largirentur. Nam neque beneficentia ex iniustis lucris in egenos profecta, grata Deo est; neque is, qui à rebus iniustis abstinet, laude est dignus, si nemini res suas impertierit. Nam de his quidem, qui injuriam faciendo, dona Deo dicare instituunt, sic scriptum est, Hostiam improborum abominatur dominus: de illis uerò, quos aliorum non miseret, hunc in modum, Qui aures suas obturat, ne pauperem audiat, & ipse aliquando alterius opem implorabit, nec erit, qui hominem exaudiat. Eam ob causam præceptum illud tale nobis consilium dat, Honora, inquit, Dominum iustis tuis laboribus, & primitias ei offerro ex fructibus iustitiæ. Si enim ex iniustitia, & rapina Deo sacrificium facturus sis, multò satius esset, non tenere talem possessionem, neque ex ipsa offerre: Purum nanque donum liberabit animam, ut literis mandatum est, & preces hominum proborum

proborum gratæ, atque acceptæ sunt illi. & rursus, Si cum possideas ea, quæ iustis laboribus acquisiisti, non autem ex iis offers Deo, offers autem ex his, quibus nutriuntur pauperes, pro rapina illud habebitur. nam per Malachiam inquit Deus, Primitiæ, & decimæ uestræ sint uobiscum, & remaneat rapina in domibus uestris. Cur igitur contaminas diuitias tuas, ò homo, introducendo in eas lucra iniusta? cur execrabilem iniustitia facis tuam oblationem? offerre aggre- diens illud, quo debebas pauperem hominem prosequi. Illius te misericordia teneat, quem iniuria affecisti: hunc humanitate comprehendito, huic benignè facito; & ita magno cum iudicio satisfacies misericordiæ. Nullum enim est Deo cum avaritia commercium, neque ulla cum prædonibus aut sicariis consuetudo. Neque ideo quasi ipse non posset alere pauperes, eos nobis alendos reliquit, sed iustum ac benignum fructum à nobis requirit, nostræ beneficentiæ causa. Benignitas & iniustitia esse non solet, nec ex execratione benedictio, neque ex lacrymis beneficentia: ostentationis gratia talia fiunt; nec laudem Dei opt. max.

sed

sed hominum quærunt, atque uenantur ;
 Si enim quasi ipso Deo intuenſe, benignè alicui facis, uide ne id agas ex perperam acq̃uiſitis, illud perſuaſum habēs, quòd inſpectorem Deum latitiā non afſicies. proinde ſic benignè faciamus pauperibus, ut etiam ipſi hinc aliquid à Deo recipiamus. rependit autem Deus illis, quos laudat ; laudat uerò auidum neminem. Ne erretis, non aliter recipiet Chriſtus eam benignitatem, quam in pauperes confertis, niſi priùs ſatiſfeceritis iis, quibus aliquod damnum dediftis. Sic dominus recepit Zacchæi probitatē, inſiciens, Hodie huic domui ſalus parta eſt ; quoniā paratus erat reſtituere quadruplum, ſi quem circūueniſſet, & quòd mediam partem eius pecuniæ, quæ ſibi relicta erat, pauperibus diſtribuiſſet. ſciebat enim ita ſe demuni Chriſto rem gratam facturum. Demus igitur, ò fratres, diuitiis licentiam, quæ ad egenos effundi uolunt. ne prætereamus Lazaroſ etiam nunc ob oculos noſtros poſitos ; neque negemus ipſis micæ menſæ noſtræ, quæ ad explendam famem illis ſatis ſunt ; ne immanem illum diuitem imitantes, ad eandem cum illo gehennæ flammam

flāminam descēdamus. nam multis quidem tum precibus ab Abrahamo contendemus, & ab aliis, qui honestè uitā traduxerunt suam; uerū nihil nobis illa uociferatio emolumentī afferet, frater enim cū non liberet, liberabit ne, amabō, alius homo? Dicit autem nobis quilibet illorum magna uoce, Ne desideres humanitatem, quam tu aliis tribuere noluisti, neque contendas accipere adeō magna, cū tu in minoribus restrictus fueris; fructu his, quæ tibi, dum in uiuis esses, parasti, lacrymas nunc profundito: quandoquidem tum lacrymantem fratrem conspiciens, ipsius non es misertus. hæc dicent nobis, nec sanè iniuriā. Valde autem extimesco, ne etiam asperioribus nos impetant, cū longè superiores simus illo diuite, ut scitis, improbitate, quoniam adulatōres, & parasiti, præter hoc quod lautè à nobis accipiuntur, manus etiam preciosis muneribus refertas referunt, & discunt à nobis, longè melius esse, talia exercere, quàm uirtuti operam dare. Quod si pauper aliquis nobis adstiterit, qui præ fame uix loqui possit, abominabimur hominē, ac festinanter præterimus, ei iuuib.

tanquàm extimescentes, ne etiam infœ-
 licitatis ipsius ex tardiori gressu partici-
 pes fiamus: & si quidem ille oculos solo
 defixerit, ob calamitatem pudore affe-
 ctus, simulationis artificem ipsum esse
 dicimus. sin uerò confidenter, propter
 grauem famis stimulum, nos aspexerit,
 impudentem rursum ac audacem appella-
 mus. & si quidē integris uestibus cooper-
 tus fuerit, quas fortē aliquis illi dono de-
 dit, uelut inexplabilem repellimus, pau-
 pertatēq; ipsum simulare, etiam iuramen-
 to asserimus. sin uerò pannis obsitus fue-
 rit, ut putidum abigimus, & neq; crea-
 toris nomen, quod supplicationibus suis
 inferit, neq; ne in tales calamitates uenia-
 mus, assiduē precando, ferum ac inhumā-
 num propositum nostrum flectere potest.
 Quapropter multò grauiorem gehennæ
 ignē extimesco, quàm diuitis illius fuit,
 qui Lazarum despexerat. Id ne fiat, mi-
 sericordiam tribuamus afflictis, & ut præ-
 terea ipsi bona æterna cōsequi possimus,
 in Christo IESU Domino nostro, cui sit
 gloria, & potestas cum æterno Patre, &
 uiuifico spiritu, nunc, & semper, & in
 sempiternā sæcula. Amen.

DE DIVITIIS,

ET PAUPERTATE

ORATIO II.



Vemadmodum putei illi,
 qui identidem exhauriū-
 tur, longè elegātiores cæ-
 teris esse solent; sic etiam
 diuitiæ illæ, quæ quiescūt
 ac reponūtur, nullius usui
 existunt: at quæ mouentur, & hinc inde
 transeunt, summam utilitatē, fructum-
 quē afferunt. Ego quidem uehementer
 mirari soleo, quomodo post illos super-
 fluos, ac non necessarios sumptus, cūm
 opes, multas in partes distractæ sint, ad-
 huc redundant, & ab iis, qui eas tenent,
 sub terram detrudantur, atque locis in
 abditis asseruentur. Heu, cūm infinitis
 modis aurum insumere non posses, tunc
 illud terra obruis. Ac mihi sanè uidetur
 animus diuitum, hellionum animo per-
 similis esse; qui disrumpi potius præ in-
 gluie malunt, quàm quidquam ex his
 rebus, quæ supersunt, egentibus impar-
 ti.

tiri. talis nobis in euangelio describitur
diues; circumsteterant iam cum illi, qui
animam ab eo repetituri erant: ille ta-
men de eduliis cum anima differebat:
illa nocte è uita erat discessurus, multo-
rum tamen annorum usum meditabatur.
Ingens sanè insania est; terram, dum in
metallis continebat aurum, perscrutari,
cum autem est erutum, rursus illud de-
fodere: contingit præterea, mea quidem
sententia; ut ille, qui aurum defodit, si-
mul etiam cor ipsum defodiat. Vbi enim
thesaurus tuus est, inquit ille, ibi etiam
& cor tuum. Age igitur, ò diues, uariè
opes tuas dispensa. ne, quæso, difficili
animo sis; ne ue expectes rei frumenta-
riæ penuriam, ut tum horrea aperias tua,
ne famem appetas auri causa, neque o-
mnium inopiam, priuatæ opulentia. ne
sis caupo humanarum calamitatum; ne
iram Dei uelut occasionem quandam ad
conficiendam pecuniam captes. Tu qui-
dem aurum respicis, fratrem uerò tuum
non conspicias. numismatis etiam sculptu-
ram agnoscis, & ab sincero adulterinum
bellè discernis; at quantis frater tuus cō-
flictetur malis, nō uides: & auri quidem
colore mirandum in modum gaudes; at
quantus

quantus te egeni gemitus sequatur, animo non lustras tuo. Sed dices, quem, obsecro, iniuria afficio, si mea retineo, & conferuo? quænam ista tua sint, cedò? unde ea accipiens in hanc uitam intulisti? perinde ac si quis in theatro spectandi locum occupet, deinde ingredi uolentes arceat, suum esse iudicans, id, quod omnium ad usum constitutum est. Eiuscemodi equidem sunt diuites, qui ea, quæ omnium ad utilitatem sunt constituta, præoccupantes, sibi uendicant, propter temporis quandam anticipationem; cum si unusquisque tantum ex iis caperet, quantum satis esset ad uitam tolerandam, & id, quod redundaret, ei, qui opus habet, largiretur, nemo esset diues, nemo inops. Nonne nudus ex utero matris excidisti? nonne rursum nudus in terram reuerteris? Ea uerò, quæ tenes, unde habes? si casu dicis te ea consequutum esse, impius es, qui neque cōditorem agnoscis, neque gratiam ei, qui hæc in te contulit, refers; sin uerò fatēris à Deo profecta esse, quæ habes, cedò rationem, ob quam ea in te collata sunt? Num iniustus est Deus, qui inæqualiter nobis ea, quæ ad uitam sunt necessaria,

distribuit? cur tu diuitiis circumfluis?
 cur illi egestas imperat? Profectò nulla
 alia de causa, nisi ut & tu benignitatis ac
 fidelis dispensationis mercedem accipe-
 res, & ille ob magna patientiæ certami-
 na præmiis afficeretur. At dices neces-
 sarias esse opes liberorū causa. perbellè
 tu quidem auaritiam tuam hoc nomine
 uelas, ac tegis. liberos enim prætendis,
 cor uerò auaritia plenum geris. Ne, ob-
 secro, culpam transferas in infontem.
 habet enim is proprium dominum; hà-
 bet proprium œconomum, cui uitam ac-
 ceptam refert, & à quo uitæ sumptus ex-
 pectat. Num his, qui uxores sibi adiun-
 xerunt, euangelium scriptum non est?
 scriptum etenim est, Si uis omni ex par-
 te perfectus esse, uende omnia, quæ ha-
 bes, & da pauperibus. Quando petebas
 à domino, ut te liberis frugi ornaret, nū
 etiam illud addidisti, Da mihi filios, ut
 mandata tua negligam, ac nihili pendā;
 da liberos, ne in regnum cœlorum intrē?
 Quis uerò sponsonem faciet, filium tuū
 rebus datis ac relictis, rectè usurum?
 multis enim diuitiæ ministras se præbue-
 runt ad intemperantiam. Vide igitur ne
 cas diuitias, quas magno cū labore con-
 gessisti,

geſſiſti, aliis uelut materiẽ quãdam
peccandi des; & ne deinde binas pœnas
pẽdas, tum ob ea, quæ ipſe perperam
fecisti, tum ad quæ perpetrãda campum
alteri ſuppeditaſti. Multi quidem, quã-
uis à parētibus nihil accepiſſent, ſibi ipſis
domos pararunt; uerũ animæ tuæ, quã
tu deſeris, quis miſericordiam tribuet?
Cur, amabò, tanti facis atque adeò ſu-
ſpicias aurum? quis, obſecro, exiſtis,
qui ornatui nimium ſtudent, horam uitæ
ſuæ apponere poteſt? cui pepercit mors
ob diuitias? quẽ morbus ob diuitias non
afflixit? Quouſque tandem auro paran-
do operam dabis? auro, inquam, quod
nihil aliud eſt, quàm animarum quidam
laqueus, mortis hamus, peccatiquẽ in-
eſcatio. quã diu diuitiis, quæ belli cau-
ſa eſſe ſolent, & ob quas conſtantur ar-
ma, ac enſes acuuntur, inhiabis? pro-
pter has cognati, quid natura poſtulet, nõ
nident; fratres ſe mutuò toruẽ intuen-
tur, cædeſque ſpirant. propter opes ſo-
litudines homicidas alunt; ciuitates ue-
rò ſycophantas, atque calumniatores.
Quis eſt mendacijs parẽs? quis falſæ ac-
culationis architectus? quis periurij au-
ctor? nonne diuitiæ, nonne opum ſtu-

diuini? Quid facitis, ò homines, quis nobis insidias rebus uestris tendit? in adiumentum uitæ, non uiaticum malorum, pecuniæ datæ sunt; ad redimendam animam, nõ ad perdendam sunt tributæ; ad uitam sustentandam nobis pecuniæ datæ sunt, non ut se nobis ministras ad mala præbeant. Etenim si diuitiæ ansam nobis dant iniustitiã perpetrandi, miserabilis profectò est is, qui ditescit; sin nerò ministras se exhibent ad consequendam uirtutem, longè à reprehensione absunt: cum omnibus eam utilitatem ex ipsis percipere integrum sit. Quapropter par est, nos diuitias absentes non expectere; & si nobis suppetant, non tam se ob possessionem ipsarum efferre; quàm ob scientiam dispensandi ipsas. scitum enim est illud Socratis, qui dixit, cum opulentus quidam magnopere pecuniæ causa superbiret, non prius se illum admiraturum; quàm si cognosceret, quòd iis rectè uti posset. nam diuitiæ & sanitas, sapenumero iis, qui malè eis utuntur, ministras sese ad peccata perpetranda exhibent: at paupertas cum ueritate coniuncta, apud homines frugi, inter omnia alia bona principem locum tenet.

Sed

Sed nihil horum unusquisq; nostrum animo agitat suo; uerum si uiderit uirum necessitate astrictum, genua flectere, & ante pedes supplicem se proicere, denique nescio quid non humile edentem, ut inopiam suam etiam magno cum scenore illius subleuet, non tamen eius, qui multa præter dignitatem facit, misereatur, sed implacabilem atque inexorabilem se præbet, iurans ac obtestans, sibi penitus pecuniam non esse, ac seipsum quoque circumspicere ait, num aliquem reperire possit, qui sibi pecuniam mutuò dare uelit: atque sic mendacium suum iuramento confirmans, præter inhumanitatis malum, etiam pericurium concipit. Cum uero is, qui mutuum sumit, usurarum mentionem fecerit, ac pignora etiam nominauerit, tunc ille demisso supercilio aridet, paternam etiam amicitiam memorat, dein familiarem suum ac necessariū eum nuncupat. Videbo, inquit, an aliquam pecuniam repositam habeam: ac deinde in ista uerba prorumpit, Est apud me deposita pecunia uiri cuiusdam amici, qui eam lucri gratia apud me deposuit, sed is intolerabiles usuras exigit, ego tamen nonnihil remittam, ac mihi

omnino minores pendes. Talia confin-
 gens, ac eiusmodi uerbis blandiens,
 miserum inescat, libellisque alligat, &
 supra illam urgentem paupertatem, li-
 bertatem etiam ipsam ei adimit. Heu mi-
 ser quid facis? fructus exigis ab inope,
 qui si te ditiozem reddere posset, non
 profecto fores tuas obseruaret. O in-
 gentem calamitatem, ad auxilium im-
 plorandum cum se miser reciperet, ho-
 stem inuenit; medicamenta salutaria qua-
 rens, in uenena incidit. cum uiri pauper-
 tatem leuare deberes, indigentiam ipsius
 adauges, non aliter ac si quis medicus
 ad aegrotantes accedens, loco restituen-
 dae sanitatis, etiam exiguas insuper ui-
 res, quae restant, eis auferat. Misericordiarum
 calamitates uelut occasiones quasdam
 ad ditescendum arripis. & sicuti agricolae
 pluuias exoptare solent, quod semina eo-
 rum multiplicentur; ita tu inopiam ac
 indigentiam hominum expetis, ut ex tua
 pecunia quamplurimum lucri capere pos-
 sis. Ac ille sane, qui ob mutuam pecuniam
 usuram pendit, in summa rerum despe-
 ratione miser uersatur. nam cum pau-
 pertatem respicit suam, omnem spem re-
 stituenda pecuniae abiicit; cum uero pra-
 sentem

sentem necessitatem perpendit, non dubitat mutuò ad usuras sumere. Vbi uerò pecuniā erogauerit, tempus autem præterlabens usuras secum adduxerit, non noctes ei requiem ferunt, non dies hilaris est, non sol iucundus, sed iniquo animo uitam fert. odio habet illos dies, qui ad præstitutum tempus accelerant; extimescit menses quasi usurarum patres. & siue quieti sese tradiderit, per insomniū fœneratorem conspicit; malum, me hercule, capiti suo insomnium, siue uigilias egerit, nihil aliud curat, & cogitat, quàm usuram. Verùm iure optimo dicere possem ad eum, qui æs alienum contrahit, Bibe aquas à tuis uasis, hoc est, proprium sumptuum rationem habebas, ad alios uerò fontes ne accedas, sed ex propriis aquarum uenis solatia uitæ haurito. habes uasa area, uestitum, iumenta, omnis generis suppellectilem, hæc restitue: omnia enim perdere tolerabilius est, quàm libertatem. Sed dices, Publicare hæc erubesco. quid igitur facies, cùm paulò pòst alius ipsa proscribet, ac in oculis tuis paruo æstimabit? fatius multo est consiliis paulatim inuentis necessitatem tolerare, quàm alienis acer-

aceruatim elatum, postea omnibus rebus simul denudari, atque spoliari. Proinde si tibi facultates suppetunt, unde quod mutuo sumpstisti, restituere possis, cur non potius iis bonis presentem inopiam propulsa? sin uero spem restituendi abiecasti, malum malo profecto curas. pauper nunc es, at liber: ubi uero mutuum ad usuram sumpseris, non ditesces, libertatem uero perdes. nam is, qui mutuo sumpsit, seruus est eius, qui ei in mutuum dedit; nec solum seruus, sed seruus mercede conductus, crudelium seruitutem seruiens. Canes ubi aliquid acceperint, subito mansueti fiunt: at foenerator plus iusto accipiens, magis irritatur. non enim latrare cessat, sed multo plus exigit. etiamsi te iuramento obstringas, fidem non habet, perscrutatur interna, commercia tua curiosè inquirit, uxore presente pudore affectum, coram amicis contumeliis onerat, in foro minas iactat, in die festo noxium est se ei obuiam dare, uitam denique tuam intolerandam efficit. At ingenti, inquit ille, necessitate premor. nullus alius mihi est pecuniarum prouentus. quam, quæso, itaque tibi utilitatem hæc hodierna dilatio

latio affert? mutuum enim non penitus liberat, sed solummodò ad tempus inopiã leuat. si mutuum non sumpseris, æquè quidem eris pauper, & hodie, & in posterum: at ubi aliquid in mutuum sumpseris, grauius uexaberis. nemo enim tibi nunc paupertatem uitio uertit: inuitum enim est ipsa malum. quòd si ære alieno te obstrinxeris, nemo te in crimen non uocabit; nemo tuam nullius consilij temeritatem non detestabitur: consilium etiã tibi erit ineũdum, unde rependas, & à quibus accipias, etiã atque etiã cogitandum erit. At dices tuas facultates & ad usus necessitatem, & ad restitutionem nõ suffecturas? quòd si etiã usuras animo reputaueris, unde, obsecro, tibi tãtus numerus pecuniæ accrescet? nullus equidem mortalium uulneri uulnere medicinam facit, neque malum malo curat. Quam igitur ratione, inquit, uitam tolerabo meam? sunt tibi manus, est ars, mercede conductus labora, ministri munus obeas, sexcentæ sunt uictus parandi rationes: sin uerò laborem ferre non potes, precibus contentas ab iis, qui opes tenent. Sed dices, Turpe est petere? at ego dico longè turpius

pius esse, aliquem eo, quod mutuò sum-
pisti, defraudare. Formica neque ostia-
tim panem quærendo, neque mutuò su-
mendo, uitam suam sustentare potest.
apes etiam proprij alimenti reliquias re-
gibus impartiuntur; quibus tamen neq;
manus, neque artes natura attribuit. tu
uerò sagax illud animal homo, ex tantis
artibus unam inuenire nequibis, qua ui-
tam tueri possis tuam? locuples es? ne
mutuum sumias. pauper es? ne etiam ac-
cipias. si enim diuitiis affluis, mutuo o-
pus non habes; sin tibi nihil est, mutuum
non rependes. ne committas, quæso, ui-
tam tuam consilio, cuius te in posterum
pœnitere possit. In hoc uno nos paupe-
res, diuites longè anteimus, quòd scili-
cet curarum minus sustineamus. ludi-
brio etiam habemus ipsos uigilias haben-
tes, dum nos somnum capimus, tum e-
tiam rebus intentos, ac anxios, dum nos
omni molestia caremus, animoque ua-
cuo sumus. Qui enim ære alieno se ob-
stringit, is & in paupertate erit, & nun-
quam curis uacuus, sed omni tempore
uariis cogitationibus distinebitur, nunc
res suas æstimando, nunc ædes sumptuo-
sas, nunc diuitum agros, uestes denique
eorum,

eorum, qui ei obuiam fiunt, Si hæc, inquit, mea essent, uenderem tanti ac tanti, æreque alieno me liberarem. hæc, inquam, cordi ipsius totos dies, ac noctes insident. si quis fores pulsarit, debitor sub tectum se condit. uehementer incurrit quis, cor ipsius percellit. latrat canis, ipse sudore madet, atque anxietate summa afficitur, circumspectitq; quò se proripiat, instat præstitutum tempus, cogitat miser, quid'nam falsi afferat, quò'nam ficto nomine creditorem protelet. Cur multiplici ac uariæ bestię te ipsum similem facis? ferunt lepores simul & fœtum edere, & educare, ac etiã superfoetare. Pari ratione etiam fœneratoribus pecuniæ simul & ad usuram dantur, & generantur, atque succrescunt, nondum enim data est tibi pecunia, & iam præsentis mensis lucrum fœnerator à te exigit. rursum hoc, quod est ad mutuum datum, aliud malum affert, & aliud aliud alterum, atque sic malum in infinitum crescit. fœnus enim, mea quidem sententia, ex mali fœcunditate nomen accepit. (unde enim aliùde?) uel fortassis fœnus dicitur, ob eos dolores ac molestias, quas animis eorum, qui mutuum

tuum ad usuram acceperunt, afferre soleat. Quemadmodum enim dolor parturienti, sic præscriptum tempus debitori instat. scœnus ex scœnore, malorum parentum praua soboles. Ferunt uiperas, materno utero perroso, partum edere: hoc modo etiam usuræ, erosio ac cōsumptis debitorum ædibus, generantur. femina progressionē temporis nascuntur, animantia etiam tempore perficiuntur: uerum usura simul ac generatur, simul etiam parere incipit. Omnes res, quæ crescunt: ubi iustam, ac sibi propriam magnitudinem attigerint, augescere desinunt: sed auarorum argentum omni tempore accrescit. Bruta animantia, quando soboles eorum ad pariendū idonea est, ipsa non amplius partui operantur; at scœnatorum pecuniæ, & succedentes pariunt, & ueteres renouant. & perinde ac hi, qui ex cholera laborant, semper id, quod antè ingestum est, eiciunt: & si priusquàm penitus purgati fuerint, alium cibum superingesserint, summo cum dolore, ac lancinatione uomunt; ita etiam qui scœnora exercent, usuras ex usuris transmutantes, antequàm priora expurgentur, alterum mutuū superinducunt,

perinducunt, atque ubi paululum aliena in delitiis habuerint, deinde res ob proprias lugent. Sed inquires, multos sibi ex usura diuitias parauisse? at ego arbitror plures ad restim rediisse. tu enim eos, qui sibi uitam laqueo finiuerunt non enumeras, qui cum eam turpitudinem, quæ ex mendacitate profiscitur, ferre non possent, mortem sibi fune consciuerunt. Vidi ego miserabile spectaculum, uidi, inquam, liberos ingenuos, ob æs alienum, quod pater contraxerat, in forum pertrahi, ac uenundari. Non est tibi pecunia, quam liberis relinquo tuis? ne igitur etiam illis insuper generis nobilitatem adimas. unam hanc ipsam, amabo, conserua libertatis possessionem; depositum nimirum illud, quod ipse à parentibus tuis accepisti. nulli unquam patris paupertas crimini data est, at ob nomina paterna, multi in carcerem conduntur. ne relinquo syngraphas, execrationem ueluti quandam patris in filios, ac in reliquos posteros. Diuitiæ, inquit ille, si affluerint, nolite animum appellere. Suspicias, quæso, hanc uocem, Diuitiæ si affluerint. fluxa enim est diuitiarum natura, torrenteq; citius

eos, quibus est, præterlabitur. nã aliàs
 alium hærum solent permutare, & per-
 inde ac fluuius ille, qui ab alto fertur,
 appropinquare solet iis, qui ripæ astant,
 sed simul ut eos affligit, de repentè se-
 cedit; sic etiam diuitiæ celerrimum ac
 lubricum habent accessum: quoniam fre-
 quenter alios aliis permutant. hodie hu-
 ius est ager, cras alterius erit, ac paulò
 pòst alterius. Intuère, amabò, domos,
 & perpende quot iam nomina, ex quo
 concidère, immutauerunt, aliud ab alio
 possessore nomē ducentes, aurum etiam,
 semper è manibus eius, cuius est, dila-
 bens, ad alium transit, & pòst ab alio ad
 alium. Facilius est, me hercule, aquam
 manu comprehensam continere, quàm
 longo tempore opes tenere. Ne igitur
 quenquam ex iis, qui diuitiis circūfluunt,
 gloria & prædicatione efferas; neue bea-
 tam prædices uitam ipsius, etiamsi illi
 ex multis locis, atque luculentis fonti-
 bus affluant pecuniæ. Ne suspicias & o-
 ptes ipsorum abundantiam. Neque etiã
 omnis paupertas laudibus in cœlum fe-
 renda est, sed ea demum, quæ est digna
 laude, & quæ ad normam Euangelij di-
 rigitur. multi enim sunt pauperes, si o-
 pulentiam

pulentiam spectes; sin animum & uolun-
 tatem, auarissimi: neque eis inopia re-
 rum salutem præstat, sed potius eos ani-
 mus cōdemnat. Diuitiæ, & gloria qua-
 tenus eos, qui eis præditi sunt, bonos
 non efficiunt, eatenus non sunt habenda
 in bonis. at qua ex parte nobis affluen-
 tiam quandam rerum ad uitā hanc tuen-
 dam afferunt, longè præstantiora ducen-
 da sunt paupertate & dedecore. Atque
 hæc quidem nonnullis à Deo opt. max.
 tuendæ rei familiaris causa largita erant,
 uti Abrahamo, Iacobo, & reliquis. ho-
 minibus uerò nequam ideò tribuuntur,
 ut eos ad frugem reuocent. Verum qui
 tantis à Deo beneficiis cumulatus, in
 peccato perseuerauerit, is seipsum reum
 æterno supplicio statuit. Iustus quidem,
 si ei diuitiæ suppetunt, non corrumpitur
 illis; sin ei defunt, non eas inquit, ac
 nimium expetit. non enim ille iis, quæ
 sibi data sunt, ad uoluptatem utitur, sed
 ea ritè dispensat. nemo autem sanæ men-
 tis in aliorum largitionem nimis anxie
 incurret; nisi multorum opinionem re-
 spexerit, qui suspiciunt ac in cœlum fe-
 runt eos, qui summa aliqua dignitate af-
 fecti sunt. Quòd si corpus neglexerim,

mus, nihil quidquam profectò rebus ex humanis suspiciemus atq; admirabimur. quas enim ad res amplius diuitiis utemur, si corporis uoluptates ignominiosas ducemus? ego quidem non uideo, quamnam aliam uoluptatem nobis diuitiæ afferant, nisi illam, quòd illis ueluti dracones quidam incubamus. Primum igitur est, quòd homini Christiano uel maximè curæ esse debet, nimirum ut à uitiiis illis uariis, ac diuersis, quæ animam inquinant, abstineat, atque ea deponat: deinde oportet eum, qui illam coelestem respicit uiam, istius mundi bonis repudium remittere: nam cura & studium, quod in res istas fluxas ponitur, mirandum in modum hominem perturbat, atque distinet. cùm autem plures eundem sibi salutis scopum proponentes, communem inter se uitam instituerint, necesse est, ut illud in primis apud eos statuatur; illud inquam, ut unum in omnibus sit cor, una uoluntas, desiderium unum, & ut, quemadmodum Apostolus præscribit, unum corpus fiat ex diuersis membris compactum. Hoc autem aliter fieri non potest; nisi illud ratum sit, ne seorsum alicui aut uestimentum aut uas,

aut

aut aliud quidpiam, quæ communi uitæ
inſeruiunt, attribuantur; ſed ut unūquod-
que horum neceſſitati eius, qui opus ha-
bet, ſeruiat, nec fiat proprium poſſiden-
tis. ſicuti enim non quadrat, parua ue-
ſtis corpori uaſto; ſed unicuique id de-
mum; quod cōuenit; & utile eſt, & con-
gruens: ita etiam alia omnia, uidelicet
lectus, ſtratum, calidum amiculum, cal-
ccamentum, eius eſſe debent, qui ualdè
his opus habet, & non poſſidentis. Et
quēadmodum uulneribus conſectus, non
autem ſanus medicamentis utitur; ſic e-
tiam iis rebus, quæ ad molliciēm corpo-
ris excogitantur, non is, qui in delitiis
uitam agit, ſed qui uel maximè his indi-
get, meritò fructur. Domini noſtri I E S U
Chriſti, gloria, & imperium in perpe-
tuum floreat. Amen.

DE AVARITIA

ORATIO III.



V'm domum uiri inepti in-
 gredior, uideoq; eam o-
 mni genere florum exor-
 natam esse, iudico nihil
 hunc iis, quæ uidentur,
 pretiosius tenere, sed eas
 res quidem, quæ animæ sunt expertes,
 exornare, animam uerò ipsam negligere,
 atque incomptam relinquere, cuius præ-
 foribus innumerabiles stant pauperes, mi-
 serabili, ac luctuosa uoce, ut sibi subue-
 niat, precantes, at ille preces eorum repu-
 diat, affirmans, suas opes tot petentibus
 non suffecturas. Ac ille quidem lingua se
 excusat, à manu uerò sua falsitatis con-
 uincitur. nam manus illius etiam si ta-
 ceat, uanitatem tamen ipsius declarat,
 dum fulgøre gemmæ, quæ anulo inclusa
 est, corruscat splendescitque. Sed, cedò,
 miser ac infortunate, quot potest anulus
 tuus ære alieno oppressos liberare? quot
 domos iam collapsas reficere? unica sanè
 uestiaria

uestiaria arca tua satis esse posset ad totum populum frigore obrigentem amicum : non tamen dubitas pauperem uacuis ablegare manibus, nec pertimescis iudicium retributionis illius iudicis. Non tu misertus es alterius, non etiam ille miserebitur tui : domum tuam alteri patere noluiſti, non etiam tibi patebit regnum : non dedisti tu panem, non etiã tibi dabitur uita æterna. At pauperem te esse ais; equidem & ipse ita iudico. Pauper enim is est, qui multis opus habet; uestra uerò ista nimia habendi cupiditas, quæ expleri nunquã potest, multis rebus ut indigeatis, facit. Decem ta lenta cùm habeas, alia decem addere ſtu des; ubi uiginti congeſſeris, alia uiginti quæris: nec unquam id, quod additur, ſtudio habendi tuũ reſtinguit, ſed magis ac magis accendit atque inflammat. Quemadmodum enim hominibus tumulis lentis largior uini infuſio maiorem bibendi ſitim generat; ſic etiam iſti, qui cumulandis opibus ſtudent, etiamſi ſibi multas diuitias pararint, plures tamen expetunt, additione illa morbum alentes ſuum. at ſtudio illud eorum in contrarium conuertitur: non enim eos tanta

latitia afficiunt ea, quæ sibi pepererunt;
 etiam si multa sint, quanta molestia con-
 ficiunt ea, quæ desunt, quæque sibi ad-
 huc deesse autumant. Ac sanè par erat
 illos, & rebus præsentibus latari, & Deo
 opt. max. gratias agere, quòd tam mul-
 tos homines diuitiis anteeant; uerùm illi
 miseri mirandum in modum anguntur,
 atque lamentantur, quòd uideant se ab
 uno, aut altero diuite, diuitiis superari;
 nec eos respiciendo, qui se pauperiores
 sunt, gratias, pro iis, quæ tenent, bene-
 factori agunt, sed eos secum, qui amplif-
 simis diuitiis circumfluunt, pertendendo,
 quantumque ab his superentur, animo
 reuoluendo, tanta tristitia afficiuntur,
 tantamque querelam habent, ac si iis re-
 bus, quæ aliis præ se adsunt, priuati es-
 sent. Nam hi, qui necessarios fines tran-
 seunt, similes mihi esse illis uidentur, qui
 decliuem in locum feruntur: qui cum nō
 habeant locum firmū, cui adhærere pos-
 sint, in infinitum feruntur, nec ubi con-
 sistant, habent. sic etiam isti, quanto plu-
 ra acquisiuerint, tanto pluribus opus ha-
 bent, ad auaritiā suam explendā, ex sen-
 tentia Solonis filij Azececectidis, qui ait,
Diuitiis nullum statuunt mortalia finem.

Præterea

Præterea nec Theognidem eo in genere prætereundum esse iudico, cuius hoc est, *Non ego diuitias moror aut peto uiuere, tantum De paucis detur ut sit nihil inde mali.* Ego sanè illum Diogenis omnium humanarum rerum contemptum & admiror; & suspicio, qui quouis rege se multò ditiores esse ostendit, cum illud proferret, Se longè paucioribus quàm regē, in hac mortali uita opus habere. At auaris nisi adsint Pythij Myſi talenta, & tot ac tanta terræ iugera, pecorumquē longè plures greges, quàm numerando percēſeri poſſint, nihil ſatis erit. Sed quemadmodum hi, qui ſcalas ſcandunt, ſemper ad ſuperiorem gradum pedem attollendo, non prius eum ſiſtunt, quàm ſummum gradum attigerint, ita etiam iſti, etiāſi aliquem ex locupletibus diuitiis æquauerint, non tamen conquieſcunt, ſed adhuc multò ditiori pares eſſe contendunt: & ſi etiam illum opibus anteuerint, ſtudium tamen ſuum ad alium conferunt; nec prius ab illa ſua immenſa habendi auiditate deſiſtunt, quàm in altum ſublatis, è ſublimi illo loco ſe ipſos præcipientes dederint. Ac ſanè perinde ac ij, qui ex infania mente capti ſunt, res non cer-

nunt ipsas, sed eas imaginantur, quæ ex
 perturbatione proficiscuntur; sic etiam
 auari animus nimio amore pecuniæ in-
 census, omnia quæcunque uidet, aurum,
 & argentum se uidere putat, longèque
 iucundius aspexerit aurum, quàm solem,
 atque ut omnia in aurum conuertantur,
 mirandum in modum desiderat, & stu-
 det. Quid enim est, quæso, quod ille
 propter aurum non aggreditur? ex fru-
 mento aurum parat, uinum illi in aurum
 glaciatur, lanæ denique ipsæ aureæ effi-
 ciuntur; omnis nundinatio, omnis soler-
 tiæ aurum illi affert. ipsi denique au-
 rum seipsum generat, dum in usuris ac-
 crescit, atque multiplicatur; nec sanè ul-
 lus cupiditatis finis reperitur. Pueris qui-
 dem iis, qui nimium alicuius rei auidi
 sunt, sæpe concedimus, quo his cibis,
 quos in deliciis habent, se largiter ex-
 pleant, ut eis postea cibus ille ex nimia
 illa facietate fastidio sit; at in auaro lon-
 gè aliter res se habet. nam is, quantò
 plus habet, tantò plura desiderat. Ignis
 quidem ubi semel flammam concepit,
 omnem materiæ, quæ sese ei offert,
 consumere festinat, nec deleri aut extin-
 gui potest, nisi prius eum materies, in
 quam

quam agat, defecerit : auarum uerò quid est, quod inhibere possit ? me hercule ; ipso igne difficilior est, omnia per continuationem quandā pascens. Bona proximi abripuit, alius se uicinus dat, illius etiam bona acquirere studet, nec iis animum applicat, quæ iam consequutus est, quanuis multa sint, sed uicinorum inhiat bonis ; neque lætitiā afferūt ei ea, quæ possidet, sed molestiam pariunt, quæ desunt ; nec rebus præsentibus utitur miser, sed seipsum ampliora semper appetendo conficit. Hinc uigiliæ, hinc curæ, hinc sollicitudines. Quid faciam, exclamat ? destruam horrea mea, inquit, & maiora construam. O uesane, nescis ne quòd hac nocte animam abripiant tuā, ea uerò, quæ parasti, cui relinques ? maior est profectò risus temeritatis, quàm sit risus æterni supplicij. ille enim, qui iamiani rapietur, quanta animo non agitat suo ? Destruam horrea mea, inquit. rectè sanè facis, dicerem ego ipsi ; digna enim sunt iniustitiæ promptuaria, ut funditus euertantur : dirue manibus tuis, quæ malè extruxisti, conuelle illos tuos frumentarios penus, ex quibus nulli unquam benignè fecisti ; dele omnem domum

domum tuam, quæ auaritiæ custos est: subuertere fornices, demolire muros, profer in solem frumentum putridum: educ ex carcere uinculis constrictas opes. duc denique in triumphum domicilium illud tenebrosum mammonæ. Destruam, inquit, horrea mea, & maiora ponam: quid uerò, hoc si perfeceris, post facies? num rursus destrues, atque rursus construes? Quid uerò amentius esse potest, quam laborare sine ullo fine, ædificare omni cum studio, ac omni cum studio uicissim euertere? Et si quando illud audiueris, Vende, quæ habes, & da pauperibus, ut ita tibi uelut iaticum quoddam ad uitam æternam consequendam pares, tristitia affectus abis. At si illud, numera pecuniam ad ornatum muliebrem comparandum, numera lapicidis, fabris lignariis, tessellariis, pictoribus, gaudio exultas. perinde ac si aliquid longè preciosius pecuniis acquiras. An non uides muros hos, hos, inquam, qui præ uetustate ruinas edidère? quorum parietina ueluti scopuli quidam tota urbe eminent, quot putas tum pauperes in urbe fuisse, cum hi ponerentur? qui miseri, propter nimiam operam & studium, quod in ædifica-

ædificationem horum collocatum fuit,
 à diuitibus illius temporis negligeban-
 tur. ubi iam est, amabò, illa splendida
 operum structura? ubi is, qui propter ho-
 rum magnificentiam in cœlum fereba-
 tur? nonne hæc iam ita collapsa & de-
 lecta sunt, ac ea, quæ à pueris dum lu-
 dunt, in arenis extruuntur? ille uerò mi-
 ser, qui illa collocarat, in Orco iacet,
 uehementer ingemiscens, quòd tantum
 studij in res nihili posuisset. Magno a-
 nimo fac sis, ò homo. muri enim tã ma-
 gni quàm parui hanc utilitatem afferunt
 his, qui eos tenent. Non deerunt tibi
 horrea, si uoles, uentres inquam paupe-
 rum. fac tibi thesaurum in cœlo repo-
 nas: nam quæ ibi deposueris, non depa-
 scent tineæ, non erodet caries, non sur-
 ripient fures. Sed dices, te tum paupe-
 ribus impertiturum, cùm secunda imple-
 ueris horrea. Longum equidem tibi ipsi
 tempus uitæ præfigis, uide ne te id prius
 comprehendat, quod tibi ex præscripto
 uelut quodam impendet. nam hæc tua
 pollicitatio non bonitatis, sed callidita-
 tis cuiusdam potius argumentum est:
 neque enim etiam ob causam pronissum
 facis, ut deinceps aliquid des, sed ut in
 præsens

præsens hominem repellas; cùm nihil sit,
 quod te impediat, quominus etiam nunc
 largiri possis. An non indigens adest?
 an non tibi sunt referta horrea? an non
 merces proposita? an nō præceptum ma-
 nifestum? esuriens fame conficitur, nu-
 dus alget, miser ob æs alienum uincitur;
 tu tamen beneuolentiam tuam in crasti-
 num differs. Audi, obsecro, Salomo-
 nem dicentem, Ne dixeris, inquit ille,
 Rursus redeas, & cras dabo, cùm possis
 iam benignè facere. clam enim te est,
 quid crastinus afferet dies. Tu quidem,
 cùm pecuniam erogas in equum com-
 parandum, mœrore conficeris nullo; ac
 si quid numerandum sit, ad comparan-
 dum regnum cœlorum, lacrymis opples
 os tuum, & eum, qui opem implorat
 tuam, repellis, ac negligis, nec quidquā
 impertiri uis, innumerabiles sumptuum
 causas afferendo. Quid, quæso, tu re-
 spondebis iudici? qui parietes uestis, ho-
 minem uerò non induis; qui equum or-
 nas, fratrem uerò tuum pannis oblitum
 despicias; qui frumentum putrescere si-
 nis, esurientes uerò non nutris; qui au-
 rum terra obruis tuum, eum uerò, qui
 fame conficitur negligis? Quomodo ti-
 bi mi-

bi misérias pauperis ob oculos ponam? ille miser rem suam familiarem circumspectiens, uidet aurum sibi non esse, nec unquam fore sperat, supellectilem uerò, & uestitum talem sibi suppetere cernit, quales sanè esse solent pauperum possessiones; quæ uix uno nummo æstimari queant. quid tum miser facit? ad filios oculos suos conuertit, & eos proscribere cogitat, ut ex ea uenditione aliquod remedium ad mortem suam propulsandam capere possit. Velim hîc tecum cogites pugnam famis urgentis, & paterni amoris. illa quidem ei miserrimam mortem minitatur, si filios non proscripserit; at natura hominē retrahit, suadetq; ut potius cum suis mortē oppetat, quàm liberos suos uenundet, ac tandem sæpe incitatus, sæpe retractus, manus dat ab incredibili egestate uictus. Et quænam consilia mente agitat pater? illa nimirum animo uoluit suo, Quemnam horum primum uendam? quemnam frumenti uenditor libentius aspiciet? maiorisne natu filij uenditionem faciam? at illius aetatem reuereor, an minoris natu? at miseret me eius ætatis, quæ nondum calamitatis capax est. hic parentum formam uel

uel maximè refert; ille ad bonas perci-
 piendas artes propensus est. Heu me mi-
 serum; quàm sibi consilij inops, quid de
 me futurum est? quem nam ex his offen-
 dam, cuius bestix animum assumam,
 quomodo naturæ in obliuionem ueniã?
 si omnes complexus fuero, omnes fame
 mœstos uidebo; sin unum ex his uenun-
 dedero, quibus oculis reliquos intuebor?
 cum iam malam in opinionem de mea
 erga se fide uenient. quomodo miser do-
 mum inhabitare potero, cum ipse me fi-
 liis meis priuauerim? quomodo ad men-
 sam accedam, quàm tam nefando sce-
 lere instruxerim? Atque hic quidem pau-
 per multis profusis lacrymis ad te uenit
 charissimū tibi uēditurus suum filium, te
 uerò illius calamitas non mouet, naturā
 non respicis. miserum illum fames ene-
 cat, tu uerò hominem reiicis, ac ludis,
 calamitatem eius cumulando. Ipse qui-
 dem tibi uiscera sua pro alimentis præ-
 bet, tua uerò non solum non constupe-
 scit manus, quæ ex tam acerba te præ-
 tium accipit, sed etiam de ampliori dan-
 dō contendis, quomodoque multum ac-
 cipias, & minus des, laboras, omni ex
 parte miseri calamitatem adaugens. Se-
 leucidem

leucidem auiculam uniuersi conditor in hominum usum infatiabilem esse uoluit; tu uerò in multorum detrimentum animā tuam inexplabilem geris. Sunt non nulli pisces, qui se inuicem comedunt, ac inter eos minor cedit in escam maiori. quòd si quando accidat, ut is, qui minore, superior fuit, ab alio maiore comprehendatur, uterque ille ab ultimo uincitore absorbitur. Quid igitur nos, ò miseri mortales, aliud facimus, cū nobis minus potentes subiugamus? Quid, quæso, à postremo pisce differt is, qui improba diuitiarum cupiditate incensus; pauperes opprimit? Ille bona pauperis occupauit. tu hunc omnino comprehendens, partem ueluti quandam suppellectili tuæ facis; ita & eum, qui iniuriam facit, in facienda iniuria, & auarum auaritia longè post te reliquisti. Vide, amabo, ne te idem finis, qui pisces, maneat; qui aut hamo aut nassa aut rete ad extremum capiuntur. nam & nos multa iniuste perpetrando, etiam si plurima mala euaserimus, illud ultimum supplicium omnino non euademus. Reliquit tibi pater opes, quas iniuste parauit, eas tu uicissim illis reddas, quibus ille iniuriam

intulerat, ne, si tibi eas uelutì proprias
uindicaueris, paterni peccati hæres fias.
Reliquit tibi pater seruum, quem iniustè
in seruitutem redegerat, dona tu uicis-
sime eum libertate. nam ita & patris tui
pœnam leuiorem facies, & tibi ipsi liber-
tatem paries. ne filios tuos in excusatio-
nem afferas. filij tibi sunt? depone ita-
que ipsis thesaurum perpetuum, nempe
bonam memoriã, non autem diuitias
ampas. fac denique ut omnes filio tuo pa-
tres per quandam beneuolentiã sint.
ueniat tibi in mentem, quòd aliquando ex
hac mortali uita discessurus sis; ubi uerò
diem tuum obieris, ac eius ætatis relique-
ris filium tuum, ut curatoribus adhuc
opus habeat, si honestè ac probatè uitã
tuam traduxeris, unusquisque filium tuũ,
perinde ac suum enutriet. nam & ipse
in memoriã reuocabit suam, quòd &
tu aliquando pupillorum curam gesseris.
sin uerò iniustam, & inhonestam uitam
transegeris, multos mœrore affeceris;
omni denique fera bestia grauior in con-
uersando fueris, si, inquam, talem uitam
degens, è uiuis excesseris, relinques sobo-
lem tuam omnibus mortalibus inuisam.
sicuti enim ille, qui sobolem scorpj con-
spi-

spicit, timet ne ea aliquando ad maturam ætatem perueniens, patrem imitetur; ita etiam filiis tuis, tanquam paternæ malitiæ hæredibus, priusquam ad ætatem integram peruenerint, ab omnibus insidiæ struentur. Ac sanè ueluti flumina, quæ ex paruo exorsu progrediuntur, deinde paulatim crescentibus incrementis, mirandum in modum adaugefcunt, ac uiolento illo impetu suo quicquid obstitit, secum trahunt; ita etiam isti à paruis initiis progressi, deinde ex his, quos iam potentia sua oppresserunt, ampliorē facultatem iniurias inferendi adepti, reliquos, qui restant, in seruitutem redigunt suam, atque hoc modo incrementum potentiæ ex prauitatis redundantia consequuntur; cùm unusquisque eorum, quos iniuriis onerarunt, magis cogitet, ne quid amplius mali accipiat, quam ut eos in iudicium uocet, ob eas iniurias, quas sibi imposuerunt. Noli igitur uicini agros appetere; noli sulcum sulco ex alieno addere: nam quatenus agrum cum iniuria alterius propagaueris tuum, eatenus maiori peccato te obstrinxeris. Ac terra quidem hoc in mundo permanebit, quam tu alterius cum iniu-

ria exaggerasti, neque amplius tua erit, sed eorum, qui tuam hæreditatem adi-
bunt: & sanè relinquis successori tuo ini-
iustum uictum. terra quidem in perpe-
tuum consistet; peccatum autem te co-
mitabitur, ueluti umbra quædam, quæ
animam consequi solet. quemadmodum
enim umbra corpus sequi consuevit, sic
etiam peccatum, animæ inhærescit. Præ-
terea illi quicumque agros alienos occu-
pando fines suos protulerunt, eò quòd
non sine luctu & gemitu aliorum diuitias
sibi pararunt, indigni diuina benignita-
te atque beneficentia ita habentur, ut
uix ex eo loco, ubi decem iuga bouum la-
borarunt, uti Esaias scriptum reliquit,
unam amphorā fructus colligant, & ubi
sex artabas terræ mandarint, sex men-
suras tantum frumenti congerunt. Cum
auaro & in urbe & in agris periculosum
simul habitare est. mare limites suos no-
uit, nox antiquam illam præscriptionem
non excedit; at auarus non tempus reue-
retur, non terminū statuit, non concedit
consequentiam successionis, sed ignis
impetum imitatur, qui omnia & corri-
pit & consumit. Quæcunque oculis ac-
ceperit auarus, his inhiat, non expletur
facietate

facietate uidendi oculus eius, neque unquam auarus accipiendo satiatur. & ut Pluto infernus, nunquam dixit satis sibi esse; sic neque auarus, illam uocem ullo tempore protulit, sufficit. Fructus autem, qui ex diuitiis percipitur, qui est? nimirum uigiliæ, curæ, anxietates, iudicisquæ expectatio. nam auarus semper circumspectat, ne in iudicium protrahatur, dies noctesque secum cogitat, quos nam patronos sibi asciscere debeat, quomodo falsos testes subornet, quomodo illum, qui omni patrocínio destitutus est, expugnet; quomodo in potestatem redigat suam; denique hoc unum studet, quomodo ueritatem in iudicio inuoluen- do, & iudicem decipere, & pupillum circunuenire possit. Auarus quidem diuitias partim in aperto, partim defossas in terra habet, ad spes incertas eas sibi referuando; ad spes in quam, quæ spes nullæ sunt. si enim ad spes eas deponeret, ad spem utique æternam eas reponeret ac pararet. ille autem sub tecto incertas diuitias occultat, si quid damni acciderit, autumat se illis hoc propulsaturum, sed an aliquando usus earum accadat, in incerto est. uerum hoc est certum, ac id ego

in me recipio, quòd tempus ueniet, in quo ipsum pœnitebit, quòd diuitias perperam dispensauerit suas. Quid facis milert, thesaurum defodiens? quando rebus præsentibus utêris? quando ipsis fruêris, cùm omni tempore in acquirenda possessione distinearis. An non sexcenta prætêdis, ut ea, quæ sunt uicini, occupes. Vnram offundit mihi, inquit auarus, uicini domus, tumultus excitat, aut si qua in re aberrauerit, illud protinus arripit. Si inhias domui uicini, & ille te inferior non sit, ad extremos fines tuæ regionis te conferas oportet: sin hoc non potes à primâ cogitatione, tuâ illam prauam propensionem cohibens, contentus sis iis, quæ à tuis accepisti. in hære his, quæ habes, illud pro comperro habens, quòd omnem amplitudinem ac splendorem, qui ex iniustis diuitiis constat, mira solitudo consequutura sit. ac sanè illa copia agri, quæ per nefas acquisita est, sæpenumero pro fructu certamina nobis præbet. Diuina enim iustitia multoties iudicium futurum anteuertit, domusque eas, quæ iniuste possessæ sunt, ad rem longè utiliorem deducit, nimirum à frequenti illa hominum inhabitatione,

& splendida fertilitate, summam solitudinem inducens. is enim, qui rebus alienis inhiat, breui lacrymas profunder, ubi se rebus propriis spoliatum conspexerit. Quid quærò, Israëlitam illū Nabuthem pessundedit? an non illud, quòd tantope re uinæ Achab inhiaret. ueniat tibi in mentem illius diei, in quo Dei Opt. Max. ira de cœlo reuelabitur; memor sis illius clarissimi aduentus Christi, quo suscitabuntur hi, qui bona egerunt, in resurrectionem uitæ; qui uerò praua, in resurrectionem æterni iudicij. illa te potius mœrore affligant, non autem præceptum diuinum. Quomodo te perterrefaciam? quid dicam? cùm desiderio regni cœlorum non tenearis, nec gehennam reformides. quam tandem, amabò, animæ tuæ medelam afferam? si horrenda te non mouent, nec iucunda alliciunt. ad lapideum cor me hercule, uerba facio. Vellem profectò, ut aliquantulum ab iis iniustitiæ operibus respirares, ac illud cogitares, cuius nam rei gratia tantis rebus studeas, & ad quem nam finem has res tibi pares. Habes terræ, quæ arari & coli potest, iugera tot & tanta, terræ etiam, quæ arboribus consita est, alia tan-

ta ; montes , saltus , campos , fluuios , riuos præterea innumerabiles habes. Quid deinceps futurum est ? non'ne tres te terræ manent cubiti ? non'ne pauci lapides satis erunt , ad infœlicis corporis tui sepulturam . Cuius gratia tam iniquè agis ? cur inanes stipulas manibus colligis , & materiem æterno igni accumulas ? An' nō aliquando ab hac ebrietate desistes ? non tandem medicinam tuis cogitationibus facies ? non te aliquādo ipsum respicies ? non tibi ob oculos pones Christi illud iudicium ? Quid respondebis tum , cū te corona ueluti quadam ij, quos iniuria affecisti , circundabunt , & apud iudicem iustum , reum facient ? quid tum facies miser ? quos patronos precio conduces , quos produces testes ? quomodo in tuā sententiam adduces illum iudicem , qui nullis fraudibus circumscribitur ? non est isthic orator , non eloquentia , quæ ueritatem tegere posset , non adultores illic reperiuntur , non pecuniæ , non summi magistratus . desertus ab amicis , destitutus auxilio patronorum , sine patrocínio , sine defensione relinquēris , tristis , mœrore confectus , soliuagus , omni denique loquendi fiducia priuatus consistes.

quo-

quocunque enim oculos conuerteres tuos ,
ibi euidentes imagines malorum cernes ,
hinc pupilli lacrymas , hinc uiduæ gemit-
tam , aliunde pauperes , quos pugnis con-
tundisti ; aliunde uicinos , quos miris in-
iuriis lacesiuiſti : omnes deniq; te adoriẽ-
tur , atque prauus actionum tuarum cho-
rus te ſtipabit . ibi negare ea , quæ perpe-
traſti , non poteris , ſed ultro ipſe tua fa-
cinora fateberis , ac ea , quæ dum in uiuis
eſſemus , fecimus , talia illic apparebunt ,
qualia à nobis edita aut perpetrata ſunt .
neque illic ea , quæ perpetratiſti , inficias ire
poteris : nam ibi obturatur os etiam im-
pudentiſſimum . facta enim ipſa uniuſ-
cuiusque noſtrũ testimonium tribuent ,
non uocem quidem emittendo , ſed talia
ibi apparebunt , qualia à nobis perpetra-
ta ſunt . Quare quantum in nobis ſitum
eſt , auaritiã fugiamus , fugiamus in
quam , ut & eas pœnas , quæ nos manent ,
effugere poſſimus , & ualeamus conſequi
bona illa æterna , In Chriſto IESV do-
mino noſtro , cui gloria & potentia , unã
cum patre ipſius æterno , & uiuificatore
Spiritu ſancto , nunc & ſemper , ac in
perpetuum tribuatur . Amen .

D. BASILII
DE INGLVIE,
ET EBRIETATE.
ORATIO IIII.



Ictus, ac ratio uiuendi hominis Christiani, ô amicissimi, simplex atq; uniformis est; unumque scopum sibi propositum habet, nempe gloriam Dei. siue enim cibum capessitis, siue bibitis, siue aliquid aliud facitis, omnia ad gloriam Dei facite, inquit in Christo uerba faciens Paulus. At aliorum hominum multiplex est & uarius; utpote qui aliâs aliter ad uoluptatem eorû, qui accedût, trâsformatur. Quòd si & nos quoq; iisdem rebus operam dare, & quantum in nobis situm est, uoluptatî studere uouerimus, tum etiam ostentationis gratia omnia parare; uereor ne ea, quæ demolimur, rursus construere uideamur, & in quo alios iudicamus, ipsi iudicemur: cum adeò compositè uita utamur, atque aliâs aliter transformemur. nisi fortassis uestitum

uestitum nostrum permutare uoluerimus, si nobis aliquando cum splendidioribus res erit. sin hoc turpe esse ducimus; longè profectò turpius est, propter delicatos quosdam mensam immutare. Nam dum copia, & curiositate ciborum, fratris tui mensam ad uoluptatem transmutas, studium uoluptatis in ipso accusas, atque ingluuiem ipsius ignominia afficis. per ea enim, quæ instruis, ipsius iis in rebus studium in crimen uocas. Quid, obsecro, nobis cum nimio sumptu? accessit peregrinus quidam; si frater est, eundemque uitæ scopum sibi proposuit, propriam mensam agnoscet, quæ enim domi reliquit suæ, ea inueniet apud nos. Sed dicēs, fessus est de uia. tantum igitur ipsi proponamus, quantum satis esse possit ad lassitudinem abigendam. Alius uenit, qui diuerso genere uiuendi utitur; discat is ex operibus, quæ sermo ipsi non persuasit, & accipiat normam sufficientiæ in cibis. permaneant denique in ipso monumēta mensæ Christianorum, & paupertatis, quæ ob Christum suscepta, nullo pudore afficitur. Sin iis animum non adiciet suum, sed nos ludibrio habebit, neque hac ratione ullam nobis molestiam asperget.

asperget. Nam perquirere ea, quæ ad necessarium usum non spectant, sed quæ ad perniciosam uoluptatem, & nociuam uanam gloriam excogitantur, non solum turpe est, & absurdum, uerum ingens etiam secum detrimentum affert: cum iij, qui delitiis se se dediderunt, & qui corporis uoluptatibus omnem beatitudinem metiuntur, easdem res nobis curæ esse uident, quas illi admirantur, atque suscipiunt. Cum autem comedimus, ne animum à meditatione Dei abducamus, sed ipsorum eduliorum naturam, & corporis ea suscipientis structuram considerando, gloriam tribuamus Deo; considerando, inquam, quàm uarij cibi corporum proprietati conuenientes, ab eo, qui omnia gubernat, adinuenti sint. Hora una ad capiendum cibum sit destinata, eademque per circuitum reuertens; ut ex uiginti quatuor horis diei ac noctis, uix hæc sit, quæ corpori tribuatur: cæteræ uerò omnes, in mentis actionibus consumendæ sunt. Qui igitur salutare consilium inire uolet, is animæ, quàm maximam curam habebit, & hanc omnibus in rebus sinceram, ac genuinam seruare contendet. Sin uerò caro aut fame conficiatur,

tur, aut frigore, aut calore, aut morbis affligatur, aut uiolentum quid ab aliquibus perpetiatur, exiguam ipsius rationem habebit; neque pericula uitæ independentia pertimescet. Quod si quis uelit corpori parcere, ueluti possessioni cuidam, quæ animæ ad uitam in terra tuendam necessaria sit, is tamen exiguae ei, huius necessitatis causa, operam dabit: tantam solummodò, ut & contineri, & ad animæ ministerium sanum conseruari possit, nec unquam permittet, ut saturitate exultet, ac lasciuiat. His enim ipsam obedientem, & expeditam ad cœlestem profectionem reddet, atque ad proposita magis auxiliarem efficiet. Si uerò sui iuris eam esse permiserit, omnibusque rebus quotidie ueluti feram quandam inferferit; post uiolentis ipsius retractionibus ad terram detractus, iacebit frustra ingemiscens. Ad dominum autem adductus, & ut itineris in terra concessi fructum exhiberet, postulatus, nec quod det habens, ingentes lamentationes edet, atque in tenebris perpetuis uitam ducet, ualde irascens delitiis, ac captiosis illecebris, propter quas salutis æternæ consequendæ occasione priuatus est. Verum

nullum amplius ex lacrymis fructum per-
 cipiet . in inferno enim quis confitebitur
 tibi ? inquit Dauid . Venter in commer-
 ciis , ac contractibus infidelissimus est ;
 promptuarium neglectum , quod ex mul-
 tis depositis detrimentum capit , deposi-
 ta tamen non conseruat . At uerò ea , quæ
 ad cibum , ac potum inuenta sunt , & cæ-
 tera omnia , quæ præter necessitatem ,
 iniuriosæ diuitiæ ad uoluptatem ingrati
 ac nihil continentis uentris adinuenerūt ,
 quando nam nostra fuerint , etiamsi iden-
 tidem in uentrem ingerantur ? quæ exi-
 gua sanè quadam gustum uoluptate , ue-
 luti in transitu perfundunt , statimque
 rursum ea uti molesta ac superflua ægre fe-
 rimus ; tanquàm si ea diutius in uisceri-
 bus immorarentur , maximum adituri
 essemus uitæ periculum . Multis equidem
 satietas mortem attulit , & ne amplius
 ulla re frui possent , in causa fuit . nam fa-
 cultas naturalis facilè cibum paucum cō-
 ficit ac concoquit , atque ei , quod nutri-
 tur , assimilât : at cibum multum & ua-
 rium si assumpserit , cū illum conco-
 quere non possit , uaria morborum ge-
 nera parit . Repletio omnis , iniuriæ au-
 ctor est . simul enim cū ipsis delitiis , &

ebrie-

ebrietate, ac uariis condimentis, omne genus brutæ petulantia nascitur. Hinc homines, uelut equi, rabiosi in fœminas feruntur; hinc naturæ ordine commutato, ob æstrum ex delitiis animæ ingeneratum, in masculo fœminam, in fœmina masculum quærunt. Ex crasso enim alimento, euaporationes quædam fuliginosæ, densæ nubis instar, efferuntur, quæ eas illuminationes, quæ à Spiritu sancto in mentem manant, dirimunt, ac interceptunt. Ne igitur indulgeas carni tuæ; fomnis, balneis, mollibusq; stratis, semper illud in ore habens, Quem fructum capiam ex sanguine meo, siquidem descendam in corruptionem? Cur, obsecro, complecteris illud, quod paulò post dissipabitur? Cur pinguefacis ac carnosum efficis teipsum? an te præterit, quòd quantò crassiores tibi facis carnem, tanto grauiorem animæ construis carcerem? nam nimia uis corporis, impedimento est spiritui ad salutem. Ventri quidem necessaria suggerenda sunt, at non iucundissima, nec talia ac illi, qui mensarum structores, qui cocos excogitant; qui omnem terram, qui omnia maria perscrutantur, uentri tributa exigentes, uelut tyranno

tyranno cuidam . Miserrimi ob occupationes suas , & fanè nihil tolerabilius perpetiuntur iis , qui apud inferos pœnas pendunt . nam apertè in ignem fodiunt , cribro aquam ferunt , pertuso dolio humorem hauriunt , nec ullum finem suorum laborum statuunt . Quemadmodum enim sitis potum dulcem facit , & fames antegressa , iucundam instruit mensam , sic etiam ciborum uoluptatem continentia efficit . mediam enim seipsam interponens , & continuitatem deliciarum dirimens , desideratam , ac suauem tibi uelut peregrè redeuntem escam efficiet . Proinde si tibi uelis iucundam instruere mensam , suscipito ex inedia mutationem . tu uerò ex eo , quòd uehementer delitiis deditus sis , ignoras te tibiipsi delicias obscurare , & nimio amore uoluptatis uoluptatem abolere . nihil enim est tam iucundum , quod ex assiduo usu , in fastidium non ueniat . quorum enim rara est possessio , eorum etiam iucundus est usus . Qui igitur ubi dies illuxit , circumspiciunt quo nam in loco compotiones fiant , quique cenopolia , & cauponarias tabernas collustrant , & qui se mutuò ad componendum assumunt , omneque animi studium

dium iis in rebus consumunt; hi sunt illi, quos uates deflet. non enim tantum est ocij oculis ipforum, ut cœlum intueantur; mirandamque eius pulchritudinem uti cognoscant: sed statim exorto die symposia sua exornant, omneque studiū suum, ac diligentiam in poculorum apparatu ostentant. uasa, in quibus uina refrigerantur, crateras, phialas, uelut in pompa quadam, & conuentu publico disponentes; ut uasorum diuersitas satieta- tem ipforum expleat, & poculorum mutatio diu in potando uti immorentur faciat. Ordo mediusfidius in confusione, dispositio in re inordinata quæritur. Ad hæc certamina de ampliori potu exhauriendo oriuntur; tum etiam contentiones atque lites, dum se mutuò in ebrietate superare conantur. His autem certaminibus diabolus præest, uictoriæ uerò præmium est peccatum. qui enim plus meri haussit, is de aliis uictoriam consequitur. contendunt enim inter se, atque se ipsos ipsi ulciscuntur. Plena omnia dementia, plena confusionis: qui manus derunt, uino se omnino proluerunt, seruisque suis ludibrio fiunt. Manus officiū non præstat, suum, os munus non obit,

uenter difrumpitur, nec malum quidquā
 remittit. At miserum corpus naturali ro-
 bore dissoluto, omni ex parte diffluit;
 ferre non ualens nimij potus uiolentiam.
 Miserandum profectò spectaculum, uir
 ætate integra, ac florente, inter militares
 copias clarus, domum deportatur, cum
 ipse potis non sit, seipsum attollere, atq;
 propriis pedibus incedere. Vir, qui terrori
 debebat esse hostibus, pueris in foro ma-
 teriem ridendi præbuit; sine ferro pro-
 stratus iacet; sine hostibus occidit. uir
 armiger in ipso ætatis flore consistens, ni-
 mium se se uino ingurgitando, nullo ne-
 gotio ab hostibus prosternitur, supera-
 turque. Quis est, obsecro, horum malo-
 rum auctor? quis est, qui has insidias te-
 tendit? tu symposium aciem ueluti belli-
 cam instruens, uino uigorem iuuentutis
 eneruas. ac inuitas quidem illum ad cœ-
 nam tanquā amicum, eiicis autē mor-
 tuum, uitam illi uino eripiens. Quare
 à brutis animantibus differs, ò homo?
 nonne ratione, qua à conditore tuo ac-
 cepta, princeps ac dominus omnis crea-
 turæ effectus es? Qui itaque se pruden-
 tia per ebrietatem priuat, is similis est
 belluis, quæ ratione carent. ac sanè me-
 ritò

ritò cum illis pertenditur . siquidem dicere ausim temulétos magis rationis expertes esse , quàm ipsas belluas . quadrupeda enim , ac feræ omnes , ordinatos habent ad coitus impetus ; at illi , quorû animus ebrietate detinetur , corpusq; præter naturali calore refertû est , omni tēpore , ac omni penè hora ad immundos ac turpes cōplexus delabuntur . Perinde enim ac aqua ignē extinguit ; sic etiam immoderatus usus uini rationem moderatā delet . Quod enim pecus per Deum immortalē , ita ut ebriosus uisu , & auditu delinquit ? nam uino obrutus , familiarissimos suos non agnoscit , sed sapius quasi ad necessarios accurrit . Nōne umbras etiam ipsas aliquando transilit , quasi riuos quosdam , & conualles ? aures autem talium sonitu , ac strepitibus tanquàm æstuantis maris repletæ sunt , terra altum petere ipsis uidetur ; montes uerò in orbem circumuerti , his quidem somni sunt graues , animam ipsorum intercludentes , & qui magna cum difficultate excitantur , quique morti sunt quàm simillimi . Vigilæ autem somnis longè stupidiores . uita enim ipsorum quasi insomnium quoddam est ; utpote qui cum

ne pallium quidem habeant, neq; quod
 crastina luce edant, dominantur tamen,
 exercitui præsunt, urbes statuunt, pecu-
 niæ largitionem faciunt. Hem quid agis,
 ò homo? famulus fugit dominum cadē-
 tem, tu autē permanes cum uino, quod
 singulis diebus caput ferit tuum. Modus
 optimus uini, est usus, ac indigētia cor-
 poris. quòd si fines transieris, cras ue-
 nies capite aggrauato, oscitabundus, ui-
 num putridum olens; omnia tibi circun-
 ferri, omnia moueri uidebuntur. quan-
 do enim membranæ cerebri uaporibus,
 qui ex uino exhalant, replentur, tum ca-
 put multis ac maximis doloribus affici-
 tur, & cū rectā in humeris consistere
 non possit, aliò, uertebri labantibus,
 recidit. Ipsa autem incontinentia apertè
 ex uino, uelut ex quodam fonte manat,
 & cum ea simul etiā petulantiæ morbus na-
 scitur; qui brutorum omnem in fœmi-
 nas insaniam longè exuperat. siquidem
 bruta animantia naturæ terminos nō ex-
 cedunt; at ij, qui uino obruuntur, in
 masculo fœminam, in fœmina mascu-
 lum quærunt. Cū enim animam iam
 sic perdiderint, ut sit omni macula in-
 nata, ipsum etiam corporis habitum cor-
 rumpunt;

rumpunt; non solum uoluptatis exuperantia, quæ ipsos immodica libidine diffluentes, æstri instar exagitat, sed etiam ob ipsam molem humiditate nimia laxum, & fœtidum, ac uitali firmitate dissolutum corpus ferentes. Horum oculi liuidi sunt, curis subpallida, spiritus citus, lingua resoluta, uociferatio obscura, pedes titubantes, non aliter ac puerorū, excrementa autem sponte quasi à rebus anima carentibus profluunt. miserabiles, me hercules, ob uoluptatem, ac sanè longè miserabiliores sunt iis, qui in pelago tempestate aliqua iactantur; quos alios post alios succedentes, ac demergentes fluctus, sursum ferri non permittunt. Quemadmodum enim nauigia onusta, tempestate si correpta fuerint, necessariò onerum abiectio leuia fiunt; sic etiam & hi necessariò, ea, quæ ipsis oneri sunt, deponunt. uomentes & eructantes uix onere liberantur. Sed tantò miserabiliores iis sunt, qui aduersa tempestate iactantur, quantum hi quidem uentos, mare, necessitatemque omnem externam accusant; at isti uoluntariam ex ebrietate tempestatem subeunt. Qui à dæmone obsidentur, miserandi habentur;

tur; at ebrij quanuis eadem perpetian-
tur, nulla tamen misericordia digni iu-
dicantur, eò quòd sponte sua cum dæ-
monè contendant. quin etiani contra e-
brieratè medicamenta parant, non ideò,
nè quid mali à uino perpetiantur; sed ne,
semper uinum haurièdo, inebriètur. nec
mali hic finis adhuc est: nam ipsi uin-
um, longius se propellit; nec sitim re-
stinguit, uerùm alterius potus implaca-
bilem necessitatem inducit: temulentos
exurendo; semperq; amplioris potus au-
ditatem prouocando. Ac sanè sicuti ual-
les; quæ ubi torrètes in ipsas influxerint;
uidentur plenæ esse, at ubi inûdatio præ-
teriit, siccæ relinquuntur; similiter etiã
accidit ebriosorum ori. restagnante e-
nim uino, plenum est quodammodo &
humidum; uerùm ubi uinum dilapsum
fuerit, siccum ac humore uacuum depre-
henditur. Proinde uiro prudenti peni-
tus abstinendum esse arbitror ab iis re-
bus, quæ eum perturbant. cùm enim mul-
tum meri infusum fuerit, quasi tyran-
nus quidam arcem petit, & à summo uer-
tice ingentes tumultus animæ præbet,
nulli rei, ne principali quidem parcens;
sed ipsam primùm rationem in seruitu-
tem

rem adducit; deinde eam dispositionem ac ornatum, qui doctrina partus est, confundit, atque perturbat, risu indecoro, uoce horrenda, ira præcipiti, libidine effrenata, cæstro ac furore in omnem honestam uoluptatem. Propter hoc Dynastæ, inquit, ne bibant uinum, nec illi, quibus aliquis magistratus mandatus est, aut aliqua rerum publicarum administratio concredita; nec etiam illi, qui ob uigorem ætatis robore corporis multum possunt. nam tales, cum sint à natura ad libidinem proni, quando præterea uini assumpserint impetum, ueluti flammam quandam larga suppeditatione ardentis materiæ, ipsum ad summum extollunt.

Quemadmodum enim naues onere pressæ difficilè educuntur, at faciles sunt & expeditæ ad nauigandum; sic etiam corpora, quantò maiori, & abundantiore carne degrauantur, tantò in magis profundam perniciem fluitantia ruunt. Cur execrationem ipsius Cain tibi ipsi accersis, temulentus, tremens, & oberrans toto tempore uitæ tuæ? nam corpus, quod ex natura sustentaculo caret, necessariò agitur, atque contremiscit. Quousque tandem ebrietas procedet? nam paulò

pòst necessariò cœnum pro homine fiet .
 Adeò omnino immerſus es uino , & iam
 unà cum ipſo putrefactus es ; ex aſſidua
 crapula uinum illud olens , atque hoc mu-
 cidum , uelut uafa , quæ nullius amplius
 ſunt uſui . Quod ſi ebrij regnum Dei nò
 poſſidebūt , tu cum uino ſepultus ad iei-
 unium accedas , quam , quæſo , inde uti-
 litatem capies ? ſi enim excludit te regno
 ebrietas , quem , amabò , tibi fructum
 ieiunium in poſterum feret ? An non ui-
 des peritiſſimos domitores equorum , fa-
 me equos ad certamina deſtinatos , cum
 certamen inſtat , præparare ? tu autem
 teipſum de induſtria ſatietate deprimis .
 Venter præterea aggrauatus non ſolùm
 ad curſum , ſed neque ad ſomnum ido-
 neus eſt . nam cibi copia , ac onere preſ-
 ſus ; quieſcere nos non ſinit ; uerùm mul-
 tas circunuerſiones in utranque partem
 nos facere cogit . Ne igitur ad ieiunium
 ebrietas tibi dux ſit : non enim patet adi-
 tus ad ieiunium per ebrietatem ; neque
 per auaritiã ad iuſtitiam ; neque per
 incontinentiam ad precationem ; neque ,
 ut omnia uno uerbo complectar , per ui-
 tium ad uirtutem . ebrietas enim ad in-
 continentiam ducit , ad ieiunium uerò
 medio-

mediocritas. Qui decertat, prius sese exercet. sic qui ieiunare uolet, antè temperans sit oportet; nec se quinque dierū crapula antè infarciat, sed penitus eam prius deponat. nam in cassum laboras, corpus frustra conterendo, inopiam uerò ac famem non explēs. Ebrietas dominum non suscipit, Spiritum sanctum depellit. nam ut fumus fugat apes, ita crapula fugat dona Spiritus sancti. Quare ne id nobis aliquando accīdat, elaborandum est. nec tantopere uentri est seruiendum, si uolumus uitam sempiternā adipisci. Domino nostro Iesū Christo gloria, & honos, in omnia sæcula deferatur. Amen.

DE MODESTIA,

ET VANAGLORIA

ORATIO V.



Difficile quidem est, ut is, qui nec omnium infimus esse, nec postremum tenere locum cupit, unquam possit, aut conuiciis iactus iracundiæ resistere, aut multis coopertus miseriis, tolerando ac patienter ferendo, tentationibus esse superior. at qui summa modestia est praeditus, & qui dum conuiciis afficitur, fatetur se longè esse inferiorem quàm dicatur, eius animum nulla unquam conuicia percellent, atq; perturbabunt, sed si appellabitur inops, nouit inopem se esse, & omnibus rebus indigentem, atq; quotidiana domini suppeditatione opus habere. quòd si acceperit ignobilem & obscuro natum loco se dici, iam animo multo antè percepit, fictum se ex limo atque creatum esse, ac in summa, magnus ille apud Deum habetur, qui humanum ac facilem

facilem uicinò se præbet suo , & qui sine ullo pudore omnes sui uicini in se recipit criminationes , quantūuis à ueritate longè abhorreant ; idque ut pacem pariat fratri suo , pacem , inquam , quæ maximum mortalium est bonū . Aequè enim est arduum in rebus aduersis animo non deiici , ac in secundis non efferri : nam reuera mores inflati , si culti ac obseruati fuerint , seipsis longè superbiores plerunque euadere solent . Consequitur autem animum humilem , uisus subtristis , & in terram demissus , habitus neglectus , capillus passus , uestis sordida ; ita tamen ut hæc uideantur casu ac fortuitò fieri , quæ lugentes de industria faciunt . Vestis cingulo corpori aptè sit accincta ; cinctura autem neque lumbis sit superior , muliebri enim hoc , neque adeò remissa , ut uestis diffuat , noxium nanque istud . incessus uerò neque lentus , ut qui animi dissoluti sit signum , neque rursus celer & concitatus , ut qui ipsius impetus perturbatos ac temerarios esse demonstret . scopus autem uestis unus esto , nimirum ut sit operimentum carnis commodum , cum aduersus hyemem , tum æstatem . Noli autem quærere , neque in colore iucundi-

cunditatem, neque in structura tenuitatem ac mollicitem. nam in uestitu habere rationem amœni coloris, perinde est, ac si quis studeret fucō muliebri, cuius illæ perstudiosæ sunt: alieno enim florē genas ac capillos suos illinientes, hoc ipso placere student. uestis autem crassities talis esse debet, ut caloris gratia opus non habeat altera. calceus uilis quidem sit pretij, sed tamen satis commodè necessitatem expleat. nam modestiæ exercitatio nihil aliud est, quàm conuersatio in rebus tenuibus ac simplicibus, honoris studium exactè obseruans. Ambitiosus uerò meritò ille habendus, qui ob exiguum & nihili huius mundi honorem, aliquid facit loquiturue, ueluti ille, qui eam ob causam benignè facit pauperibus, ut gloria & laude publicè afficiatur. is quoniam mercedē aucupatur, nec misericordiam tribuere, nec alios bonorum suorum participes facere censendus est. & qui ideò temperantiam seruat, ut hominibus probetur, non est temperans, cum uirtuti nequaquam studeat, uerùm eam gloriā, quæ ex ea proficisci solet, captat. Integrum erat Ananiæ à principio possessionem suam Deo non promittere, sed

sed postquam gloriam humanam spectās,
eam quidem ideò consecrauiſſet, ut ab
hominibus ob pietatis ſtudioſum ſuſpice-
retur, de pretio tamē eius partem de-
traxit, quo facto talem in ſe iram do-
mini, cuius adminiſter Petrus erat, con-
citauit, ut ne pœnitēdi quidē tempus
præſtitutum reperiret ullum. Dominus
etenim, qui ſuperbis reſiſtit, & ſcleribus
obſtriſtos ad terram uſque deprimit, pol-
licetur, ſe improbitatem elatorum pro-
tritutum. Qui igitur ſe efferentium fa-
ſtum contundit, liberat ac educit ipſos
ex illa ſimilitudine, quam habent com-
munem cum dæmone, omnis faſtus &
ſuperbiæ patre, perſuadetque, ut diſci-
pulos ſe præbeant illi ipſi, qui dicit, Di-
ſcite ex me quoniam manſuetus ſum, &
humilis corde. Quid, obſecro, elato es
animo quòd gentes concideris, & impe-
ria ciuitatum euerteris? num & ſecuris
ideò ſpiritus tollet, quòd arbores excel-
ſas in terrā deiecerit? num ſerra, quòd
ſolida & bene compacta ligna, ſindat, in
partesque tribuat? uerū nec bipennis
ſine manibus ferit, nec ſerra ſine illo, qui
eam trahit, ſindit. Quòd ſi proximum
tuum ſcelere ſe contaminantem conſpe-
xeris,

xeris, ne hoc solum ipsius facinus animo lustres, sed ea omnia, quæ fecit, aut facit, probè tecum reputes, & sic multis partibus ipsum te longè meliorem esse reperiēs, nimirum, cū in uniuerso rē, non in parte, accuratius perpenderis. nam nec Deus ipse homines ex parte ponderat expenditque: inquit enim, Ego uenio ut & facta & cogitationes ipsorum congregem. & cū quondam increpasset Iosaphat, propter recens admissum peccatum, meminit etiam eorum, quæ ab ipso rectè probeque facta fuerant, dicens, ueruntamen boni sermones in te reperti sunt: atque ita sæpenumero animi demissio liberat eum, qui multa & permagna in se concepit uitia. Ne igitur teipsum supra alterum iustum feceris, ne aliquando tua sententia iustus factus, Dei iustissimo iudicio condemneris. Autumas aliquid te boni fecisse, Deo gratiam habeto, nec te unquam extollas supra proximum, cui, quid, quæso, te profuisse censes, eò quòd fidem professus es tuam? quòd exilium ob nomen Dei tui sustinueris? aut quòd ieiunij labores perpeßus sis? non profectò alius quisquam ex eo fructum capiet, sed

tute

tute ipse. Fac pertimescas lapsus dæmonis similitudinem; qui cū se supra hominem extulisset, infra omnes homines cecidit, & traditus est, ueluti pulvis pedibus nostris conculcandus. in summa tibi in mentem ueniat dictum illud, Deus superbis resistit, humilibus uerò suam tribuit gratiam. habeas, obsecro, uerbum illud Domini semper in promptu, Omnis, qui sese deiicit, extolletur. Ne sis iudex tui ipsius iniquus, neque ad gratiam rem expendito, hoc solum in suffragium uocans, quod te rectè fecisse existimas, errata autem sponte obliuioni tradens, neque ob ea, quæ hodie probè fecisti, te ipsum magni æstimato, ueniam tibi facillimè concedens eorum, quæ antea & olim perperam patraasti, sed cū præsens te extulerit officium, antiquum facinus factibi succurrat; atq; ita à stollida stultaque inflatione conquiesces. Verissimum nanque illud est, Nihil esse difficilius, quàm nosse seipsum. nō enim oculus tantum suo in semetipsum munere non fungitur, dum ea, quæ extra sunt, cernit & perlustrat, sed & ipsa mens nostra, cū accuratè acriterque peccata peruestigat aliena, tardior uerò in uitiis nostris

nostris considerandis esse deprehendi-
 tur. In obiurgando caue sis grauis, ne-
 que citò, neque cum impetu reprehen-
 das. hoc enim contumacis habetur. ne-
 que etiam ob res paruas, aut nihili, ali-
 quem condemnes, ueluti ipse omnibus
 numeris sis iustus, uerùm eos qui deli-
 querunt, placidè assumito, ac spirituali-
 ter ipsos complectitor, uti Paulus com-
 modissimè monet; considerans temet-
 ipsum, ne & tu tenteris. si enim delin-
 quimus, meliores moniti & correcti effi-
 ciemur; sin autem nihil iniqui egimus,
 cuius rei causa in odium uocabimur?
 Abiice quæso, ac penitus euelle ex ani-
 mo tuo persuasionem illam, nullius te
 opera & societate egere; non enim il-
 lius est, qui alios amore complectitur;
 nec etiam illius, qui iussa Christi summo
 studio capeßere contendit. Non te se-
 greges à coniunctione fraterna, ne quan-
 do belli calamitas, quæ orbem circumit,
 te quoque attingat; & tunc nisi cum aliis
 bellici insultus particeps fueris, haud fa-
 cilè reperiēs, qui uicem doleat tuam, eò
 quòd cùm secundis utebare rebus, iniu-
 ria affectis misericordiam non tribueris.
 Ego profectò magis studeo, in loco esse
 obscuro,

obscuro, quàm quidam ambitiosi in conspicuo & illustri. uelim tu quoque tantum in id conferas exemplo meo studiij, ne ab hominibus gloria afficiare, quantum ceteri mortales contendunt, ut gloria quàm maximè conspicui euadant. Honores aliqui tibi mandati sunt, teque homines complectuntur, ac magni faciunt; caue animum tollas, uerùm similis sis iis, qui alicui parent. nam qui primas ferre cupit, is decreto domini seruus omnium sit oportet. Moses ille uir Dei magnus, qui cùm omnibus in rebus obedientem ac morigerum sese præberet domino, tamen quando ad populum Israëliticum mitteretur, inquit, Obsecro, domine, aliū, quem mittas, pares. at ex eo ipso, quòd excusatione & confessione imbecillitatis suæ, quasi cum quādam contētione Deo resisteret, Deus eum dignum esse iudicauit, qui populo præesset suo. Quamobrem præclare se habet præceptum illud, Ne quæras esse iudex, ne aliquo modo non ualeas è medio tollere iniustitiam. sermo enim uatis excusationem propter eos, qui imperium deferebant ad eos, qui seditionē constabant, non omnino allatam fuisse

dicit : nam non simpliciter dixit , Dux
 non ero , sed cum quadam additione ,
 Dux non ero populi huius . & causam
 attulit , Quia linguæ ipsorū cum iniqui-
 tate quadam domino diffidunt : Dein-
 de Moses cum ad genus uitæ illustre , ac
 officium nobilissimum , nimirum ad tati
 populi præfecturam uocaretur , excusa-
 tione utitur , Quis ego sum , inquit , ut
 adeam Pharaonem regem Aegypti , &
 ducam populum hunc ? & rursum , Obse-
 cro , domine , nihil ualeo à die hesterno
 & tertio , & ex quo cœpisti colloqui cum
 seruo tuo . & iterum , Quæso , domine ,
 alium pares , quem mittas , qui huic oneri
 satisfacere ualeat . at dominus dixit illi ,
 Vade , & ducem te præbeas populo isti ,
 ecce Angelum meū præmitto tibi . Quid
 Moses ad hæc tandem ? Obsecro , inquit ,
 nam nisi tu ipse præieris , nequaquā hinc
 nos educes . Esaias uerò nihil eiusmodi
 audiens , solum de necessitate legationis
 edoctus , sponte seipsum obtulit , ac in
 media pericula se intulit . quæ igitur ho-
 rum fuit mens ? Moses quidem quòd po-
 pulus esset scelestus , quique opus habe-
 ret eo , qui conuiuere delictis , & peccata
 remittere posset , id quod ipsi Angeli ef-
 ficere

ficere nequeunt; siquidem illi ulciscuntur eos, qui se uitiis inquinarunt; ueniam autem concedere iis, qui sceleribus se obstrinxere, nequaquam possunt. Veniat igitur uerus legislator potens ille seruator, qui solus remittendi peccata potestatem habet absolutissimam. Esaiæ uero, quod propter amoris exuperantiam sibi persuadebat, nihil eorum, quæ acciderant, unquam à populo sibi accidere potuisse. ex his duobus alterum nos imitemur, ut futura consequamur bona, per Christum IESUM Dominum nostrum, cui una cum patre & sancto spiritu, gloria, honor & potetia tribuatur nunc & in perpetuum. Amen.

DE HONORE,

quo afficiendi sunt parentes,
& senectute, atq; iuuetute

ORATIO VI.



Illud, quod à uate prolatum est, Exurge domine Deus meus in præcepto, quod tradidisti, poterit cum ad resurrectionis mysterium referri; exhortante nimirum uate iudicem,

ut exurgeret ad uindicandum omne scelus, & ut præcepta nobis antea data perficeret: tum etiam ad eum rerum statum, qui tū erat, ita ut excitet Deum uates ad ultionem præcepti, quod dederat. Præceptum autē erat, ut unusquisq; honore patrem & matrem suā afficeret: quod quidem filius ipsius uatis non tenuerat. proinde exhortatur Deū, cū ad illud ipsum corrigendum, tū ad multos alios modestiores reddendos. ne, inquam, cūctator in puniendo esset, sed exurgeret in ira, & exurgens ulcisceretur proprium institutū. Non enim, inquit, iniuriam meam persequēris, sed iussum tuum spretum, quod ipse descripsisti. patet enim, quod si unus iniustus ad modestiam reducatur, multos etiā sua sponte redituros esse. Atqui prouidentia, quæ in senio confectas ibes confertur, potest liberos nostros, si modò attentos se, docilesq; præbere uelint, amantes parentum efficere. Nemo est enim omnino sic prudentiæ inops, qui non summa infamia dignū iudicet, se ab auib; quæ longissimè à ratione absunt, uirtute superari. nam illæ patrem, cū præ senectute alæ decidunt, circūstantes alis suis fouent, pastusq; ei copiosè præparant, ac

suppeditant, quodq; potis sunt, in uolatu
auxilium ferunt; ita ut leniter utraq; ex
parte eum alis sustineant. idq; sic omniũ
uoce celebratum est, ut iam quidam refe-
rendæ gratiæ officium antipelargosin no-
minent. Quamobrem tu si uis de rebus
futuris certus esse, facito ea, quæ à lege
præscripta sunt, & tandē sic expecta usum
bonorum. Honorem tribuito patri tuo
atque matri, ut tecum bene agatur, mul-
tumque in tempus uitā producas; quo te
bono Deus opt. max. ornabit. Probi e-
nim filij? & beneficiorũ memores magno
sunt parentibus ornamēto. Filij, inquit,
diuinus apostolus, diligite parentes ue-
stros; parentes ne prouocetis ad iram li-
beros, nam si leuæ cordi est fœtus, si lu-
pus pro catulis decertat; quid, quæso, di-
cet homo? qui & præceptum negligit, &
naturam peruertit; quando aut filius se-
nectutem patris ignominia afficit, aut pa-
ter secundis nuptiis, in obliuionem prio-
rum filiorum uenit. Aquila in educando
partu iniustissima existit, cū enim duos
pullos exclusit, alterum pennarum ictibus
in terram deiicit, alterum uerò tantum
suum esse ducit, auersando id, quod pro-
creauit, propter pastus difficultatem; sed

hunc osifraga mori non patitur, uetum
 suscipit ac unà cum suis educat. Eiusmo-
 di sunt parentes illi, qui inopia coacti,
 infantes exponunt; aut ij etiam, qui in di-
 uidunda hæreditate iniquissimi sunt in li-
 beros. Aequum enim est eos, ut ex æquo
 unicuique ut esset dederunt, sic ea etiam,
 quæ ad uitam tuendâ pertinent, æqualiter
 eis præbere. Noli imitari auēs adūcite
 unguium præditas, quæ cum pullos suos
 animaduertunt iam in posterum uolare
 posse, eos ex nido eiiciunt, pennisq; uer-
 berant ac pulsant, nec deinceps eis ullo
 modo consulunt. In cælum ferenda est
 cornicis in pullos charitas, quæ etiam uo-
 lantes iam comitatur, eisq; pastum diu
 parat & præbet. Differt autem nihil is,
 qui ætate puer est, ab eo, qui mēte est in-
 fans. cana enim prudentia homines anti-
 quos facit; ac magis profectò ad constitu-
 tionē senis concurrit id, quod est in pru-
 dentia antiquius, quàm albedo capillorū.
 si enim quis sit, ut sapiētī Danieli placet,
 iuuenis quidem corpore, prudentia uerò
 canus, æquius sanè est, ut ei maior honos
 tribuatur, quàm illis, qui prauo iudicio
 corporis canitiē anteponunt. etenim Da-
 niel puer cum esset, & ætatem iuuenilem,
 quæ

quæ sensu, senectutem uerò ob prudentiam, quæ mente percipi poterat, ageret, senis nomen meruit. sic cōtingit aliquando, cū senes ociosè & neglectè uitā degunt, ut reperiātur iuuenes eis longè excellentiores, maioriq̃e honore digni: ut potè qui sint longè seniores, ob canescentem animæ uirtutem. Maxima autem pœna & supplicium est, cū ciuitati adulescentes infani ac prudentes præsent. iuentus enim leuis est, & ad mala propensa atque procliuis. libido indomita, ira immanis, insolētia & contumelia, superbia, & animus inflatus, propriæ sunt iuentutis perturbationes. inuidia præterea, in rē, quæ excellit: suspicio aduersus suos, sexcentorum deniq; malorum aceruus iuentuti est adiunctus. quorum omnium participes esse, necesse est eos, qui ab illis reguntur: quoniam principum mala calamitatē afferre solent iis, qui in eorum ditione ac imperio sunt. Hinc etiam mala, quæ ante euerسیونē Hierusalem extitere, profecta sunt; cū inter se iuuenes concurrento ac seditiones excitādo, seditionibus ac cædibus ciuitatem repleuissent; neque uellent, etiāsi mœnia eorū iam hostes cinxerant, ad necessariam cōcordiam

D. BASILII ORAT.

cordiam redire: sed de rebus nullius præ
cij concertantes, urbe iam capta, mœni-
bus dirutis, hostibus urbem ingressis, de
ambitione & principatu inter se conten-
debant. & hæc passi sunt eò, quòd uate
priuati essent, & interprete, & seniore,
& sapienti consultore, quodque ipsis iu-
uenes præsent atque irrisores domina-
rentur. Ne igitur & nobis similia illis ac-
cidant, contentiones mutuas fugiamus,
còcordiam uerò & honorem, tum etiã
pacem persequamur; ut deinde, postquã
tutò uitã transegerimus, futura bona con-
sequi ualeamus, per Christũ IESVM Do-
minum nostrum, quem sempiterna glo-
ria & potentia consequatur. Amen.

Tomi tertij finis.



D. BASILII
MAGNI,

Archiepiscopi Cæsareæ Cappadociæ,
Orationum de Moribus,

*A' Simone Magistro ac sacri palatii
Quæstore ex eius scriptis olim in
unum congestarum,*

TOMVS QVARTVS.

Stanislao Ilouio interprete.



Venetiis apud Io. Andream Valuassorem.

M D LXIIII.

D. BASILII

MAGNI

Præfatus de

Præfatus de

Præfatus de

Præfatus de

Præfatus de

Præfatus de

Præfatus de




Præfatus de

Præfatus de

REVERENDISSIMO
IN CHRISTO PATRI D.
ALBERTO STAROSREBSKI,

Pontifici Ghelmenfi,



Stanislaus Ilouius S. P. D.



AGNA semper
fuit, Pontifex am
plissime, inter
philosophos de
fortuna dissen
sio: nam nonnul
li eam Deum esse
asseuerauere; non

nulli aliud nihil, quàm accidentium re
rum subitum atque inopinatum quen
dam euentum. Deum ex eo esse uolebant,
quòd censerent eam hominibus bona tri
buere, atque humanarum rerum guber
nacula tenere; subitum uerò euentum,
quòd temere, ac fortuito, sententia eorum

a ii ista

rum ista caderent. at nos, qui notitiam
ueri Dei habemus, fortunam nihil peni-
tus esse dicimus; sed esse Deum affirma-
mus, qui honores, qui opes, qui omnia
denique bona hominibus tribuit, atque
largitur. Cur autem aliquando homines
nefarios ac plane rudes euehere, probos
uero & summæ eruditionis negligere ui-
deatur, non est humani ingenii causam
explicare: sed quicunque ea animo lu-
strare uolet, is illud Pauli exclamet, ne-
cesse est, O altam sapientiæ cognitionisq;
Dei opulentiam, quàm penitus recondi-
ta eius iudicia, quàm abstrusæ sunt ratio-
nes? quis enim domini mentem no-
uit? aut quis ei fuit à consilio? possumus
tamen interdum coniectura quadam as-
sequi, quid sibi Deus uelit, cùm uiros
summos, atque omni genere uirtutum
excellentes prætereat. Mihi quidem sæ-
pius cogitanti quidnam causæ fuerit, cur-
tu, homo sapientissimus, serius, quàm
præstans tua uirtus, prudentia admirabi-
lis, & exquisita doctrinâ postularet; pon-
tifex declaratus sis; in mentem uenit il-
lud

lud , ut statuam , Deum præpotentem ;
pro sua in humanum genus benignitate
respicere nos uoluiffe , ac te ad ea tempo-
ra referuasse , quæ prudentissimo gu-
bernatore opus haberent . nam ut bonus
paterfamilias res præclaras ad usum ne-
cessarium reponere solet , ut siquando is
instet , iis uti possit ; ita etiam benignis-
simus ille Deus te tum uel maxime or-
nandum uoluit , cum tuæ singulares uir-
tutes amplissimum campum , ubi se se
exercerent , habere possent . etenim peri-
tissimi gubernatoris tum potissimum
prudentia perspicitur , cum naus tempe-
statibus iactatur ; & imperatoris peritia ,
in magno rerum discrimine etiam clare-
scit . Hanc etiam ob causam tu , mea qui-
dem sententia , quanuis prudentia & re-
rum usu nulli secundus esses , tardius ad
honores ascendisti . nam si tum eos , cum
secundæ res nostræ erant , affecutus fuisses ;
iam uigor ille , atque ardens studium pla-
ne resedisset . ut enim plantæ , ubi uber-
rimos fructus tulerint , flaccescunt : sic
etiam primi impetus hominum arden-
tiores

tiores esse solent : hoc facile disci potest ex
te ipso ; ne aliunde exempla petamus, qui
ut primum gubernacula nostræ reipub.
prædidisti, tanto cum ardore & studio
ea tractare cœpisti, ut omnium oculos in
te conuerteres, ac summam hinc laudem
caperes. neque id cuiquam mirum uideri
debet : quid enim te prudentius ? quid in-
geniosius aut doctius fingi potest ? cuius,
obsecro, in dicendis sententiis acumen ?
cuius studium & ardor in patriam cum
tuo conferri queat ? Hæ tuæ amplissimæ
uirtutes non amplius se in Polonia con-
tinent, sed foras etiam emanant : nam
& alii plurimi, qui hinc ad nos se reci-
piunt, summas tuas uirtutes maximis lau-
dibus efferunt ; & uix dici potest, quān-
tas eas in cœlum ferat Goslicius noster, iuue-
nis illustri ingenio, multaq; eruditione.
Gratulor itaque patriæ meæ, quod te ta-
leni senatorem nacta sit. Deo uero præ-
potenti ago gratias, quod te, domesticis
malis laborante patria, in hac dignitate
locarit. dubium enim non est, quin si ani-
mo conniti, si ingenii tui neruos & in-
dustria

dustriæ contendere uoles , magnum ex
te fructum respub. nostra sit captura.
Sed de eo tu pro tua singulari prudentia
uideris . De me uerò sic habeas uelim ,
me tuis istis uirtutibus inflammatum ,
tantum amoris erga te , beneuolentiæq̃
suscepisse, nihil ut potius haberem,quàm
si aliquo meo facto tibi incredibilis animi
mei studium declararem . Quoniam ue-
rò eius testificandæ nulla se nobis alia oc-
casiò dat , hoc , quicquid est , mittendum
esse duxi , ut perpetuum argumentum
mei in te cultus extaret. ita enim , antistes
clarissime , existimes uelim , tanto me ef-
se in te studio atque obseruantia, ut nemi-
ni unquam sim concessurus , qui aut ar-
dentius te diligat , aut diligentius ob-
seruet , aut maioribus laudibus uirtutes
tuas persequatur . Vale Pontifex pru-
dentissime , nosq̃ tuo patrocinio tuere.
III. Non. Septemb. M D LXIII.
Patauio .


[The page contains faint, illegible text, likely bleed-through from the reverse side.]

D. BASILII MAGNI

Orationum de moribus ,

TOMVS QVARTVS,

Stanislao Ilouio interprete.



DE PROVIDENTIA

ORATIO PRIMA.



AM est multiplex opificis nostri in imperando mens & sententia, quantæ etiam sunt rerum ab eo effectarum differentia ac proprietates: quæ omnia si quis subtiliter & accuratè persequi uelit, similiter faceret, ut si omnes maris fluctus numerando completi, aut aquam eius uase emetiri institueret. Quo enim pacto, per Deum immortalem, omnes auium proprietates aliquis exponere poterit? nemo, medius fidius, dicendo conse-

Tom. 4.

A quetur

quetur, quomodo ibes, sic uno tempore
 his in locis nidos construunt, & quo pa-
 cto uicissim omnes, uno quasi consensu
 hinc se proripiunt: quod quidem eorum
 facinus non est alienum a prudentia hu-
 mana. has cum uolant, quasi armati mi-
 lites quidam cornices stipant, atque in
 regiones illas deducunt; mihiq̃ue uiden-
 tur auxilium quoddam eis ferre in eas
 aues, quæ illis aduersantur. cuius rei il-
 lud primum argumentum est, quod illo
 ipso tempore cornix omnino non appa-
 ret; deinde quòd redeunt uulneribus cõ-
 fectæ: quæ omnia mutui auxilij ac tutelæ
 perspicua sunt indicia. Quis, quæso, eis
 hospitalitatis leges sciuit? quis eis desertæ
 aciei actionem iminatus est? si quæ illa-
 rum prosequendi officium desereret.
 Grues autem nocturnas uigilias uicissim
 agunt; earumq̃ue aliæ somno se dant,
 aliæ circumuolando summam ceteris in
 somno securitatem præbent. deinde cum
 tempus uigiliarum completum est, tum
 una, uoce edita, dormitum se confert;
 altera uerò labori succedit, quamq̃; secu-
 ritatem nacta est, eam uicissim aliis red-
 dit. Eundem etiam in uolando ordinem
 seruant, alias enim alia itineris ducem se
 præbet,

præbet, cumque statò tempore in uolatu principatum obtinuerit, ei, quæ eam sequitur, uia tradit principatum, ipsa uerò circumuolando post principia se recipit. Qui uerò mutationi, quæ in resurrectione futura est, non assentiuntur, hi ex bombycis commutatione euidentem claramque hauriant notitiam. Et qui ludibrio habent mysterium nostrum, tanquam à natura sit alienum, fierique non possit, ut uirgo ea, quæ seminis uiri expers sit, salua uirginitate pariat, uelim cogitent, eum, cui uisum est, stulta prædicatione, eos, qui crederent, seruare, innumerabiles ex natura occasiones, ad rerum admirabilium fidem nactum esse. uultures enim sine concubitu fœtus edere fecit, eosque summa uitæ diuturnitate donauit; quippe quibus uita usque ad centesimum annum prorogetur, atque sanè in omnibus rerum à se admirabiliter gestarum illustria nobis monumenta reliquit. Est etiam & apud pisces insignis quædam & benè ordinata prudentia. nam unumquodque eorum genus, præscriptam sibi à natura regionem nouit, & tanquam in urbibus, aut uicis, aut ueteribus patriis; sic in eis maris partibus,

quæ illis constitutæ sunt, habitat. Iam quidam è numero piscium, quasi de communi omnium consilio & sententia extra terminos suos egrediuntur, omnesque uno consensu abeunt. cum enim tempus conceptus uenit, alij ab aliis partibus migrant, communiq; naturæ lege excitati, ad mare septentrionale contendunt. ac sanè uidere licet eos, tum cum ascendunt, quasi quendam fluxum copulatos per Propontidem in Euxinum mare delabi. quis cedò eos impellit? quod regis, imperium? quæ tabulæ in foro propositæ uoluntatem regis exponunt? quis denique eos in peregrina & longinqua loca ducit? Vides ne diuinam legem omnia implentem, & ad minutissima quæque animantia pertinentem? piscis diuinæ legi non repugnat, nos uerò, proh dolor, salutaria instituta & documenta non ferimus. ne, amabò, pisces, eo quòd muti sint, & rationis expertes, nihili pendas; sed uide, ne tu, qui diuinis legibus obuiam is, magis expertus, quàm illi, rationis esse uideare. Nullus piscis dimidia ex parte dentibus præditus est, ut apud nos bos & ouis: neque enim ullus piscis ruminat, præter scaurum, ut quidam

lite-

literarum monumentis prodidere . omnes tamen acutissimis dentibus & iis creberrimis ornati sunt ; atque id ideò , ne tardiore confectioe cibus delaberetur . futurum enim erat , nisi citò diuisus in stomachum mitteretur , ut dum paulatim conficitur , in aquam efflueret . Audi itaque pisces tantum non uocem edentes , cur tantum maris emetiantur . Nos , inquiunt illi , tam longinquum iter , propter generis nostri perpetuitatem suscipimus . non rationis ipsi sunt participes , sed eis lex naturæ constans & immutabilis data est , quæ ipsis id , quod agendum est , ostendit atque præscribit . Confluamus , inquiunt , in mare , quò septentrionem spectat : eius enim aqua cæteras omnes dulcedine longè anteit . nam quoniam sol paucos dies illud collustrat , eius dulcedinem totam suis radiis non elicit . Pisces autem marinos rebus dulcibus delectari , hinc sciri potest , quò sæpe in fluuios commeant , & procul à mari deferuntur . ob eamque causam Pontū cæteris sinibus anteponunt , quò ad parandum , & ad fœtum educandum sit accommodatus . Cùm autem satisfactum est cumulatè ei negotio , quod illuc eos

traxerat, tūm uniuerſi domum repetunt. Quæ autem ipſos cauſa impellat, agè à mutis ipſis audiamus. Vadofum eſt, aiunt, mare ſeptentrionale, & reſupinum pater uentorum iniuriis, & pauca habet litōra, atque oras præaltas. proinde ex altō uenti & procellæ ortæ, facilè ipſum ita exagitant, ut etiam inter undas arena mixta fluitare uideatur: quin etiam hyeme multis magnisque, qui eò influunt, amnibus augetur. quocirca cū æſtate, quantum ſatis erat, ſeſe in eo oblectarūt, rūrſus hyeme alti repetunt amœnitates, atque ea loca quæ ſolis radiis patent, declinatoq; ſeptentrionali mari, quod uentorum procellis & tempeſtatibus infeſtum eſt, ad eos ſinus delabuntur, qui minore ui uentorum impellantur. Vidi ego hæc, & Dei ſapientiā in omnibus ſum admiratus. Quòd ſi animantia rationis expertia ſaluti ſuæ conſulunt, eamque tuentur, & piſcis quid expetendum ſit, quid fugiendum intelligit: quid nos, obſecrò, offeremus, qui & rationis ſumus participes, & legem præceptricem habemus, quique promiſſis impellimur, atque in ſpiritu inſtituimur? Præterea piſces, qui longius à rationis motu abhor-

rent,

rent, res suas rectè & ordinè gerunt; si quidem rerum futurarum, quandam habent providentiam: nos autem propter rerum futurarum desperationem, in pecudum uoluptate totum uitæ tempus cōterimus. Quòd si oratione uix explicari potest, quanta in iis, quæ ratione non utuntur, insit, quam nemo docuit, nisi ipsa natura, uitæ studium ac cura, nonne etiam nos ad nostri custodiam, & ad animæ salutem, toto pectore incumbemus? ne uideamur ab iis, quæ rationis sunt expertiæ, uinci atque præteriri. Vrsa saepe numero grauiſſimis uulneribus sauciata, contactu herbasçi, quæ herba sicca est, sibi medicinā facit. Cernere etiam licet uulpem lacrymis & glutine pini se curantem. Testudo uerò uiperæ carnibus satiata, contra ueneni incommoda, ab origano remedium petit. Serpens etiam pasto fœniculo, oculorum doloribus medetur. Boues diu hyeme conclusi, tandē aliquando ineunte uere suapte natura mutationem cœli præſentiētes, omnes quasi uno cōsensu ex præsepibus, qua egrediantur, crebrò aspectu exquirunt. Oues uerò hyeme instante, pastu se infarciunt, & quasi armant, contra futuram herba-

rum penuriam. Quid tandem his nobis ostenditur? nimirum etiam apud animā tia rationis expertia, quendam rerum futurarum sensum inesse. admonemur præterea iis, ne in hac uita hæreamus, sed in futura, omnem curam nostram, studiumque ponamus. Agnus etiam inter sexcentas oues, cū ex ficu defilit, matris uocem internoscit, atque ad eam prope- rat, ipsosque lactis fontes exquirat. ac sanè contentus esse solet macilentis maternis mammis, etiamsi aliarum mammas graues plenasque percurrenit. mater quoque inter agnos innumerabiles suum agnoscit, quamuis una sit uox omnium, idem color, odor similis; quantum nostro olfactu iudicare possumus. sed tamen est in eis sensus quidam, nostra cognitione acrior, quo id, quod naturæ cuique accommodatum est, internoscitur. Nondum enim dentes fœtus lupi habet, & tamen eum, qui iniuriam sibi infert, morfu appetit. nondum cornua uitulo creuere, scit tamen ubi sibi arma nascuntur: quoniam qui ea fabricatus est Deus, rationem qua carent, sensuum acrimonia compensauit. Nec uerò est, quòd quisquam rerum parentem eam ob cau-
sam

ſam in crimē uocare debeat, quòd anima
lia, quæ uirus iactāt, pernicioſa & inimica
uitæ noſtræ procreauerit. iſto enim pa-
cto pædagogum etiam culpæ licebit,
qui ad frugem adoleſcētiae procliuitatem
reuocat, plagisquæ ac uerberibus, eorum
intemperantiam caſtigat. Confidis in
Deum? habes eam, quam præbet fides, po-
teſtatem, ut ſuper ſerpentes & ſcorpio-
nes ambules. An non uides uiperam, quæ
ex ſarmento, quod Paulus colligebat,
exilierat, nullum ei detrimentum attu-
liſſe? eo quòd ſanctus uir fidei plenus ef-
ſet. quòd ſi perfidus ſis, time non magis
animal, quam tuam perfidiam, qua te
ipſe omni malo, & interitui obnoxium
reddidiſti. Etenim eas omnes calamita-
tes, quas perpetimur, ex diuina conſti-
tutione ſuſtinemus. non patietur au-
tem ille nos deſertos, nec prauis poten-
tiis prodet, quæ peccatoribus pœnas in-
fligunt: ſed ipſe pœnas mediocres defi-
niet, ratione habita eorum, qui ſibi ſer-
uiunt. ac ſanè omne bonum, quod in nos
ex diuina conſtitutione redundat, dica-
mus illuſtre argumentum eſſe gratiæ di-
uinæ, quæ omnia operatur. Nihil eſt o-
mnino, quod non in Dei prouidentiam

& curam cadat : omnia peruigil oculus
 Dei intuetur , omnibus adest atque præ-
 sens est , & quod unicuique denique com-
 modum est ac salutare , suppeditat . Sæ-
 penumero etiam in minutissimis sapien-
 tia diuina atque prouidentia perspicitur :
 nam qui cælum finxit ac creauit ; & qui
 immensa maria aqua repleuit , hic etiam
 est , qui tenuissimum apicis aculeum ueluti
 foramen quoddam fabricatus est , ut per
 ipsum diuis effunderet . Sed iam tempus
 est , ut cum uate illud exclamem ; Quàm
 magnificata sunt opera tua domine , om-
 nia in sapientia fecisti . Gloria , honos ,
 & magnificentia Patri , & Filio , atque
 spiritui sancto , in sempiterna sæcula tri-
 buatur . Amen .

DE PRINCIPATV;

ac Potentia

ORATIO II.



Onestum sanè & æquū est,
 ut semper deterius à præ-
 stantiorè gubernetur. sæ-
 pe enim temeritas populi
 ad improbos homines prin-
 cipatum detulit. proinde
 necesse est huiusmodi uiris mandare
 magistratus, ac eos aliorum constituere
 duces, qui cæteros omnes prudentia, con-
 stantia, ac uitæ sanctimonia longè an-
 teeāt; ut uirtutes, quibus præditi sunt, cō-
 munes fiant eorum omnium, qui eos imi-
 tantur. nam ad mores eorum, qui guber-
 nacula tenent, componere sese totos, ij,
 qui parent, solent: ita ut quales duces fue-
 rint, tales etiam necesse sit esse eos om-
 nes, qui sequuntur. & quales fuerint in
 repub. principes, tales ut plurimum exi-
 stere solent etiam reliqui ciues. Item
 quemadmodum si plures pictores, unius
 faciei formam effingerent, omnes imagi-
 nes

nes similitudinem quandā inter se habebunt, eo quod ad exemplar unius pictæ sint; sic etiam multi mores, si ad unius imitationem respexerint, in omnibus æquè bonus uitæ character elucescet. nā uera & perfecta obedientia eorum, qui parent, erga eum, qui præest, ex eo cognoscitur, si non solum à rebus absurdis de sententia præfecti abstinuerint, sed si neque ea, quæ laude digna sunt, absque illius consilio fecerint. continentia enim & omnis corporis afflictio multas ad res perutilis est: uerū si quis proprios impetus sequutus, quod sibi libuerit, fecerit, nec consulenti præfecto morem gesserit, maius peccatum erit, quàm rectè factum. qui enim magistratui resistit, diuinæ ordinationi resistit: præterea obedientiæ maior merces est, quàm rectè facti, quod ex continentia descendit. Ille igitur, qui habet sua in manu mali cultum, suā autem sponte se illi subiicit, non iniuriæ æquè condemnabitur ac illi, qui sibi manus attulerunt. Princeps uerò atque omnis is, qui aliis præest, dignitate ne effertur, ut non excidat ea beatitudine, quæ ex humilitate manat. Nec etiam ille, qui regi operam nauat suam, prædicatione
se

se efferat, eò quòd in tali uel tali nūm-
sterij ordine collocatus sit: ille uerò qui
dignus iudicatus est, ut Deo seruiret,
aliunde laudem petet; tanquàm ipsi non
satis sit, appellatio domini, ad omnem
gloriæ ac claritudinis exuperantiam. suf-
ficit enim nobis ad omnem dignitatem,
talis & tanti domini seruos nos appellari.
Et sicuti nulli alij nos præterquàm soli
Deo cultum tribuere par est, sic etiam
neque in ulla alia re spem nostram consti-
tuere debemus, quàm in Deo omnium
rerum domino: qui enim in homine spẽ
collocat suam, aut qui ob aliud quiddam
rebus ex humanis se iactat, ueluti ob po-
testatem, aut pecunias, aut aliquid eo-
rum, quæ uulgo splendida esse existiman-
tur, is non potest dicere, Domine Deus
meus in te spem defixi meam: cautum
enim est, ne quis spem poneret in princi-
pibus: & literis proditum est, maledictum
cum esse hominem, qui spem suam consti-
tuit in homine. Beatus igitur se uera il-
le est, qui nullam earum ob rem, quæ in
hac uita summæ habentur, superbit, sed
qui omnem gloriam suam sitam habet in
domino; & cuius exultatio est Deus, qui
que dicere possit iuxta Apostolum, Mihi
uerò

uerò nulla alia in re liceat gloriari, nisi in
 cruce Christi. Si enim quis ideò se ia-
 ctat, quòd sit seruus regis, & quòd ma-
 gnis honoribus ab eo affectus sit; quantò
 te magis decet in te ipso gloriari, quòd
 seruum agas magni illius regis, accersit-
 us ab ipso ad summam familiaritatem.
 Qui autem uerè princeps est, is non ex
 externis indiciis cognoscitur, ueluti chla-
 myde purpurea, aut diademate, sed ex
 eo, quòd sit præditus ea uirtute, quæ est
 apta ad regendum. ille uerò, cui uolu-
 ptates imperant, & qui sapius cupidita-
 tibus ducitur, seruus cum sit peccati,
 ineptus est ad imperandum, ac eos qui-
 dem, qui resistunt, subigere, fortis re uera
 est, ac eius, qui præest: at iis, qui aliquid
 admiserunt, facilem se ac benignum præ-
 bere, illius est, qui animi magnitudine
 & lenitate cæteros omnes longè præterit.
 plurimi enim ex illis priscis, domini eo-
 rum effecti sunt, qui illos iniuria affece-
 rant, uerùm nulla fama de iis ad posteros
 peruénit: sedauerunt uerò iram, qui phi-
 losophia multis præstiterunt, quorum me-
 moria immortalitati consecrata est: eos
 enim, qui quauis re iniuriam inferunt,
 non eas ob res, quas antè gesserunt, puni-
 mus,

mus; (quis enim esset fructus poenæ?) sed ut aut illi idem in posterū meliores essent, aut aliis exemplum modestiæ præberent. Sæpenumerò etiam in minutissimis sapientia diuina perspicitur. qui enim cælum finxit & immensa maria repleuit, ille idem etiam tenuissimum aculeum apud quasi foramen quoddam fabricauit, ut per eum uirus effunderet. Hunc oculis huius carnis intueri non possumus: nam id, quod corporis est expers, non potest cadere in oculos carnis. quod etiam ipse unigenitus filius Dei attestatus est dicendo, Deum nemo uidit unquam. At dicēs, Ezechiel uidit, uti literarum monumentis proditum est? uide, quæso, quid dicat scriptura. Vidit, inquit illa, similitudinem gloriæ domini, non tamen ipsum dominum; immo neque ipsam gloriam reuera uidit: tamen cum conspexisset exemplar gloriæ, & non ipsam gloriam, cecidit in terram præ timore, si uerò similitudo gloriæ conspecta tantā trepidationem & timorem hominibus incutiat, ipsum si quis conspiceret Deum, omnino deleteretur, iuxta illud, quod dictum est, Nemo uidebit Deum, & uiuet. Eam ob rem pro sua eximia humanitate Deus uelum propriæ

propriæ diuinitatis obduxit, uidelicet cœ-
 lum, ne occideremus. Nec existimes ue-
 lim ista mea esse, sunt uerba uatis: sic
 enim ille inquit, Si aperueris cœlum, tre-
 mor, qui à te proficiscetur, inuadet etiam
 ipsos montes, & resoluentur à se ipsis ac
 contabescant. Sed quid miraris, quòd
 Ezechiel similitudinem gloriæ conspicien-
 do ceciderit? Daniel seruum conspicua-
 tus domini, obstupuit, in faciemque pro-
 lapsus est, & quoad duceretur ad simili-
 tudinem filij Dei, non ausus erat respon-
 dere. Quòd si Gabrielis conspectus ti-
 morem iniicere solebat uatibus Dei, quid
 si ipse Deus oculis acciperetur, non ne
 omnes omnino conciderent? Si autē uis
 apertè ac penitus cognoscere, fieri non
 posse ut natura Dei comprehendatur, ac
 cipe quid dicant tres pueri in camino
 ignis Deum celebrantes; Benedictus es,
 qui profunditates maximas perspicis, &
 qui sedes super Cherubin. Dic mihi prius,
 obsecro, quænam sit natura Cherubin,
 & tunc eum, qui ei insidet, contemplari
 poteris: quanuis Ezechiel uates eos de-
 scripserit audacter dicens, Quatuor fa-
 cies uni inesse, unam quidem hominis,
 alteram leonis, aquilæ alteram, postre-
 mam

mam vituli , & unumquenque sex alis
 esse præditum, oculosque eorum omnes in
 partes ferri , unicuique denique rotam
 triangularem suppositam esse. nec tamen
 quanuis nobis formam eorum descripse-
 rit, possumus naturam eorum consequi.
 quòd si thronum, quem exposuit, nequea-
 mus comprehendere, eum, qui huic insi-
 det, nimirum Deum, qui in conspectum
 non cadit, quomodo, amabò, compren-
 demus? Nam facies ad faciem, & perfe-
 cta cognitio incomprehensibilis maiesta-
 tis Dei in futuro sæculo dignis exhibenda
 promissa est, nunc uerò siue Paulus quis
 sit, siue Petrus, cernit quidem ea uerè,
 quæ uidet, nec errat, neque imagina-
 tur, per speculum tamen & ueluti in ænig-
 mate cernit, & id, quod nunc ex parte as-
 sequitur, grato animo suscipit: perfectam
 autem cognitionem in futurum magno
 cum gaudio expectat. nam id, quod nunc
 in cognitione perfectum esse uidetur, bre-
 ue quiddam ac obscurum est; ita ut ma-
 gis absit à claritudine, quæ erit in futuro
 sæculo, quàm abest à conspectu faciei
 ad faciem. adeò igitur infinita est cog-
 nitio Dei, adeò difficile est humanæ natu-
 ræ assequi in hac uita diuina mysteria;

cùm semper amplius quiddam per promotionem unicuique accedat, & omnibus id, quod ex dignitate est, desit, donec uenerit illud, quod omnes numeros perfectionis habet: ueniet autẽ tum, cùm id, quod ex parte est, abolebitur atque è medio tolletur. Qui uerò res comprehendendi posse ait, uia quadam & consequentia, per cognitionẽ rerum intellectum suum promouens; & in his, quæ faciliè percipi possunt ac in minoribus, ea assiduè comprehendendo, exercitatus; is per comprehensionem hanc, etiam ad eam, quæ excedit omnem intelligentiam, sui ipsius comprehensiuam imaginationem perduxit. nonne igitur ille nobis, qui gloriatur, se posse existentium rerum cognitionem assequi; minutissimi animalis formicæ, inquam, naturam explicabit? & aperiet, an spiritu & anhelitu uita ipsius consistet? an ossibus corpus distinctum, an neruis & ligamentis compages firmata sint? an musculorum & glandularum munimento neruorum natura contineatur? an uertebreis dorso medulla, à syncipite ad caudam usque extensa sit? an neruosa membranæ ambitus, membræ, quæ mouentur, motiuam uim tribuit? an insit ip-

Si epār, & uas, quod bilem sub epate reci-
 pit, & renes, & cor, & arteriæ, & uenæ,
 & membranæ, atque ipsum denique di-
 aphragma? num nuda sit, num pilis præ-
 dita? num pedes indiscretos, num uerò
 plures digitos distinctos habeat? dein
 quàm longo tempore uitam propaget,
 & quomodo partus edat, quantoq; tem-
 pore ferat partum? & cur non sint pede-
 stres omnes formicæ atque alis præditæ,
 sed quædam ex his humi serpunt, quæ-
 dam uerò per aërem feruntur? Proinde
 qui cognitionem rerum existentium ostē-
 tat, is primùm formicæ naturam expo-
 nat; ita deinde de natura eius facultatis,
 quæ omnem mentem exuperat, differere
 poterit. Quòd si minutissimæ formicæ
 naturā nondum cognitione affecutus es,
 quomodo, obsecro, naturam Dei, quæ
 comprehendì atque percipi nequit, te cō-
 prehendere posse gloriaberis? Nam existi-
 mare, se essentiam Dei, qui omnes res
 longè antecellit, comprehendisse, magnæ
 arrogantia est ac fastus. ac sanè tales mi-
 hi uidentur etiam illum ipsum iactantia
 præterire, qui dixit, Super astra ponam
 sedem meam. Non'ne magnus ille Da-
 uid, cui occulta & abdita sapientiæ suæ

Deus patefecerat, apertè fatetur, essentiã diuinam compre hendi non posse? dicens; Mirabilis facta est scientia tua ex me. Esaias autem quanuis maiestatem Dei acerrimè contemplatus esset, nihil tamen nobis certi de diuina essentia attulit. nã in ea uaticinatione, quam de Christo habuit, sic scriptum reliquit, Generationẽ ipsius quis dicendo consequetur? Paulus uerò uas illud electionis, qui loquentem in se habuit Christum, quiq̃ue usque ad tertium cœlum raptus erat, cui denique uerba arcana erant concredita, quæ homini eloqui religio est, quã nobis, quæso, de essentia Dei doctrinã reliquit? qui cùm ad singulares dispensationis rationes inspexisset, tanquã è uertigine laborans ob arduam speculationis uiam, illam uocem edidit, O' altam sapientiæ cognitionisq̃ue Dei opulentiam; quàm penitus recondita eius iudicia, quàm abstrusæ sunt ad perscrutandum rationes? Quòd si ij hæc, qui Paulum cognitione adæquarunt, assequi non possunt, quanta eorum est arrogantia, qui se scire essentiam Dei profitentur? quos profectò perlubens rogauerim, ut mihi terræ, in qua cōsistunt, & ex qua ficti sunt, naturam ac essentiam

fentiam exponerent, quòd si de his, quæ humi & ante pedes sita sunt, perspicuè ac sine ulla hæsitazione differuerint, tum ipsis de his, quæ sub intelligentiam nostrā nō cadunt, fidem habebimus. Et quemadmodum aiunt Adam ex Deo ortum esse, ita nos quæramus de ipsis, Deus ex quo nam? nonne in promptu cuius respondere est, ex nullo? quod autem ex nullo est, id nimirum principio caret; at quod principium non habuit, id ingentum sit necesse est. quare sicut in hominibus non erat essentia, nempe illa ex quo, ita etiam neque in Deo, qui uniuersis præ est, essentiam dicere possumus, uidelicet illam ex nullo; quod idem est ac si dicas ingentum esse. qui uerò id, quod principio caret, essentiam esse dicit, perinde facit ac ille, qui, si rogaretur quæ fuerit essentia Adam, & quæ ipsius natura, responderet, non ex coniunctione uiri & mulieris, sed diuina manu fictam atque formatam esse. Quis igitur amplius reliquus est nobis cognitionis modus? respondeant nobis, qui ea, quæ ante pedes sunt, nihili pendunt, cœlum uerò ac omnes cœlestes uirtutes penetrant, si cœli magnitudo mensuram humanæ mentis

excedit, naturam sempiternorum quomodo inuestigando consequi poterunt? si sol, qui in nihilum occidit, est adeò uenustus & magnus; celer quidem si motum respicias: attamen ordinatos circuitus efficit, magnitudinemque conuenientem ac moderatam ratione totius habens, pulchritudine plurimum excellit. est enim ueluti oculus quidam perlucidus totius istius machinæ. si huius contemplatione ac aspectu nemo expleri potest, quomodo explebitur pulchritudine solis iustitiæ? si cæcus ingens damnum capit, hunc non intuendo, quam, amabò, iacturam faciet peccator, si uera luce orbus fuerit? si hæc fluxa & caduca talia sunt, qualia, obsecro, putas esse æterna? & si ea, quæ aspectu percipiuntur, adeò uenusta, cuiuscemodi sunt ea, quæ oculorum effugiunt obtutum? quæ præparauit Deus iis, qui se diligunt; ea utinam nos omnes adipisci possimus, gratia & benignitate domini nostri IESU Christi, cui soli gloria in perpetuum tribuatur. Amen.

DE FOELICITATE,
ac infortunio, tum etiam
de prudentia

ORATIO III.



Equæ res secundæ, & quæ
magno cum studio à mul-
tis expetuntur, firmæ sunt
atque stabiles; neque ad-
uersæ & tristes sedem sta-
bilem domiciliumque cer-
tum habent: uerùm omnia fluctibus, ac
uariis perturbationibus, repentinisque
quibusdā mutationibus sunt obnoxia.
nam neque corporis bona habitudo, ne-
que iuuentutis flos, neque domus inco-
lunitas, neque reliquæ uitæ prosperitas,
diuturna est, semperque sibiipsi constans;
sed tum uel maximè aduersam tibi for-
tunam præstolandam esse censeo, cū o-
mnia tibi ex animi sententia cedent. in-
gruet enim morbus, aderit paupertas,
nec semper secundo utēris uento. nam
sæpenumero uirum etiam in omnes par-

tes longè prospicientem, ac summa admiratione dignum, subitæ comprehendere ignominia; omnemque uitæ prosperitatem calamitates atque improuisa infortunia, ueluti turbines quidam, conturbauere. & sanè mala, quæ alia super alia excitantur, perinde ac fluctus, quidam perpetuantur. nonnunquam tamen hæc omnia uicissim præterlabi, uitamque ad hilaritatem & summam tranquillitatem reuocari uidebis. ut enim fieri nequit, ut mare in eodem rerum statu diu persistat; (nam quod nunc quietum, & tranquillum cernis, hoc paulò post, uentorum impetu commotum, æstuans conspicies. & tamen hoc ita fluctibus iactatum atque exagitatum summa tranquillitas repentinè sedare solet) sic etiam res humana facile partem in utranque commutantur. quapropter in hac rerum uicissitudine, gubernatore sagacissimo opus est, qui & in uitæ prosperitate, cum omnia ex uoto succedunt, mutationes excipere possit, ne ue nimium in rebus præsentibus quasi perpetuis conquiescat, & in tristiori rerum statu animo non cadat, rerumque bonarum spem omnem abiciens, maiori mœstitia aggrauatus, succumbat

cumbat. Is uero prudens ille rationum
humanarum erit moderator, qui cuncta,
quæ accidere solent, & possunt, ad pro-
positam naturam, ueluti ad certum sco-
pum, dirigit, sibi quæ æqualiter omni tē-
pore constat, nec secundis effertur, nec
aduersis frangitur. Et quamuis nauis gu-
bernatori concessum non sit, tranquilli-
tatem mari pro arbitrio & uoluntate im-
ponere; nobis tamen integrum est, uitā
quietam omni quæ uacantem perturba-
tione constituere; si nimirum internos
tumultus, qui ab affectionibus externis
proficisci solent, sedauerimus, & mentem
iis, quæ extrinsecus accidunt, altiore
constituerimus. siquidem illi, qui nimis
magnum studium & curam in res mundi
istius conferunt, tanquam uolucres car-
nosæ frustra alas habentes, unā cum esca-
lentis suis deorsum trahuntur. Multi au-
tem sæpenumero pluribus rebus ab ado-
lescentia congestis ac cumulatis, cum uix
medium uitæ suæ cursum tenuerint, ir-
ruentibus in illos nonnullis tentationibus,
quæ ex uentis prauitatis nostræ prode-
unt, uim tempestatis ferre non potuerūt,
& ideo quod ipsis gubernator non esset,
omnium illarum rerum iacturam fece-

runt: alij quidem naufragium fidei fecerunt; alij uerò castimoniam, quam ab ineunte ætate sibi compararant, praua uoluptate cœu procella quadam eos inuadente, perdiderunt. Est autem spectaculum omni commiseratione dignum, inedia multa perpeffa, feueriffima educatione perlata, tot precibus factis, tot lacrymis profusis, annis uiginti aut triginta castitate custodita, tãdem propter animæ segnitiam negligentiamque, omnibus spoliari ac denudari rebus; & eum, qui præcepta domini religiosè seruauit, similem effici mercatori locupleti, qui copia mercium elatus, cùm iam nauis ipsius maria periculossima uento secundo emensa esset, ad ipsum portum nauis elisa, omnibus simul priuatus conspicitur. At talium Deus omnipotens miseretur uel maximè: siquidem commiseratio, affectio est in eos, qui de gradu alto deiecti sunt; proficiscens ab iis, qui facile misericordia ducuntur. miseret enim nos eius, qui ex magnis diuitiis ad extremam deuénit paupertatem, &, qui ex firma & optima corporis constitutione, in morbum grauissimum repentè incidit; tum etiam illius, qui ob pulchritudinē & uenustatem

nultatem corporis exultans, factus est subito à turpissimis affectionibus deformatis. quocirca & nostri, cum olim ob introductionem in paradysum illustres essemus, abiectissimi uerò & humiles ob expulsionem facti, Deus Opt. Max. meritò misertus est, maximè contemplan, quales pro quibus facti simus; cuius affectionis argumento nobis esse potest uox illa lugubris, qua compellauit Adamum, inquiring, Vbi es ò Adam? quarebat, nò ut aliquid disceret, cum nihil sit, quod ipsum clam esse possit, omnium scilicet rerum gnarus, sed percùtatione hac admonere uoluit, ut perpenderet, quis pro quali effectus esset. Vbi es, inquit? quasi diceret uiden' in quem horrèdum lapsum ex illa claritate deuenieris. Quare necesse est, uti oratio nostra, quæ principè locum meritò apud nos tenet, ueluti iudex quidam diligenter examinet, diiudicetque, quæ amplectenda, quæ uerò reiicienda sint nobis, & approbationibus rerum, ac animi permotionibus, non tamen sine diligenti quodam iudicio, omnia permittat. hoc enim illud est, quod inquit Paulus, Si nos ipsos diiudicauerimus, à Domino non iudicabimur. Ne
 itaque

itaque tibi curæ sint res futuræ, uerùm præsentēs ad utilitatem tuam disponito. quid enim utilitatis, obsecro, ex ista rerum præscientiâ percipitur? nam si id, quod futurum est, bonum erit, ueniet, etiamsi non antè animo prospexeris; sin uerò triste, quis hinc fructus, quæso, nisi quòd tristitiam adauges cumulasque tuâ? Bipartita fanè est prudentia; una quidem, studium propriæ utilitatis continet, coniuncta cum insidiis proximi, qualis est serpentis, qui in custodiendo capite omnem operâ ponit suam; altera quasi improbitas quædam morum esse uidetur, quæ propriam utilitatem citius inuenit, & quæ homines sinceriori animo præditos spoliât, & deprædatur. at uera prudentia nihil aliud est, quàm rerum faciendarum omittendarumque cognitio; quâ qui sequitur, nullo tempore à uirtutis operibus deflectet, nec unquam prauitatis spiculo configetur. Cùm autem nemo satis esse possit, ut suo marte id, quod decens & utile sit, inueniat, idcirco summis beneficiis complectens nos Deus, consultores & dominos subinde dat nobis. Regis namque proprium est, iis, qui suæ parent potestati & imperio, dominari; consul-

consultoris uerò munus est, his, quibus
 consilium dat, persuadere ea, quæ è re
 ipsorum sint futura. Proinde, etiam unus
 quisque nostrum, non principem se po-
 pulo à Domino datum esse existimare
 debet, sed consultorem. sic quoque Pau-
 lus consultor erat noui testamenti: unde
 dicit, Consilium do uobis, uti is, cuius
 misertus est Dominus. Magna autem est
 utilitas, consultoris prudentis ac familia-
 ris præsentia: supplet etenim id, quod
 deest prudentiæ eorum, qui de rebus am-
 bigentes consultant. Quanta uerò utili-
 tas ex consilio alterius percipiatur, uel ma-
 ximè patet in Mose, qui quantūuis omni
 Aegyptiorum sapientia instructus esset,
 & licet cum Deo de facie in faciem, uti
 amicus cū amico sermonē & consilia con-
 ferret, tamen soceri sui Iother consilium
 est sequutus, in constituendis centurio-
 nibus, decurionibus, ac tribunis, qui præ-
 essent, & iudicarent populum. Sic etiam
 Daud consilio Chusis usus, hostilis animi
 consilia Architophel euerit dispulitque.
 Profectò diuina quædam res est consiliū;
 est nanque animi coniunctio, charitatis
 fructus, mentis demissi demonstratio.
 Superbia etenim magna habetur, existima-
 re

re nullius se egere auxilio, ac sibiipſi pe-
 nitus acquieſcere, quaſi uel ſolus ſapiat,
 uel quàm optima in medium conſulere
 ualeat. Quare nequaquàm cunctemur
 iis nos ſubmittere, qui nobis ea, quæ de-
 cora ſunt, conſulunt, nec unquàm turpe
 eſſe ducamus, confiteri, alios quo ad ui-
 tam inſtituendam nobis longè eſſe pru-
 dentiores. qui enim conſultorem expe-
 ctat, ſuiſque cogitationibus tempus dat,
 iſ longiori tempore, cum examinatione
 ac attentione quadam id, quod decet, in-
 quirat, atque inueſtigat. Magnā meher-
 culè affert hominibus utilitatem conſi-
 lium eò quòd nemo ſibi ſufficiat ad ele-
 ctionem rerum utilium honeſtarumue,
 ſed pluribus ſanè ſociis, & iis quidem ſo-
 lertibus opus habet. unde haud abſurdè
 homo conſilij expers, ſimilis cenſetur na-
 uigio rectore carente, quodque uento-
 rum impetu huc & illuc impellitur. Si
 itaque cum de rebus flocci ac nihili con-
 ſultamus, conſultores tamen nōnunquàm
 adhibemus, cur, amabò, hos non inqui-
 rimus maiori cum delectu, quando de
 anima, re omnium præſantiſſima, de-
 liberamus? Qui uerò habens conſilium
 bonum, ſuam potius prauam ſequitur ſen-
 ten

tentiam, similis profectò est illi regi Ro-
boam, qui spreto salutari consilio senum,
adolescentulorum, qui secum alti & edu-
cati erant, opinionem sequutus, decem
tribus Israël ab imperio suo absçidit.
hoc modo etiam nunc, consilia, quæ con-
tra bonos mores dantur, in propria capi-
ta eorum, qui consulunt, redundant,
perinde ac tela iacta à corporibus solidis,
in eos, qui ea emisere, resilire solent. cu-
stodit nanque dominus hos, qui se amant,
& omnes, qui semetipsos uitiis inquinât;
funditus delebit: quoniam par est eum
omnem gloriam, honorem, ac maiesta-
tem per uniuerfa sæcula consequi. Amen.

D E A N I M A

O R A T I O . I I I I .



M N E studium & operam
suam in eo ponere, ut cor-
pus quàm optimè sese ha-
beat, nō eius esse arbitror,
qui se ipsum cognoscit, ne
que illius, qui sapientissi-
mum illud dogma probè perspectum ha-
bet,

bet, Hominem nimirum, non esse id, quod cernitur, sed præstantius quippiã, ad cuius cognitionem eximia sapientia, & instrumento excellentiori nobis opus esse arbitror, cuius opera & beneficio, unusquisque nostrum, quidnam sit, tandem intelligat. quod sanè iis, qui animũ à uitiis non remouent suum, profectò longè est difficilius, quàm lippienti intueri solem: ut enim in cera scribi non potest, nisi prius characteres impressi deleantur; ita nec animus diuinis institutis probè instruetur, nisi multò antè eas opiniones, quas ex consuetudine & usu acquisiuit, euulseris, aut certè suppresseris. Nam si animum proba cogitatio deficit, patet quòd eum etiam splendor deficiat & illuminatio; non tamen ideò, quòd illi defuit, aut penitus recesserit id, quod ipsum illustrare debeat, sed quia dormitet uel etiam oppressum latitet. Quemadmodum enim nec corpus, si spiritibus præclusis respiratione caruerit, uitam trahere ualet; sic nec animus consistere, & uires suas exercere potest; dum in ignorantia conditoris sui uersatur. siquidem uerissimè ea, animi mors, & uiui hominis sepultura censetur. Quapropter corpori seruien-

ri seruiendum non est, nisi quatenus summa nos cogit necessitas, sed animo alacriter ea omnia suppeditanda sunt, quæ bonitate cætera cuncta præcedunt. hoc nanque pacto & animum ipsum à societate & communione, quæ illi est cum corpore, quasi è quodam carcere perpetuo in libertatem asseremus, & corpus longè fortius ac cunctis perturbationibus ualētius reddemus. Qui enim id unicè student, ut corpus quàm optimè sese habeat, animam autem, quæ corpore ueluti instrumento quodam utitur, quasi rem nullius precij negligunt ac pro nihilo ducunt, hi mihi nequicquàm ab iis differre uidentur, qui instrumentorum exactam curam gerunt, at ipsam artem, quæ iis utitur, flocci pendunt. Tu si sapias, omnem curam, studium, & industriam conferes, non in tuas res, neque in ea, quæ circum te sunt, sed tantummodò in te ipsum. aliud nanq; nos sumus, aliud res nostræ, aliud denique ea, quæ circum nos sunt. Animus quidem nos sumus, quatenus ad similitudinem & exemplar conditoris ficti & creati sumus; res nostræ sunt corpus, ac sensus, quibus illud præditum est; circum nos uerò sunt artes, pecuniæ, & re-

liqua uitæ nostræ communis supellex .
 Proinde noli carni adhærescere , neque
 illius commoda modis omnibus quærito ,
 sed animum exorna . in quo excolendo ,
 omnem operam & diligentiam ponito ,
 consumitoque . Ac in primis quidem dā
 operam , ut omnes sordes , atque quisqui
 liæ , ex malitia acquisitæ , precatione se-
 dulò eluantur . neque enim fieri potest ,
 ut speculum , quod sordibus inquinatum
 est , germanas imaginum repræsentatio-
 nes ac simulacra suscipiat , reddat ue ; sic
 nec animus , rerum humanarum curis di-
 stractus , & iis perturbationibus , quæ ex
 corporis studio proficiscuntur , obcæca-
 tus , spiritus sancti illuminationem susci-
 pere ualebit . par itaque est , nos existima-
 re , animi bonum , natura ipsa rem præ-
 claram atque præcellentem esse . Animæ
 thesaurus , corporis egestas est ; eo enim
 ditescente , illam summa penuria labora-
 re oportet . Quemadmodum enim in li-
 brarum momentis , ponderibusque , si
 lancem unam degraues , leniorem omni-
 no facies eam , quæ ex opposito ponitur ;
 eodem modo etiam se res habet in cor-
 pore & anima : siquidem unius redundan-
 tia , necessariam alterius inducit ac effi-
 cit

cit diminutionem. Corpore bene affecto carneque onusto, necesse est mentem ad actiones suas proprias obeundas imbecillam admodum ac infirmam esse. è conuerso, si animus bona habitudine præditus, & præclara meditando ad proprium sui fastigium euectus fuerit, corporis habitus contabescat, concidatque necesse est. Et sicut nulla nos ratio docuit morbum fugere, & odisse, sed sponte, natura duce, ea, quæ nocent, aspernamur, & declinamus; ita & animi est quædam rerum malarum declinatio, non edocta, uerum naturæ ipsius instinctu prodita. Malum certè omne infirmitas animi est, uirtus uerò sanitatis rationem habet. Nemo filium suum in foueam cadentem negligit, aut eum, qui iam cecidit, in lapsu relinquit; impius etenim, & ab omni humanitate abhorrens meritò haberetur, at quanto periculosius est, animam, quæ in profunditate peccatorum est immersa, permittere, ut fundum æterni exitij petat. Quapropter oportet ut anima omnibus perturbationibus imperet, seruiat uerò ipsa soli Deo; alioquin fieri non potest, ut eadem simul & à peccatis, & Deo, possideatur; sed necesse est, ut peccato

dominetur, pareat autem ipsa uniuersarum rerum Domino. Ac ut plantæ propria uirtus est maturo fructu turgere, in quo summa & natiua eius commendatio est posita, accedunt tamen folia & ramusculi, cum quadam uenustate ipsam decorantes; sic quoque animæ præcipuus quidem est fructus, & effectus, ipsa ueritas; qua etsi satis speciosa resplendet, non iniucundū tamen erit, immo gratissimū, si externa quoque sapientia, ueluti quibusdam foliis, quæ & tegumentū quoddam fructui, & aspectum non ingratum præstent, circumdata fuerit. nullus pictor quidem imaginem corporis ita exacte exprimere potest, ut sermo animæ arcana prodit ac effingit. huic igitur, quā tum in nobis est, omnem operam demus, ut possimus bona consequi futura, in Christo IESU Domino nostro, qui unā cum patre & sancto spiritu in omne tempus laudetur atque celebretur. Amen.

D E F V T V R O

Iudicio

O R A T I O V,



V' m peccatū aliquod perpetraturus sis, reuolue, quæso, prius animo tuo horrendum illud ac intolerabile Christi iudicium, in quo præsidet quidem iudex in alto ac excelso throno, astat autē omnis creatura tremebunda, ob gloriosum illius conspectum. Cogetur autem ibi unusquisque nostrū, uitæ suæ rationem reddere, eum uerò, qui multa mala, in uita cū esset, perpetravit, truces quidam ac formidabiles circumstant angeli, igneam faciem præferentes, ignemque spirantes, propter nequitiam ac prauitatem sui instituti; nocti uultu similes, ob mœrorē & odium, quo sunt in homines, post mente agita, barathrum illud profundum, & tenebras, quæ perspiciqueunt, & ignem, qui in tenebris non lucet: urendi quidem facultate præditus

est, at luce caret. item uermium quoddam genus, quod uenenum emittit, carnibusque uescitur, quodque etsi mirandum in modum uoret, nunquam tamen famem explere potest, intolerandos dolores corrodendo inurens. nouissimè supplicium omnium grauissimum, nempe opprobrium illud & pudorem aeternum. Hac time & horum timore institutus, animam à malo, ueluti freno quodam coercas. nam qui diem illum ac tempus ante oculos sibi proponit, quo omnis creatura coram iudice sistetur, rationes afferendo eorum, quæ fecit, & semper meditando defensionem in foro, in foro inquã, ubi nulla fraus & dolus ualet, talis aut nihil omnino, aut exiguum quiddam delinquet. Homines enim ideò peccare solent, quia timore Dei carent; at qui certò minas expectant; iis domesticus ac familiaris timor, nullum tempus concedet ad actiones imprudētes uel cogitationes delabi. Etenim etiam generosi Dei athletæ, quāuis omni tempore uitæ suæ, cum iis hostibus, qui omnem sensum effugiūt oculorum, decertarunt, ac omnes ipsorum persecutiones superarint, tamen dū animam agunt, à principe huius sæculi exami-

examinantur, nū uulnera à luctatoribus
acceperint, aut maculas aliquas, uel typos
à peccato impressos retineant. quòd si nul
la uulnera accepisse reperiuntur, nullasq;
maculas concepisse, tanquàm inuicti exi
stentes ac liberi, à Christo reficiuntur. at
que hæc quidem ex ipso Domino discere
potes, qui tempore passionis dixit, Nunc
princeps huius mundi uenit, & in me qui
dem nihil poterit: homini uerò sat fuerit,
si dicere possit, Nunc uenit princeps hu
ius mundi, paruaque & exigua quædam
est illi in me potestas. Proinde diligen
ter meditare ea, quæ tremenda à Deo
accident iis, qui supplicio afficiendi erūt;
quando nimirum stellæ obducentur tene
bris, Sol autem obscurus, & Luna sine
splendore erit; quando fulmina iacien
tur, & tonitrua magno cum terrore dis
rumpentur; quando super capite aër tene
bricosus existet: ita ut omni ex parte sit
consolationis experts, examen eorum, qui
iræ tradentur. Nam creatura conditori
suo ministrans, pœnis afficiet iniustos,
eos uerò, qui omnem spem suam in eo po
suerunt, omni genere beneficiorum com
plectetur, & perinde ut, cū unus pecca
tor ad frugem redit, in cœlis gaudio per

funduntur omnes; ita rursus mœrore affliguntur, dum aliquis peccando ab effectu suo desciscit. Tum ignis ille, qui est præparatus in supplicium diabolo & angelis ipsius, uoce Domini disseccabitur, ut cum sint duæ ignis facultates, urédi una, illustrandi altera; acris quidem & punitoria uis ignis permanet apud eos, qui meruerunt ut urerentur; at illustrandi & perspicua exhilarationi beatorum cedit, ita ut supplicij quidem ignis obscurus, requiei uerò urendi expers permaneat. Nec est quòd de eo dubites, in retribuendis enim facinoribus huius uitæ, natura ignis diuidetur, lux quidem ad usum iustis, urendi uerò uis, iis, quibus supplicia irrogabuntur, est constituta. sed longè magis horrendus est, quàm tenebræ & ignis ille æternus, is pudor, quem perpetuò ij, qui se uitiiis obstrinxerunt, retinebunt, semper ob oculos habentes eius peccati, quod, dum uitam agerent, patrarunt, uestigia, perpetuò in memoria ipsorum quasi quædam tinctura, quæ deleri non possit, permanentia. Paucorum autem est accedere ad ueram lucem, & post abditorum reuelationem non abire facie confusa. Dei enim abalienatio, ac auersio, inter

Inter eas omnes pœnas, quæ in gehenna expectantur, longè intolerabilior ac grauior ei est, qui plectitur, etiâsi dolore careat, quàm oculo lucis priuatio. Quòd si quis omnem simul ex quo homines in lucem editi sunt, sermone complectatur, in unumq; congreget foelicitatem, ne minimæ quidẽ parti illorum bonorum inueniet illam parem; sed uniuersa huius bona, plus à minimo illorum dignitate distant, quàm umbra & somnium, à rebus ueris, immo multò magis. quanto enim anima in omnibus præstat corpori, tanto etiam hæ utræque uitæ, inter se differunt. Verùm plurimi ex illis uerbis; Ille quidem multis flagris cædetur, ille uerò paucis, finem supplicij eorum, qui puniuntur, esse aiunt. at illa non temporis productionem aut adimpletionem, sed differentiam pœnæ declarant; cùm Dominus interdum affirmet, quosdam ad pœnam æternam ituros, iustos uerò in uitã sempiternam. interdum uerò cùm quosdam ableget in ignem æternum, qui est præparatus diabolo & angelis ipsius, & nonnunquam nominante eo gehennam ignis, & addente, ubi uermis eorum mortem non oppetit, nec ignis deletur, & cū

præterea per prophetam de quibusdam
 dicat, quòd uermis eorum non occum-
 bet, & ignis ipsorum non estinguetur.
 Hæc & talia cùm sacræ literæ dicant,
 unum omnino illud est, ex insidiis & ca-
 liditate diaboli, quòd cùm multos homi-
 nes tantæ ac tales Domini sententiæ præ-
 tereant, finem supplicij, ut audentiores
 ad peccandum sint, sibiipsis proponant.
 Quòd si aliquando supplicij æterni erit
 finis, erit etiam profectò & uitæ eternæ.
 at si hoc de uita statuere nolumus, quo-
 modo, amabò, rationi erit consonum,
 æterno supplicio finē statuere uelle? æter-
 ni enim adiectio æqualem uim habet in
 utrisq; . Ibunt, inquit, hi ad supplicium
 æternum, iusti uerò in uitam æternam:
 illud itaque, Ille uapulabit plurimùm, al-
 ter paululum, non finem, sed differentiā
 supplicij demonstrat. Nam si Deus iu-
 stus iudex est, non solùm bonis, sed etiā
 improbis æquum se præbebit, æqua præ-
 mia unicuique, iis, quæ quisque in uita
 gesserit, tribuens. fieri enim non potest,
 ut ille, quidem igne, qui deleri nunquam
 possit, dignus sit, & eo, aut magis frigi-
 do, aut magis ardenti; ille uerò uerme
 immortali, & eo rursus, aut mitius af-
 fligente,

fligente, aut uehementius, prout unusquisque meritus est; alter gehennam meritus est, alter tenebras externas, cum omnino supplicia inter se discrepent, & illic quidem alter solum in fletu, alter uero etiam in stridore dentium, ob incrementum calamitatis existit. ac sanè illud, In externas tenebras, prorsus declarat esse etiam & internas; & illud, quod in parabolis dictum est, In fundum inferni, denotat quosdam esse in inferno quidem, sed non in ima parte inferni, qui longè mitius supplicium aliis subeunt. Nec me existimes uelim, ueluti nutricem quandam terriculis te terrere, quemadmodum illæ pueros, cum nimium lugent, consueuere, cōfictisque fabellis eos quietos reddunt. hæc enim non fabulæ, sed sermo uerus multò antè prædictus dicit. proinde certò tibi persuadeas, exquisitum examen fore eorum, quæ in uita peregrinamus. Iniuria affecisti fratrem, eandem præstolare: ademisti bona eorum, qui minus te poterant, pugnis concidisti pauperes, conuicium fecisti, calumniam adhibuisti, mendacium dixisti, alienis nuptiis insidias struxisti, peierasti, terminos auitos transtulisti, fortunas pupillorum

rum inuasisti, uiduas iniuriis onerasti, præsentem uoluptatem bonis futuris prætulisti, proinde horum omnium expecta retributionem. ut enim unusquisque se-
mentem fecerit, ita & metet. quòd si etiã aliquid boni egisti, illud tibi quoque ma-
gno cum scenore rependetur. Quamob-
rem etiam atque etiam tecum reputes ex-
tremum diem, ò homo; non enim solus
tu omni tempore uitam ages: & diligen-
ter consideres uelim, anxietatem illam,
& suffocationem, & horam mortis, &
sententiam Dei urgentem, & angelos fe-
stinantes, & animam his grauiter pertur-
batam, quæque à delinquente conscien-
tia crudeliter affligitur, tum etiam quæ
se ad ea, quæ hîc sunt, miserabiliter con-
uertit; postremò ineuitabilem necessita-
tem longæ illius peregrinationis animo,
& cogitatione præterea comprehende,
ultimam illam communis uitæ euerfio-
nem; quando scilicet ueniet filius Dei in
gloria sua: ueniet enim nec tardabitur,
iudicare uiuos & mortuos, & rependere
unicuique æqua præmia, iis, quæ, quis-
que gessit: quando tuba illa magno &
horrendo sono edito, eos, qui iam ab æ-
terno dormierant, excitabit, & procedent

dent ij, qui bona egerunt in resurrectionem uitæ, qui uerò mala, in resurrectionem iudicij. Memoria repete diuinam illam Danielis uisionem, quæ nobis iudicium Dei ob oculos ponit. Intuebar, inquit, quàm longè throni extensi esset; & antiquus dierum sedebat, fluuius ignis ante ipsum circumuoluebatur, mille milia ministrabant ipsi, centena millia circunstabant ipsum, iudicij locum constituit, & libri aperti sunt, qui manifestè, bona, mala, aperta, abdita, facta, uerba, cogitationes, omnia aceruatum, ita ut ab angelis, & hominibus exaudiri possint, patefaciunt: tum etiam, quales necesse sit eos esse, qui perperam uixerunt. ubi, inquam, anima illa submergetur, quæ in oculis tot spectatorum, tam fœdæ turpitudinis plena esse uisa est. quali uerò corpore infinita illa ac intolerabilia flagra perferet? ibi est ignis, qui extingui non potest, & uermis, qui sine intermissione ulla corrodit, & fundum inferni tenebricosum ac horrendum, & eiulatus anari, & ululatus indecorus, & ploratus, & stridor dentium, nec finis est ullus malorum. His nemo potest liberari post mortem, neque reperiri potest ulla industria

stria, neque ars, qua adiutrice, effugere
 possimus acerba illa supplicia. Hæc nunc
 effugere licet. proinde dum licet, nos
 ipsos tantis malis liberemus, neque spem
 nostri abiiciamus, si modò uitia depo-
 nere uoluerimus. Est in promptu uia sa-
 lutis, si modò uelimus, te quærit pastor
 bonus, relictis iis ouibus, quæ non aber-
 rarunt: si te dedideris ipsi, non tarda-
 bitur, neque indignum ducet ille homi-
 num amator te, super humeros proprios
 gestare, gaudio exultans, quòd inuene-
 rit ouem, quæ perierat. stat ille pater,
 & expectat, ut errorem deponas, modò
 te in uiam des, & dum adhuc longè abe-
 ris, accurrens irruet in collum tuum, a-
 micisque amplexibus complectetur eum,
 qui iam dolore pœnitentiæ purgatus est.
 Et si quis illi ex his, qui se stare putant, ui-
 tio uerterit, quòd citò assumptus est;
 ipse ille bonus pater patrocinium tui su-
 scipiet, dicens, Latari oportet & gaudio
 exilire, quia hic filius meus mortem op-
 petierat & reuixit, perditus erat, & re-
 pertus est, cui gloria in perpetuum tri-
 buatur. Amen.

DE MORTE

ORATIO VI.



Trum est, o uiri amicissimi, quāni statim unusquisque nostrum, postquam ex utero materno in lucē prodierit, temporis fluxionibus uinctus rapiatur, at tergo semper diem, quem transegit, relinquens, neque ad hesternum, etiamsi totis adnitatur uiribus, reuerti unquam potest. nos autem latamur ulterius arate progrediendo, ac tempora per uices mutantes, quasi aliquid assumeremus, ita exultamus, beatumque sanè iudicamus, si quis ē puero uir, ē uiro autem senex efficiatur; nescij, quod semper tantum nobis de uita decedat, quantum temporis ipsam coluimus. neque sentimus uitā consumi, quāuis eam omni tempore ex praterita, ac ea, quæ iam praterlapsa est, metiamur. neque mente agitamus unquam, id, quod sanè scitu est perdifficile, quantum temporis interuallum is nobis

bis ad cursum concedere uolet, qui nos
 ad hanc mundi peregrinationem ablega-
 uit, neque etiam mente diligenter per-
 pendimus, quænam onera sint ad eiusce
 modi iter leuia, quæque facillè ferri pos-
 sint, & quæ è contrario grauiæ, quæ mo-
 lesta, quæ terræ affixa, quæque homini-
 bus omnino coniungi nec soleant, nec
 permittunt etiam, ut hi, qui ea gestant,
 per portam illam angustam transire ua-
 leant. Sed quæ cogitare debebamus, ea
 ut plurimum relinquimus; quæ uerò pro
 nihilo ducenda erant, ea sæpè colligimus
 anxij. præterea, iis, quæ facillè nobis
 coniungi, ac animo corporique nostro
 ornamento esse possint, ne tantillum
 quidem studemus; quæ uerò perpetuò
 aliena à nobis sunt, quæque turpitudine
 nos fœdant, ea congregare adnitimur,
 in cassum laborantes, ac eum laborem
 sustinentes, qualem is subire solet, qui
 dolio pertuso aquam haurit. Quemad-
 modum enim illi, qui iter aliquod longū
 conficiendum suscipiunt, semper ulterius
 ad cursum, pedum gressus mutua conten-
 tione permutantes, semperque priorem
 in terra fixum posteriorem reddentes,
 ueloci alterius pedis transpositione, fa-
 cillè

cilè ad metam uia perueniunt; sic etiam illi, qui ad uitam à conditore producti sunt, statim in principio, interuallis quibusdam temporis procedentes, & semper quod præcessit, post se relinquentes, finè uitæ ac terminum attingunt. Nam mihi quidem præsens hæc uita nihil aliud esse uidetur, quàm perpetua quædam uia, & ueluti quoddam iter, ætatibus, quasi stationibus quibusdam interstinctum; quod quidem profectiois unicuique exhibet & principium, uidelicet maternos partus, & finem cursus, nempe sepulchrorum tentoria, ad quæ uniuersos ducit; alios quidem citius, alios uerò tardius, & alios quidem per omnia temporis interualla itinere confecto, alios uerò, neque in primis uitæ stationibus mora facta. Ille nāque Deus, qui nos finxit, atque anima ornauit, certum ac proprium unicuique animæ uitæ statum præfixit, atque aliis alios uitæ terminos statuit, nonnullos enim longiore temporis spatio in hac uita manere iult; nonnulli uerò, ut citius, iis corporis tuniculis, quibus sunt astricti, leuarentur, ordinauit, iuxta inenarrabiles ipsius sapientiæ ac iustitiæ rationes. Animæ siquidem nostræ

simile quiddam mihi pati videntur his,
 qui in carceres conduntur; quorum non-
 nulli longiore tempore uinculorum aru-
 mnas sustinent, nonnulli citius e uinculis
 emittuntur; sic & animæ nostræ affectæ
 sunt, quarum aliæ multum sanè temporis
 in hac uita permanent, aliæ uerò ocysus
 ex uita hac migrant, secundum analogiā
 ac proportionem dignitatis uniuscuiusq;
 Deo Opt. Max. prudenter, ac sapienter,
 & sanè ita, ut mens hominis cogitatione
 consequi non possit, res nostras gubernan-
 te atque disponente. Vt enim illi, qui in
 nauigiis dormiunt, casu ac fortuito à uen-
 to ad litora deferuntur, etiam si ipsi ne
 minimum quidem sentiant, cursus ta-
 men ipsos ad finem ducit; ita etiam nos,
 tempore uitæ nostræ præterlabente, ue-
 luti continuo ac perpetuo quodam mo-
 tu, ad proprium terminum uitæ nostræ,
 cursu quodam, qui uix percipitur, dela-
 bimur. Viator, o homo, ueluti quidam
 es in hac uita; omnia præteris, omnia à
 tergo relinquis; conspexisti in uia plan-
 tam, aut herbam, aut aquam, aut quod
 uis aliud huiuscemodi, paululum iis oble-
 ctatus, præteriisti: rursus incidisti in la-
 pides, in ualles, in rupes præcisas, in sco-
 pulos

pulos, in paludes, aut etiam in feras, in reptilia, in spinas, aut in aliquas alias res molestas; paululum his perturbatus, mox rursum ea reliquisti. talis etiam est uita hæc humana: nam neque res iucundas stabiles, neque tristes satis firmas continet. hodie agrum tuum coluisti, cras alius, & mox post illum alius eundem colet. uidesne agros hos, hasque magnificè extructas ædes? Dij boni, quot iam nomina unaquæque harum, ex quo extructæ sunt, mutauit; quæ huius paulò antè esse dicebantur, nunc ab alio nomen acceperunt; & quæ iam in istius uenerunt ditiorum, exiguo temporis interuallo in alterius dominium transeunt. Num igitur uita nostra similis non est uiæ? quæ cum alios subinde transeuntés mutet, omnes tamen habet mutuò se insequentes. Omnes, quidem uias, quæ ad urbem ex urbe aliqua ducunt, declinare possumus, & si uelimus, integrum est eis se non committere; at uitæ huius nostræ uia, etiamsi cursum differre maximè cupiamus, ui tamen nos comprehendens, ad eum nos trahit terminum, quicumque nobis à Deo fuerit præscriptus. nec fieri potest, ut, qui semel eam portam, quæ ad hanc du-

cit uiam, est ingressus eique si se dederit, non aliquando ad finem illius perueniat. Nolite igitur, obsecro, maiori honore afficere res ignominiosas, quàm res præclaras, magnoque honore dignas, nec sitis iniqui rerum æstimatores, uitam mortalem, immortalì ac beatæ antepponentes. nam præter illas ignominiosas perturbationes, quibus plurimi eorum, qui uoluptatibus dediti sunt, student, etiam rebus iis, quæ uitæ huic inseruiunt, animæ præstantiam inflectunt, ac eam, quasi in seruitutem quandam carnis adducunt. ubi autem seruitus, ibi etiam ignominiam esse patet. Proinde fugienda nobis est hæc uita, cui inhonestas quædam adnata est. Nihil enim, inquit, ille, egregij facio, me ipsum tibi domino meo tradens; seruus tuus cum sim, possessionem tuam ad te defero. quandoquidem omnis res condita, eius in dominio est, à quo facta atque creata est. Quapropter eum hominem, qui in carne uiuit, ceu peregrinum & accolam quædã hîc esse conuenit, ut, qui cum ex hac uita decesserit, propriis in locis sit conquiesciturus. Vnde Abraham in uiuis existens, cum extraneis tanquàm peregrinus & ad-

uena quidam habitabat, neque pedis ue-
stigium propriæ terræ possedit, ad sepul-
turam saltem propriam sibi ipsi terram,
quæ eius corpus susciperet, comparauit.
Longè itaq; ad uitam degendam est bea-
tius, non adhærere iis rebus, quæ sunt in
terra, ueluti propriis, nec hanc, quasi na-
turalem complecti patriam, sed in hoc
uitæ statu, tanquàm ex condénatione ali-
qua sumus grauati, perseuerare, nō secus,
ac si à iudicibus quibusdā, ob certa
facinora in exilium pulsi hīc exulare iussi
essemus. Diuitiis gloriaris? ob maiores
tuos superbis? splendor te effert patriæ?
ob corporis denique uenustatem, ac eos,
quī tibi ab omnibus tribuuntur honores,
altos summis spiritus? Mortalem te, qua-
so, esse recordare; terra equidem es, in
terramque rursus dissoluēris. circūspice
eos, qui ante te similibus sese splendori-
bus efferebant, ubi nam sunt illi, qui ci-
uilibus dignitatibus ornati erant? ubi in-
uicti rhetores? ubi duces? ubi dynastæ?
ubi tyranni? non ne omnia puluis? non ne
fabula? non ne in paucis ossibus memoria
uitæ ipsorum conseruatur? contēplare se
pulchra, uide num poteris discernere,
quis nam seruus, qui dominus, quis pau-

per, quis locuples fuerit? diiudica, si tan-
 tum tibi est ingenij, uinctum à rege, ro-
 bustum ab imbecilli, formosum à defor-
 mi: hoc modo si naturæ fatalem cursum
 tecum expenderis, nunquàm mehercule
 intumesces. Quam enim utilitatem ho-
 mini locupleti mortem tãdem oppetenti
 afferunt diuitiæ? cum eas nec secum au-
 ferre possit, nec quicquam aliud ex usu
 earum lucri facit, excepto, quòd anima
 ipsius in hac uita ab adulatoribus delini-
 ta atque beata prædicata sit. nam ex hac
 uita decedens, omnem profectò hunc or-
 natum relinquet, uix unum indumentum
 capiet, quod ipsius uellet pudenda, idq;
 etiam tum demum, si seruis humaniori-
 bus, qui ipsum ad sepulturam amicient,
 ita uisum fuerit. bene mehercule cum il-
 lo agetur, si paululù terræ nactus fuerit,
 eaque propter commiserationem ipsi ab-
 iis, qui ei iusta facient, largita: qui qui-
 dem ipsi talia præstant, ob communis
 saltem humanæ naturæ reuerentiam, non
 illi hoc tribuentes, sed nudam humani-
 tatem uenerantes. Proinde nihil ex iis
 rebus, quæ in uita iucunda habentur, &
 ob quas plerique insaniunt, nostrum re-
 uera esse putemus. æquè enim hæc ab o-
 mnibus

mnibus alienissimæ sunt, tam ab iis, qui
 his frui videntur, quàm etiam illis, qui
 ipsas nec attingunt quidem. neque enim
 si aliqui aurum ingens in uita congesse-
 rint, proprium ipsorum perpetuà perma-
 net, sed, aut à uiuis adhuc, quantumuis
 ipsum omni ex parte coarctent, ad poten-
 tiores delapsum, aufugit, aut iam iam
 animam agentes deserit, nec uult simul
 cum eis, qui illud tenuerant, peregrè pro-
 ficisci. unde plerunque illi, qui, dum
 ab eo, qui uiolenter animas à misera hac
 carne separat, ad fatale hoc iter trahun-
 tur, frequentes se ad pecuniam conuer-
 tunt, ac labores propter hanc ipsam in iu-
 uenili ætate exantlatos desunt; at illa
 iam tum etiam aliorum spectat manus,
 nihil ipsis præter afflictâ memoriam infa-
 tiabilis auaritiæ, ac laborû, quos in colli-
 gendo consumpserant, reliqui faciens. li-
 cèt enim quis sexcenta terræ iugera pos-
 sideat, & magnificè extructas ædes inha-
 bitet, animantium omnis generis greges
 alat, & omnem denique inter homines
 principatum teneat: non tamen his per-
 petuò fruetur; uerùm breui temporis spa-
 tio dominatus, aliis rursus facultate ac
 opulentia illa cedat necesse est, ipse exi-
 git.

guam terræ partem subiēs, sæpius etiam
 ante ipsam sepulturam, & multoties prius
 quàm hinc discedat, ad alios & fortassis
 hostes bona sua transire conspiciet. Num
 ignoramus, immo in præputulo est, plu-
 rimos agros, domos, ciuitates ac gentes
 aliorum dominorū nomina, amissis prio-
 ribus, accipere, etiam uiuentibus ac ua-
 lentibus iis, qui ea & acquisuerant & te-
 nuerant? non uidemus olim seruitutem
 perpeffos, ad summas dignitates euectos?
 domini uerò aliquando in numero ser-
 uorum esse percipiebant, & à suis pro-
 priis seruis subacti, in seruitutem uene-
 runt, rationibus rebusque ipsorum de re-
 pentè, ueluti in tesserarum iactu, trans-
 mutatis. Quoties itaque herbam fœni,
 floremque uenustum conspexeris, fac ti-
 bi in mentem ueniat humanæ naturæ fa-
 talis fragilitas, ac recordare eius simili-
 tudinis, quàm Esaias propheta ille ma-
 gnus proponit, inquiring, Omnis caro ut
 fœnum & omnis gloria hominis ut flos
 fœni. qua sanè similitudine commodis-
 simè propheta complexus est, humanæ
 uitæ breuitatem, & fluxam commodorū
 eius lætitiā atque uoluptates. equidem
 hodie uegeto aliquis est corpore, diffluit
 delitiis,

delitiis, præstantem & gratum ei colorem flos ætatis præbet; animo magno ac forti est præditus; cras uerò is ipse miserabili apparet specie, quam uel tempus dedit, uel morbus immutauit. alius abundantia pecuniarum suspicitur, assentatorum magnus numerus, & cohors amicorum fictorum, qui eius captant auram, eum circumstat, multitudo cognatorum præstò est, comitatus illum sequitur infinitus; cuius alij in mensa ministrant, alij uerò necessaria munera tuentur. at hos dum secum exiens & rediens trahit, in odium eorum, qui se adeunt, incurrit. adde si placet, ad diuitias potentiam quandam in Republica, aut etiam regum honores, gentium gubernationem, aut exercituum principatus, præconem præcinentem, lictores fasces præferentes, ubique maximum terrorem ac metum eis, qui in illius sunt imperio, incutientes, uerbera intentantes, publicationes bonorum, abductiones, uincula, ex quibus intolerandus quidam metus iis qui parent, oboriatur: quid tandem ex his cunctis consequitur? una nox, una febris, aut pleuritis, aut pulmonis morbus, eum, qui ne commoueri qui-

dem posse uidebatur, subito rapit, & omni simul supellectili repente spoliat: atque sic eius illa gloria & maiestas somnij instar declarata est. Apparet itaque omnem hominis magnificentiam, ei flori, qui unus ex omnibus uel maximè instabilis est, aptissimè à uate comparatam esse. Sed quam, quæso, nobis miseri illi, qui uitæ huic totos sese tradiderunt, nimia illæ suæ parsimonie causam afferunt? Non uendo, aiunt, bona mea, neque illa erogo in pauperes, ut uitæ necessarios usus habeam: at ubi per omnem uitam, illis usus fuerò, post mortem demum meam pauperes ex cognatis & affinibus meis hæredes instituam. pro dolor, cum non amplius inter homines eris, tunc benignum ac liberalem te præbebis? cum mortuum te conspexero, piū ac fratris amantem compellabo? egregiam sanè gratiam ex liberalitate ista tua capies, quòd in sepulcro iacens, & in terram resolutus, beneficentiam ac magnanimitatem exerceas? quorum, cedò, temporum mercedem exigas? eorum ne, quibus in uita superstes fueris, an eorum, quæ post mortem sunt consequuta? atqui eo tempore, quo uiuebas,

uebas, uoluptatibus uitæ deditus, & delitiis diffuens, ne oculis quidem pauperes dignabare: qualis autem actio, talis etiam merces pro operibus debetur. ostēde prius opera, & tandem exige mercedem. Nemo me hercule finitis nundinis, mercaturam exercet, neque ille unquam, qui post certamina accedit, coronatur: neque qui iam confecto bello uenit, laudem consequitur. meritò igitur ne is quidem, qui uita iam exacta, post mortem pietatem exercet, pius esse censendus est. Si atramento & literis in mortis termino beneficentiam denunciare cupis, quis aperiet tibi tempus excessus? quis uas tibi modi finiendæ uitæ erit? perpende, obsecro, plurimos uiolentis periculorum incurfibus esse raptos: quibus ne uocem quidem emittere, ob mali irruentis atrocitatem, permissum est.

Quid igitur expectas tempus, quo incertum est, num cogitationum etiam tuarum dominus sis futurus? nox profunda est, morbus grauis, casus uarij, & qui opem ferat, nusquam interdum apparet; ac tunc demum, ubi huc & illuc circumspexeris, & miram penes te solitudinem esse uideris, dementiam tuam percipies.

fru-

frustra quæ stultitiam lugebis istam. In
 cuius nam modi tempus mandatum Do-
 mini differs? dum uita suppeditabit, in-
 quis; fruâr uoluptatibus, ubi autem de-
 cessero, faciam quæ sunt à Domino præ-
 cepta. cum uiueres teipsum mandato
 antè posuisti, post mortem & dissolutio-
 nem mandatum hostibus ac inimicis pre-
 tulisti; Ne enim, inquit, accipiat ille,
 accipiat Christus. quid uerò hæc agen-
 do facis? inimicos ne ulcisceris, an in pro-
 ximos beneficus es? Non est itaque anxie
 lugendus ex hac uita discessus uiri etiã
 uel maximè sancti, sed magis deploran-
 da natiuitas, & in hanc uitam ingressus,
 qui reuera per ignominiã fit, sordium ac
 fastidij plenus, atque sanè per ea, quo-
 rum ne conspectum quidem, etiam natu-
 rã maiores, facilè ferre possint. talis autem
 carnalis natiuitatis nostræ ingressus, natu-
 ræ necessitate constitutus est; at exitus &
 uitæ discessus pretiosus ac illustris habe-
 tur; non quidem in genere omnium ho-
 minum, sed eorum tantum, qui sanctè
 & iustè uitam hanc transgère. Pretiosa
 itaque mors est, sed natiuitas nequaquã.
 seminatur enim, ut inquit ille, in igno-
 minia, surgit in gloria. plantatur in cor-
 ruptio-

ruptione, resurgit sine ullo uitio. Quando in Iudaismo moriebantur homines, execranda & detestabilia eorū erant cadauera: at nunc si quis mortem Christi causa appetit, pretiosæ sanè eius sunt reliquię. Antea quidem in mandatis datum erat sacerdotibus & Nazaræis, ne se aliquo mortuo inquinarent, & si quis mortuum contigisset, pro immundo habebatur, vestesque eius abluebantur; nunc autem ille, qui contingit ossa martyris, quandam sanctificationis societatem, & eam gratiam, quæ corpori insidet, assumere putatur. prætiosa etenim est coram domino mors sanctorum eius. Confero cum generatione mortem, & desines flere eum, qui ex hac uita ignominie & miseriarum plena migravit. Sermo quidem diuinus nobis præcipit, exultare & lætari cum iustis, cum iis uerò, qui ex poenitentia lacrymas profundunt, lugere ac lamentari, & flere eos uel maxime, qui nullo dolore, nec affectionis sensu tanguntur, eò, quòd neque intelligant, quomodo & quàm misere pereunt, Non tamen existimandum est, cum, qui ob hominum mortem unà cum lugentibus flet, præcepto diuino satisfacere, cū

cum neque medicus ille sit probandus, qui dum ægris auxilium ferre debeat, seipsum inficit, ac morbis plenum reddit. David amicum Ionatham lugens, etiam inimicum simul defleuit suum: inquit enim, Mœrore conficior tui causa ò Ionatha, & uos filia Hierusalem Saulem deplorate. diuersa tamen ratione; hunc siquidem deflet, ut qui peccatis inquinatus sine pœnitentia è uiuis excesserit, at illum Ionatham, ut eum, qui se socium uitæ omni tempore ipsi præbuerit. Mors sanè cunctos manet homines, præstoque adest, iis terminis uitæ expletis, quos à principio unicuique nostrum præscripsit diuinum Dei præpotentis iudicium, qui ex longinquo, quid nobis singulis expediat, prospicit. Sed fortassis filii tui, quem in delitiis habuisti, obitus animam tuam grauius perturbat atque affligit? neminem profectò, ò amice, tam adamantino pectore esse arbitror, nec tam omnis humanitatis expertem, qui sine ulla perturbatione ferre possit id, quod accidit, cuiusque animam ualde casus illius filij non affligat, qui illustris familiæ hæres, qui gentis fulcrum, qui patriæ spes maxima, qui parentum probatissimorum

soboles

foboles præclara, qui denique sub multis
precibus ac cura sollicita enutritus in ip-
so ætatis flore, è mediis manibus pa-
rentum ereptus, discessit. hæc nonne
emolliant cor etiam plus quam ferre-
um? nonne dissoluent naturæ penetra-
lia, atque in commiserationem addu-
cent? uerum si ob eas res, quæ nobis acer-
bæ accidunt, lamentari ac lacrymis se-
dare uellemus, profectò ad eam rem om-
ne tempus uitæ nostræ nequaquam no-
bis sufficeret: & licet cuncti homines no-
biscum lugerent, efficere tamen non pos-
semus, ut luctus noster affectione careat,
nec unquam lacrymarum uis, sit quan-
tumuis uel maxima, explere & sarcire
ualebit iacturam earum rerum, quæ ad-
uersæ eueniunt. Proinde uos adhortor,
ac sedulò moneo, ut ueluti generosus qui-
dam & fortis certator, aduersus plagæ
magnitudinem consistatis, & grauitati,
tristitiæ non succumbatis, nec animam
uestram conficiatis, illud persuasum ha-
bentes, quòd quanuis rationes nos eo-
rum, quæ à Deo aguntur, prætereant, gra-
tum tamen & acceptum nobis esse debet
quodcunque à sapientissimo, & eo, cui
nos cordi sumus, est factum, atque ordi-
natum,

natum ; etiam si sit laboris & molestiæ ple-
 num . ipse enim probè nouit , quid ex usu
 uniuscuiusque sit , & quomodo id dispo-
 nere debeat , tum etiam cuius rei gratia
 inæquales uitæ terminos hominibus præ-
 stituerit . Torquentur quidem homi-
 nes in inuestiganda causa , cur alij cele-
 rius hinc euocentur , alij uerò in longius
 tempus , ut hac calamitosa uita affligan-
 tur , reseruentur : actum tamen agunt ,
 nec unquam huius rei causam indagare
 possunt . Itaque par est , in omnibus nos
 eius benignitatem adorare , nec agræ fer-
 re , immo recordari uocis illius præcla-
 rissimæ ac decantatæ , quam magnus ille
 athleta domini protulit , cum circa men-
 sam , uno momento temporis , decem li-
 beros deletos atque contritos cerneret ,
 Dominus dedit , dominus abstulit ; sicut
 domino placitum est , ita etiam factum
 est . hoc nobis in exemplum propona-
 mus . æquale siquidem præmium à iusto
 iudice tribuetur iis , qui etiam æqualem
 ac eundem animum fortem ostenderint .
 non me hercule orbatum sumus filio , sed
 expetenti reddidimus ; non euauit uita
 ipsius , sed in melius commutata est ;
 non terra absorpsit , quem paulò antè in
 oculis

oculis ferebamus nostris, uerùm cœlum
 recepit; expectemus paululum, & simul
 unà cum eo, cuius tanto desiderio flagra-
 mus, erimus. Neque enim longè abest tem-
 pus dissolutionis, & terminus præscriptus
 harum omnium rerum, quæ in hoc mun-
 do extant: nam in hac uita, perinde ac
 peregrinantes in itinere aliquo, ad idem
 omnes hospitium tendunt; in quo qui-
 dem licet alter alterum præueniat, uel
 alius iam abiit, alius uerò adhuc eò ten-
 dit: omnes tamen unus ac idem excipiet
 finis. nec quicquā refert, celerius an tar-
 dius hoc iter conficiamus, cùm omnes
 nos & illud ipsum iter, & non aliud fa-
 ciemus, & idem etiam manet diuerso-
 rium. Reuoca tibi in memoriam patrē
 tuum, quòd diem suum obierit. quid
 igitur mirum è mortali genitum, mor-
 talis filij patrem te esse? quòd autem mor-
 tuum dicis ante tempus legitimum, &
 prius quàm uita se expleffet, & ad certā
 ætatis mensurā peruenisset, & antè quàm
 hominibus claresceret, & successionem
 generis reliquisset; hæc sanè omnia lu-
 ctum non augent, sed potius consolatio-
 nem afferunt, quòd non reliquerit hoc in
 mundo orbos liberos, quòd non uxorem

uiduam, aut ærumnis infinitis expositam,
aut paulò pòst alij se uiro coniungens,
prioris penitus oblita, liberos eius des-
picientem atque negligentem. illud ue-
rò quòd non longius uitam puer produ-
xerit, quis est, obsecro, adeò mentis
emotæ, qui hoc non maximis in bonis
enumeret? nam lōgior hoc in mundo con-
uersatio, plurium infinitorumque pecca-
torum occasio existit. Cur, obsecro,
mortaliter de mortali sentire non afflueui-
sti, sed improuisam filij mortem suscepi-
sti? si quistum, cū primū tibi filij na-
tiuitas nunciata est, ex te quæsiuisset,
cuiusnam modi est id, quod recens natū
est? quidnam responsi dedisses? num
aliud, quàm hominem esse? quòd si ho-
mo, etiam mortalis, cū ea lege na-
scimur, ut moriamur. quid igitur præ-
ter opinionem accidisse eiulas, quòd oc-
ciderit ille, qui mortalis erat? non ui-
des lunam augescientem, & pòst deficien-
tem; terram florentem, & exiguo spatio
marcescentem? quid igitur mirum, si &
nos pars mundi cū simus, eorum etiam,
quæ ex mundo sunt, participes sumus? Fi-
lij charissimi, aut uxoris, quam ex ani-
mi sententia duxeras, aut alterius cuius-
dam

dam ex amicissimis, omniq̃ue beneuolentia coniunctis, priuatio mœrore te affligit, nihil profectò graue atque molesti homini prouido accidit, & ei, qui rectam rationem, uitæ ducem habet, nec secundum uulgi consuetudinem uiuit. Imperitorum sanè & parum à natura informatorum est, grauius ob consuetudinis separationem angi, & difficulter ac iniquo animo eam ferre, id quod bruta animantia faciunt. Vidi etenim ipse aliquando bouem ad præsepe lacrymantem, cum contubernalis ipsius morte ereptus esset. Nec tamen ego æquum esse censeo, silentio id, quòd acerbè nobis euenit, penitus præterire: neque etiã prohibeo, quin matres lugubres sermones ad suos conuertant; quandoquidem non me latet, quales matrum sint affectus, & quatenus conueniat ob res præsentēs dolori indulgere. Filio orbatus es eo, quem omnes matres laudibus ad cœlum usque efferre incolumem solebāt, ac sibi etiam tales esse liberos optabant, mortuum uerò uehementer, perinde ac si quæque proprium suum natum tumultu lasset, luxere: eius filij è uita excessus ingentem parenti attulit plagam; cum illo

F. ij enim

enim familia amplissima, ac genus illustre, quasi unico sublato sustentaculo, concidit. Heu, tantumne prauis demonis insultus mali perficere ualuit? heu tantumne dolorem terra suscipere? sol etiam ipse forsitan, si modò ei aliquis commiserationis est sensus, tetricum illud spectaculum horruit. hæc & similia animus doloris impatiens nobis subiicit, quæ singula quis, quæso, uerbis consequi potest? Sed istis posthabitis credas mihi uelim, res nostras Dei prouidentia non carere, quemadmodum sacrum eius Euangelium apertè docet, in quo scriptum legimus, Passerculum non cadere sine uoluntate patris cœlestis. quare quicquid factum est, uoluntate conditoris factum esse credito, cui quis, quæso, obuiam ibit? Feramus itaque æquo animo quodcunque nobis humanitus eius uoluntate accidit: nam molestè ferendo malum non corrigimus, & nosmetipsos pessundamus. Ne, obsecro, in crimen uoces iustum Dei iudicium. stolidi atque inepti sanè sumus ad exquirenda eius iudicia inuestigabilia. istud est tempus, quo dominus charitatis in se tuæ periculum facit; istud, quo tibi licet, eadem præmia ac bona ob tolerantiam

lerantiam consequi, quibus & martyres affecti sunt. Imitare Machabæorum matrem, quæ quanuis septem filios morte deletos uidisset, non tamen lacrymis ac luctui sese tradidit, neque uocem emisit muliebre, sed Deo egit gratias, quòd illos igne, ferro, ac aliis molestissimis uinculorum suppliciis ab hac carne dissoluisset; quam etiam ob causam & à Deo probata est, & ab hominibus in hunc usque diem celebratur. At dicet hîc aliquis, ingens est luctus, summus dolor, nec alius similis huic. assentior me hercule, & fateor, sed magnæ etiam sunt merces à domino repositæ iis, qui æumnas sustinent. Quando, ò mater, puerum in lucem edidisti, & Deo pro beneficio gratias egisti: num ignara prorsus eras, mortalis ipsa cum esses, mortalem eum te etiam peperisse? quòd si istud te non lauit, non tibi mirum uideri debet, si is uitam cum morte commutauit, qui ea lege natus erat ut occideret. Sed inquires, illud nos affligit quòd intempestiuè excesserit. immo fortasse potius opportunè; quandoquidem nos ne exprimere quidem nec intelligere possumus, ea, quæ nobis expediant, minus certè, terminum

idoneum uitæ nostræ statuere. Circumspice omnem hanc mundi machinam, nonne omnia, quæ in ea sunt, mortalia & corruptioni subiecta sunt? respice cælum, & hoc aliquando aliquo pacto dissoluetur: intuere solem & stellas uniuersas, sed nec hæ quantumuis uenustæ sint, perpetuò consistent: perlustra denique uniuersa animantia, tam terrestria, quàm aquatilia, flores, plantas, ipsum etiam terrarum orbem, singula & uniuersa hæc fluxa & caduca sunt, & quæ uno temporis momento euanescent. harum & similiarum rerû consideratio, hoc, quicquid aduersi nobis occurrit, meritò lenire ac leuare deberet. præterea, ut magis confirmaris, nunquàm metiaris afflictiones & mala ex semetipsis: hoc enim modo intolerabilia tibi esse uidebuntur. sed semper ea omnium aliorum hominum casibus comparato: sicque leuamen & consolationem exactam reperies. Illud autem fac firmiter teneas, ut parcas coniugi. mutuò uos consolemini, & caue ne luctu tuo calamitatem ipsi longè grauiorem efficias. suspectus est nobis immoderatus tuus in liberos amor, timemusq; ne quando ob morum mollitiem dolori

te tradens, mœroris nimij plagam accipias prima acerbiorē. Memineris uerò nihil ex his, quæ nobis tristitia eueniunt, ac si molesta essent, recipiendum, licet tum uel maximè imbecillitatem nostram attingant. quauis enim rationes nos lateant, secundum quas unumquodque eorum, quod fit, à domino, quasi utile nobis tribuitur: illud tamen persuasum nobis esse debet, omnia in rem nostram fore, uel ob patientiæ mercedem, uel quòd anima nostra abripiatur, ne amplius in hac uita moram trahens, uitiiis, quæ hîc dominantur, inquinetur. Si spes uitæ nostræ certis limitibus circumscripta esset, meritò fortasse quis ægrè ferre posset, quòd celerius à corpore distrahatur: sin uerò, cùm anima corporis uinculis liberatur, initium uitæ ueræ existit, iis nimirum, qui uitam iuxta uoluntatem Dei traduxere, quid tristamur perinde ac illi, qui spe omni carent? At uiri amici priuatio facit, ut luctum æquo animo ferre nequeas. agnosco, & in tuam sententiam libenter eo: nemo enim est, qui nesciat, permolestam esse illius luctus calamitatem, qui ex amissione uiri optimi prouenit; nec quenquam adeò ferreum

esse scio, qui cū acciperet hunc, qui cū illi consuetudo erat, ex hominum cœtu raptum, illius mortem, non ut proprium casum æstimet. Quòd si hi, qui ulteriori propinquitatis uinculo sunt coniuncti, sic molestè ferunt separationem uiri coniuncti, quo dolore par est tuā animam affici, ob dissectionem ueluti quādam uiri coniunctissimi? quæ reuera non minus est acerba, & grauis, ac si media corporis nostri pars abrumperetur. In huiuscemodi uerò, uel etiam tristioribus fatalis infirmitatis nostræ casibus, quam nam consolationem adhibebimus? perpetua & ineuitabilis est illa Dei nostri cōstitutio, ut omnis, qui in lucem hanc prodierit, tandem conuenienti tēpore etiam decedat. quòd si ab Adamo ad nostra hæc sæcula usque talis rerum humanarū status semper fuit & est, ne, quæso, grauius feramus communes naturæ ærurnas, sed potiùs grato animo suscipiamus sanctam Domini uoluntatem atq; ordinationem. Semper quidem sacrosanctæ scripturæ explanatio, & doctrina summæ est consolationis & utilitatis, sed uel maximè tali in tempore. memoria idcirco repete conditoris nostri decretum, quo omnes, qui

ex

ex terra orimur, in terram rursum con-
 uerti iubemur: nec quisquam adeò est
 magnus, qui dissolutionem effugere, &
 illa æterna sententia superior esse possit.
 licet formosus quis & omni admiratione
 dignus sit, strenuus simul ac omnibus
 animi uirtutibus exornatus: nullam ta-
 men in alteram partem habet exuperan-
 tiam. sed quia homo est, naturæ conce-
 dat necesse est, ut Adam, Noë, Abra-
 ham, Moses, aut ut alius quispiam eius-
 dem naturæ particeps. unum reuera hu-
 manæ naturæ omni admiratione dignum
 exemplum nobis conditor nostri in Mose
 expressit, quem uirum sic effinxerat, ut
 omnes in illum oculi conicerentur, om-
 nisque lingua res ipsius prædicaret. pi-
 ctiores & statuarij longè à dignitate ipsius
 aberrant; historici res eius præclare ac
 ex uirtute gestas dum enarrant, ad fabu-
 larum incredulitatem planè deueniunt.
 unde plurimi nec fidem adhibere uolunt
 his, quæ tristitia de ipso circumferuntur,
 neque omnino credere, hunc talem mor-
 te extinctum esse. perpessus tamen ea est,
 quæ & cælo, & astris, & terræ aliquan-
 do contingent. Quare sic calamitatem
 tuam metiare, ut neque eam è corde eii-
 cias:

cias: nec ita tristitia indulgeas, ut illi
 prorsus succumbas. uelim tibi persua-
 deas, eos, qui hoc in sæculo amicitia co-
 pulantur, post uerò morte disiungun-
 tur, uiatoribus seu itineris comitibus esse
 persimiles, qui unum ac idem iter ingre-
 dientes, etsi ob assiduam inter se conuer-
 sationem consuetudine uniuntur, tamen
 postquam commune iter confecerint, ne-
 cessariò & distrahuntur, & diuersa itine-
 ra suscipiunt, nec conuictui mutuo & cō-
 tractæ familiaritati inhærentes, ea, quæ
 principalis propositi erant, negligunt, sed
 causam & scopum, quæ eos à principio
 mouit, intuentes, quisque ad peculiarem
 & proprium instituti sui finem tendit. nã
 ut his diuersus uia erat scopus, contin-
 git uerò, ut inter eundem familiarita-
 tem inter se contraherent; ita etiam in
 uita hac peregrinâtes, quilibet proprium
 & peculiarem uitæ terminum propositum
 habet. & licet matrimonio atque aliis ui-
 tæ huius communis uinculis societate in-
 uicem astringantur, ne quidquàm tamen
 hæc morantur, quò minùs ad præstitu-
 tum terminum, quem superare nequeunt,
 tendant, atq; mutuò disiungantur. Grati-
 igitur est animi, non molestè ferre sepa-
 rationem

rationem hominis tibi necessitudine uel maxima coniuncti, sed potius ob eam societatem, quam à principio iniuistis, gratiam habere ei, qui ut iniretis, concessit. at tu cum tibi incolumis esset uir, cum filius florēs, aut quiduis tale, quod desles, nunquam gratiam habebas ei, qui te rebus presentibus cumulauit, immo eorum pertasus, ob ea, quibus carebas, conquirebaris: nam, cum uiro uno cohabitares, quod filios non haberes, angebaris; at iis adeptis, aut quod non essent tales, quales cuperes, aut quod deessent diuitiæ uel aliud simile, conquerabaris. ita insatiabilis cupiditas, nunquam non inuenit, quæ desideret. Quare sedulo cauendum duco, ne, dum presentes amicos non agnoscamus, sublatos uerò prosequamur & complectamur; nobismetipsis necessarias amicorum priuationes paremus. si enim ob præsentia bona, quæ Deus in nos contulit, non agimus gratias, merito nostro earum nobis ablatio contingit. Nam quemadmodum oculi, quæ nimis apposita sunt, non uident, sed distantia quadam opus habent; ita etiam ingrata animæ, in bonorum demum ademptione gratiam præteritam percipere uidentur.


tur. dum bonis fruimur, iis minimè contenti nullā largitori gratiam referimus: ubi illis priuati sumus, beneficium agnoscimus; beatumq; prædicamus. Verum nos posthabita rerum præteritarum, & absentium tristitia, discamus potius ob præsentia gratias agere, illaque æqui ac boni consulere; fateamur in aduersis medico sapiente opus nobis esse; in secundis, modica disciplina & castigatione; dicamus, Bonum est, domine, quòd humilem reddideris me; fateamur non esse dignas nec comparandas huius sæculi ærumnas ad gloriam, quæ in nos conferetur; dicamus denique, non satis dignè ob scelera nostra, cum grauiora promerueramus, flagris nos cæsos; ac dominum inuocantes precemur, castiga nos domine, ueruntamen in iudicio & non in impetu iræ tuæ. nam dum redarguimur à domino, castigamur, ne cum hoc mundo condemnemur. in splendidiore autem uitæ cultu illam Dauidis uocem tollamus, Quid retribuam domino pro omnibus, quæ tribuit mihi? rectè sanè ambigit uates, suamque tenuitatem ac infirmitatem agnoscit, quòd nihil habeat retributione dignum, pro his summis ac infinitis beneficiis,

neficiis, quæ Deus in nos subinde confert. ac sane longè maiora in posterum nobis promittit, & quidem ea, quæ nec oculus uidit, nec auris audiuit, nec in cor hominis ascendit, quæ præparauit Deus iis, qui ipsum in oculis ferunt, & qui eius uoluntatem sanctam obseruant. Hæc tanta bona faxit omniū præpotens Deus, ut & nos, carnalibus istis perturbationibus purgati, consequi ualeamus, gratia & benignitate domini nostri IESV Christi, cui gloria & potentia in sempiternum tribuatur. Amen.

Quarti & ultimi tomi finis.


Venetijs Ioan. Gryphius excudebat.

M. D. LXIIII.











4-3-4

